



52030 | B

1256)

1256



Digitized by the Internet Archive  
in 2017 with funding from  
Wellcome Library

[https://archive.org/details/b28770511\\_0001](https://archive.org/details/b28770511_0001)




WENCESLAI TRNKA  
DE KRŽOWITZ

S. R. I. EQVITIS MEDICIN. DOCTOR.  
IN REG. UNIVERS. THERESIANA BU-  
DENSI PATHOLOGICÆ PRO-  
FESSORIS P. O.

HISTORIA  
AMAUROSEOS

OMNIS AEVI OBSERVATA  
MEDICA CONTINENS.

PARS I.



---

VINDOBONAE  
Prostat apud RUD. GRÆFFERUM.

---

CIO DCC LXXXI.

306038

*Qualibet observatio lucis radios spargit, qui  
objectastrarum disquisitionum claram in  
lucem asserere queant; quorum efficacia  
ut intendatur, oportet eosdem dispersos in  
focum cogere.*

MARET.



I L L U S T R I S S I M O

A C

R E V E R E N D I S S I M O

D O M I N O

J O S E P H O

P E T H E Ö

DE ALSO-SZATA

PROTONOTARIO APOSTOLICO

CATH. ECCL. QVINQVE-ECCLES. CUST. ET  
CANONICO

EPISCOPO DRIVESZTENSIS

S. C. R. A. MAJEST. CONSILIARIO

ATQVE

AD EXCELS. TABULAM SEPTEMVIRALEM

ASSESSORI ET COJUDICI

V I R O  
DE U T R A Q V E R E P U B L.  
S T U D I O , V I G I L A N T I A , J U S T I T I A Q V E  
O P T I M E M E R I T O

A T Q V E  
S C I E N T I A R U M E T B O N A R U M A R T I U M  
Æ S T I M A T O R I A C F A U T O R I I N C O M P A R A B I L I

H A N C C E  
A M A U R O S E O S H I S T O R I A M

I N  
V E N E R A B U N D I A N I M I T E S T I M O N I U M

D. D. D.

AUCTOR.

## LECTORI S. AUCTOR.

*T*riennium abiit, quod hancce amauroseos historiam elucubratam jam in scriniis occuluerim, velut si prælagiisset animus, fœtum hunc futurum fuisse immaturum, si ubi primum meas reliquit curas, continuo id temporis in lucem emerfisset; quandoquidem haud ita multo post cum J. L. SCHMUCKERI tum præsertim A. G. RICHTERI, Ill. hac tempestate Viro- rum, observationes de eodem morbo prodire: quæ tanti me hercle sunt, ut absque iis omnis meus labor haud immerito vanus videri potuisset. Nihil me hic illarum in laudem atque commendationem dicere oportet, ne forte in adulationem animum inclinasse videar, ipsæ illæ observationes suis ubique locis occurraræ. Tuum Lector in se convertent animum, ut & quanti habendæ sint, & quid in emendanda proferendaque amauroseos qua cognitione qua medendi methodo cum RICHTERO tum SCHMUCKERO debeatur, tute existimes. Quorum libri tametsi hodie omnium in manibus

versentur , haud me tamen actum egisse arbitror , dum Eorum observationes cum reliquis , quas aliorum multo ante nobis industria peperit , unam in seriem coegi : quo fit , ut ibidem & novitate sua emineant magis , & errores aliorum luculentius coarguant , & de veritate observationum ab aliis memoriae proditarum nos tanto faciant certiores. His itaque novissimis Ill. Virorum accessionibus ornata mea amauroseos historia omnia ( nisi me animus fallit ) uno complectitur volumine , quæ ars medica ad nostra usque tempora de hac oculorum ægritudine fragi protulit , ostenditque simul , quousque humani conatus in amaurosi cognoscenda & curanda profecerint , ubi substiterint , & quid porro DEUS ac natura nobis fecerint reliquum in eodem hoc argumento & perscrutandum & experiendum.



# *SERIES OPERIS.*

## P A R S I.

C A P U T I. Definitio.

C A P U T II. Genera morbi.

C A P U T III. Symptomata.

C A P U T IV. Proegumenæ causæ

C A P U T V. Procatarecticæ causæ

C A P U T VI. Proxima causa.

C A P U T VII. Diagnofis.

C A P U T VIII. Prognofis.

## P A R S II.

### P R O L E G O M E N A.

#### S E C T I O I. de Pharmacis.

C A P U T I. Emetica.

C A P U T II. Cathartica.

C A P U T III. Diaphoretica.

C A P U T IV. Emmenagoga.

C A P U T V. Anthelmintica.

C A P U T VI. Solventia.

C A P U T VII. Mercurius.



C A P U T VIII. Nervina.

C A P U T IX. Roborantia.

S E C T I O II. de Chirurgia.

C A P U T I. Sangvinis missio.

C A P U T II. Enemata.

C A P U T III. Balnea.

C A P U T IV. Apophlegmatismi &  
errhina

C A P U T V. Topica.

C A P U T VI. Electricitas, embro-  
che, agitatio ner-  
vi frontalis.

C A P U T VII. Ulcera arte facta.

C A P U T VIII. Exstirpatio oculi.

S E C T I O III. de Diata.

C A P U T I. Alimenta.

C A P U T II. Aer.

C A P U T III. Pathemata animi.

\* \* \*

Historiæ duodecim amauroticorum.

HISTO-



H I S T O R I Æ

AMAUROSEOS

P A R S I.

DE NATURA, VARIETATE, ET CAUSIS  
AMAUROSEOS.

---

C A P U T I.

DEFINITIO AMAUROSEOS.

§. I.

AMAUROSIS (*ἀμαύρωσ* obscuro vel *ἀμάν-  
ρως* obscurus) visus obscurationem vel aliquva-  
tenus vel in totum innuit. Sed quoniam non  
paucæ oculorum ægritudines visum quæ par-  
tim quæ prorsus adimunt, quin tamen amau-  
roseos nomine veniant, dispiciendum est,  
quid HIPPOCRATIS *ἀμαύρωσις ὀμμάτων* sibi

A

velit: quippe qui eam sui generis morbo tribuerit, atque a ceteris quibusvis oculorum affectionibus studiose secreverit. Verum enim vero in genuina hujus morbi definitione impertienda Pathologi, alter alterius errores in definiendo censura notantes, usque adeo sunt diversi, ut quid tironi sit amplectendum, etiamnum sit ambiguum. Veteribus *Ἀμαύρωσις* est cæcitas sine conspicua oculi labe. Sic P. ÆGINETA (a), „ amaurosis (inquit) est „ plerumque perfectum cernendi impedimen- „ tum citra ullam manifestam oculi affectio- „ nem „. Idem postea ad H. BOERHAAVIUM usque tempora omnes pene tenuerunt.

### §. 2.

Primus autem BOERHAAVE (b) hanc Veterum definitionem vellicavit: „ amaurosis „ (inquiens) ... a medicis definitur, quod sit „ perfecta cæcitas nullo vitio extrinsecus in „ oculo apparente, ut cornea pellucida, pu- „ pilla nigra sit, oculus æger externe ab „ oculo sano distingvi nequeat, ut vulgo di- „ cunt ... Verum definitio amauroseos mo-

(a) Rei med. L. 3. C. 22.

(b) De morb. ocul. Cap. 3. §. 101.

do tradita non convenit cum experientia;  
plures enim vidi ægros amaurosi alterius  
tantum oculi laborantes, in quibus oculi  
adfecti pupillam quiescentem semper repe-  
ri, dum oculus sanus suam uveam admoto  
corpore lucido contrahebat. Quo phæno-  
meno observato, nec alio malo præter ea  
adparente, sæpe indicavi oculum adfectum,  
mirantibus ignaris. Patet ergo (subjungit  
demum) oculum in amaurosi ab omni vitio  
externo non omnino esse liberum, quem-  
admodum Veterum definitio perperam do-  
cet; sed immobilitas pupillæ adesse observa-  
tur. Quamobrem ipse, rejecta illorum defi-  
nitione, novam condidit dicens (c): „ est  
ergo amaurosis cæcitas, in qua oculus vide-  
tur sanus esse, excepta ut plurimum dilata-  
tione (forte contractione) pupillæ dene-  
gata, orta vel a retinæ, vel nervi optici,  
vel medullæ thalamorum nervi optici, vel  
corticis ejus vitio „. Magistrum BOER-  
HAAVIUM secutus discipulus L. HEISTERUS (d) „ definitur (ait) alias amaurosis  
ab Auctoribus, quod sit visus abolitio sine  
vitio in oculo conspicuo; quæ autem defi-

---

(c) Ibidem §. 107.

(d) Diff. med. de amaurosi salivatione cura. a §. 5.

„ nitio nobis non satis exacta videtur: si enim  
 „ oculus affectus accurate inspiciatur, vitium  
 „ profecto quoddam in oculo apparebit, nem-  
 „ pe pupilla duplo circiter amplior, quam in  
 „ homine sano; præterea immobilis fere ex-  
 „ sistit: nam cum oculo sano candela admo-  
 „ vetur, aut alia major lux, ... mox pupil-  
 „ la contrahitur et angustior fit; in homine  
 „ vero amaurosi laborante, si similia fiunt  
 „ experimenta, pupilla non coarctatur, sed  
 „ ampla permanet, ut antea. Præterea si  
 „ oculum sanum circa meridiem in luce clara  
 „ consideremus, pupilla erit angusta, si circa  
 „ vesperam, multo amplior apparebit. . .  
 „ In amaurosi vero pupilla semper dilatata  
 „ & immobilis manet, siue sit meridies siue  
 „ vesper, siue in tenebris siue in luce ægri  
 „ versentur,,. Eapropter & ipse ad Magistri  
 sui mentem definitioni vulgari aliam substituit  
 BOERHAAVIANA paulo clariorem (e) nem-  
 „ pe „ amaurosis est ... cæcitas perfecta, ubi  
 „ externe nullum vitium in oculo est con-  
 „ spicuum, quam solum pupilla solito major,  
 „ & fere immobilis,,. Atque sic duplex oculi  
 amaurotici extrinsecus conspicuum vitium a  
 Veteribus prætervisum cum BOERHAAVE

---

(e) Ibidem §. 2.



tum HEISTER contra illorum vulgatam definitionem detexere, pupillæ nempe amplitudinem cum immobilitate.

## §. 3.

Verum neque postrema HEISTERI definitio diu se se aliis probaverat. Nam cum teste C. de SAINT YVES (f) amauroses fuerint observatæ, quæ pro pupillæ amplitudine constrictionem iusto majorem ejusdem & immobilitatem conjunctam sibi habuerint, ex HEISTERIANA amauroseos definitione expungenda erat pupillæ amplitudo, sola ejus relicta immobilitate, ut ita definitio ad omnia amauroseos genera pertineret. Hinc SAUVAGESIO (g) amaurosis „ est morbus, cujus „ præcipuum symptoma est visus suppressio „ & pupillæ immobilitas sine sensibili oculorum opacitate „. Atque hæc altera erat definitionis amauroseos emendatio, perinde haud diuturna.

---

(f) Vide §. 17. a).

(g) Nosol. meth. T. 2. P. 2. Cl. 6. Ord. 1. art. 4.

## §. 4.

Lapsis temporibus observata docuere, amauroses esse cum nativa pupillarum mobilitate prorsus illæsa usque adeo, ut nihil omnino vitii exhibuerint oculi amaurosi laborantes insipientibus, ut inferius (*b*) referemus. Quid jam hic definitione seu BOERHAAVII, seu HEISTERI, seu SAUVAGESII est profectum? Si uspiam, hic sane vulgata Veterum definitio locum habebit. Alii videntes itaque nec Veteres nec eorum Emen- dadores a vero prorsus in definienda amaurosi aberrasse, singulas tamen eorum definitiones ita esse comparatas, ut ubique locum habere nequeant, operam dedere, ut ad notos jam scopulos non alliderent suam Logicen, in quos etiam F. HOFFMANNUS (*i*) cum Veteribus impegit, ac tanto quidem magis, quod amaurosin „ per visionem ab influxu „ fluidi nervei in nervum opticum prorsus „ intercepto, oculis illæsis existentibus, sub- „ latam „ descripserit. Nam præterquam quod immobilitatem pupillæ non memoret, etiam vigente influxu nervei laticis in nervum opti-

(*b*) Vide §. 17. b).

(*i*) Med. rat. syst. T. 4. P. 4. C. 4. thes. path.  
§. 1.



cum amaurosis evenire potest, modo e nervo optico in retinam fluido nerveo transitus impediatur, quemadmodum in fure HALLE-RI (k) videre est. Unde factum est, ut aliæ atque aliæ amauroseos definitiones conderentur. Etenim ab I. OOSTERDYKSCHACH-TIO (l) definitur cum GALENÒ, aut quisquis est alius Auctor libri *Introductio seu Medicus* (m), esse „abolita visio sine ulla manifesta causa in oculis adparente „. Verum ne id quidem semper obtinet: quandoquidem vulnera & contusiones oculi (n), ejusdemque ex orbita propulsio (o), amaurosim interdum causare observantur. Postremam denique hujus morbi definitionem R. A. VOGEL (p) tentavit, cui amaurosis est cœcitas sine lip-pitudine & suffusione. Quod si ita est, amaurosis compellanda erit ea visus impotentia, quæ accidit aculi bulbo ita vi spasmii tonici sursum converso, ut pupilla infra superiorem palpebram prorsus delitescat, aut quæ post cataractæ extractionem evenit, iride ita se se

(k) Vide §. 29. b).

(l) Instit. med. pract. L. 2. C. 1. §. 1.

(m) Cap. 15.

(n) Vide §. 47. b).

(o) Vide §. 29. a).

(p) De cogn. & cur. præcip. C. H. affect. §. 574.

contrahente, ut pupillam ex integro aboleat, nervo optico nullatenus affecto; quandoquidem iride discissa vel sponte alio in loco aperta visio restituitur, testantibus id RICHTERO (q), ACRELIO (r), I. L. ODHELIO (s), aliisque; id quod nemo unquam dixerit.

### §. 5.

Quæ cum ita sint, fatis superque elucet, haud dum suppetere definitionem amauroseos numeris omnibus absolutam, neque spem esse, eam unquam obtentum iri, si in definiendo ad variabilem oculi affecti habitum externum respiciatur. Mihi autem *amaurosis est cecitas a vitio nervi optici.*

### §. 6.

Ἀμαύρωσις, etsi A. C. CELSUS (t) latine *caliginem* reddiderit; hodie usque adeo a Medicis civitate donata est, ut latini vocabuli usus nunquam factus fuisse videatur. A

(q) Obs. chir. fascic. 1. p. 83 in nota.

(r) Act. Svec. Vol. 29. Trim. 2. Vol. 34. Trim. 2. No. 6.

(s) Ibid. Vol. 34. Trim. 2. No. 5.

(t) De medicina L. 6. C. 6. §. 32. 34.

barbaris olim *Gutta serena* vocabatur, *gutta* ex inepta Arabum sententia, qvi secundum hypothesein suarum defluxionum opinati sunt guttam catarrhalis materiæ ante foramen visus opticum in nervum illapsam impedire spirituum in eundem ingressum; *serena* vero dicta, qvòd oculum non opacaret. Barbæræ tamen hujus compellationis hodie dum præ latina usus est; forte qvòd hanc A. FOESIUS ambiguam reddiderit, cui ἀμαύρωσις (u) est *obscuratio*, *hebetudo*, *langvor* oculorum, *caligo* vero ἀχλὺς (x). Hinc illud COI (y) ὄμμα ἀμαυρόμενον, φλαῦρον, καὶ τὸ πεπεγὸς καὶ ἀχλυῶδες κακόν, ta vertit: „ hebescentes oculi & obtusi im- „ probandi sunt, qvin & fixi & caligine ob- „ ducti malum portendunt „.

(u) Oeconom. HIPPOCRATIS p. 23.

(x) Ibidem p. 72.

(y) Prorrhet. lib. i. No. 46.



## CAPUT II.

## GENERA AMAUROSEOS.

## §. 7.

Sunt, qui amaurosin sua in genera discreturi eorum haud pauca a causis petant; mihi eas huc arcessere non est visum, nisi quatenus amaurosis universis suis in causis aut protopathica est, aut deuteropathica. Genera proinde hujus morbi non alia sum in medium allaturus, quam quæ 1. Oculi ipsi affecti, 2. Magnitudo morbi, 3. Genesis ejusdem, 4. Typus, 5. Complicatio cum aliis morbis oculorum, ac 6. Causæ toto complexu spectatæ, suppeditant.

## §. 8.

I. OCULUS ipse dum spectatur, amaurosis binis accidere modis potest, nempe

1. *Monocula*, dum alterutrum tantum oculum invadit: cujus rei numerosa passim occurrent exempla in sequentibus, quorum alia sinistri, dextri alia oculi amaurosin ostendent.

2. *Utriusque oculi* vel simul ac semel vel alterius post alterum oborta. Atque hic omnium est frequentissimus casus.

## §. 9.

II. MAGNITUDO porro visus læsi per amaurosin perinde duplex esse potest, dum nimirum vel omnis penitus visus interiit, vel aliquæ etiamnum illius supersunt reliquæ. Hinc amaurosis est

1. *Perfecta*, dum ita visus omnis est amissus, ut æger nec lucem a tenebris discernere queat, sed nox ac tenebræ Cimmeriæ perpetuo oculis obversentur, velut accidit FOURNIERI (z) rusticæ, mulieri HEISTERI (a), binisque feminis ac puero IANINI (b), tum LAMZWEERDII (c) viro, pyrobolario MAYRI (d), centurioni NEBELII (e), puellæ PAWII (f), PLATERIque feminæ (g), PÜSCHELII (b) militi, RIBEI (i)

(z) Vide §. 112. a).

(a) Vide §. 73.

(b) Vide §. 17. b). & §. 106.

(c) Vide §. 100. No. 1.

(d) Vide §. 107. No. 3.

(e) Vide §. 97.

(f) Vide §. 31 b).

(g) Vide §. 41. b).

(b) Vide §. 66. No. 5.

(i) Vide §. 63.



rustico, RICHTERI juveni e febre acuta continua cœco (*k*), & ecclesiastico (*l*), nec non mercatori RIEDLINI (*m*), arthritico SCHMUCKERI (*n*), SCHROECKII (*o*) virgini, viro SIGELII (*p*), TREWII que (*q*) feminæ &c.

2. *Imperfecta* vero, dum aliquid adhuc visus superest, videlicet dum adest

a) *Discrimen lucem inter ac tenebras*, id est dum ægri diem a nocte, locum lucidum a tenebroso dignoscunt, lumen oculis admotum percipiunt, &c. ut COLLINI (*r*) puella erysipelati obnoxia, HEYI (*s*) lithanthracum fossor, ac puella STÖRCKII (*t*).

b) *Visus dimidiatus*, quem expertæ fuere mulieres M. DONATI (*u*), HELDII que (*x*), puella HOFFMANNI (*y*), & WEPFERI (*z*)

(*k*) Vide §. 66. No. 2.

(*l*) Vide §. 64. No. 3.

(*m*) Vide §. 38. d)

(*n*) Vide histor. 8.

(*o*) Vide §. 32.

(*p*) Vide §. 106.

(*q*) Vide §. 39. b).

(*r*) Vide §. 79. I.

(*s*) Vide §. 106.

(*t*) Vide §. 84.

(*u*) Vide §. 57. No. 1.

(*x*) Vide §. 39. a).

(*y*) Vide §. 38. b).

(*z*) Vide §. 57. No. 1.

confiliarius. Sic etiam H. SMETII (*d*) filia 14 annor. inter prandendum de visus repentina læsione qvesta, qva dimidiatæ molis solum objectorum species se discernere posse dicebat. Rediit malum post 28 dies, ac post tridie sponte iterum desiit. Post 27 alios dies tertium revertit: oculo dextro objecta dimidio minora, idqve satis obscure, apparebant, sinistro autem oculo flocculi nivis obversari videbantur, mox quoque circumagi omnia putabat, deinde capite dolebat. Sed trihorii intervallo omnia desiere. Perinde A. VATERI (*b*) vir juvenis, plethoricus, genio hilari, a grata societate in solitudinem abstractus, tristitiæ cum indulisset, vinoque austero uteretur, in malum hypochondriacum incidit, alvus evasit immorigera, & præcordiorum anxietates vix  $\frac{1}{4}$  horæ eum vel legere vel meditari patiebantur. His in miseriis dum aliquando pingendæ punctatim imagini minutissimæ, obolum non excedenti, oculis nimis quam intentis operam daret, subito caligare cœpit: omnia oculis occurrentia objecta dimidiata ac bisecta apparebant, adeo ut sive ambobus oculis, sive

---

(*a*) Miscellan. med. Lib. 10. p. m. 548.

(*b*) Diff. qva visus vitia duo rarissima consider.

(4to Wittenb. 1723.) Casu 2.



alterutro clauso, ea intueretur, dimidia illorum pars visum semper fugerit. Duravit malum una alterave tantum hora, ac postmodo sponte sine medela evanuit. „ Eundem tamen „ affectum (subdit Author) in femina hypochondriaca & scorbutica, vini pariter crassioris potui, ac animi affectibus gravioribus indulgente, a mœrore diuturno, fletuque frequenti inductum, per 6 integros menses durasse, & postea animo a curis liberato, sensim remisisse novimus. Tertium hujus visus dimidiati exemplum... „ præbuit nobis matrona nobilis, ex cujus ore habemus, sæpissime ipsi contingere, „ ut objecta omnia quoad dimidiam tantum eorum partem videat, imprimis „ hoc tempore, quo utero gerit; symptoma „ tamen hoc non diu durare, sed mox transire „. Haud secius ægri alius meminit c. s. WOLFFIUS (c), qui ex homine hæd nisi truncum inferiorem cum pedibus videre potuit.

c) *Visus sub unico tantum oculi situ*, v. g. bulbo non nisi directo vel alterutrum in canthum deflexo, vel sursum deorsumve converso. Sic e directo tantum objecta sita

---

(c) Diss. de amaur. imperf. Trajecti 1709.

videri poterant a VORWALTNERI (*d*) religioso. Narrat BURNETUS (*e*) Genevensis quendam virginem, cum nondum anicula esset, calidissimæ fornaci proxime admodum visu usque adeo orbatam fuisse, ut non nisi superna oculi parte objecta sursum ac versus lucem sita aliquatenus dignoverit. Sic quoque L. HEISTERI (*f*) nobilis, KELLNERI (*g*) vir, & hipparchus SALMUTHI (*h*) eodem visus vitio laborarunt. Inter A. HÆNII (*i*) ægros, quorum historiam medicam A. 1747 - 8 condidit, unus fuit, „ qui die 5to fere sanatus visus hebetudine „ affligebatur, quando paulo infra horizontalem lineam quid vellet intueri, imo vim, „ ut videret, edere volens, objecta cernuit „ duplicata; recta vero sursumque omnia „ rite aspiciebat. Sensim tamen convaluit. Porro oculum, inquit P. FORESTUS (*k*) „ resolutum ex percussione laborantem conspeximus, qui si ad unam partem conspiceret, etiam optime videbat, si ad alte-

---

(*d*) Vide §. 39. i).

(*e*) Reisebeschreib. P. I. p. 308.

(*f*) Vide §. 37. a).

(*g*) Vide §. 47. b).

(*h*) Ibidem a).

(*i*) Opp. posthum. Vol. I. Sect. 5. p. 341.

(*k*) Obs. & cur. med. L. 10, Obs. 89.

„ ram, nihil quicquam videbat „. Lateralis quoque solummodo visus aliquis superfuit BERNERI (l) judæo, futuri apud HEY (m), RICHTERIQUE juveni e fulminis terrore amaurosin passo (n), & viro 52 annos nato (o).

„ Recordor, inquit etiam A. G. RICHTERUS (p), ægri ex amaurosi penitus cæci, „ qui nihilo fecius uno quodam loco oblique „ trans nasum sic satis distincte non modo „ lucem aliave vicina objecta clara, sed ut „ cunqve etiam remotæ turris apicem, conspicabatur; at locus ille adeo erat exiguus, „ ut priusquam reperiretur, diu fuerit querendus „. Lateralem hunc visum pene omnes HEYI (q) ægri præ directo citius recuperarunt. Sed mirabilem visum lateralem narrat H. SMETIUS (r): „ cæcum quendam „ (ait) utroque oculo orbem, naso pro oculis utentem vidi, cujus beneficio objecta „ omnia discernebat. Is dextro oculo ante „ annos multos, quum puer esset, privatus

(l) Vide §. 47. a).

(m) Vide §. 106.

(n) Vide §. 34.

(o) Obs. chir. fasc. 1. C. 13. Obs. 8.

(p) Chir. Biblioth. 4. B. 1. St. p. 58.

(q) Vide §. 106.

(r) l. c. Lib. 5. Epist. 13. §. 2. p. m. 259. sq.

„ fuerat,

„ fuerat. Tandem juvenis factus (rusticus  
„ erat) ex ceraſo in palum dumi ligneum  
„ faſtiatum delapſus vultum impegit, ut  
„ naſum una cum oculo ſiniſtro, gena, pal-  
„ pebra utraque, & ſupercilio diſrumperet,  
„ adeo ſœde, ut chirurgus oculi globum evul-  
„ ſum prorfus crederet, eumqve palo inhæ-  
„ ſiſſe. Cicatrice tandem inducta poſt annum  
„ ab accepta plaga, dum in gramine aprica-  
„ tur, forte lucem atqve floſculorum cando-  
„ rem humi animadvertere ocepit per naſi  
„ cavitatem, & jam per 5 aut 6 annos con-  
„ tinuos viſionem eo modo exercuit, ut  
„ quidquid offeratür, naſo oculato diſtin-  
„ gvat exacte, ſed deſpectando, ſuſpectan-  
„ do enim lucem ferre neqvit. Medicorum  
„ igitur collegio, ut examinaretur. . . ex-  
„ hibebatur; cum ſuo enim chirurgo in jus  
„ vocato contendebat. Portentofæ itaqve  
„ huius viſionis modum, cauſamqve eſſe de-  
„ prehendiſimus, qvò ſicut palpebra ſuperior  
„ abrupto muſculo attolli amplius non pote-  
„ rat, ſed conglutinata qvoqve cum adnata  
„ oculi tunica coaluerat, ita etiam avulſo  
„ muſculo, qvi oculum verſus angulum acu-  
„ tum retrahere ſolebat, pupilla in angulum  
„ naſi ſe prorfus abdiderat. Et qvia offilla  
„ naſi non fracta modo ſed & luxata qvo-  
„ dammodo concinne reſtitui non potuerunt,

„ accidit , ut nasus pressior latiorque , fini-  
 „ fra præsertim parte , evaserit , adeoque  
 „ ejusdem naris meatum patentiorem curatio  
 „ reliquerit , per quem distorta latitansque  
 „ pupilla videndi munus obibat , & res quas-  
 „ libet naso obvias internoscebat ,. Haud ta-  
 men pro certo affirmarim , casum hunc ad  
 amaurosin pertinere ; cum utrum alium in situm  
 positus bulbus objecta visurus fuerit , nec ne,  
 exploratum non habeatur. Sed non minus mi-  
 rabilis est amaurosis partialis secundum visionis  
 axem , superstitie visu objectorum ad latera  
 axeos , quam A. VATERUS (s) observavit  
 in femina mediæ ætatis. Isthæc suppresso ope  
 balnei , illudque secutæ refrigerationis , fluxu  
 coryzæ intra noctem incidit in amaurosin ,  
 maneque evigilans nihil vidit , citra conspi-  
 cuum in oculis vitium. Usu autem variorum  
 catharticorum , sangvinem depurantium , in-  
 terdumque etiam vesicantium , sub idonea  
 simul diæta , denuo recepit visum , sed miris  
 cum phœnomenis. Namque principio omnes  
 ei homines apparebant acephali : aliquo au-  
 tem post tempore ægra objecta vidit integra ,  
 sed velut nebula obvoluta. Demum etiam

---

(s) N. G. LESKE Auserlesene Abhandl. pract. und  
 chir. Inhalts aus den Phil. Transact. 2 Th.  
 No. 8. p. 21.



hoc ipso vitio cessante flocci tantum vel maculæ ob oculos obvolitabant. Postremum illud superfuit vitium visus, ut cum apertis ambobus oculis totum conspiceretur objectum, alterutrò eorum clauso media semper objecti regio a macula vel rotunda nebula tecta videretur, macula illa eo amplius incremente, quo oculus ab objecto remotior fuit. Unde si lævo ei oculo foret legendum *ego sum cæca*, pupillaque in vocem *sum* dirigeretur, nil aliud, nisi *ego ... cæca* videre potuit, voce *sum* visui subducta: si vero pupilla voci *ego* obvertebatur, hac evanida binas reliquas *sum cæca* conspiciabatur. Contra si clauso oculo lævo dexter in objectum dirigebatur, nonnisi  $\frac{1}{4}$  ejus pars visum fugiebat, ita ut, si v. g. legendum fuerat *ego cupio visum recipere*, pupilla in vocem *cupio* directâ, hanc ipsam vocem videre nequiverit, ceteris *ego ... visum recipere* manentibus conspicuis.

## §. 10.

III. GENESIS amauroseos rursus binis contingit modis, nempe vel subito vel lente. Idcirco amaurosis est

1. *Subita*, ubi simul ac semel visus omnis uni aut utrique oculo perit, C. E. ESCHENBA-

CHII (*t*) ,, 30 circiter annorum vir juvenis,  
 ,, fanus, corporis statura habituque medio-  
 ,, cri gaudens, & regularem vitam, neque  
 ,, eandem otiosam degens, cum aliquando  
 ,, tempore pomeridiano præsens quoddam  
 ,, contemplaretur objectum, subito & sine  
 ,, omni causa accedente crassiores alterutri  
 ,, oculo caliginem obductam sentit. Quo-  
 ,, niam corpus aliquod peregrinum opacum  
 ,, de improvise applicatum suspicatur, istud  
 ,, manu oculo adnota abstergendo remove-  
 ,, re operam navat; ast labore inutili: ocu-  
 ,, lus namque ipse lumen amiserat omne si-  
 ,, mul ac semel, abhinc ad obitum usque,  
 ,, haud ita diu postea morbum terminantem  
 ,, gravissimum, ullis non reducendum  
 ,, mediis,,. Hujusmodi etiam casus referunt  
 ACREL (*u*), BEHR (*x*), BERTRAND (*y*),  
 CAMERARIUS (*z*), CLAUDERUS (*a*),  
 COLLIN (*b*), DONATUS (*c*), DURE-

---

(*t*) Obs. anat. chir. med. 48. cas. 3. p. 415.

(*u*) Vide §. 46. 115.

(*x*) Vide §. 73.

(*y*) Vide §. 90.

(*z*) Vide §. 76.

(*a*) Vide §. 57. No. 1.

(*b*) Vide §. 79. A. D. G.

(*c*) Vide §. 47. 2.)



TUS (*d*), EŠCHENBACH (*e*), FOUR-  
NIER (*f*), HALLER (*g*), HEISTER (*h*), HELL-  
WIG (*i*), HERCULANUS (*k*), HILDANUS (*l*),  
HOFFMANNUS (*m*), HURBOTIUS (*n*),  
ISENFLAMM (*o*), LAMZWEERDE (*p*),  
LEBENWALD (*q*), LEDELIUS (*r*),  
P. de MARCHETTIS (*s*), MAYR (*t*),  
MORGAGNI (*u*), NEIFELD (*x*), PAUL-  
LINI (*y*), RAYGER (*z*), RICHTER (*u*),

---

(*d*) Vide §. 95. c).

(*e*) Vide §. 73.

(*f*) Vide §. 112. a).

(*g*) Vide §. 90.

(*h*) Vide §. 16. c).

(*i*) Vide §. 97.

(*k*) Vide §. 34.

(*l*) Vide §. 47. b).

(*m*) Vide §. 44 & histor. 2.

(*n*) Vide §. 47. e).

(*o*) Vide §. 60. No 4. c).

(*p*) Vide §. 100. 115.

(*q*) Vide §. 46.

(*r*) Vide §. 35. d).

(*s*) Vide §. 47. b).

(*t*) Vide §. 107. No 3.

(*u*) Vide §. 25. a). §. 47. b).

(*x*) Vide §. 38. c).

(*y*) Vide §. 39. h).

(*z*) Vide §. 111.

(*a*) Vide §§. 37. a). 64. No 3.

RONDELETIUS (*b*), RUMLER (*c*),  
SAUVAGES (*d*), SCHIEBEL (*e*),  
SMETIUS (*f*), STÖRCK (*g*), TREW (*h*),  
TRILLER (*i*), VANDERMONDE (*k*),  
VELSCH (*l*) WANDELER (*m*), WHI-  
TE (*n*), ZACUTUS (*o*) SCHMU-  
CKER (*p*), aliique.

2. *Lenta* vero est, quæ alterutrus vel  
utriusque oculi facultatem videndi sensim im-  
minuendo tandem exstingvit, velut pluribus  
postmodo (*q*) ostendetur.

## §. II.

IV. TYPUS quoque amauroseos duplex  
est; quippe quæ sit vel

(*b*) Vide §. 97.

(*c*) Vide §. 39. a).

(*d*) Vide §. 31. b).

(*e*) Vide §. 39. a).

(*f*) Vide §. 9. No 2. b).

(*g*) Vide §. 72. No 2. §. 90.

(*h*) Vide §§. 39. b). 83.

(*i*) Vide §. 38. a).

(*k*) Vide §. 71.

(*l*) Vide §. 38. b).

(*m*) Vide §. 31. b).

(*n*) Vide §. 36. c).

(*o*) Vide §. 49. d).

(*p*) Vide §. 30. c).

(*q*) Vide §. 15. 1q.

1. *Continua*, perpetuis oculum affectum tenebris mulctans, vel

2. *Intermittens*, quæ vel statis vel incertis temporibus revertitur. Hinc est

a) *Vaga*, quæ vagis causis debetur, ut est excessus in 6 rebus non naturalibus, præsertim idiosyncrasia adversis. Hujusmodi amaurosis erat in BOXBARTERI (r) monacho quamvis barbæ rasuram consequens, in ægris BUDAEI (s) ac WEPFERI (t), in Britanno H. BOERHAAVII (u) a crapulis, in juvene FORESTI (x) perinde a largiore potu, cibusve crudis, ab indigestione in F. C. MEDICI (y) ægro. Ejusdem classis sunt amauroses a spasminis oriundæ, dum eos vel præcedunt semper vel comitantur. Sic paroxysmos epilepticos amaurosis præcedebat in BARTHOLINI (z) puella & muliere

(r) Vide §. 27. No 2,

(s) Vide §. 37. a),

(t) Ibidem.

(u) Vide §. 35. a),

(x) Vide §. 35. b).

(y) Geschichte period. Krankh. 1 B. 2 C. §. 20.  
p. 82.

(z) Vide §. 57. No 1,

M. DONATI (a), raphaniæ vero insultibus jungebatur in LENTINI (b) ægra; cephalææ autem accessiones seqvebatur in matrona MORGAGNII (c), & colicos dolores in PLATERI (d) femina. Idem est de graviditate (e), &c.

b) *Periodica*, quæ statis temporibus reverti consuevit, v. g. quam catameniorum non fluentium periodi movere solent, ut in casibus EBERSBACHII (f), HAGENDORNII (g), PECHLINIQUE (h) accidit, ac forsitan etiam ex eadem causa filiæ SMETII (i): vel quam febrium intermittentium paroxysmi accersunt, velut in TIMÆI (k) Principe matrona: vel denique dum ipsa amaurosis protopathice est periodica, seu sit e prosapia febrium larvatarum, seu sui generis. Sic novit GUERIN (l) rusticum

(a) Vide §. 57. No 1.

(b) Vide §. 35. d).

(c) Vide §. 19. b).

(d) Vide §. 41. b).

(e) Vide §. 27. No 2.

(f) Vide §. 60. No 1.

(g) Ibidem.

(h) Ibidem No 4. f).

(i) Vide §. 9. No 2. b).

(k) Vide §. 45.

(l) Versuch über die Augenkrankheiten, 2 Th.  
1 Abth. 3 Abschn §. 1 p. 241.

qvovis vere amaurofin pati solitum, nec non bajulum qvovis anno, dum vaccæ in venerem pruriunt, eidem malo obnoxium (*m*). Amaurofin qvotidie hora 10<sup>a</sup> antemeridiana invadentem observavit HANNEMANNUS (*n*): perinde vidit HOFFMANNUS (*o*) in viro amaurofin continuam oculi lævi, dexteri vero periodicam, qvotidie tribus circ. post somnum finitum horis invadentem, & ad 3<sup>am</sup> usque horam pomeridianam durantem. Similis huic est L. HEISTERI (*p*) casus de juvene futore, qui mane optime videns a meridie hora 2<sup>a</sup> quotidie occæcabatur: in solem aut lumen intuenti meræ scintillæ ob oculos oberrabant, nullo in oculis conspicuo vitio. Huc etiam qvotidiana STÖRCKII (*q*), RICHTERIQUE (*r*) tertiana amaurosis pertinet.

---

(*m*) Vide §. 34.

(*n*) Vide §. 114.

(*o*) Vide §. 44.

(*p*) Medicin. chirurg. und anatom. Wahrnehmung,  
1 Band No 428.

(*q*) Vide §. 90.

(*r*) Ibidem.

## §. 12.

V. COMPLICATIO demum amauroseos cum aliis oculorum vitiis non est ignoranda. Hujus intuitu amaurosis est vel

1. *Pura*, seu nulli alii vitio oculorum conjuncta; vel vero est

2. *Complicata* cum aliis oculorum morbis v. g. cataracta, glaucomate, staphylomate, &c. Frequentissimâ tamen est amauroseos cum mydriasi complicatio, raræque admodum sunt amauroses cum nativa pupillæ mobilitate & amplitudine (s). Sat etiam crebro cataracta præsto est, alia vero vitia paulo sunt duobus dictis rariora. Hujusmodi autem complicatio vel in uno eodemque oculo est, vel amaurosis in uno, vitia alia in altero. Sic in eodem oculo amaurosin cum cataracta junctam referunt ESCHENBACH (t), HEISTER (u), HOFFMANNUS (x), RICHTERUS (y), RIEDLINUS (z), STÖRCKIUS (a) &c. Amauro-

(s) Vide §. 17. a). b).

(t) Vide §. 27. No 4.

(u) Vide §. 38. b).

(x) Vide §. 58.

(y) Obs. chir. fascic. 1. Cap. 13, Obs. 8. p. m. 148.

(z) Vide §. 39. e).

(a) Vide §. 72. No 2.



rosin cum glaucomate ejusdem oculi viderunt HEISTER (b), HOUTTOYNQUE (c). At num non subinde pallor pupillam amaurotici oculi inspiciendo intra oculum observatus perperam pro cataracta incipiente haberi potuit? Num & glaucomatis amaurosi junctæ non idem ludibrium? Persuadet id sæpius, quam crederetur, accidere posse J. J. WEPFERI (d) observatio, qui canis enecti lævum oculum cataractam præ se ferentem sectione lustrans lentem sanam, nec nisi muco albo crasso antèrius posteriusque obductam, reperit. Perinde vitreus humor oculi dextri sanus erat, sana lens & cornea; licet vivo in cane oculus hic glaucus apparuerit: & „observavit Cl. Vir in optime vi-  
„dentibus aliquando glauci quid apparere,  
„quod nihil nisi retina erat clarius visui oc-  
„currens, pupilla ampliore & humoribus  
„perspicuis existentibus,,. Contra vero cataractam in uno, in altero oculorum amaurosim videre HEISTERUS (e), HOFFMAN-

---

(b) Vide §. 27. No 4).

(c) Vide §. 30. g).

(d) Misc. nat. cur. dec. 2. ann. 7. obs. 16. p 29 35.

(e) Vide §. 27 No 4.

NUS (*f*), SMETIUS (*g*), STÖRCKIUS-  
que (*b*), qui postremus etiam oculo in læ-  
vo glaucoma cum amaurosi dextri oculi ob-  
servavit (*i*).

### §. 13.

VI. CAUSA denique spectata mali du-  
plex est amaurosis, videlicet

1. *Protopathica*, &

2. *Symptomatica*, quæ alius morbi prima-  
rii est symptoma, v. g. apoplexiæ, &c. De  
qua H. BOERHAAVE (*k*) „ morbus iste  
„ (ait) sæpe occurrit, & pro desperato sæ-  
„ pe habetur; qui tamen centies curatur,  
„ etiam si curari nesciamus: neque enim  
„ quisquam curat apoplexiam, quin hunc  
„ morbum curet. Omnes enim apoplectici  
„ hunc morbum patiuntur „.

(*f*) Vide §. 44.

(*g*) l. c. Lib. 10. p. m. 567.

(*b*) Vide §. 84.

(*i*) Ibidem.

(*k*) l. c. §. 100.

## C A P U T   I I I.

## S Y M P T O M A T A   A M A U R O S E O S.

## §. 14.

Multiplicia amaurosis, cum nascens, tum ubi jam visum penitus exstinxit, sæpe numero symptomata sibi juncta habet; quæ quoniam rite cognita & cum causis morbi collata magnum in diagnosi rite formanda momentum præstant, non jejune sed enucleate singula oportet expendere : id quod, pro eo ac par est, perficere satagam.

## §. 15.

I. AMBLYOPIA, si non simul ac semel visus perit, morbum plerumque orditur. Ægri teste BOERHAAVIO (1) „converuntur, ... quasi satis ipsis lucis non esset „ad visum, seu quod lux non satis clara ad „pareat„. Amblyopia hæc vel ad vicina est objecta, vel ad remotiora, vel ad quamlibet distantiam. Juvenis ESCHENBA-

---

(1) l. c. §. 108.

CHII (*m*) corpora remotissima multo clarius discernebat, quam quæ mediocri & confecto intervallo ab ipso distabant; quod idem in mercatore ejusdem (*n*) est observatum, idemque in se ipso expertus est GRASSIUS (*o*): contra ea servus HEISTERI (*p*) objecta remotiora nullatenus dignoscere quivit.

§. 16.

2. LUDIBRIA *Optica*. Horum pleraque nascentem amaurosin comitantur, nonnulla vero etiam plena in cœcitate occurrunt. Voco autem *ludibria optica* obversantes oculis mentive rerum non existentium, aut non eodem, quo cerni videntur, modo aut loco existentium species. Hujusmodi vero ludibria sunt

a) *Nebula*, *nubes*, &c. objectis oculisve prætenfa, claritati visus in discernendis rite objectis officiens. Sic intra nebulam omnia sita sibi videri ESCHENBACHII (*q*) merca-

(*m*) Vide §. 27. No. 4.

(*n*) Ibidem.

(*o*) Vide §. 87.

(*p*) Vide histor. 5.

(*q*) Vide §. 27. No 4.

tor, GRASSIUSQUE (r), nebulam nubemque præ oculis ægrotæ HEISTERI (s) qverebantur; factori CONSBRUCHII (t) objecta velut nube tenui tecta apparebant; HEISTERIQUE (u) fervus quasi trans populum tuebatur. „ Plurimos faue vidit A. G.  
„ RICHTERUS (x), qui sub primo morbi  
„ initio fumum nebulamque sibi ante oculos  
„ esse qverebantur; quæ sensim densior fit,  
„ donec objecta penitus obtegat „.

b) *Idola* varii generis, nigri plerumque aut fuscii coloris, ob oculos errantia, ut puncta, fila, globuli, muscæ, araneæ, annuli catenati, disci, &c. HEISTERI (y) Consiliario ante dextrum oculum filum ferici aut lanæ nigræ obvolitabat. „ Vidit quoque  
„ RICHTERUS (z), quibus rete aliquod,  
„ vel tela quasi aranea ante omnia objecta  
„ expansa, tenuior rariorque initio, sensim  
„ vero densior, objectaque penitus obtegens,

---

(r) Vide §. 87.

(s) Vide §. 73 & l. c. 2 Band No 60.

(t) Vide §. 74.

(u) Vide histor. 5.

(x) Observ. chirurg. fascic. 2. cap. 5. p. 72.

(y) Vide histor. 4.

(z) l. c.

„ apparuit „ . Cujusmodi telæ araneæ Comitem M. DONATI (a) fatigabant. Maculas vero nigras bini HEISTERI (b) juvenes experiebantur, quæ muscarum alias, alias culicum, araneæ, &c. formas mentiuntur, velut in CAMERARII (c) ac FORESTI (d) juvenibus. Horum quoque paradoxus ille BOYLEI (e) casus referendus procul dubio videtur, quem BOERHAAVE (f) non sine nova semper difficultate lectitabat. Nimirum vir sanus, jejunos, mane in lecto jam vigil, ad lacunæ lecti magnam conspicatus araneam, cum jam ad perpendiculum supra oculum penderet, amoveri jussit; sed manu dum arripere uxor tentat, illa unicam liquidi guttulam emisit, quam recta in oculum cadentem videre sibi vir videbatur: subito itaque oculum non læsum fricuit, sed continuo nil nisi tenebras vidit, periitque ejus oculi visus, nullo extrinsecus vitio spectabili. Auctor quidem ægrum ipsum videre cupiit; sed domi haud reperit: id-

(a) Vide infra in c).

(b) 1. c. 1. Band No 400 & vid. §. 33. a).

(c) Vide histor. 1.

(d) Vide §. 35. b).

(e) Tract. de concord. medicam. specif. &c.

(f) 1. c. §. 116.



circo sola medici ejus ocularii narratione contentus esse debuit, qvi utique potuit in diagnosi deliquisse. Narrat quidem BOSMAN (g) a serpente salivam in faciem exspuente coecitatem fuisse consecutam; sed ne istud quidem tantæ est certitudinis, ut non multo potius illam a terrore obortam suspicari liceat. Interdum vero maculæ illæ nigræ prius memoratæ in meditullio pellucidæ sunt, ac tum annulorum nigrorum, hauraro catenæ in modum sibi innexorum, formam exhibent, velut in HEISTERI (b) femina monetaria, nec non I. C. CLAUDINI (i) Barone Germano, lineam nigram oculo dextro cernente, cui globuli appensi videbantur, minores in lineæ extremis, in medio vero majores ac diaphani: quod spectrum clara in luce magis, quam in obscuro, eum molestabat. Non inutile erit binos hic casus dare, varia peculiaria horum idolorum phænomena exhibentes, quorum primum L. HEISTERUS (k) ita literis mandavit: nonnemo per loca undique nivibus obsita iter faciens observare cœpit cir-

---

(g) Descript. von Guin. p. 369.

(b) Vide histor. 3.

(i) Consult. medic. 137.

(k) l. c. No 475.

cellos binos ternosve sibi innexos huc illuc volantes. Ex eo postmodo tempore nubeculas quasdam nigras ante oculos jam elevari jam subsidere notabat. Postea observabat nigras aliquot lineas interruptas, velut exuvias consumptorum vermium, in quævis dicti circelli perinde visebantur; lineæ hæc demum sensim usque adeo increvere, ut æger in aerem aut corpora albā intuens semper hæc spectra videret, at non jam sola, verum nubecula tenuis nigra, globulis aliquot denarium æquantibus interstincta, continenter diu noctuque, etiam alium quam album colorem, modo niger non esset, intuiti, ante oculos affurgebat ac subsidebat, dum vicina objecta contueretur, aberat vero in aspectu corporum eminus positorum, quæ inculpato acriqve visu discernebat. Porro noctu accenso lumine intuendo res candidas maculam conspicabatur viridem salientem magnitudine nucis jam avellanæ jam majoris, prout nempe objectum album aut remotius erat aut vicinius oculis, quod tum præprimis accidit, dum prius lux oculos perstrinxit. Quod si vero nocturno tempore ad lumen in conclavi accensum in locum umbrosū aut minus collustratum oculos conjecit, rotundam flammam rubram prunarum aut ferri candentis instar, pugnū caputve in-

fantis æquantem, conspicabatur. Contra ea flammam luminis aut locum solè collustratum (v. g. aerem) uno vel utroque oculo, dormientium instar connivente, inspicienti tenera veluti tela sexcentis punctulis, aliisque parvis obrotundis figuris verrucas vel clavos æmulantibus, referta, satisque ampla; ac toti fere luminis flammæ prætensa, sese ostendebat. Interdiu porro oculis ex intervallo unius pluriumve pedum in fenestram ubertim ab sole illustratam conversis notabat 2. 3. 4ve longos tractus, dorsum cultri latos, culicis alarum instar pellucidos, transversim ante oculos moveri, visumque in transitu suo morari. Cuncta hæc phænomena uno juxta ac altero oculo, seu unum seu utrumque apertum teneret, observabat. Cum incrementibus his spectris visus acies, prius optima, pedetentim tantopere minuebatur, ut quamvis æger objecta cum remotiora tum vicina probe distingveret, minutiores tamen literas haud amplius expedite legere citra oculorum molestiam quiverit. Solis luminisve radii hos jam perstringebant, oculique continuo ad connivendum palpebrarumque glutinationem erant proni, cum sensu perpetuo velut sabuli iisdem adhærentis, ad quod extergendum inde urgebatur. Ceterum oculi semper fuere sicci, nunquam humidi; raroque

madentes, mane a somno ægre aperiundi; sicco digito perfricti facile rubuere cum pruritu ardente, &c. Alterum vero casum supeditavit B . . . (1), nempe vir 48 annos natus, a 7 annis viduus, mense Decembri 1758 observavit in interno dextri oculi cantho discum obscurum ab imo sursum attolli, nullo extrinsecus conspicuo vitio, qṽi a læva ex imo oblique dextrorsum ac sursum, fere lunæ more ante solem in eclipsi, sat velociter progrediebatur, inque progressu  $\frac{1}{5}$   $\frac{1}{4}$   $\frac{1}{3}$  oculi partem tegebat cum ea visus imminutione, ut non nisi e latere aliquis superesset visus. Initio discus aliquatenus erat pellucidus; objectaque velut trans lentem vitream, minora tamen, videri poterant, quod præsertim in lectione librorum observare fuit. Verum haud ita multo post occipiebant objecta quæque curva ac interrupta apparere: calamus, regula, circinus diductus, &c. mera græca & numerosa referebant. Pelluciditas disci brevi minuebatur, colore ejus effecto viridi aut ferme cœruleo, & opacitas quotidie increfcebat; disco tamen continuo rotunditatem retinente, donec color ejus profunde cœruleus omnis lucis ra-

---

(1) Frank. Samml. 5 B. 28 St. No 4. p. 298. sqq.

dios excluderet, oculumque totum, omnilicet labe extrinsecus carentem, usque adeo obtegeret, ut demum debilissima tantum coruscatio e latere ab objectis ad dextram huius oculi sitis radios immitteret, quæ tamen momento evanescebant, dum oculus versus illa distinctus intuenda dirigebatur, eorumque loco tenuis lux ab objectis ulterius dextram versus sitis oculum aliquatenus subibat, quæ perinde, promotio magis versus illa oculo, evanescebant. Qvinque aut sex diebus post, quam discus ille apparuit, & ubi jam ad  $\frac{2}{3}$  oculum occupavit, intra 24 vel 30 horas aliud spectaculum oculos morabatur, scilicet discus dictus colorem Choccolatæ exacte æmulabatur, dextro suo margine limbum exilem rubeum, optimi rubini instar, exhibens: deinde autem intra 6. 7ve a morbi principio dies plena cæcitas est consecuta. Primis 4 vel 5 mensibus æger præter bina qualibet hebdomade pediluvia, hirudinemque prope dextrum oculum semel admotam, nullis usus est remediis, ab his tamen remisit parumper malum, ut oculi læsi dimidium dextrum distinctius videret, altero dimidio lævo fere inutili manente, visio tamen dextri dimidii veluti trans nebulam aut plura plana obscuri vitri sibi superimposita debilis erat. Mense Aprili vel Majo appare-



bant omnia objecta cana; donec tandem succederet oculi affecti vix non plena cœcitas. Lucentia corpora, v. g. candela, luna, utroque oculo aperto duplicata apparuere, sed ita, ut quod eorum ad oculum dextrum pertinebat, obscurius nebulosumque esset, situ humilior, versus lævam alterius luminis ad sanum oculum pertinentis & clari, ita ut spectrum, facie meridiei obversa, huic orientem versus, conversa vero ad septemtrionem, isti versus occidentem subjaceret. Quod si æger caput cum tota superiori parte corporis violente converterat, obscurius illud spectrum circa veram luminis imaginem movebatur, descripsitque arcum quadrante circuli majorem, ac veræ imagini verticaliter ex altitudine aliquot pollicum imminebat. Poterat etiam æger utramque imaginem, prout oculum convertebat, satis vicinam sibi jungere, quæ tamen, oculo libere sibi relicto, celeriter ab se recedebant. Clauso autem oculo sano dextri oculi visus erroneus in aliis etiam, quam solis lucentibus, corporibus observabilis fuit: namque v. g. lunam tubo ita intuens, ut eam lævus oculus non videret, efficere quivit, ut dexter oculus ipsam e sinistro tubi latere profunde sitam, sed obscure & incurvam conspiceretur. Præcessit hoc malum vehementissima



totius lateris dextri faciei, præsertim circa oculum, contusio cruenta e lapsu præcipiti, & faciei ad tubum metallicum allisione, ante 4 menses tolerata. Ex his ergo satis liquet, apparentibus hujusmodi idolis non inanem esse metum amauroseos secuturæ; quam etsi nunquam secutam observaverit L. HEISTERUS (m), contrarium tamen & BOERHAAVE (n) & citati autē casus persvadent: quamquam etiam verum sit, multos annos id genus spectra adesse posse, antequam amaurosin accersant. Et hæc forte est ratio, cur isthoc mali genus nonnulli velut diversum ab amaurosi morbum spectarint, seorsimque ab illa pertractarint, ut H. BOERHAAVE (o), H. F. DELIUS (p), BERGEN (q), MEISTER, (r), &c. Apud quos proinde argumentum hoc uberius videri poterit. Sed binos huc mirabiles casus, quos s. YVES memoriæ prodidit, adji-

(m) l. c.

(n) l. c. §. 84. 88.

(o) Ibidem cap. 1. §. 78. sqq.

(p) Diff. phantasmatum ante oculos volitantia affectus oculor. singularis. 4<sup>o</sup> Erlang. 1781.(q) Diff. de maculis, punctulis, scintillis, aliisque corpuse. visui obversantib. 4<sup>o</sup> Francof. 1747.

(r) Hamburg. Magazin 23 B. 3. St. p. 227.

cere visum est, nempe homo sole aprico fraga colligens amblyopia bimestri correptus est, quo tempore fragum depictum perpetuo ejus oculis obversabatur (s). Porro juvenis Canonicus amaurosi imperfecta unius oculi cum ejus pupilla  $\frac{1}{4}$  partem nativæ contractionis tantum habente laborans, dum oculo sano clauso cœcutientem ad legendum adhiberet, pro litteris earumque seriebus nil nisi lineas nigras conspiciabatur, quarum in medio proprii oculi imaginem usque adeo determinatam videbat, ut & iridis colorem & radiorum quorundam per eam transeuntium situm exacte teneret. Ufu catharticorum, refrigerantium, & spirituosorum collyriorum, intra 30 dies spectrum evanuit, visusque acies pristina rediit (t). Et PETITUS quoque eundem ab se morbum observatum Cl. Auctori testatus est (u).

c) *Splendores* varii, ut scintillæ, ignes, colores, jubar lucis &c. Hujusmodi autem lucentia spectra cum nascentem tum

(s) Tracl. von denen Krankheiten der Augen 2. Th

33 Cap. §. 2. p. 345.

(t) Ibidem 28 cap. §. 7. p. 327. sqq.

(u) Ibidem §. 8. p. 328.

absolutam quoque amaurosim comitantur :  
priori in casu scintillas sibi ex oculis erum-  
pere E. GOCKELII (x) & WEBERI (y)  
ægrotae querebantur, quas easdem in igneos  
sensum globos mutatas BARTHOLINI (z)  
navarchus videbat, cujusmodi globos &  
DONATI (a) mulier, & SACHSII (b)  
chirurgus se videre narrabant. Ignis varii  
coloris CONSBRUCHII (c) sartoris ocu-  
lis obversabantur, & A. G. RICHTERUS (d)  
„ virum vidit amaurosi incipiente laboran-  
„ tem, qui subito sibi sæpe splendorem ma-  
„ gnum instar luminis borealis ante oculos  
„ surgere, mox iterum evanescere dicebat,, :  
cujus generis forte & ii splendores fuerint,  
qui feminam SACHSII (e) perpetuo mo-  
lestabant. RICHTERUS (f) porro „ femi-  
„ næ cataractam extraxit, quæ aliquem, mi-  
„ nimum tamen, lucis sensum superstitem

---

(x) Consil. & Obs. med. No 2.

(y) Vide §. 70. 103. A. No 8.

(z) Vide §. 57. No 1.

(a) Ibidem.

(b) Ibidem.

(c) Vide §. 74.

(d) l. c. p. 69.

(e) Vide §. 57. No 1.

(f) l. c. p. 67. 64.

„ habebat , muscasque igneas punctulaque  
 „ flava ante oculos sibi sæpissime volitare  
 „ confitebatur. Qvāvis facillime blandiffi-  
 „ meque perageretur operatio , prorupit  
 „ tamen portio humoris vitrei insignis te-  
 „ nuitatis. Restituta post operationem vi-  
 „ dit tantillum , qvāvis patula puraque  
 „ pupilla esset ; perdidit tamen intra  $\frac{1}{2}$  an-  
 „ num recuperatam videndi facultatem spon-  
 „ te , & perfecta amaurosi tandem occæca-  
 „ ta est „ . ESCHENBACHII (g) qvo-  
 „ que juveni per initia amauroseos discus luci-  
 „ dus ob oculum læsum versabatur. Is vero,  
 „ qvi perfecta jam amaurosi laborant , plerum-  
 „ que apparitiones vel colorum vel jubaris so-  
 „ laris illudere solent. Sic LENTILII (b)  
 „ mulieri noctu interdum fulgor qvasi subitaneus  
 „ utrumque oculum perstringebat. Apud M.  
 „ DONATUM (i) „ Comitissa . . . cum plu-  
 „ ries oculorum infl. laborasset , . . . in utrius-  
 „ que pupillæ dilatationem incidit : cumque  
 „ etiam & hypochondriacam affectionem pa-  
 „ teretur , . . . multoties incipientis suffusio-  
 „ nis (amauroseos) accidentia patiebatur ;

(g) Vide §. 27. No 4.

(b) Vide §. 60. No 5. d).

(i) De medic. histor. mirab. L. 2. C. 9. p. m. 79.

„ nonnunquam quædam piliformia, alias  
„ veluti lanarum filamenta, ac veluti araneorum  
„ texturas, muscasve & culices,  
„ hujusmodique idola præ oculis observari  
„ conquerebatur. Verum cum indies...  
„ pupillæ mydriases augerentur, ferme integra  
„ cœcitate correpta fuit, ut nihil  
„ præter tenebrosas nebulas, modo rariores  
„ modo denfiores, cerneret. Cumque jam  
„ tertius ageretur annus a die, quo in hujusmodi  
„ malum inciderat, derepente Januario  
„ mense jam occidente sole a mulieribus  
„ ancillis percontari cœpit, an solares  
„ radii thalamum illuminarent? se enim  
„ undique splendores intueri affirmabat, qui  
„ fere penitus paucum, quod illi reliquum  
„ videndi munus erat, adimerent. Nocte  
„ tota, etiam clausis fenestris, nec dum  
„ luminaribus accensis, se nihilominus sub  
„ sole versari affirmabat, & adstantium  
„ umbras in sole videre, : quo symptomate  
„ pluries per sequentes dies & menses postea  
„ vexabatur. Haud fecius L. HEISTERI (k)  
„ Pyrotechna simile malum est expertus, qui  
„ visu oculi sinistri, cujus cornea tota flava &  
„ opaca evasit, ex inflammatione amisso, octo

---

(k) 1. s. 2 Band No 283.



post annis, dum tonaute cœlo in vallum concessisset, ibidem oculi etiam dextri, hactenus sani, visum repente omnem prorsus perdidit, vehementissima subsequente cephalalgia, quæ etsi ad efficacissima cum interna tum externa remedia, ut sanguinis missiones, vesicantia, setaceum, &c. remiserit, nunquam tamen ex integro desit, visu interea nullatenus emendato. His aliud accessit crebrum ac diuturnum symptoma, nempe non interdiu modo sed noctu etiam summa lucis claritas oculis affulgebat, velut a sole in eodem resplendente, quæ noctu ingruens omnem arcebat somnum, ut homo vel nullatenus vel vix horam dormire quiret; siquidem sensatione hujus claritatis statim expergisceretur, neque ab eadem decubitu in faciem oculosque se tueri posset. Porro continua fere vertigo aderat usque adeo, ut dum filio duce ambulabat, non recta progredi, sed ab illo in eadem statione se velut circa centrum in gyrum duci crederet. Postremo autem dextro in oculo verum apparuit glaucoma; etenim opacitas non convexa & procul pone pupillam postrosum visebatur. Sed longe mirabilior est apud eundem (1) amau-

---

(1) Ibidem No. 453.



roticæ mulieris casus: hæc alternis diebus, clausis etiam oculis, ac noctu quoque, binos colores, album videlicet ac rubrum, videre sibi videbatur, hunc uno, illum altero die, idque exactissima periodo, ita ut hora 5<sup>a</sup> matutina idea posterioris priori semper succederet, duratura ad eandem insequentis diei horam. Qua die autem omnia sibi rubra videbantur, aderat tristitia, anxietas, & cordis oppressio; dum periodo coloris albi durante esset hilaris. Omnia hæc 4 menses durarunt citra ullum aliud febris indicium. Lucidorum id genus spectrorum uberiorem doctrinam, nec non varias de illorum causis conjecturas apud H. BOERHAAVIUM (*m*) videre est.

d) *Visio objecti duplicata*, multiplicata, aliterve erronea, non raro inter prima amauroseos nascentis phænomena est observata. Apud F. HOFFMANNUM (*n*)  
 „ vir 30 annorum 6 circiter abhinc annis  
 „ corpus fortiori labore & exercitio vehe-  
 „ menter commotum subitanæ exposuit re-  
 „ frigerationi: unde dolorem quendam gra-  
 „ vativum capitis, & accedente oculi dex-

(*m*) l. c. cap. 2. §. 92. sqq.

(*n*) Med. rat. syst. T. 4. P. 4. C. 4. Obs. 1.

„ tri contusione, magnam in ipso visus imbe-  
 „ cillitatem, nullo externe adparente vi-  
 „ tio, sensit. Variis igitur usus est reme-  
 „ diis, vesicatoriis, fonticulis, collyriis, at-  
 „ que purgantibus; sed sine ullo effectu.  
 „ Ante biennium accedebat scabies, & post  
 „ hæc ad sinistrum quoque oculum transi-  
 „ bat vitium, dum non modo visio valde  
 „ imbecillis esset, verum etiam scintillulæ  
 „ maculæque dicto obversarentur oculo, ei-  
 „ demque omnia duplicata adparerent obje-  
 „ cta. Præterea aurium gravi tinnitu, sto-  
 „ machi magna debilitate, ructuosus ac fla-  
 „ tulentis molestiis, alvi obstructione, do-  
 „ loribusque artuum tractoriis vexabatur;  
 „ vultus lividum præ se ferebat colorem,  
 „ & vitæ genus sedentarium, multis ingenii  
 „ laboribus ac scriptiõibus implicatum con-  
 „ tinuare non desinebat,,. Perinde I. L.  
 SCHMUCKER (o) curavit supremum vi-  
 giliarum Præfectum eqvitus Hungarici,  
 qui pro ternis quadrati sui agminis seriebus  
 fenas semper videbat; nec non & alium,  
 qui pariter omnia duplicata videbat. Nar-  
 rat quoque (p) juvenem 26 annorum, jam

---

(o) Vermischte chirurg. Schriften I artic. p. 12.

(p) Ibidem p. 13.

annuam amaurosin tolerantem pro visu opem quæsiuisse, qui ante cœcitatem observavit, post validiorem motum sibi primum visum fuisse hebetatum, deinde vero quælibet objecta apparuisse duplicia. Ad minimum motus sanguinis augmentum maculas nigras ante oculos conspicabatur; donec demum penitus visu orbatus fuisset. Vasa choroidæ tantopere habuit distenta, velut si materia ceracea fuissent repleta, & cœcitas ejus erat inmedicabilis. Haud secius duplicata objecta videbant GRASSIUS (*q*), juvenis BRIGGSII (*r*), HEERII (*s*) medicus, musicus MUZELII (*t*), ACRIEDLINI (*u*) bibulus; multiplicata vero præter MUZELII (*x*) podagricum etiam ESCHENBACHII (*y*) mercatori apparebant. Reliqua vero visus erronei vitia sunt, dum objecta ægris apparent vel fracta, ut feminæ HANNEMANNI (*z*), vel alieno

(*q*) Vide §. 87.

(*r*) Vide §. 37. a).

(*s*) Vide §. 30. b).

(*t*) Vide §. 111.

(*u*) Vide §. 35. a).

(*x*) Vide §. 111.

(*y*) Vide §. 27. No 4.

(*z*) Vide §. 114.

loco sita, ut HEERII (*a*) medico, vel inversa, ut binis ægris MUZELII (*b*), vel omnia eundem habentia colorem, ut viro WEPFERI (*c*), cui cuncta cœrulea esse aut viridia videbantur, &c.

### §. 17.

3. PUPILLARUM vitia amaurosi solennia maximam merentur attentionem; quippe quæ rite observata maximi in morbi diagnosi cum absoluta tum relativa (*d*) sint momenti: quatuor autem præprimis sunt, quæ pupillas amauroticas ab sanis distinguunt, nimirum earum diameter, mobilitas, figura, color.

a) *Diameter* seu amplitudo pupillæ in oculo amaurotico fere semper est major solito, velut in DONATI (*e*) matrona, GRASSIO (*f*), ægroto MORGAGNII (*g*),

(*a*) Vide §. 30. b).

(*b*) Vide §. III.

(*c*) Vide §. 57. No 1.

(*d*) Vide §§. 54. 55.

(*e*) Vide §. præced. c).

(*f*) Vide §. 87.

(*g*) Vide §. 32.

&c. quæ interdum usque adeo est. diducta, ut iris pene omnis evanescat, quemadmodum in FLOYERI (*b*) infante, RICHTERI (*i*) juvene 24 annor. ac PLATERI (*k*) homine. Vitium isthæc peculiare morbi genus est ab amaurosi prorsus diversum, id quod „ *μυδρίασιν* Græci vocant. Pupilla diffunditur „ & dilatatur, aciesque ejus hebescit, ac „ pene caligat, „ inquit CELSUS (*l*). Verum quod sæpe alias CELSO accidit, ut morbum unum cum altero confunderet, etiam hic *μυδρίασιν* cum impotentia videndi unum in morbum conflavit; a quo eodem errore nec ORIBASIUS (*m*), nec AETIUS (*n*), nec AEGINETA (*o*), nec ACTUARIUS (*p*) sibi satis caverunt. Enim vero potest mydriasis citra ullum visus vitium præsto esse; quem enim latet, verminosis haud raro aut alterutram aut utramque pupillam illæsa vi-

(*b*) Vide §. 106.

(*i*) Vide §. 66. No. 2.

(*k*) Vide §. 47. b).

(*l*) l. c. §. 37.

(*m*) Synops. L. 8. C. 44.

(*n*) Tetrabibl. 2. Serin. 2. C. 52.

(*o*) l. c.

(*p*) Meth. medendi L. 2. C. 7.



sus acie diffundi (q)? Facit huc in primis matrona G. SCHUBARTI (r), quæ post aliquot annorum sterilitatem e diu suppressis mensibus in cachexiam primum incidit, a qua aliquatenus sanata anno insequente e febre continua decubuit cum gravi & continua cephalalgia, nec non diarrhœa periculosa. Febre decedente pupillæ utriusque oculi cœpere supra modum & magnitudinem naturalem dilatari ac tumescere, ast sine notabili læsione visus (ut qui ne imminueretur quidem): paulo post per intervalla, prævio molestissimo pruritu, ex levi frictione serosi humoris sæpe ff j. & amplius etiam, alias verò minus, intra 24 horas effluxit. Tentatis variis externis juxta ac internis frustra remediis, tandem fonticulus inustus feri effluxum ad se avertit; at horribilis illa aspectu pupillarum diffusarum intumescencia mansit immedicabilis. Plura huc facientia apud B. MAUCHART (s) videre est. Hinc igitur liquet, mydriasin sui generis esse morbum atque ab impotentia visus quacunque prorsus diversum, posseque mydriasin citra amaurosin seu

---

(q) VAN DEN BOSCH hist. epidem. verminos. C. 4. S. 7. p. m. 329.

(r) Misc. nat. cur. dec. 1. ann. 2. obs. 260.

(s) Diss. de Mydriasi. §. 36. Cas. 1. 2.



inchoatam seu absolutam accidere, quemadmodum & hæc citra illam esse, ut paulo post dicetur, potest. Quid quod observatum amauroseos genus esse. velit SAINT YVES (t), in quo tantum abest, ut pupilla sit diffusa, ut multo potius sit solito arctior. Quod vitium *myosis* aut *metosis* nuncupatur. Perinde RICHTERUS (u) „ neque quando immobilis est pupilla, dilatata præter modum, dum simul semper ea est (ait). Bis vidi „ illam immobilem & simul præter modum „ contractam, aliquando etiam naturalis „ amplitudinis fuisse „. Eapropter cum mydriasis tum myosis amaurosi ut symptoma junctæ esse possunt, quin tamen alterutra earum semper præsto esse debeat.

b) *Mobilitas* porro iridis adeo in amaurosi vulgo perit aut minuitur, ut hujus illa velut pathognomicum signum a BOERHAAVIO (x), HEISTERO (y), S. YVES (z), aliisque habita tuerit. Nam cum, ut superius (a) dictum, ante BOERHAAVIUM

(t) l. c. 27 cap. §. 9.

(u) l. c. p. 65.

(x) Vide §. 2.

(y) Ibidem.

(z) l. c. Beschreib. des Auges 8 cap. §. 3.

(a) Vide §. 1. 2.

passim omnes amaurosin vocarent cæcitatem  
 citra conspicuum in oculo vitium, primus  
 BOERHAAVIUS observavit pupillam cæci  
 oculi esse immobilem. In imperfecta vero  
 amaurosi cum aliquid ex visu sit reliquum,  
 etiam iridis aliqua superest plerumque mobi-  
 litas, quam s. YVES (b) visui superstiti pro-  
 portionatam semper esse voluit „ e numero  
 „ sis (inquiens) observationibus didici, di-  
 „ versos imminuti visus gradus nunquam  
 „ non cum gradibus diversis imminutæ mo-  
 „ bilitatis iridis adeo congruere, ut ex his-  
 „ ce indagatis fere semper de visus magni-  
 „ tudine recte judicari citra præviam ægri  
 „ narrationem. Porro etiam observavi, amif-  
 „ so visu plerumque aut diductam manere  
 „ pupillam aut admodum coarctatam, atque  
 „ ad quosvis luminis gradus esse immobilem.,.  
 Ac paulo post (c) pro visu varie imminuto  
 aut profus amisso determinando sequentem  
 canonem inde eruit: si clausis oculis, qui  
 affectus est, post palpebram superiorem pol-  
 lice in gyrum perfrictam subito rursus in ad-  
 versum lumen aperiatur, ejusque pupilla mo-  
 tu iridis evadat  $\frac{1}{2}$   $\frac{1}{3}$   $\frac{1}{4}$  &c. vel minor ex am-

---

 (b) l. c.

(c) Ibidem §. 11. 12.

plissima prius, vel major ex arctissima, tantumdem etiam huic oculo superest de visu, quantum ejus pupilla se vel diduxit ex arctitudine, vel ex amplitudine coarctavit; quod si vero oculi, cujus pupilla amplior arctiorve solito est, iris hoc in experimento sit prorsus immobilis, etiam visus in eodem ut plurimum nullus est, nisi rarissimis in casibus. Monente vero A. MAITRE-JEAN (*d*) semper ad id est respiciendum, unusne an uterque oculus amaurosi sit affectus? Priore enim in casu pupilla oculi affecti non semper, sed clauso tantum sano oculo, est aut solito languidior aut immobilis; utroque autem oculo aperto ac sibi relicto pupilla oculi amaurotici sequitur e consensu motum pupillæ sanæ, ut ita oculus æger ab sano vix discerni queat. Quocirca ut s. YVESII canonis sua constet veritas, oculum sanum sub examine læsi oportet esse atro quodam corpore contactum. Si jam canon memoratus ad limam experientiæ omnis ævi revocetur, haud est inficiandum, hanc illi ut plurimum (nam & s. YVES etiam rem ut plurimum tantum dixit obtinere) suffragari, quemad-

---

(*d*) Von den Krankh. des Auges 2 Th. 4. C. No  
I, p. 274.

modum perfectæ in primis amauroseos casus id evincunt, v. g. ut erant complures ægri COLLINI (*e*), puellæ FOURNIERII (*f*), GOHLII (*g*), HEYI (*h*), HOFFMANNI (*i*) septennis, ac WATSONI (*k*), tum ISENFLAMMII (*l*) matrona, HEYI que (*m*) foflor, ac viri GEACHII (*n*), HOFFMANNI (*o*), PÜSCHELII (*p*), SCHMUCKERI (*q*) bini, & SIGELII (*r*), &c. Sed sunt nihilominus casus, iiqve haud ita pauci, qvi ab eo canone abludunt, cum perfectæ tum nascentis etiam amauroseos. Etenim si nascentis observationes, quæ exstant, inspiciantur, haud raro mobilitas iridis aut major est superstitè visu, aut minor :

(*e*) Vide §. 79. B. fqq.

(*f*) Vide §. 112. a).

(*g*) Vide §. 98. No. 1.

(*h*) Vide §. 106.

(*i*) Vide §. 38. b).

(*k*) Vide §. 40.

(*l*) Vide §. 60. No. 4. c).

(*m*) Vide §. 106.

(*n*) Vide §. 43.

(*o*) Vide §§. 44. 58.

(*p*) Vide §. 66. No. 5.

(*q*) Vide Histor. 8. 9.

(*r*) Vide §. 106.

major utique fuit in juvene CAMERARII (s),  
 HALLERI (t) sexagenario, pueroque  
 HOFFMANNI (u), nil nisi lucem a tene-  
 bris discernentibus; contra ea matronæ DE-  
 MOURSII (x) pupilla cum esset amplissi-  
 ma immobilisque, objecta nihilominus me-  
 diocris magnitudinis vidit, minora licet,  
 quam par erat, ac velut trans peplum. Perin-  
 de ESCHENBACHII (y) mercator per dex-  
 tram pupillam diffusam ac vix mobilem ob-  
 jecta eminus sita rite discernebat. Haud se-  
 cius in MUZELLII (z) musico cum esset pu-  
 pillam dextra amplissima, exiguæque mobilita-  
 tis iris, visus tamen non tam hebetudine,  
 quam objecta duplicata inversaque ac diffusa  
 admodum exhibendo potius, peccavit, &  
 rediens iridi motus nil emendabat aliud,  
 quam quod duplicata objecta & inversa mi-  
 nus jam ab se, quam ante, viderentur distan-  
 tia. Sic etiam ejusdem (a) podagricus cum  
 amplissima ac pene immobili pupilla multipli-

(s) Vide Histor. 1.

(t) Vide §. 90.

(u) Vide §. 104.

(x) Vide §. 44.

(y) Vide §. 27. No 4.

(z) Vide §. 111.

(a) Ibidem



cata non nisi objecta viderat. Denique PLATERI (b). æger haud nisi paulo minus se oculo affecto præ sano videre ajebat, cujus pupilla diffusissima erat, & aliquando solummodo motus ejus in iride observabatur. In absoluta porro amaurosi non desunt exempla iridis sanorum instar mobilis. Sane A. G. RICHTERUS (c) „ vidit ... non raro ... „ perfectissima amaurosi occæcatos, quorum „ pupilla mobilis erat, & ad minimum lucis contactum valde vivideque se constringebat. .. Immo, quod mirum est, aliquoties vidit sub usu medicamentorum, quibus visum restituere studebat, perditam redire pupillæ mobilitatem, visu haud redeunte „ : quod in primis ejus in viro 52 annorum observare fuerat (d); juveni vero Hildesienfi (e) utroque oculo capto pupilla erat jam ante remediorum usum mobilis; & potatori alternis diebus amaurosin perfectam pati solito iris in accessionibus æque ac extra easdem contrahebatur (f). In

---

(b) Vide §. 47. b).

(c) l. c. p. 63.

(d) Obs. chir. fasc. 1. C. 13. Obs. 8. p. 148.

(e) Vide §. 66. No 2.

(f) Vide §. 90.



juvene etiam HAENII (g) amaurosis ejusmodi erat, ut noctem inter diemque nihil distingveret, summam tamen agilemque pupillæ utriusque constrictionem & dilatationem ad majus minusve lumen haberet. Bis quoque I. L. SCHMUCKERUS (h) amaurosin perfectam cum pupillis mobilibus observaverat. H. J. JANINI (i) puer novennis a semestri cæcus tenebris usque adeo immerfus fuit, ut clarissima in luce collocatus ne minimum quidem ejus effectum persentisceret: nihilo tamen secius pupillarum diametri erant secundum naturam, ac pro luminis admissi intensitate velut in sanis variabiles; quippe quæ interceptis prætensa oculis manu radiis luminis magis sese diffuderint, ablataque manu denuo se contraxerint. Oculi aspectu nitidissimi exquisito visu pollere videbantur. Perinde (k) Domina DE LA VANNE ad 32 annos nata, jam inde a pubertate hystericis affectionibus obnoxia, a triennio visu caruit.

---

(g) Vide §. 116.

(h) l. c. p. 13.

(i) Abhandl. u. Beobacht. über das Auge, u. dess. Krankh. 2 Th. 11 Abtheil. 1 Beobacht, p. 371.

(k) Ibidem 2 Beobacht.

Oculi ejus spectata seu fabrica, seu claritate humoris aquei pellucidarumque partium, seu iridis mobilitate, optime constituti videbantur; soli tamen sæpius expositi inter clarissimam ejus lucem tenebrasque spississimas ne minimum quidem discrimen percipiebant, ut ut iris utriusque oculi ea fuerit mobilitate gavisa, ut pupillas ad lucem clariorem confringeret, relaxaret ad obscuriorem, haud fecius ac si optimus præsto fuisset visus. Ipsi quoque s. YVESIO (1) id multo crebrius, quam quidem ejus canon adnittat, observandum videtur occurrisse, præsertim in amaurosi monocola; nam „ si amaurosis (ait) „ citra cephalalgiam alterutrum tantum oculum invasit, ejus vitium detegi nequit, „ quamdiu ambo oculi sunt aperti: at clauso oculo sano, pupilla affecti continuo „ dilatatur, etiam si luci sit obversa, manetque eodem hoc in statu, usque dum sanus oculus rursus aperiatur, quo facto „ pupilla oculi affecti dilatata ad mensuram pupillæ oculi sani, ob mutuam vim, sese „ coarctat. Hoc unico signo cognoscitur, „ oculo læso nullum amplius inesse visum: „ quod etiam signum amaurosi usque adeo

---

(1) l. c. 2 Th. 27 Cap. §. 8, p. 319,

„ est proprium, ut ne in glaucomate qvi-  
„ dem præsto sit, siquidem in isto semper  
„ diffusa maneat pupilla „. Tametsi vero  
hic genuinum glaucoma inter ac amaurosin  
discrimen ab s. YVESIO adstructum oppu-  
gnandi locus idoneus non sit, id unum ta-  
men qværare haud præterierim, qvodnam  
demum s. YVES tribuisset discerniculum glau-  
comatis a perfecta utriusque oculi amaurosi,  
qvandoqvem etiam in hac pupillæ ambæ  
ut plurimum & diffusæ sint, & prorsus immo-  
biles? Porro glaucomane ex amaurosi natum  
continuo dicendum sit, dum perfecta amauro-  
sis unum primum oculum, tum aliquo post  
tempore alterum quoque invadens, nullo  
alio accedente vitio sensibili, utramque pu-  
pillam & diducit, & immobilem reddit, ut ut  
ante pupilla oculi primum læsi motum pupil-  
læ sanæ e consensu habuerit? Ne s. YVES  
qvem, ut opinor, postremum hoc dixisset.  
Nobis profecto, si glaucoma uspiam  
accidit, alia illius opus est, qvam s. YVESII,  
diagnosi. Interea vero ex hætenus in me-  
dium allatis liquet, imminutum abolitumve  
pupillæ motum haud esse phænomenon amauro-  
seos pathognomicum, ut qvi & abesse pos-  
sit, & non pro ratione imminuti visus adesse;  
qvandoqvem & præsentem pupillæ diffusæ  
immobilitate visus constare, & isto penitus

extincto illa velut in videntibus & arctari & diduci solet, & langvidior pupillæ motus cum visu aut prorsus nullo aut majori, quam langvidus pupillæ motus promittat, fuerat observatus. Varius hic pupillæ cum amaurosi status huc usque Anatomicorum industriam ac Physiologorum ingenia haud mediocriter torfit, in veram ejus causam indagantium. I. L. SCHMÜCKERUS (*m*) cito se ex hac difficultate expedit dicens: iridem, quæ pupillam effingit, esse choriodeam continuam; hujus nervos, a quævis motus iridis pendet, e ganglio lenticulari proficisci, nullumque iis cum nervo optico esse commercium: hinc evenire posse, ut vel soli iridis, vel soli optici nervi, vel utrique dato tempore inefficaces reddantur, primoque in casu adfore visum, licet pupilla sit diffusa ac immobilis, in altero vero contrarium eventurum, in postremo denique cœcitatem adfore cum pupilla simul ampla & immobili. Sed ut de iridis e choroidea continuitate (licet JANINI (*n*) experimento contrarium sit evictum) dicam nihil, nimis confidenter Cl. Vir nervis ciliaribus iridis cum optico nervo com-

---

(*m*) l. c. p. 14.

(*n*) l. c. Introduct. No. 17. p. 10.

mercium nullum esse afferit : nullum esse hactenus Anatomicorum industria detectum, nemo inficiatur ; sed quoniam nullum dum ciliares nervos inter opticumque detexere Anatomici commercium, num propterea reapse est nullum? Verum ut id etiam Cl. Auctori demus, haud aliud ejus e verbis eruitur, quam solus modus, quo alterutrius aut utriusque vitii praesentia explicatur. At plus utique hic pathologi desiderant, nimirum quanam sit causa, quae jam solos vel opticos vel ciliares laedit nervos, jam utroscumque? & qui id ipsum ab hac causa efficiatur? Haud dubie H. J. JANINUM (o) secutus est SCHMUCKERUS in memorata phaenomeni explanatione, quam ille dedit eandem, nisi quod iridem neget esse choroideam continuam. Neque feliciores in eodem hoc phaenomeno explicando fuere, qui visus organum non opticum nervum, sed choroideam esse volebant, quorum in numero S. YVES (p) quoque fuit; namque illorum in sententia difficulter ratio redditur, cur in amaurosi perfecta pupillae interdum suam retineant mobilitatem?

---

(o) l. c. 2 Th. II Abtheil. p. 372.

(p) l. c. Besch. des Auges 8 Cap. §. 4. sqq. p. 47.



c) *Figura* quoque pupillarum amauroticarum interdum ab ea, quæ sanis est propria, abludit; nam cum pupilla tantum non semper circularem suam retineat figuram, aliquando tamen hac amissa evasit oblonga, velut in viro RICHTERI (q), ac DEMOURSII (r) matrona: huic illa morbo curato ad pristinam formam rediit, illi cum ipso morbo oblonga mansit.

d) *Color* denique pupillæ amauroticæ considerari meretur, ut qui non omnibus in ægris idem semper sit, & ad diagnosis, ac forte ipsam etiam prognosin, rite instituendam non ultimi sit momenti. Vulgo amaurosis,, a nonnullis dicitur suffusio nigra, „ & Germanis audit *der schwarze Staar*, „ quod propterea factum existimo, inquit „ L. HEISTERUS (s), quia pupilla nigra „ atque serena manet, cum in vulgari suffusione nigritiem mutet. Nonnulli etiam „ asserunt, pupillam nigriorem evadere; „ quod vero vix verum est, nisi pupillam „ majorem intelligant „. Splendidissimi sane nigroris pupilla erat RICHTERI (t)

(q) Obs. chir. fasc. 1. Cap. 13. Obs. 8. p. 148.

(r) Vide §. 44.

(s) Dissert. cit. §. 2. p. m. 335.

(t) Vide §. 66. No 2.



juveni Hildesienfi, nigra quoque GOHLII (u) puellæ, puero LEBENWALDII (x), virginique SCHROECKII (y). Sæpissime tamen, notante SCHMUCKERO (z), pupilla, amisso nitente suo venusto nigrore, in pallorem vergit magis, eminens quoque ab artis perito observabilem. Sed unus omnium instar A. G. RICHTERUS (a) hanc in rem audiendus: „color rem pupillæ (inquit ille) oculi gutta ferena adfecti nigrum, sanum, omnisque vitii expertem esse, plerique uno ore adfirmant. Hoc autem assertum magis adhuc, quam prius (de pupillæ amplæ immobilitate), erroneum esse iterum iterumque expertus sum. Plerumque sane splendido illo puroque nigrore orba est pupilla oculi, qui amaurosi laborat; langorem in illo hebetudinemque loco nitoris illius, quo gaudet sanus integerque oculus, quilibet in illo animadvertet. Aliquoties tam insignem pallorem pone pu-

(u) Vide §. 98. No 1.

(x) Vide §. 46.

(y) Vide §. 32.

(z) l. c. p. 5.

(a) l. c. Fa.c. 2, Cap. 5. p. 65. sqq.

„ pillam percepi, ut, quod ingenue fateor,  
„ dubius aliquando hæserim, cataractane in-  
„ cipiente an amaurosi æger laboret. Faci-  
„ lis sane in hoc casu error est, in primis  
„ si perfecta non dum est amaurosis, motu-  
„ que adhuc pupilla, luminisqve quodam sen-  
„ su retina gaudet. Plures sane, quod affirma-  
„ re possum, ad me pervenerunt ægri, & me-  
„ dicorum svasu, qui cataracta illos laborare  
„ credebant, operationem petierunt. Dubita-  
„ vi diu de ortu & natura hujus palloris ali-  
„ quando satis insignis, donec puer aliquis  
„ me adibat, cujus oculos cæcitas singulari sa-  
„ ne ratione adficiebat. Albissimus pone pu-  
„ pillam & lacteus quasi color adparebat, cum-  
„ que accuratius oculum inspicerem, totam  
„ quasi illius internam superficiem, retinam  
„ albam, vasculaque in illa rubra, punctula-  
„ que hinc inde dispersa distincte videre mi-  
„ hi videbar. Difficile est, singulare hoc  
„ explicare phænomenon. An vere hic re-  
„ tina translucebat? Ita mihi videbatur. An  
„ itaque pallor ille, qui tam frequenter in  
„ oculis amaurosi adfectis observatur, non  
„ opacitati cuidam pallidæ, sed potius re-  
„ tinæ paululum translucenti tribuendus?  
„ Unde vero nimia hæc oculi pelluciditas?  
„ An forsan nimia humorum tenuitas & dis-  
solutio

„ solutio arguenda (b) ? .... Interim ta-  
„ men non nego, frequenter etiam pupil-  
„ lam oculorum amaurosi laborantium puro  
„ illo splendente nigrore præditam esse, ut  
„ itaque, siquid subest huic morbo vitii in  
„ humore vitreo, id tamen non semper  
„ subfit,,. Qvod ad causam palloris pone  
pupillam amauroticam conspici attinet, il-  
lum, si quid video, ab retinæ, colore pal-  
lido præditæ, non tam pelluciditate, quam  
opacitate potius provenire veri est simile, a  
qua radii ad oculum spectatoris reflexi colo-  
rem ejusdem repræsentant: si enim pelluci-  
da sit, radios transmittet, non reflectet.  
Cur autem in oculis sanis retinæ color ille  
pallidus a nobis non observetur, præterquam  
qvod pupilla sanorum arctior obstat, visio-  
nis campum minuendo, probabile admodum  
est, ut RICHTERUS conjicit, id humoris vi-  
trei dissolutioni tribuendum esse. Quam con-  
jecturam illud etiam persuadet magis, qvod  
nonnunquam aliqua solum retinæ plagula  
fiat conspicua, a qua nimirum radii reflexi  
per portionem humoris aquei jam dissolutam,  
dum reliquum ejus adhuc consistens est, ad  
oculum spectatoris trajiciunt. Sic RICH-  
TERUS (c) „ virum vidit 30 annor. dex-

---

(b) Vide §. 50. No 2.

(c) l. c. p. 68.

„ tri oculi amaurosi laborantem, cujus reti-  
 „ næ eam tantum partem, quæ in oculi an-  
 „ gulo interno est, æque distincte, ac in  
 „ priori casu videre sibi videbatur „. Inte-  
 rea non nigra modo aut pallida pupilla est  
 amauroticis, verum rubellum quoque colo-  
 rem interdum in profundum oculi inspecien-  
 tibus exhibet, velut in SCHMUCKERI (d)  
 juvene, qui vasa choroideæ adeo distenta  
 habuisse dicitur, velut si materia ceracea  
 fuissent injecta; nisi forte quis vasa hæc non  
 tam choroideæ, quam quæ retinam inter hu-  
 moremque vitreum reticuli in modum tuni-  
 cam amphyblestroiden formant, fuisse malit,  
 quæ vice quadam B. S. ALBINUS probe in-  
 jecta est demiratus (e).

### §. 18.

4. BULBUS oculi læsi haud raro etiam  
 peculiaria symptomata exhibet, cujusmo-  
 di sunt:

a ) *Siccitas*, quam insignem expe-  
 riebatur juvenis CRAMERI (f).

b ) *Durities* bulbi affecti fere lapi-  
 dea ad contactum.

(d) Vide §. 16. d.)

(e) Annotat. Acad. L. 3. C. 14. p. 59. sqq.

(f) Vide §. 115.

c) *Varices* venarum albugineæ, quales in HOFFMANNI (g) ægro videre fuit.

d) *Sabuli sensus*, ad quod extendendum ex oculis HEISTERI (b) æger perpetuo urgebatur. Forte varicibus venarum sensatio hæc debetur.

e) *Stridor bulbi*. WEPFERI (i) Ecclesiasti dum palpebræ premebantur, stridorem edebant instar axium intra vincula januarum exsiccatorum.

f) *Tumor, marcorve*, pro ratione causæ, cui morbus debetur: tumor insignis aderat in bajulo GUERINI (k), &c. Omnia autem hæc aliaque id genus symptomata tum præsertim adfunt, dum insignis vasorum bulbi infarctus amaurosin causavit.

§. 19.

5. CEPHALALGIA, *Cephalæave* frequentissimum esse consuevit amauroseos symptoma, simulque non sine insigni varietate,

(g) Vide §. 58.

(b) Vide §. 16. b).

(i) Vide §. 37. a).

(k) Vide §. 34.



seu tempus spectetur, quo invadit, seu duratio, intensitas, locusve, in quem desævit. Haud pauci tamen sunt amauroseos scriptores, qui cephalæam inter ejus causas maluerunt, quam inter symptomata, relatum, forte quod viderint legerintque interdum cephalæam, ut primum amaurosis oborta est, desisse: verum anatome in plerisque his casibus instituta docuit, manifestas in encephalo adfuisse causas, imo sui generis morbos, quorum non cephalæa illa minus, quam ipsa amaurosis effectus tantum ac symptomata fuere. Ut proinde amaurosis non tam a cephalæa quam a manifestis his organicis morbis repetenda sit. Patebit id suis ubique postea locis. Nunc varietates hujus symptomatis, pro eo ac par est, expendamus.

a) *Tempus*, quo dolor capitis affligere occipit, varium omnino esse observata testantur; sæpenumero enim amaurosin multo ante præcedit, ac vel ex intervallis vel continenter affligit. Sic aliquot annis in caput mulieris BEHRII (1) sæviit, antequam visum ademit; biennio per periodos

---

(1) Vide §. 73.



ante cœcitatem GOHLII (*m*) adolescentem 15 annor. cum vomitu graviter afflixit; ac perinde diu ante ex intervallis anum KALT-SCHMIEDII (*n*) cruciabat, qvod idem experta est matrona SPINDLERI (*o*), licet qvilibet insultus aliqualem amblyopiam caufarit: forte etiam ROTHARTI (*p*) matrona huc est referenda. Haud secius diuturnior dolor præcessit in feminis DONATI (*q*), FORESTI (*r*), GABELCHOVERI (*s*), in gravida GOCKELII (*t*), nec non in adolescente HANNAEI (*u*), HEISTERI qve rustico (*x*) ac binis juvenibus (*y*), tum LAMZWEERDII (*z*) cive, ac scriniario SCHOBERI (*a*), ac denique in sexenni

---

(*m*) Act. med. Berol. Dec. 1. Vol. 5. art. 2. No. 87. p. 88.

(*n*) Vide §. 32.

(*o*) Vide §. 40.

(*p*) Vide §. 60. No. 4. f).

(*q*) Vide §. 57. No. 1.

(*r*) Vide §. 103. A. No 1.

(*s*) Vide §. 45.

(*t*) Vide §. 60. No. 4. f),

(*u*) Vide §. 47. h).

(*x*) Vide §. 27. No 4.

(*y*) Ibidem No. 6. & §. 108.

(*z*) Vide §. 100.

(*a*) Vide §. 31. b).

TIMAEI (*b*) puero, cui post 3 hebdomadam cephalæam visus peribat. Contra ea haud ita multo post amaurosis cephalalgiam est consecuta binis in feminis CLAUDERI (*c*), in HEYI sutore (*d*) ac pannifice (*e*), in HOFFMANNI studioso (*f*), puella septenni (*g*), pueroque duodenni (*h*), juvene HÜNERWOLFII (*i*) ac SPROEGELII (*k*), MENTZELII (*l*) puella, serva PECHLINI (*m*), ROUXII (*n*) ægra, SCHROECKII (*o*) virgine, virisque SIGELII (*p*) uno ac binis TIMAEI (*q*), nec non WANDLERI (*r*) adolescente, innumerisque

(*b*) Vide §. 47. a).

(*c*) Vide §. 57. No. 1.

(*d*) Vide §. 106.

(*e*) Ibidem.

(*f*) Vide histor. 2.

(*g*) Vide §. 38. b).

(*h*) Vide §. 104.

(*i*) Vide §. 37. e).

(*k*) Vide §. 96.

(*l*) Vide §. 40.

(*m*) Vide §. 60. No. 4 f).

(*n*) Vide §. 32.

(*o*) Vide §. 32.

(*p*) Vide §. 106.

(*q*) Vide §§. 35. a). 37. f).

(*r*) Vide §. 31. b).

aliis. Alias vero capitis dolor cum ipsa amaroſi primum invadit, ut in BLOCHII femina (s) binisqve puellis (t), & alia COL-  
LINI (u), ac mulieribus GÜNZII (x), HEIS-  
TERI (y), WEBERI qve (z), & matrona  
HEYI (a), ejusdemqve puella (b), tum juvene  
GOHLII (c), ſartore HILDANI (d), KALT-  
SCHMIEDII (e) virgine, puerpera apud  
MAURICEAU (f), ac deniqve in Eqvite  
MEEKRENI (g), qvorum in cenſum forte  
etiam TRILLERI (b) matrona eſt referen-  
da. Interdum autem dolor hic ſerius ſuper-  
venit, viſu jam ante vel exſtincto vel hebe-  
tato; qvemadmodum accidit juveni BOER-

(s) Vide §. 37. e).

(t) Ibidem.

(u) Vide §. 79. K.

(x) Vide §. 63.

(y) Vide §. 73.

(z) Vide §. 103. A. No 8.

(a) Vide §. 106.

(b) Ibidem.

(c) Vide §. 47. a).

(d) Ibidem b).

(e) Vide §. 70.

(f) Vide §. 94. e).

(g) Vide §. 47. a).

(b) Vide §. 38. a).

NERI (*i*), aulico BRUNNERI (*k*), HEISTERI (*l*) pyrotechnæ, HEYI qve (*m*) fosfori, cui alterum invadenti malo dolor se junxit, & matronæ WEPFÆRI (*n*).

b) *Duratio* porro ejusdem pro vario, qvo cœpit, tempore est perinde varia. Et enim si cum ipsa visus imminutione inchoat, raro admodum aut sua sponte cedit, aut arte se expugnari patitur, sed plerumqve in diuturnitatem abit, ut ex paulo ante adductis casibus videre erat. Qvod si vero multo ante occeperat, qvam visus hebetetur, accidit haud raro, ut amaurosis oborta eum solvat. Sic in Annalib. Vratisl. (*o*) „ mulier vehementem semper cephalæam passa, „ subito unius oculi visu tandem orbata est, „ cephalæa brevi cessante „. Perinde I. L. SCHMUCKER (*p*) „ novit mulierem, multos „ annos cephalæa ad omnia præsidia contumaci afflicta, donec demum amaurosi im-

(*i*) Vide §. 98. No 2.

(*k*) Vide §. 32.

(*l*) Vide §. 16. c).

(*m*) Vide §. 106.

(*n*) Vide §. 60. No. 4. a).

(*o*) Tent. 31. A. 1725. Mart. Cl. 4. art. 15. No. 9. p. 310.

(*p*) l. c. p. 5. sq.

„ medicabili cum pallore faciei oborta do-  
„ lor continuo desit „. Ita s. SCHAA-  
SCHMIDT (q) quoque feminam vidit ple-  
thoricam, contumaci hemicraniae obnoxiam,  
cujus dolor nunquam ex toto cessabat, sed  
lenior interdum factus paulo post majore cum  
vehementia revertebatur; summus erat in  
orbitae fundo, totusque oculus inde, præ-  
sertim pupilla, minui videbatur. Tubercula  
passim in capite emergebant, & vigilie fer-  
monesque præter rationem maniae metum  
incuriebant. Frustra variis tentatis, tandem  
abrasis capillis quadruplicata charta bibula  
capiti universo applicata, desuperque calen-  
tissimo metallo polito caput quaquaversum  
velut lævigabatur. Calore hoc dolor intra  
4 vel 6 dies sensim profligatus, rediit so-  
mnus, viresque, & ægra nil jam, nisi stu-  
porem quendam externarum partium dolo-  
rem perpeffarum; oculique in affecto latere  
aliquam hebetudinem, querebatur. Utrum-  
que velut effectus spasmodorum diuturnorum  
habebatur: idcirco tonica in usum vocata  
sunt. Verum lapsis vix 14 diebus cephalæa  
pristina cum vehementia revertit, nullo, ne

---

(q) Medic. u. chir. Nachricht, 3 Jahrgang No. 16.  
p. 135. sq.



postremo illo quidem, remedio amplius domanda, donec post 3 circ. hebdomades sponte desisset, relicta tamen post se oculi unius amaurosi cum paralyti palpebræ totiusque dimidii capitis. Idem evenit in BROMFELDI (r) ægra, mercatore ESCHENBACHII (s), ac RUMLERI (t) cive. Forte & V. RIEDLINI (u) cuprifaber hujus est loci. Verum fuere etiam, quos ne oborta quidem cæcitate dolor hic deferuit, nisi qui natura sua ex intervallis afflixit, cujusmodi doloribus capitis MORGAGNI (x) matrona fuit obnoxia, indeque oriundæ cæcitati haud diuturnæ, sic ut triduum nihil videret, mox autem, ut se dolores remittere, sensim recuperaret videndi facultatem: interdum tamen adhibitis remediis vel utrumque malum cedit, velut in CAMERARII (y) ægro, ac WEBERI (z) femina, vel certe capitis dolor, manente amaurosi, ut in 1.

(r) Vide §. 31. b).

(s) Vide §. 27. No 4.

(t) Vide §. 39. a).

(u) Lin. med. ann. 4. Aug. 14. p. 668.

(x) Epist. anat. 18. No. 4.

(y) Vide §. 76.

(z) Vide §. 103. A. No 8.

WOLFFII (a) annu 70 annis majori, cui diuturna hemicrania sinistri lateris tandem lævum oculum reddidit amauroticum, in quem ☿ baccar. lauri ac juniperi inflatus, illita simul palpebræ axungia leporis, hemicraniam ita auxit, ut oculus ab aucto humorum affluxu mediis crepuerit, multumque sanguinis cum humoribus profuderit. Sed vena secta debitisque adplicatis remediis cum hæmorrhagia tum capitis dolor tandem auspicato desit. Aliis contra non cæcitas modo sed cephalæa quoque ad mortem usque manet, id quod ægri BALLONII (b), BLOCHII (c), BOTALLI (d), HILDANI (e), PLATFRI (f), &c. sunt experti.

c) *Intensitas* quoque non omnibus est eadem; nam etsi atrox in plerisque est dolor, tamen subinde etiam levis est, ut in puella COLLINI (g), gravativus tantummodo fuit in ægris HEISTERI (h) ac si-

(a) Obs. chir. med. Lib. 1. Obs. 16. p. 54. sq.

(b) Vide §. 31. b).

(c) Vide §. 37. e).

(d) Vide §. 29. d).

(e) Vide §. 47. b).

(f) Vide §. 31. b).

(g) Vide §. 79. K.

(h) Vide §. 73.

GELII (i), & in HOFFMANNI (k) studio cum frontis fornicatione conjunctus erat.

d) *Lora* denique capitis, in quæ defævit, sunt perinde (quod mirum!) multifaria, id quod causæ proximæ indagacionem admodum reddit difficilem. Sic 1<sup>o</sup>) *Totum caput* doluit adolescenti HANNAEI (l), HILDANIQUE (m) sartori; contra ea 2<sup>o</sup>) *Hemicrania* tantum alterutrius lateris afflixit matronam HILDANI (n), eqvitem MEEKRENI (o), MUZELLII (p) podagricum, feminasque SCHAARSCHMIDTII (q) ac WOLFFII (r). 3<sup>o</sup>) *Vertex* porro vel maxime afficiebatur in BRIGGSII (s) juvene, sene NEIFELDTII (t), ac WEPFE-

(i) Vide §. 106.

(k) Vide histor. 2.

(l) Vide §. 47. b).

(m) Ibidem.

(n) Ibidem.

(o) Ibidem a).

(p) Vide §. 111.

(q) Vide superius in b).

(r) Ibidem.

(s) Vide §. 37. a).

(t) Vide §. 38. c).

RI (*u*) muliere; dum 4<sup>o</sup>) *Synciput* COLLINI (*x*) puellæ, pannificiqve HEYI (*y*), & 5<sup>o</sup>) *Occiput* ejusdem (*z*) futuri ac LENTILII (*a*) viro, in primis doluit. Frequentissime tamen 6<sup>a</sup>) *Superciliaris* regio frontis dolorem experitur, quem locum varie ægri describunt: COLLINI (*b*) juvenis lancinantem transversim per frontem sensit: studiosus vero HOFFMANNI (*c*) cephalalgiam cum fornicatione in fronte patiebatur; orbitis superioribus infidebat dolor CONSRUCHII (*d*) in femina, in ESCHENBACHII (*e*) mercatore frontis regionem tenuit superciliis proximam spatio 2 pollicum; GOHLII (*f*) puellam in radice frontis cruciabat; HEYI (*g*) matronæ recta supra orbitas molestus erat, puellæ (*h*) vero fu-

(*u*) Vide §. 60. No 4. a).

(*x*) Vide §. 79. K.

(*y*) Vide §. 106.

(*z*) Ibidem.

(*a*) Vide §. 57. No 3.

(*b*) Vide §. 79. F.

(*c*) Vide histor. 2.

(*d*) Vide §. 69.

(*e*) Vide §. 27. No 4.

(*f*) Vide §. 98. No. 1.

(*g*) Vide §. 106.

(*h*) Ibidem.

pra oculum dextrum ejusque in tempore maxime sæviebat, quem SCHAARSCHMIDTII (i) serva antè in fronte tulit, ubi de eodem puer WESTPHALI (k) querebatur; denique matronæ WEPFERI (l) ad nuchæ verticisque dolorem accessit etiam dolor frontis supra supercilium dextrum, quem oculorum motus ac sternutatio exacerbabant.

### §. 20.

6. DOLOR *oculorum palpebrarumve* aut solus aut cephalalgiae junctus perinde vel præcedit amaurosin, vel eidem invadenti se affociat. Sic BOERNERI (m) in juvene dolor oculorum ac palpebrarum, in NEIFELDTII (n) sene verticis palpebrarumque dolor amaurosin præcesserat. Caput oculique ante amaurosin HOFFMANNI puellæ septenni (o), duodennique puero (p),

(i) Vide §. 115.

(k) Vide §. 73.

(l) Vide §. 60. No. 4. a)

(m) Vide §. 98. No. 2.

(n) Vide §. 38 c).

(o) Ibidem b).

(p) Vide §. 104.



juveni HÜNERWOLFFII (*q*), ac TIMAEI (*r*) viro dolere; præsertim vero in fundo orbitæ sævitiem doloris SCHAARSCHMIDTII (*s*) femina qverebatur; servæ autem ejusdem (*t*) simul ac semel & caput cum oculis dolere & visus hebescere cœpit, quod utrumque simul etiam in femina WEBERI (*u*) obtinuit. MARXII (*x*) vero puer de solo oculi dolore cum visus hebetudine qvestus est. Contra ea musico MUZELLII (*y*) capitis dolor in oculum trajecit; perindeqve in altera WEBERI (*z*) femina superata cephalalgia hebetes oculi nihilominus dolebant.

## §. 21.

7. VERTIGO quoque haud infreqvens est amauroseos symptoma, quam BLOCHII (*a*), COLLINIQUE (*b*) puellæ,

---

(*q*) Vide §. 37. e).

(*r*) Vide §. 35. a)

(*s*) Vide §. 19. b).

(*t*) Vide §. 115.

(*u*) Vide §. 103. A. No. 8.

(*x*) Vide §. 90.

(*y*) Vide §. 111.

(*z*) Vide §. 70.

(*a*) Vide §. 37. e)

(*b*) Vide §. 79. H.

HEISTERI (c) pyrotechna, foffor HEYI (d),  
matronæ HILDANI (e) ac WEPFERI (f),  
vir HOFFMANNI (g), nec non RAYGE-  
RI (h) Commissarius, sunt experti. Omnes  
hi autem, præter COLLINI puellam atque  
Commissarium RAYGERI, dolorem simul  
capitis habuere vertigini conjunctum. GRAS-  
SIUS (i) vero vertiginem vel maxime,  
dum sanum oculum clauderet, sentiebat.

§. 22.

8. COMA etiam subinde adest, aut pro-  
clivitas in somnum; istam GRASSIUS (k)  
sustinuit, illud TIMAEI (l) puero ante  
cœcitatem post cephalæam diuturnam su-  
pervenit.

(c) Vide §. 16. c).

(d) Vide §. 106.

(e) Vide §. 47. b).

(f) Vide §. 60. No. 4. a).

(g) Vide §. 44.

(h) Vide §. 111.

(i) Vide §. 87.

(k) Ibidem.

(l) Vide §. 47. a).

## §. 23.

9. DELIRIUM perinde amaurosi vel anteit, vel jungitur, vel supervenit, illudque vel furens vel melancholicum, vel saltem fatuitas; & vel est continuum vel interpolatum: quorum omnium exempla præbuere feminæ AMATI (*m*) & SCHAARSCHMIDTII (*n*), aulicus BRUNNERI (*o*), quadrimula HANNAEI (*p*), adolescens LEDELII (*q*), virgo SCROECKII (*r*), fenator SPIELENBERGERI (*s*), puer TIMÆI (*t*), ac WILLISII (*u*) juvenis. COLLINI (*x*) puella a febre subdelira oborta amaurosi resipuit.

---

(*m*) Ibidem:

(*n*) Vide §. 19. b).

(*o*) Vide §. 32.

(*p*) Vide §. 71.

(*q*) Vide §. 35. a).

(*r*) Vide §. 32.

(*s*) Vide §. 49. b).

(*t*) Vide §. 47. a).

(*u*) Vide §. 32. b).

(*x*) Vide §. 79. G.

## §. 24.

IO. PARALYSIS *paræfisve* aut palpebræ oculi affecti, aut faciei musculorum, aut artuum, aut dimidii corporis non raro cum amaurosi juncta observatur. Sic paræsin palpebrarum HEISTERI (*y*) nobilis, paralyfin vero unius, ad læsum oculum pertinentis, GRASSIUS (*z*), MUZELLI cum musicus (*a*) tum podagricus (*b*), ac SCHAARSCHMIDTI (*c*) femina, cui dimidium quoque caput paralyticum evasit, experti sunt. Stupor paralytodes in genarum musculis apud GÖHLII (*d*) puellam erat. Artuum paræsin e colica cum amaurosi Comes RAYGERI (*e*), pedum paralyfin BRUNNERI (*f*) aulicus, RIBEI (*g*) ruricola brachii dextri, dimidii vero corporis & CAMERA-

(*y*) Vide §. 37. a).

(*z*) Vide §. 87.

(*a*) Vide §. 111.

(*b*) Ibidem.

(*c*) Vide §. 19. b.

(*d*) Vide §. 98. No 1.

(*e*) Vide §. 111.

(*f*) Vide §. 32.

(*g*) Vide §. 63.

RII (*b*) venator, & monachus RHODII (*i*),  
& GEACHII (*k*) vulneratus, perpeffi sunt.

## §. 25.

II. CONVULSIONES *clonicae* vel *tonicae* perinde se se amaurosi sociare consueverunt, æque aut membri unius tantum, aut plurium, totiusve corporis. Sic palpitationem cordis cum anxietate COLLINI (*l*) puella per vices experiri solebat; HANNEMANNI (*m*) feminæ ante quamlibet amauroseos periodicæ invasionem cutis frontis convellebatur; &c. Frequentius tamen observatur

a) *Rotatio, detorsio, rigore bulborum oculi.* Sic GEACHII (*n*) vulnerato oculus dexter interdum, perpetuo vero chirurgus COLLINI (*o*) ac MAYRI (*p*) pyrobolario oculi ambo movebantur. Contra

(*b*) Vide §. 47. b).

(*i*) Vide §. 35. c).

(*k*) Vide §. 43.

(*l*) Vide §. 79. I.

(*m*) Vide §. 114.

(*n*) Vide §. 43.

(*o*) Vide §. 79. D.

(*p*) Vide §. 107. No. 3.



ea RICHTERI (q) quinquagenario in paroxysmo amauroseos tertianæ rigebant bulbi difficulter mobiles cum obtutu fixo : BARTHOLINI (r) autem virgini ac PÜSCHELII (s) agro bulbi versus canthos internos detorti observabantur. Quæ postrema quidem bina exempla non tam præternaturalem, quam apparentem tantum, musculorum bulbos hoc in situ detinentium spasinum a paralyfi musculorum antagonistarum natum innuere videntur. Etenim „ consuluit me, „ inquit I. B. MORGAGNIUS (t), annis „ superioribus Eques nobilissimus, cui post „ gravem capitis ictum nihil mali amplius „ expectanti repente amaurosis utrumque „ oculum sic invaserat, ut dexter extrorsum „ promineret, sinister contra ad interiora „ esset retractus. Hujus in singulis oculis „ contrarii effectus eandem esse causam existimavi, resolutionem, sed in altero alibi agnoscendam, in rectis videlicet dextri oculi musculis; in obliquis autem sinistri, ut alteris in altero oculo antagonistis cedentibus, in illo obliqui rectis, in

(q) Vide §. 90.

(r) Vide §. 60. No. 4. d).

(s) Vide §. 66. No. 5.

(t) Epist. anat. 13 No. 6.

„ hoc recti obliquis præpollerent. Nihil  
„ autem erat causæ, cur de convulsione  
„ suspicarer, non omni tantum absente do-  
„ lore, sed & omni utrinque conjunctivæ  
„ tunicæ sensu, & concidente præterea pal-  
„ pebra superiore sinistra; quæ videlicet re-  
„ solutionem significabant. Remissiora hæc  
„ erant mala omnia, cum ipse vidi; sed  
„ amaurosis quoque remissior erat, ut nisi  
„ ab eadem causa, ob quam paralytis tot  
„ alios nerveos ramulos, quot inserviunt  
„ memoratis partibus, corripuerat, ipsos  
„ quoque opticos nervos corripere potuisset,  
„ facile fuisset cogitaturus, an horum vi-  
„ tium eo referrem, quod cum antagoniste  
„ musculi summa illa affecti resolutione pri-  
„ mum cesserunt, illico inusitata & prorsus  
„ libera contractione suos versus immobiles  
„ terminos resiliendo, hinc quidem præpol-  
„ lentes obliqui sinistrum opticum propemo-  
„ dum distraxissent, inde autem recti dex-  
„ trum nimis incurvassent, & quodammodo  
„ contorsissent: ab eorum enim contortione  
„ amaurosim tum fieri posse liquet, tum  
„ reapse aliquando factam esse, a Medicis  
„ est adnotatum, .

b) *Tremor topicus* aut *universalis*: hunc COLLINI (*u*) chirurgus in palpebris totoque corpore, illum BRIGGSII (*x*) juvenis inferioribus artubus, HOFFMANNI-que (*y*) trimulus brachio sinistro, sunt perpeffi.

c) *Epilepsia*, motusve alii convulsivi artuum; quemadmodum HILDANI (*z*) ac LENTILII (*a*) matronis, SCHOBERRI (*b*) scriniario, virgini SCROFCKII (*c*), juvenique WILLISII (*d*) acciderat.

d) *Aphonia*, *balbuties*. Hanc continuam COLLINI (*e*) chirurgus, illam vero juvenis SPROEGELII (*f*) ac VANDERMONDII (*g*) puella octennis, quadrimulæque HANNAEI (*b*), sunt perpeffæ. Im-

(*u*) Vide §. 79. D.

(*x*) Vide §. 37. a).

(*y*) Vide §. 39. d).

(*z*) Vide §. 47. b).

(*a*) Vide §. 46.

(*b*) Vide §. 31. b).

(*c*) Vide §. 32.

(*d*) Ibidem b.)

(*e*) Vide §. 79. D.

(*f*) Vide §. 96.

(*g*) Vide §. 71.

(*h*) Ibidem

peditam quoque loquelam HOFFMANNUS in studio (i), trimuloque infante (k) notavit.

### §. 26.

12. LAESIO *sensuum* reliquorum internorum externorumve, praesertim auditus vel memoriae. Imminuta admodum *memoria* fuit in venatore CAMERARII (l), HEYI (m) viro, ac WATSONI (n) puella. *tinnitus* ac *susurrus* HOFFMANNI virum (o), *baryecoia* vero studiosum (p) molestavit, quae ipsa AMATI (q) quoque mulier, ESCHENBACHII (r) puer graviter laboravit; prorsus vero *surdi* simul evasere HAGEDORNII (s) puella, aeger PÜSCHE-

(i) Vide histor. 2.

(k) Vide §. 39. d).

(l) Vide §. 47. b).

(m) Vide §. 105.

(n) Vide §. 40.

(o) Vide §. 44.

(p) Vide histor. 2.

(q) Vide §. 47. a).

(r) Vide §. 40.

(s) Vide §. 38. b).

LII (t), SALMUTHIqve (u) hypparchus, qvi aphoniam simul est expertus. Mirum autem est SPILENBERGERI (x) senatori amisso visu auditum obtigisse acutiorē !

## CAPUT IV.

### PROEGUMENAE CAUSAE.

#### §. 27.

Cum in aliis morbis procreandis multum sibi qva *sexus* qva *ætas* vindicent; in amaurosi accersenda nullum ab iis discrimen observatur: viri juxta ac feminae, nec segnius juvenes præ annosioribus, aut hi præ illis, caligini patent. Ac tametsi verum sit, juniores amaurosi, cataractæ vero adultiores magis esse obnoxios, non sunt tamen senes amauroseos expertes, ut passim postea videbimus. Perinde „ ne infantibus quidem „ hic morbus parcit; quippe quorum com- „ plures cœci in lucem edantur. Malum

(t) Vide §. 66. No. 5.

(u) Vide §. 47. a).

(x) Vide §. 49. b).



„ non statim est conspicuum, at crescenti-  
 „ bus annis facile detegitur. Multos eo-  
 „ rum sola aqua ophthalmica curavit s.  
 „ YVES (y), quos inter aliqui jam bimū-  
 „ li fuere, nullum illuc usque indicium vi-  
 „ sus præbentes. Horum infantum pupillæ,  
 „ etsi immobiles, non sunt tamen pro illa  
 „ ætate solito ampliores,,. Ex omnibus  
 autem istis procliviores in amaurosin sunt,  
 in quæis reperitur peculiæis corporis ad ean-  
 dem dispositio, quam involvit

I. HAEREDITARIUS *character*. „ Cœ-  
 „ cus est hic Ferrariæ, inquit I. LANZO-  
 „ NUS (z), pauperculus eleemosynis vi-  
 „vens, qui a conjuge 4 masculos ac unam  
 „ feminam suscepit, qui omnes 5 gnati or-  
 „ bati lumine orti sunt,,. Perinde amauro-  
 sin ex paterna dispositione ortam narrat  
 MAIOR (a). De ejusmodi amaurosi hæ-  
 reditaria pulchre ad rem I. B. G. OEHME (b),  
 qui illam nativæ nervorum opticorum debi-  
 litati tribuit:,, ea interdum (inquit) a paren-  
 „ tibus, aut saltem connatum vitium est,

(1) l. c. Cap. 27. §. 20. p. 324.

(2) Misc. nat. cur. dec. 3. ann. 4. obs. 67.

(a) Disp. de Amaurosi.

(b) Disp. de Amaurosi §. 9. p. 20.

„ non ut protinus, ac quis natus est, cœ-  
 „ cus sit, sed visum hebetem habeat, qui  
 „ sensim in amaurolin definat. Tale exem-  
 „ plum sibi in juvene 25 circ. annor. ante  
 „ 3 annos occurrisse ... GÜNZIUS narra-  
 „ vit: ejus pater 40 circ. annos natus seu-  
 „ sim aciem perdidit. Ipse a pueritia debi-  
 „ liore visu laborans jam 12<sup>o</sup> anno sinistri  
 „ oculi usum perdidit, dextri minui sensit,  
 „ sed tardius, ut quando ea, quam dixi,  
 „ ætate moriebatur, aliquis ipsi lucis sensus  
 „ superellet .,

2. IDIOSYNCRASIA circa nonnul-  
 las sex rerum non naturalium. Sic moná-  
 chus BOXBARTERI, narrante T. BAR-  
 THOLINO (c), quoties ex instituto Or-  
 dinis barbam rasil, visu privabatur, quem  
 denuo recuperabat, si eam prolixiorem aluit,  
 ut demum Superiorum permisso rasuram bar-  
 bæ prorsus negligeret. Contra ea vidit idem  
 hic Auctor (d) alium monachum 25 anno-  
 rum, cetera sanum, nisi quod a prolixius  
 crescentibus intra alas crinibus debilem pa-  
 teretur visum, qveis abrasis continuo rectius  
 videbat. Huc etiam aptissime, opinor,

---

(c) Epist. medic. Cent. 3. epist. 67. p. m. 275.

(d) Misc. nat. cur. dec. 2. ann. 7. schol. ad obs. 152.

amaurosis quarundam gravidarum referri potest, quæ, quoties utero gerunt, amaurosin patiuntur, a partu demum cessaturam.

„ Observatum, inquit D. SENNERTUS (e),  
„ feminas quasdam, cum in utero concepif-  
„ sent, obcæcatas ... fuisse, malumque  
„ hoc ad menses 4. 5. vel 6 durasse, non-  
„ nullis etiam usque ad tempus partus „.

Ita P. SALMUTHI (f) „ Comitissa ... quo-  
„ ties uterum gerebat, toties cæca redde-  
„ batur; at post partum & lochiorum fluxum  
„ visum recipiebat „. I. L. SCHMUCKE-

RUS (g) meminit matronæ 30 annor. robustæ ac plethoricæ, quæ gravida vehementi semper vomitu tentabatur usque ad partum, ut nihil alimentorum diu retinere quiveret. Secta ter quaterve incassum vena, sub nonum mensem visus hebescebat, quoad ultimis 8 vel 10 diebus prorsus periret. Pupillæ factæ admodum amplæ, sed splendidum suum nigrorem retinere. Mox vero a

partu rediit visus citra ullam ab amaurosi relictam debilitatem. Atque isthoc jam tertium eidem accidisse Cl. Auctor observavit. Similia feminarum exempla ROLFINCI-

---

(e) Pract. med. L. 1. P. 3. S. 2. C. 37.

(f) Obs. med. Cent. 3. Obs. 27.

(g) l. c. p. 4.

US (*b*) memorat, quæ quoties gravidæ, obcœcatæ semper fuerunt usque ad partus tempus. MORGAGNIUS (*i*) quidem has gravidarum amauroses ab infarctu nimio arteriarum ac venarum nervos opticos intus extrave comitantium haud abs re deducit; quandoquidem a partu fluentibus rite lochiis nunquam non solvantur; sed enim vero cum infarctus hic e tot millenis gravidis paucis tantummodo contingat, hujus ipsius rei infrequentis ulterior utique ratio esse debet, nec alibi, nisi me omnia fallunt, nisi in idiosyncrasia earundem, quærenda; præsertim cum testetur BARTISCH (*k*), amaurosin gravidis a primâ statim imprægnatione subinde contingere, ac per plures inde menses, imo usque ad partum, post quem sponte desinit, persistere: quamvis primo conceptus tempore plethora usque adeo excedens culpari nequeat. Eodem prorsus modo ad certa quædam ingesta visus nonnullis aut hebetari aut aboleri ad tempus consuevit. Sic M. ETTMÜLLERUS (*l*) „novit virum „jam senescentem vertiginosum, qui ex

(*l*) Disp. de gutta seren. C. 5.

(*i*) De sedib. & caus. morb. Epist. 13. No. 6.

(*k*) Augendienst P. 6. C. 1.

(*l*) Opp. T. 2. P. 1. fol. 730.

„ usu spir. sal. ammon. notabilem visus he-  
 „ betudinem percipit „ . Perinde. w.  
 WHITE (m) epilepticam (floribus Zinci de-  
 mum curatam) novit, cui gummi Gvajacum  
 quacunqve forma exhibitum visum semper  
 ad aliquot horas adimit: atqve ex hoc sym-  
 ptomate illud sibi remedium; utcunqve arca-  
 na ratione celatum, fuisse porrectum  
 detegit.

3. LAXITAS *ophthalmicorum vasorum*,  
 infarctui sic ex facili obnoxiorum, quæ ipsa  
 forte in gravidis plurimum ad amauroseos  
 genesis confert, & quæ ZACUTI (n) puer,  
 multis annis materiam crassam copiose per  
 oculos excernens, laboravit; quamqve ii  
 sibi sensim consciscunt, qui aciem oculorum  
 diu in minutissima aut obscuriora aut fulgen-  
 tia nimis objecta intendunt.

4. CONSENSUS *oculorum*. Quotidiana  
 pene experientia docet, affecto uno oculo  
 haud raro alterum quoqve serius citius vel  
 eodem vel alio vitii genere corripit. Sic in-  
 flammatio unius oculi diuturna aut vehemens  
 brevi in alterum quoqve transit: idem in

(m) Medic. Commentar. von Edinburgh 4 Th. 3  
 St. 2 Abschn. 1 Beobacht. p. 331.

(n) Vide histor. 12.

cataracta, idemque in amaurosi usuvenit, ut ubi illa unum oculum visu privavit, lapsu temporum ad alterum etiam commigret; id quod s. VVES (o) omnibus iis evenisse observavit, quævis amaurosis cum levi ophthalmia & cephalalgia in latere oculi affecti occiperat. Sed ea in re Cl. Vir fallitur, quod fere semper amaurosin id genus oculi unius 1 aut 2 annis post alterius quoque oculi idem vitium consequatur; nam & multo ante & ferius etiam id evenisse est observatum. Ut enim juvenis GÜNZIANI (p) ac venatoris RICHTERIANI (q), in quævis intervalla temporis, intra quæ visus alterius oculi post primum interiit, determinata non sunt, exempla præteream, numerosa certe alia rem evincunt. Nempe NEBELII (r) quinquagenarius 7 diebus post, quam dextri oculi amaurosis oborta est, sinistro quoque oculo videre desit: BAEÜMLEINII (s) feni sinistri oculi caligo post 8 dies dextrum etiam vitiauit; quod idem post oculum dextrum

(o) l. c. 2 Th. 27 cap. §. 12. p. m. 321.

(p) Vide §. 27. No. 1.

(q) Vide §. 47. b).

(r) Vide §. 74.

(s) Vide §. 39. a).



excœcatum WEPFERI ægrarum uni (t) intra idem tempus, alteri (u) vero intra 20. dies in sinistro oculo evenit. Sic etiam CAMERARI (x) juvenem dextri primum ac post 14 dies lævi etiam oculi amaurosisprehendit. Mensis vero intercessit, antequam cœcitas HEYI (y) pannifici a dextro oculo ad sinistrum, ab hoc autem ad illum Gallo PLATERI (z), fuisset propagata. Hæc utique tempora ab anni spatio magnopere deficiunt. GABELCHOVERI (a) autem femina etsi non nisi biennio post alterius quoque oculi amaurosin est adepta; tamen MAYRI (b) miles, ubi lævi oculi visum amittit, dextri triennio primum post visus ei perit, & in viro HOFFMANNI (c) dextrum oculum amauroticum 4 annis lapsis levus est consecutus. Denique cum COLLINI (d) virgo ac STÖRCKII (e) femina dex-

---

(t) Vide histor. II.

(u) Vide §. 60. No 4. a).

(x) Vide histor. I.

(y) Vide §. 106.

(z) Vide §. 31. b).

(a) Vide §. 46.

(b) Vide §. 107. No. 3.

(c) Vide §. 16. d).

(d) Vide §. 79. A.

(e) Vide §. 84.

tri primum oculi amaurosim nanciscerentur, priori non nisi post 6, posteriori vero post 14 annos demum lævus oculus eadem est affectus. Verum non amaurosis modo, sed alia quoque cæcitatibus genera uni oculo inhærentia alterius oculi amaurosin post se trahere observantur. Sic STOCKII (f) viduæ dexter oculus e gravi contusione pene pessumdatus, indeque cæcus effectus post sexennium oculi sinistri amaurosin causavit. Frequentissime autem cataracta oculi unius amaurosin alterius accersere consuevit, uti & staphylomata, &c. præsertim si hæc mala simul amaurosin sibi eodem in oculo habent junctam. Sic apud C. E. ESCHENBACH (g)

„ vir quidam quinquagenarius mercaturæ  
 „ vacans, cui. juveni adhuc cataracta oculi  
 „ li sinistri advenerat, alterius quoque oculi  
 „ li aciem nunc sensim hebetari percipiebat.  
 „ Aer nimirum ambiens illum densiori nebula  
 „ repletus ipsi videbatur, adeo ut, quæcunque  
 „ aspiciebat, in hac nebula conspiceret posita,  
 „ nec nisi ægerrime atque confuse dignoscibilia. Candelæ accensæ  
 „ flammarum quando eandem contemplabatur, cir-

---

(f) Vide §. 120.

(g) Obs. anat. chir. med. 48. p. 412.

„ cumferentia qvadam lucida five halone,  
„ qvalis lunam atmosfæra telluris vaporibus  
„ abundante cingit, circumdata ipsi apparebat,  
„ ac variis insuper flammulis aliis  
„ in certa qvadam distantia circum candela  
„ accensam constitutis multiplicata. Interim  
„ colores, pannum oculo propius admo-  
„ vovens versicolore, in panno hoc distingvere  
„ adhuc poterat; imprimis quove rerum  
„ eminus positarum, ac plus uno colore  
„ notatarum, colores singulos, e. g. in  
„ disco centum passus ab oculo remoto,  
„ atque maculam centralem nigram, margini  
„ inclusam albo, monstrante ambas partes  
„ hæc; nec non alia ejusmodi objecta,  
„ melius distingvebat, ac si eadem ab oculo  
„ essent propius constituta. In bulbo  
„ ejusque partibus, nec non in pupilla, ullum  
„ haud apparebat vitium, præterquam  
„ quod hæc ultima, prouti in morbo isto  
„ ordinarie contingit, solito magis apparet  
„ dilatata, vixque amplius mobilis. Cæteram  
„ præsentem vagabundus qvidam oculista  
„ nostram visitans urbem removebat. Contra  
„ reliquum vero malum, quod oculus  
„ operatione sanatum pari ac alterum  
„ modo premere post adhibitam chirurgiam  
„ innotescebat, fortissima in usum ducta  
„ remedia tam interna quam externa,

„ derivantia , attenuantia , aperientia , ce-  
 „ tera , ipsa deniqve §<sup>ii</sup> dulcis ope excita-  
 „ ta salivatio , nullum plane effectum mon-  
 „ strabant. Morbum immediate præcesserat,  
 „ atqve durante augmento comitabatur , ce-  
 „ phalalgia species haud adeo vehemens  
 „ quidem , ast perpetua fere , quæ frontis  
 „ regionem superciliis proximam duorum  
 „ circ. pollicum latorum spatio præprimis  
 „ obsidebat ; quæ tandem evanuit : minime  
 „ autem cum ea morbus principalis. ... In-  
 „ terim dextro quoque oculo ultimato cata-  
 „ racta accedebat , quæ post 18 a medela  
 „ dicta annos ab oculista ... remota æger  
 „ visu iterum gaudebat tali quoad hunc ocu-  
 „ lum , qualis cataracta remota solet relin-  
 „ quere „. Porro (b) ejusdem juvenis ad  
 20 annos natus haud ita multo post inuti-  
 „ lem ex oculo dextro leucomatis resectio-  
 „ nem „ alterius ... oculi huc usque sani  
 „ incurrerat flacciditatem singularem , aspe-  
 „ ctui etiam in bulbi regione patentem , in-  
 „ simulque videndi infirmitatem , absque  
 „ ulla causa manifesta , ... eum in modum  
 „ incrementem , ut paucorum mensium spa-  
 „ tio visus primo diminueretur gradatim ,  
 „ tandemque penitus abiret. Hic æger

---

(b) Ibidem p. 413. sqq. & Obs. 5. p. 32. sqq.

„ non, quemadmodum præcedens, de ne-  
„ bula visum impediēte conqverebatur, sed  
„ de simplici potius obfuscatione, quæcum,  
„ quæcunqve ipsi in distantia mediocri &  
„ consveta ante oculos erant, licet gran-  
„ diora fuerint objecta, e. g. hominem,  
„ non nisi ægerrime distingvebat; quæ vero  
„ longissime erant remota, e. g. arbores,  
„ ædes, alia, quartam miliaris Germanici  
„ partem distita ab ipso, & in rure obve-  
„ nientia, melius discernebat. Ad hæc va-  
„ ria ipsi apparere corpora lucida contesta-  
„ batur, aliquando scil. discum majorem  
„ splendentem ita diversimode mobilem aut  
„ volitantem quasi in aere, ut mox totam  
„ monstraret latitudinem is cum centro re-  
„ spectu circumferentiæ quodammodo obscu-  
„ riori & minus lucente, mox eandem aver-  
„ teret, marginem potius antrorsum dirigens,  
„ atqve hunc situm varium continuo alter-  
„ nans. Nonnunquam globulos minores æ-  
„ ger conspiciebat contiguos ac positione  
„ sua semicirculum describentes: interdum  
„ diversi generis literas majusculas sub ver-  
„ salium nomine notas, integra quandoqve  
„ verba componentes, ut plurimum vero  
„ absqve ordine certo & varia directione si-  
„ bi appositas, nec stabiles, sed vacillantes,  
„ extemplo ortas, & subito rursus evan-



„ das. Singula hæc phantasmata ordinarie  
 „ lineam, ut agebat, arcuatam horizonta-  
 „ lem describebant, & ab uno latere v. g.  
 „ sinistro advenientia transversim ante ocu-  
 „ los prætervolando ad latus oppositum sive  
 „ dextrorsum proficiscebantur, ibidem sen-  
 „ sim evanescencia, succedentibus aliis  
 „ novis: prætereaque eadem matutinis ho-  
 „ ris apparebant frequentiora, quamvis reli-  
 „ quo etiam diei tempore per intervalla  
 „ præsentia, idque sive palpebris clauderen-  
 „ tur oculi, sive secus. Post aliquot septi-  
 „ manas in hoc statu peractas cataracta mor-  
 „ bo accedebat, visum, quatenus remotio-  
 „ ra corpora modo antea commemorato cer-  
 „ nebantur, penitus auferens, remanenti-  
 „ bus tamen per tempus sat longum prædi-  
 „ ctis apparitionibus lucidis. Huic quoque  
 „ ægroto medicamina quævis... suppedita-  
 „ ta, reliquaque molimina omnia, nil quic-  
 „ quam profuere; sed cæcus ille permanfit  
 „ ad vitæ usque terminum, quam post an-  
 „ nos aliquot cum morte commutabat „.  
 Perinde L. HEISTERI (i) rusticus 40 an-  
 nor. robustus, a sesqui anno cataracta lævi  
 oculi affectus, tandem post multos capitis  
 dolores in dextri oculi amaurosin cum capil-

---

(i) Medic. chir. Wahrnehm. 1 Band No 481.



lorum defludio incidit, ad omnia quæque, ipsum etiam ptyalismum & lem immedicabilem. Haud secius (k) mulieri cataractam oculo uno, altero amaurosin cum continua ac vehementi cephalæa perpeffæ, cum frustra plurimis tentatis ne depressio quidem cataractæ, ob ejus cum amaurosi eodem in oculo complicationem (siquidem illo oculo clarissimam etiam lucem a tenebris non discerneret), profutura videretur, tandem in amaurotico oculo, cujus pupilla hactenus nigra semper mansit; glaucoma est generatum; etenim procul retro pupillam in oculi fundo color glaucus se se spectandum exhibuit.

5. HYSTERICA, *hypochondriacave* diathesis non raro amaurosin, fugacem plerumque, accersere consuevit. „Morbus hic, in „quit s. YVES (l) sæpe ex hysterica passio- „ne oritur, sæpiusque vidi mulieres ad  $\frac{1}{2}$  „vel 1 horam, imo in biduum triduumve „visu inde caruisse,,. Quod reapse CLAU- DERI (m) mulieri, puellæque WATSONI (n) accidit. Perinde se res in hypochondriacis habet viris. Ita D. SENNERTUS (o)

(k) Ibidem No. 650.

(l) l. c. Cap. 28. §. 2. p. 325.

(m) Vide §. 57. No. 1.

(n) Vide §. 40.

(o) l. c. C. 44. p. m. 856.

„ meminit . . . quendam ex affectu hypo-  
 „ chondriaco in cœcitatem incidisse „ : quod  
 ipsum viri MARXII (p) & VATERI (q)  
 sunt experti.

6. VISCERUM *abdominalium*, præsertim  
 vero hepatis, labes varia . „ In diffitis sæpe  
 „ locis, inquit RICHTERUS (r), & in  
 „ primis quidem in præcordiis incognitam  
 „ sæpe latere guttæ ferentis causam, probant  
 „ exempla plurium ægrotorum, qui post  
 „ vehementes animi adfectus (s) vel diutur-  
 „ nos mœrores visum perdiderunt; probat  
 „ vomitoriorum egregius in amaurosi effe-  
 „ ctus (t); probant symptomata varia non  
 „ raro amaurosin comitantia, quæ labem  
 „ viscerum abdominalium produnt; probant  
 „ tandem . . . observationes „ (u), & sol-  
 „ ventium obstructions remediorum (x)  
 felices in amauroseos curatione successus.  
 L. HEISTERUS (y) „ cadaver adolescentis

(p) Vide §. 104.

(q) Vide §. 9. No. b).

(r) l. c. p. 79. sq.

(s) Vide §. 34.

(t) Vide §. 63. sqq.

(u) Vide ibidem passim.

(x) Vide §. 72. 73.

(y) Act. nat. cur. Vol. 1. Obs. 171.

„ (ait) 20 annos nati ... dissecui, qui multis  
„ abhinc annis amaurosi ... post frequentes  
„ capitis dolores, qui ad mortem usque con-  
„ tinuarunt, laboravit: unde tandem stupi-  
„ ditas live fatuitas quædam accessit, cum  
„ summa totius corporis macie, ac denique  
„ insultus epileptici vitæ finem fecerunt.  
„ Apertum cadaver in abdomine omentum  
„ putredine consumptum manifestabat, &  
„ hepar quasi corrugatum solitoque minus  
„ apparebat, macula nigra descædatum. In  
„ pectore pulmones duris nigrisque grandi-  
„ nibus confitos, pleuræque adnatos inve-  
„ nimus. Oculi nullâ labe affecti videban-  
„ tur, nisi quod pupillæ, ut plerumque in  
„ gutta serena fieri solet, solito ampliores  
„ essent. Inciso autem oculo dextro hu-  
„ mor vitreus fere omnino dissolutus, &  
„ crystallinus valde exiguus, justoque mol-  
„ lior inveniebatur. Cum vero ad alterum  
„ quoque oculum, craniumque aperiendum  
„ progredi vellemus, mater ... ne filius ni-  
„ mium dilaceraretur, ulteriorem sectionem  
„ concedere noluit,,.



## CAPUT V.

## PROCATARCTICAE CAUSAE.

## §. 28.

Vidimus causas ad amaurosin disponentes : sequuntur nunc eæ, quarum e concursu cum disponentibus amaurosis enascitur, procatarctica nempe. Hæ quidem non usque adeo sunt numerosæ; at ejusmodi certe earum haud paucæ, ut quoniam potissimum modo oculum lædant, Pathologos dubios adhuc reliquerint. Enim vero inferciendone vasa oculi, an nervum ipsum directe afficiundo, vel e consensu eundem in actione turbando, &c. data quæpiam procatarctica causa amaurosin accersat, sæpenumero haud pro certo dixeris. Quod si ad amussim teneremus, non ordini modo causarum harum certas in classes tribuendarum consuleretur, sed magnum etiam in medendi methodo momentum faceret, pro indicatione ad ipsum læsionis modum condenda. Verum cum hac in re certitudo nos destituat, ne opiniones & conjecturas pro demonstrationibus obtrudere velle videar, procatarcticas causas eo hic ordine dabo, quem singulæ in serie sex rerum non naturalium obtinent : adjiciam

iis circa modum læsionis conjecturas probabiles, quas observata fidelia & castum ratiocinium fuggerint.

## §. 29.

I. NERVUS *opticus* varie vitiatu primo omnium loco venit expendendus, seu vitia illa, quæ propriæ ipsius substantiæ insunt, & a vicinis ei partibus organicis non pendent. Quæri hic posset, num non amaurosis connata aliquando a deficientibus prorsus his nervis proficiscatur? In cophosi causam hanc existisse aliquando observata docuere (z); at pro amaurosi nihil dum tale apud observatores reperi. Interea casui VALSALVÆ, quem in historia cophoseos excitavi, de matre omnes filias surdas enixa, admodum est analogus casus V. RIEDLINI (a) de hospite pagano sex liberorum patre „ qui omnes a prima statim nativitate oculorum lumine privati fuerint, „ hincque hanc lucem nunquam aspexerint, „ ex quibus quidem tres in prima adhuc „ pueritia in mortis prædam cesserint, e „ tribus superstitibus autem unum quidem

---

(z) Vide meam histor. cophoseos §. 6 A.

(a) Curar. medic. millenar. No. 822.



„ filiolum non solum oculorum sed & ratio-  
„ nis lumine esse destitutum, at filiolarum  
„ jam fila ducere didicisse, & filium impri-  
„ mis natu majorem quævis negotia dome-  
„ stica sic perficere, ut cum præsertim in  
„ oculis ipsius nullum conspiciatur vitium,  
„ nisi quis diutius cum eodem versetur,  
„ eum pro cæco vix sit habiturus; per to-  
„ tam enim domum absque ductore illum  
„ circumcurritare, coram mensa stare, &  
„ hospitem præsentium jussa exsequi, sique  
„ 4, quorum nullam unquam notitiam ha-  
„ buerit, accesserint, velque semel locuti  
„ fuerint, simulque nomina sua detexe-  
„ rint, eum eos ab illo tempore sic a se  
„ invicem dignoscere, ut nunquam in uno  
„ quoque nominando postmodum sit erratu-  
„ rus: viam, super qua semel incesse-  
„ rit, eum sic memoriæ imprimere, ut non nisi  
„ semel ductore opus habeat, quin sic iter  
„ 2 fere miliarium ingredi ausus fuerit, .  
Historia hæc in eo a VALSALVIANA tan-  
tummodo abludit, quod in hac solæ filiarum  
fuerint surdæ, filii vero omnes sani; in illa  
vero utriusque sexus progenies amaurotica.  
Operæ pretium sane futurum fuisset in cau-  
sam domesticæ hujus cæcitatæ indagare. Ce-  
terum alia nervorum opticorum vitia, a  
quævis amaurosis inducitur, sunt



a) *Distraçtio* violenta, qvalis in procidentia oculi accidere solet, aut in exophthalmia. Vitium hoc quidem non semper visum eripit, præsertim in oculi procidentia, seu hæc ab interna seu externa causa ortum duxerit. Idcirco etiam Cl. LOUIS (b) dissuadet postremo in casu oculi extirpationem; eo quod observatis edoctus sit, oculo, etiamsi genarum tenus procidisset, in orbitam reposito visum illibatum rediisse: quamvis merito miretur A. G. RICHTERUS (c), nervum opticum tam violenta distraçtione haud fieri paralyticum. CNEULINI sane apud I. SCHENCKIUM (d) „sexagenarius...  
 „ mechanicus .... tantam sæpe utriusque  
 „ oculi procidentiam incurrit, qui suis cavitatibus excidentes ad genas usque propendent, ut eos præsecare facile liceret, qui... fomento ex rosas... eosdem reponit, & restituit; adeo quidem, ut semestres usque perdurent. Sed quod admirationem omnem vicit, etiam dum propendent, visu inoffenso utitur, verum tanta capitis cum imbecillitate, quæ illum integro die lecto affigat „. Porro „ duo

---

(b) Mem. de l' Acad. Roy. de chirurg. T. 5.

(c) Chir. Biblioth. 3 B. 1 St. p. 16.

(d) Obs. med. L. 1. p. m. 160.

„ fratres, narrat H. ab HEER (e)... ini-  
„ micum... in campo... arbori alligant,  
„ alterum oculorum cultro sectum omnino  
„ eruunt, alterum digitis expressum ad ex-  
„ tremitatem nasi, cuius partem etiam cul-  
„ tro præsciderant, pendulum relinqvunt,  
„ cœcum atqve a bestiis noctu vorandum  
„ reliquisse rati. Ille vero fat commodo  
„ visu usus vinculis se expedivit, atqve  
„ ante noctem Chirurgi domum venit, qui  
„ oculum cavo suo repositum aliquvandiu  
„ obligavit, sanumqve hominem probeqve  
„ videntem dimisit. Affirmavit ille mihi, se  
„ cum propendente oculo ambulantem viam,  
„ qua incedendum, optime vidisse, sed cum  
„ agitatione vel fluctuatione quadam, qua-  
„ lem in superficie fluminum vento agitata  
„ observamus. Hoc ab oculo & nervo opti-  
„ co motante se, inqvietasqve visibilium  
„ imagines recipiente, manasse credo. Quar-  
„ to post anno utriusqve familiæ rebus affi-  
„ dua lite fere attritis ab altero fratrum sclo-  
„ po occisus est, ad illum diem nec mini-  
„ mum in sano oculo incommodum sentiens,  
„ ut sæpe mihi adfirmavit, & vidi legen-  
„ tem scribentemqve. Novi alium, cui pue-

---

(e) Obs. med. 4. §. 3. p. m. 69. sqq.

„ ro ictu tegulæ excussus oculus ultra dimi-  
„ dium nasi pendebat : etiam illi reposito a  
„ Chirurgo oculo visus nulla in parte immi-  
„ nutus , qvod mihi his diebus sexagesimum  
„ jam qvartum annum agens affirmavit „ .  
At vero id genus distentio nervi optici haud  
semper citra visus jacturam evenit. Narrat  
C. WHITE (*f*) viro cuidam tabaccariæ fi-  
stulæ superius extremum in oculum impa-  
ctum , trans medium inferioris palpebræ bul-  
bum inter marginemqve imum orbitæ exter-  
num , ac trans partem ossis maxillaris supe-  
rioris imam internamqve orbitæ plagam for-  
mantis , penetrans abruptum ibidem fuisse.  
Fragmentum in vulnere latens , visum ta-  
ctumqve fugiens ad 3 pollices erat longum.  
Bulbus inde extra orbitam ad superiora urge-  
batur , cornea sursum obversa , musculoqve  
bulbi inferiore admodum tenso ac distracto.  
Nil prorsus hoc oculo æger videbat. Ve-  
rum ubi bulbus leni pressione adhibita subi-  
to se in orbitam subduxisset , visus qvoqve  
continuo integer est reversus , citra ullum  
abhinc incommodum consecutum. Biennio  
dein post valida tussi oborta fistulæ fragmen-  
tum 2 pollices , ac post bimestre inde aliud

---

(*f*) Cases in Surgery with Remarks, Part the First.

rursus pollicem longum ægri ex ore profiliit, nullo etiam tum subsequente incommodo. Violenta ejusmodi ac subita nervi optici distractio præ lenta ac successiva, qvalis a tumoribus intra orbitam sensim succrescentibus, bulbumque oculi foras pedetentim urgentibus, in exophthalmiis contingit, magis favere amaurosi efficiendæ nemini non videri posset; contrarium tamen observata docent. I. L. SCHMUCKERI (g) mercatori 27 annorum a 15<sup>a</sup> ætatis anno continuus in dextra orbita dolor, cum annis crescens, oculum ex eadem foras urfit. Pupillæ motus exiguus, oculoque visus vix ullus superfuit. In cantho interno proxime sacculum lacrimalem tumor avellanæ nuce æquans, at nec durus nec rubens, emerfit. Tactu observare fuit, ossa ab se recessisse, præsertim apophylis nasalis ossis maxillaris ab osse nasali sensibilibiter distabat. Cum vero tumor non tam osseus quam polyposus mollis esse videretur, qui inter futuras ossium cœptus suo postea incremento easdem ab se dimovit, utilis futura visa est incisio, qua ab orbitæ margine trans tumorem prope sacculum lacrimalem facta erupit humoris fusci pulsem crassam referentis circ. cochlear. Cumque

---

(g) l. c. p. 9. sq.

superne minor alius tumor detegeretur, etiam ex hoc pone tendinem orbicularis musculi inciso materia priori similis erupit. Isthic ossa magis quam priore loco ab se recessere, at citra cariem, & perioestio munita adhuc. Ad materiam evocandam injectiones administrabantur, & ne latens ossa pessumdaret, aperturæ inferiori argenteus tubulus ovalis  $\frac{1}{2}$  pollicis longitudine est inditus, ope cuius effluere quiret. Lapsis vix 8 diebus oculus intra orbitam se recipiens pristinum recuperavit situm, ægrique visus est insigniter emendatus. Ab simili etiam causa cœcitatem unius oculi vidit J. T. KLEIN (b).

b) *Induratio* in decursu aut expansione in retinam. Mirabile induratorum nervorum opticorum exemplum memoriæ prodidit N. BLEGNY (i) „ aperto (inquiens) „ cadavere illustris Domine DE LA LOUPE... repertus lapis phaseoli magnitudine „ in origine atque in ipsa nervorum optico- „ rum substantia, unde illico dolores capitis atroces exorti, postmodum febris ardens, cœcitas, imo mors ipsa, luminis „ extinctioni triduo post succedens. Te-

---

(b) LESKE l. c. 2 Th. No. 10. p. 25.

(i) Zed. med. Gall. ann. 1. April. obs. 14. p. 81.



„ ftes adduco DD. VIEILLARD DE DREUX  
 „ & HUB. DE NOGENT Medicos celebres,  
 „ oculatos testes „ . Super quo „ non  
 „ est... facilis declaratu, ait MORGAGNI-  
 „ US (k), observatio illa; ... nisi forte  
 „ intelligas, utroque in latere similem fuisse  
 „ se lapillum: neque enim unus ea parvi-  
 „ tate in amborum poterat nervorum esse  
 „ substantia, amborumque originem preme-  
 „ re, five manifestam illam accipias, de  
 „ qua dictum est, five alteram retrusio-  
 „ rem „ . Neque minus posteritate dignum est exem-  
 „ plum induratae retinae A. HALLERO (l)  
 „ visa: „ in furis cadavere... cum... nervos  
 „ oculi (refert ille) sollicite pararemus, cœ-  
 „ cum fuisse eo latere, atque cicatricem  
 „ in cornea esse, & duritatem in oculo  
 „ ipso, apparuit. Cum dissectione defun-  
 „ cti essemus, apparuit mira mali causa:  
 „ choroideae membranae suberat retinae loco  
 „ lamina ossea aut lapidea (nam fibras osseas  
 „ nullas vidimus) cui ipsa choroidea adhæ-  
 „ rebat, ut alias retinae solet, concentrica,  
 „ hemisphærico cavo similis, nisi quod du-  
 „plici lamina fieret, & in altero latere

(k) l. c. No. 6.

(l) Opusc. patholog. Obs. 65, p. 172. sq.



„ duobus quasi oculis excavaretur. Is qua-  
 „ si scyphus accurate rotundo foramine per-  
 „ forabatur, quæ nervus opticus subit, ut  
 „ eo magis indurata retinam esse appare-  
 „ ret. Intra hanc osseam caveam nullum  
 „ vitreum legitimum corpus, sed nervum  
 „ quasi, albam nempe cylindrum reperimus,  
 „ quæ per foramen ossei cyathi transmissa,  
 „ metiens ejus diametrum, denique adhæ-  
 „ rebat osseo confuso corpori, quod potu-  
 „ isses pro corrupta lente crystallina ha-  
 „ bere. Ei corpori undique & iris & pro-  
 „ cessus ciliorum cognomines connasceban-  
 „ tur, & cornea denique, ad quam iris pa-  
 „ riter conferbuerat,,. Similem etiam ca-  
 „ sum videre est in MORGAGNIO (m) Neque  
 ab his abludit ille, quem I. G. ZINN (n)  
 dedit.

c) *Contorsio*. I. N. BINNINGERI (o)  
 Comes non dum sexagenarius, a pueritia  
 ex amaurosi cæcus, cum tandem obiisset, in  
 dissecto cranio nervi optici contorti sunt re-  
 perti. Id quod MORGAGNIUS (p) a præ-  
 gressis convulsionibus ætati teneræ familia-  
 ribus effectum fuisse suspicatur.

---

(m) l. c. Epist. 52. No. 30.

(n) Hamburg. Magaz. 19 B. 4 St. No. 7. p. 438.

(o) BONET Sepulcr. anat. L. 1. S. 18. Obs. 8.

(p) l. c. Epist. 13. N. 5.

d) *Erosio, vulnera.* „Qvale triste exemplum in milite quodam vidit L. HEISTER (q), cui in prælio ad Bovacum globo plumbeo utraqve tempora exactissime perforata erant; unde mox cæcus factus sine vitio spectabili in oculo. Æger quidem Bruxellis a me (ait) curatus est a vulnere, sed uterqve oculus amaurosin immedicabilem retinuit „. Porro narrat L. BOTALLUS (r) Taurinensi quæstori a cephalæa syphilitica amaurosin passo, ac mortuo demum, cranii ossa exesa fuisse, intus vero ingentem ichoris putridi pessimæ indolis vim delituisse, a quo cerebrum una cum nervis opticis corruptum est repertum.

e) *Extenuatio*, velut atrophica, ac plerumqve alieno simul colore prædita, haud raro pro evidenti amauroseos in vita prægressæ causa haberi solet: cui rei etiam non pauca observata favere videntur. Etenim G. ROLFINCIUS (s) in cæca quadam femina utrumqve nervum opticum reperit extenuatum; & I. SCULTETO (t) teste „Pattavii A. 1620 cadaver pauperculæ cujus-

(q) Dissert. cit. § 13. p. 345.

(r) De lue vener. C. 16 § 17.

(s) Dissert. anat. L. 4. C. 31

(t) Annales, chirurg. Obs. 36.

dam, quæ per 20 annos amaurosi pedetentim invadente laboravit, & tandem cancro mamillæ finistræ occulto & medicamentis non convenientibus ad thoracis cavitatem detruso miserrime obiit, delatum fuit in theatrum anatomicum, ubi in causam hujus cæcitatis legitimam inquisitum est. Aperto igitur per ferram cranio, inventi duo anteriores cerebri ventriculi subsidientiam passi & conglutinati, per quos spiritus animalis ad oculos deferri non potuit. Unde nervis opticis sensim marcescentibus (apparebant enim hic duplo minores, quam in aliis reperiuntur) amaurosis . . . illæsis undique oculis inducta fuit; bene enim adhuc nutriebantur, venis & arteriis rite constitutis, nisi quod arteria ad alterius oculi radicem ingressa turgebat, adeoque inflammationem quamdam, menstruis nempe regurgitantibus, insinuabat. Ita etiam notavit, narrante RIOLANO (u), CÆSALPINUS, in anatome publica . . . repertum; fuisse alterum ex nervis visoriis attenuatum, alterum plenum: visus autem erat imbecillis in oculo, ad quem nervus ex-

---

(u) Anthropogr. L. 4. C. 2.

„ tenuatus ferebatur ; habuerat enim vul-  
 „ nus in capite circa eandem partem. Ner-  
 „ vus autem extenuatus non ad oppositam  
 „ partem procedebat, sed ad eandem flecte-  
 „ batur. Unde omnes spectatores argumen-  
 „ tum id certum existimarunt, nervos vi-  
 „ sorios nequaquam se interfecare, sed coire  
 „ & regredi ad eandem partem,,. Perinde  
 M. HEILAND (x) secuit cadaver femi-  
 neum, in quo „ nihil notatu dignum...  
 „ occurrit, nisi quod alter oculorum viden-  
 „ di potentia orbatus, nervo optico & flac-  
 „ cidiore & iusto minore existente, obser-  
 „ vata hac differentia etiam ultra combina-  
 „ tionem in sella Turcica solennem,,. Haud  
 fecius HENCKELII (y) vir 50 annis ma-  
 jor, a multis annis epilepticus, & e gravio-  
 re lapsu a semestri oculi laevi amaurosi labo-  
 rans, cum tandem in peripnevmoniam lapsus  
 intra 5 dies simul 3 insultus epilepsiæ nactus  
 esset, in 3<sup>o</sup> eorum obiit. Capite dissecto re-  
 periebatur in sinu longitudinali superiore po-  
 lypus, in processu falciformi officulum, in  
 antico cerebri lobo sinistro apostema ovum  
 columbinum æqvans & flavescente ichore re-

---

(x) Misc. nat. cur. dec. 3. ann. 7. obs. 157.

(y) S. SCHAARSCHMIDT l. c. No. 22, p. 198 sq.

fertum : cerebri substantia illud ambiens erat admodum tenuis. Lævus autem nervus opticus dextro exilior tenuiorque est observatus, quippe qui ad oculum affectum pertinebat. Sic etiam in HEYI (2) puella dexter opticus nervus præ sinistro erat & consistentior & exilior, cinereique coloris. Porro CL. MERY (a) meminit Præsbyteri sub vitæ finem cæci, cujus in uno oculo anterior lentis facies erat ulcerata, opaca ipsa lens, humor aqueus turbidus, vitreus vero minus exacte pellucidus : in altero autem tres humores parum pelluciditatis amiserant, lucem adhuc transmittentes. At in utroque oculo glandulæ in externo iridis ambitu sitæ solito fuerunt majores... Nervi optici emarcuere, ut nihil ex iis pulpæ exprimi potuerit. Concluditur hinc ergo, altero illo saltem oculo, cujus humores lucem trans mittebant, visurum fuisse hominem, si cæcitatis causa non in ipso fuisset nervo optico læso. Denique I. F. ISENFLAMM (b) narrat mendicum peregrinum haud diu post, quam advenit, obiisse. Cum nihil de antea cta ejus vita constaret, cadaver confectum est. In cra-

---

(2) Vide §. 106.

(a) Act. Parif. A. 1713.

(b) Versuch einiger pract. Anmerk. über die Nerven  
§. 58. p. 169. sq.



nio nervus opticus dexter inde a conjunctione cum lævo usque ad orbitam griseus, corrugatus, exsiccatusque repertus est; bulbus quoque corrugatus, & ex toto erat destructus; lens degeneravit in corpus exiguum, durum, subfuscum. Circiter ad 2 pollices a margine orbitæ extrorsum aderat insignis firmiterque concreta cicatrix a vulnere olim inflicto, sub qua os frontis pertusum, nec nisi molli cartilagine expletum erat, quæ tamen liberum adhuc ingressum usque in cavum encephali reliquit. Cæcum illum hoc oculo fuisse oportet. Cl. Auctor vero sequentia subjungit quæsitæ: Utrum a vulnere olim inflicto nervi oculique vitia reperta repetenda, quamvis illud non videatur eo usque penetrasse? an potius diversa fuerit cujuslibet vitii origo? An destructio bulbi a nervo exsiccato? Cur ficcitas hæc non ultra conjunctionem versus thalamos excurrit? An forte potius nervi frontalis læsio destructionem bulbi, & hæc optici nervi exsiccationem post se traxit? Digna omnino singula, quæ ad plenioram amauroseos pathologiam obtinendam, pro eo ac par est, excutiantur; & quantum ad postremum quæsitum attinet, ad illud faciunt omnino aliquid observationes CAESALPINI & HENCKELII paulo ante memoratæ. Quidquid sit,



illud tamen ex allatis casibus liquido confici videtur, amaurosin haud raro nervorum opticorum extenuationi deberi. Non tamen usque adeo res evicta est, ut non aliquam præ se ferat ambiguitatem, quam binæ in primis observationes I. B. MORGAGNII (c) induxere, nimirum: „ anicula (narrat ipse) „ decrepita & clauda .... ex brachii, si „ recte memini, abscessu mortua est. ... Cras- „ nio exemptum cerebrum, inversumque „ cum inspectarem, carotidis utriusque arteriæ truncos, majoresque horum ramos „ animadverti firmiores apparere, inveniqve, eorum parietes revera crassiores esse „ factos. Contra cum essent nervi ceteri, „ & præsertim 4<sup>ti</sup> & 5<sup>ti</sup> paris, pulcherrimi, „ firmi, & magis, quam soleant, crassi, „ opticos cinereo colore, angustos, & in tenuis institæ modum depresso videbam, „ & medullarem illam, quæ, ubi inter se „ accedunt, ipsis interjicitur, partem satis „ quidem latam, sed colore & tenuitate nihil ab ipsis discrepantem. Ipsi vero intra „ orbitas progressi, etsi colore erant albo, „ crassitudine autem quasi mediocri; incisi „ tamen ostenderunt, albedinem illam, nec

---

(c) l. c. Epist. 56. No. 21. & Epist. 63. No. 8.

„ parvam crassitudinis illius partem meningi-  
„ bus deberi suis crassioribus factis , intra  
„ quas tanquam intra tubum quendam fir-  
„ miusculum substantia concludebatur , in  
„ altero praesertim nervo , sangvinolenta.  
„ Cum oculus , ad quem is nervus tende-  
„ bat , non secus ac alter , nihil , si exterius  
„ aspiceres , vitii monstraret , ne interius  
„ quidem , cum diligenter a me secaretur ,  
„ vitii ostendit quidquam ; ut praclare in-  
„ telligerem , hunc a me alias tibi descri-  
„ ptum. opticorum nervorum morbum non  
„ semper a vitiatis , caecisque prorsus ocu-  
„ lis ( hanc enim vetulam , quod permirum  
„ est , nisi forte altero oculo nonnihil vide-  
„ bat , caecam fuisse negabant ) occasionem  
„ & originem habere , ut neque a cerebro ,  
„ sed in nervis ipsis aliquando primum ori-  
„ ri. Hic certe cum cerebrum , intra quod  
„ hos nervos ob eorum tenuitatem vix  
„ potui persequi , accurate dissecuissim , ni-  
„ hil in eorum via , nihil in eorum tha-  
„ lamis vitiatum offendi. Et quamquam  
„ hippocampus ad imam extremamque  
„ fui partem nequaquam , ut solent , se  
„ dilatantes animadverti ; nullum tamen  
„ vel minimum exstabat indicium , quin  
„ sic a primordiis ipsos fuisse judica-  
„ rem. Nec praeter hoc insoliti non modo

„ morbidi quidquam in cerebro toto fuit,  
„ nisi quod in 4<sup>o</sup> ventriculo pro medullari-  
„ bus illis fibris, quæ utrinque occurrunt  
„ ut plurimum, ad nervos acusticos per-  
„ tinentes, vix uno in latere una fuit, ea-  
„ que exilis, & inferius, quam soleat, orta  
„ & locata „. Porro „, senis... (inquit)  
„ ex cachexia, ut ajebant, ... mortui ca-  
„ daver cum ... fecaremus, ... thorax, ut  
„ venter quoque, nihil quidem habuit effu-  
„ sæ aquæ; sed non sine duritie pulmones,  
„ sinistrum præsertim, qui arcte insuper spinæ  
„ adhærebat (adnotavimus). Cranii for-  
„ nix, qui non sine vi avelli potuerat, con-  
„ sveta majori, intus erat foveis pluribus  
„ excavatus in osse frontis, & in altero sin-  
„ cipitis, aliis quidem minoribus, sed gran-  
„ dioribus tribus & profundioribus, quarum  
„ duæ ad os illud, reliquæ ad hoc specta-  
„ bat, eaque non modo, ut illæ, exterius  
„ lamella dumtaxat tenui, sed tenui adeo  
„ operiebatur, ut foraminulis pervia appa-  
„ reret... Etsi vero in cerebri dissectione  
„ septum lucidum & fornicem laxa præter  
„ omnem modum, imo inter duas ejus se-  
„ pti laminae aquæ aliquid deprehendi, in  
„ lateralibus autem ventriculis aquam ejus  
„ similem, in qua recens caro lota sit, non  
„ multam quidem, neque cum pallore cho-

„ roidis plexus conjunctam; cerebri tamen  
„ ipsius & oblongatæ medullæ, & nervo-  
„ rum ex hac orientium, substantiam satis  
„ firmam, & omnino secundum naturam,  
„ inveni. Qvo magis me perculit nervi opti-  
„ ci dextri constitutio, qvi cum ad unio-  
„ nem usqve cum sinistro sanus prorsus, hu-  
„ jusqve simillimus fuisset, repente ab unio-  
„ ne minus qvam sinister, evidentissime cras-  
„ sus, & ad cinereum colorem accedens  
„ conspiciebatur, & sic ad orbitam pergebat.  
„ Quamobrem continuo, an cæcus oculo  
„ dextro homo fuisset, sciscitatus sum, &  
„ cum id diserte negaretur, oculum illum  
„ inspectavi, nec minus sinistro pulchrum  
„ sanumqve deprehendi: neqve intra orbi-  
„ tam opticum illius nervum ab sinistro  
„ quidqvam jam differre amplius conspexi,  
„ nisi qvod paulo minus tamen erat cras-  
„ sus,,. Hæc ille. In utroqve ergo casu  
„ aderant optici nervi extenuati, decolores-  
„ qve, dexter in posteriore, ambo in priore,  
„ citra ullam tamen cœcitatem. Sed qvod  
„ his ipsis, accuratis licet, observationibus  
„ præsentem in rem derogat, est, qvod ægro-  
„ rum ipsorum circa visum ejusqve magnitu-  
„ dinem nulla, dum viverent, confessio, me-  
„ dentiumqve in id indagatio, præcesserit.  
„ Quid enim alii a morte pro certo affirma-



rint, nisi visum in vetula adfuisse? Sed nec  
quantus, nec unone an utroque in oculo,  
fuerit, resciri poterat, præsertim cum alter  
opticorum præ socio vitii plus habuerit. Per-  
inde res in fene est; nam etsi cæcus dex-  
tro oculo haud fuerit, potuit nihilominus  
eodem debilius, quam altero, vidisse; præ-  
sertim cum nervi vitium nondum totam ejus  
longitudinem ad bulbum usque corruerat.  
Ex prius enim allatis casibus confici potest,  
cæcitatem ab hocce nervi vitio non subito,  
sed prout istud sensim invalescit, iisdem gra-  
dibus accedere. Sic CÆSALPINI in casu  
nondum amaurosis perfecta, sed imbecillus  
erat visus in oculo, cujus nervus opticus  
attenuatus erat. Perinde SCULTETI pau-  
percula per 20 annos amaurosi non subita  
sed pedetentim invadente laboravit, prout  
scilicet nervus semper plus marcescebat.  
Verum etsi hæc sic satis extenuationi nervo-  
rum opticorum in amaurosi producenda fave-  
re videantur, tamen non dum omnia, quæ  
MORGAGNIUS (*d*) adversum eam, ut  
amauroseos causam, adducit, sunt remota.  
Haud ille quidem in totum pernegat, amau-  
rosin ab hac oriri causa, sæpe tamen (in-  
,, qviens) ipsa nervi extenuatio, aut illud

---

(*d*) l. c. Eist 13 No. 11,

„ potius vitium nervi , qvod extenuatio  
 „ conseqvitur, cœcitat̃s causa est „ : ve-  
 rum „ si qvis dicat, ne cœcitat̃em qvidem  
 „ cum extenuatione ejus nervi conjunctam  
 „ ab hac semper esse repetendam ; sed in-  
 „ terdum potius hanc illi succedere , vel  
 „ qvia a suo diu cessans officio is nervus,  
 „ ut pleræqve aliæ partes, contabescat, vel  
 „ qvia ex corrupto oculo pravis humori-  
 „ bus per vascula, nervum ipsum intus ex-  
 „ traqve comitantia redeuntibus, oblæda-  
 „ tur ; is sane (ait) refutari non poterit.  
 „ Nam qvomodo aut simul cum oculi cor-  
 „ ruptione, qvæ ab externis causis incede-  
 „ rit, se nervi extenuatio aliter jungat,  
 „ aut hæc in adolescente illo sic satis fuerit  
 „ a VESALIO animadversa , cui oculum  
 „ ante annum eruerat carnifex „ ? Narrat  
 enim A. VESALIUS (e), adolescenti, cui  
 anno ante dextrum oculum carnifex eruit,  
 gulam laqueo fractam, ejusqve cadaver ad  
 anatomen Patavinam traditum fuisse , in  
 qvo nervus opticus oculi anno ante eruti du-  
 rior ac rubicundus magis , qvam sinister,  
 cernebatur „ sed... non admodum neqve  
 „ crassitie neqve mollitie adhuc sinistro ce-

---

(e) De corp. hum. fabr. L. 4. C. 4.



„debat „. Eadem etiam testatur I. v A L-  
 V E R D U S (f). „latronibus oculorum altero  
 „(inquiens) ob primum furtum Venetiis  
 „eruto evenit, ut post annum unum vel  
 „alterum iterum comprehendantur, & Pa-  
 „tavium dissectionis ergo mittantur, in qui-  
 „bus ejus regionis nervus, qva oculus ad-  
 „emptus est, flaccidus ac prope aridus oc-  
 „currit, altero interim prorsus illæso „. Ve-  
 rum nos de cœcitate complicata, a causis ex-  
 ternis universum bulbum pessumdantibus,  
 quorsum vulnera altiora ipsius bulbi perti-  
 nent, hic non disceptamus, nedum de mar-  
 core nervi optici oculum erutum consequen-  
 te; agitur hic de sola amaurosi cum nervi  
 optici marcore juncta, utrum hic illius cau-  
 sa sit habendus, etiam tum, cum oculi si-  
 mul marcor adfuerit, qvalem tribus in ca-  
 daveribus ipse etiam reperit M O R G A G N I-  
 U S (g), imo vulnus etiam præcefferit, mo-  
 do bulbum ipsum non penetrarit, sed parti-  
 bus vicinis fuerit inflictum, ut in C A E S A L-  
 P I N I & I S E N F L A M M I I casibus? Arbitra-  
 tur M O R G A G N I U S, ut prius dictum, veri  
 esse similis, optici nervi marcorem velut  
 effectum emarcidi bulbi esse; sed qui exte-

---

(f) Anat. corp. hum. L. 7. C. 3. p. m. 311.

(g) l. c. No. 8. 9. & Epist. 52. No. 30, Epist. anat.  
 18. No. 40.

nuationem artuum a paralyfi nervorum ad eosdem pertinentium in memoriam revocavit, nescio, utrum cum Cl. Viro sit facturus, ac non multo potius contrariam in opinionem abiturus. Verum cum ad controversiam hanc componendam accuratiores observationes desiderentur, nolim eidem diutius immorari, ac par pari opposcentes jure etiam dixerint: eum refutari haud posse, qui contenderit, a vulnere vel retinæ vel alius vicini nervi marcorem nervi optici consequi posse, quem amaurosis ut effectus comitetur, seu deinde ulteriores etiam adfuerint læsiones bulbi, seu nullæ.

## §. 30.

2. SPLENDOR *lucis* subitus, magnus, diurnus, creberve, oculos percellens: qualis præprimis est

a) *Solis lux.* „ Solem ipsum, ait „ GALENUS (b), si quis oculis inconniventibus velit intueri, oculos celeriter perdat: multique in solis defectibus, cum eum affectum, qui soli acciderat, planius nosse cuperent, fixis oculis solem intuentes, imprudentes prorsus fuerunt occæ-

---

(b) De usu part. L. 10. C. 3.

„ cati „. Exemploque rem firmaturus re-  
 fert (i) „ DIONYSIUM Siciliae tyrannum  
 „ domum super carcerem construxisse clarif-  
 „ simam ac longe splendidissimam, calce il-  
 „ litam :... in eam domum postea, qui diu-  
 „ tissime carcere infimo fuissent conclusi,  
 „ vinctos ipsos sursum educebat, qui ex  
 „ multa ac profunda caligine in splendidam  
 „ lucem egressi lucem quidem erant cupide  
 „ intuituri, intuiti vero occaecabantur, lu-  
 „ cis splendidæ occursum repentinum ac con-  
 „ fertum non ferentes „. Haud secius M.  
 GERBEZII (k) „ puerpera, quæ... in  
 „ obscuro quidem loco decumbebat, sed  
 „ quod ad casu apertam fenestram solares  
 „ radios fixius intuita fuerit, eatenus ex-  
 „ cœcata fuit, ut pro revocando rursus pri-  
 „ stino visu nullum amplius sua vita reme-  
 „ dium repererit „. Multis perinde dimi-  
 dium periisse visum ait s. YVES (l), dum  
 ecclipticæ solis diutius aspicerent : cujusmodi  
 exemplum P. SALMUTHUS (m) memorat

(i) Ibidem.

(k) Intricati extricati Medici, P. 2. C. 20. p. m  
 199.

(l) l. c. 2 Th. 33 Cap. §. 5. p. 346.

(m) l. c. Obs. 83.

de juvene 20 annorum, qvi meridianam solis ecclipsim intentius intuitus ita inde hebetem retulit visum, ut postea ad minores literas legendas conspiciillis opus habuerit.

b) *Lunæ* plenæ splendor. Unicum hanc in rem novi casum, qvem H. ab HEER (n) memoriæ prodidit in hæc verba: „vivit etiamnum Medicus non ineruditus, qvi A. 1613 rus vocatus ad nobilem in singulari cum Hispano certamine graviter faucium, cum noctu somnum capere non posset, de ægri brachio, qvòd chirurgus amputare volebat, ipse autem servavit, multa animo versans per pellucidam fenestram Lunam, qvæ forte plenissima erat, ultra 3 horas attentissime intueretur; .... tandem altè sopitus cum in multam dormisset lucem, famulum rogat, qvota sit diei hora; illo decimam dicente, aperi fenestras, inquit, nec enim qvicqvam præter densissimas tenebras video. Famulo clarum mane ultra qvadrihorium fenestras pulsasse adfirmante, vestes poposcit. Fenestræ demum admotus, lychnoque candelæ accensæ applicitis digitis, fero intellexit, nimio lunæ lumine

---

(n) l. c. § 1. p. III, 65. sqq.

se omnino vel amaurosi correptum vel  
excœcatum. Domum reductus in uxorem,  
solitum a marito basium in domus  
limine expectantem, ita impegit,  
ut fere puerum sinu gestantem in terram  
dejiceret. Rogavit illam, curiose oculos  
inspiceret, num quid in pupilla aut alia  
parte observaret: illa nitidissimum utrumque  
adfirmante, censuit Medicus vel cerebri  
vel nervi optici (nec enim suspicio humoris  
cristalloidis, cum casu ictuque nullo  
concussus esset) vitium esse... Aliis  
Medicis, cum abesset, cui soli credere  
se voluisset, non vocatis, certissimus vel  
cito mori vel visum recuperare, sanguinis  
iterata, post phlebotomiam, etiam curbitarum  
appositione, sumptis aliquoties pilulis lucis  
cum cochiis, nasalibus validissimis usus,  
18<sup>o</sup> die clare videre cœpit. Ceterum omnia  
ipsi gemina oculis obversabantur, ita ut  
nec legere nec scribere posset, nisi altero  
oculorum clauso... Infuso itaque senæ & fumariæ  
cum aniso & sceniculo per epicrasin, conditoque  
caput & oculos roborante usus, singula  
ut prius & accurate vidit; ceterum quæ  
in plateis in linea occurrebant recta,  
ut equos vel bigas; totis a latere 18 vel  
pluribus distita pedibus cernebat. Tum



„ vesicis sæpius in nucha scapulisque ; cu-  
 „ curbitarum longa applicatione excitatis,  
 „ vaporeque & halitu anisorum modo co-  
 „ ctorum, modo masticatorum, optimaque  
 „ victus ratione , sub finem 5<sup>ta</sup> ab amauro-  
 „ si hebdomadis visum . . . perfectum re-  
 „ cepit. „.

c) *Fulguris* claritas, a qua visum per-  
 di observavit s. YVES (o), id quod pyro-  
 techna quoque HEISTERI (p) est exper-  
 tus. SCHMUCKERUS (q) etiam virum fe-  
 minamque novit, qui dum gravissima tempe-  
 state iter facientes fortuito in fulgur intue-  
 rentur, ambo subito visu privati sunt cum  
 extraordinaria pupillarum amplitudine, nul-  
 lis remediis amplius recuperando. Ful-  
 guri affines sunt pulveris pyrii intra ma-  
 chinas bellicas coruscationes visui perin-  
 de inimicæ. Etenim teste J. RHODIO (r)  
 „ GUSTAVO magno Svecorum Rege Fran-  
 „ cofurti ad Oderam impressionem faciente,  
 „ machinæ fulmen Centurioni fortissimo M.  
 „ DE LA ROCHE . . . luminis usum ademit „.

(o) l. c. §. 5.

(p) Vide §. 16. c.)

(q) l. c. p. 6.

(r) Obs. med. Cent. 3. Obs. 93.



Quorsum etiam J. SCHENCKII (s), opinor, observatio est referenda, dicentis „ci-  
 „ vem Argentinensem... novimus, cui in  
 „ obsidione Metensi ex horribili bombardarum & cannarum muralium explosione...  
 „ & metu, citra aliam externam vel ignis  
 „ vel pulveris bombardici, aut alterius offensam, visus irreparabili damno subito  
 „ periit... Quamquam... nulla... labe  
 „ maculave in oculis notari potuerit „.

d) *Flammæ* luculentia. I. HOLLERIUS (t) pistorem refert juxta furnum ignitum repente cœcum evasisse. S. YVES (u) quoque hominem Parisiis vidit, qui dum pulum gallinaceum assandum ad verum alligaret, a luculento nimis igne, ad quem propius constitit, amaurosim incurrit. Meminit etiam alterius (x), qui in monetario opere metallum ignito crucibulo indens a splendore ignis cœcus est effectus. Haud secius S. LEDELLI (y) calefactor, pluribus quotidie in fornacibus ligna recentia succendens, non tam ab eorum fumo acri, ut auctor vult, quam

(s) l. c. L. I. Obs. 306.

(t) De morb. intern. Schol. ad C. 20. p. 147.

(u) l. c. §. 3.

(x) Ibidem §. 4.

(y) Misc. nat. cur. dec. 2. ann. 10. obs. 18.

a vicinâ oculis flamma aliquo post tempore visu est privatus.

e) *Monetæ* novæ nitor, aliorumve corporum metallicorum. Sic HEISTERI (z) mulier e crebro monetarum argentearum nitentium aspectu in amaurosim incipientem incidit.

f) *Nivis*, vel *arenæ* a sole præsertim collustratæ, candor, itinerantibus vel maxime per nivosa arenosave loca haud raro visum lædit, ac maculas nigras oculis obversantes causat (a). Perniciosum esse oculis per nives iter facere GALENUS (b) & ad quotidianam experientiam, & ad XENOPHONTIS militum exemplum, provocat; id quod HEISTERI quoque bini confirmant casus, alter alibi (c) jam memoratus, alter vero in Auctore (d) videndus. De maculis autem ab itinere per arenosa loca ita BOERHAAVIUS (e): „peffimæ sunt (in-  
„ qvit) hæ maculæ sub cœlo continuo

(z) Vide histor. 3.

(a) Vide §. 16. b).

(b) l. c.

(c) Vide §. 16. b).

(d) l. c. 1 Band No. 400.

(e) l. c. Cap. 1. de morb. ocul. intern. §. 73.  
No. 12.

„ æstuante & reflexo solis ardore , ubi in  
 „ amaurosin facile degenerant , maxime cum  
 „ homines continuo inspicere cogantur are-  
 „ nam albam lucis radios ad oculum refle-  
 „ ctentem. Hinc Arabibus , Persis , & Ægy-  
 „ ptiis maxime communis est morbus , iis-  
 „ que oculi pleni sunt imaginibus ; quia in  
 „ calidis regionibus itinera facere coguntur  
 „ per deserta arenosa. Princeps RADZI-  
 „ VIL refert... Carabistas fere omnes hoc  
 „ morbo laborare , siue dubio quia per talia  
 „ loca calida arenosa sæpius itinera faciunt ,  
 „ Ipse etiam BOERHAAVIUS ( f ) id ge-  
 „ nus malum ab evitatione summo in æstu  
 „ per arenosa loca est expertus.

g ) *Microscopiorum* crebrior inspectio.  
 Quanta enim luce ad intuenda ope eorum-  
 dem objecta minutissima sit opus , nemini,  
 qui periculum rei fecit , ignotum est ( nihil  
 ut de oculi ipsius his machinulis applicari  
 soliti nimia intensione dicam , quia nervus  
 opticus admodum debilitatur ). Lux hæc  
 clarissima ab speculo supposito ( de compo-  
 sitis microscopiis loquor ) recta ad oculum  
 reflectitur adeo , ut ipsum te sole in intuer  
 credas , nisi quam objectum intercipit exi-

---

( f ) l. c. §. 89.

guam : quid itaque mirum visum inde jacturam pati ? HOUTTUYN (g) meminit hominis, ab juventute visu acri pollentis, quem tamen crebra microscopiorum usurpatione usque adeo labefactavit, ut mane quodam expergefactus oculo sinistro, indolente licet, parum admodum videret, quæ amblyopia pedetentim aucta in plenam tandem adolevit cœcitatem, nulla conspicua in oculo labe. Anno inde post opaca macula alba pone pupillam observari cœpit, haud ita multo post in flavedinem ac demum virorem abiens, ut malum pro glaucomate haberetur. Post biennium levis oculum ophthalmia, haud quidem diuturna, corripuit ; sed brevi post oculus inter vehementes dolores intumuit ad magnitudinem ovi gallinacei : quo in statu dum vice quadam æger valentius nares emungeret, vehementem dolorem ac strepitum insignem in capite persensit, quem continuo hæmorrhagia ex interno oculi cantho est per bihorium consecuta : hanc somnus excepit, quo finito æger dolore vacuus oculum collapsum observavit.

Ex multiplicibus his exemplis abunde colligitur, quantum efficacix insit materiæ

---

(g) Hist. de l'Acad. Roy. des Sc. A. 1769. p. 43.

luminosæ uberius oculis admiffæ ad eorundem visum aut minuendum aut etiam prorsus pessumdandum. Sed enim vero percontanti, qvi id accidat, qvid e physiologia qvid e pathologia es deprompturus? Pronum utiqve est dicere, debilitatem inde vel vasis ophthalmicis vel ipsi nervo conciliari (b); verum si momentum virium luminis in vasa aut retinam incurrentis e calculo & experimentis æstimemus, facile apparebit, quam parum ii ad physicen respexerint, qveis celeriter similia e calamo profluxere. Nam cum vulgo notum sit, virium vivarum mensuram e massa in celeritatem simplicem (ut NEWTONUS æstimavit) vel ejus quadratum (e mente LEIBNITZII) ducta obtineri; luminisqve moleculas stupendæ exilitatis, immensa licet pernecitate motas, tam exigua motus quantitate esse præditas, ut quantumvis speculis causticis in focum coactæ ne paleæ quidem aut plumulæ mobilissimæ loco movendis sint pares: qvid quæso ab inæstimabili id genus impactu seu in vasis seu nervo debilitatis produci poterit? Qvod si id de ipso solis lumine recta ad nos contendente in comperto est, quanto etiam minus

---

(b) ОЕХМЕ Dissert. cit. §. 9.



a lunæ lumine impingente debilitatis in vasis aut nervo est extimescendum, utpote in quo calor nulla adhuc arte detegi poterit (*i*), ne in mobilissimis quidem thermometris observabilis, & quod in plenilunio ipso sit 300000 vicibus rarius lumine solis diurno (*k*)? Abstrusior ergo modus, quo subitum ac vehemens lumen visum pessumdat, quam qui ex idea virium vivarum luminis male eruitur, sit oportet. Et si enim retina ita natura sua comparata sit, ut incidentis luminis præsentiam percipiat; utrum tamen hæc sensatio ab infinite exigua illa motus quantitate vel alio peculiari luminis in retinam agendi modo proveniat, haud dum est assertum: ac multo propius verum est posterius, si, quanta opus sit vi ad plenam subitamque cœcitatem (i. e. ad perfectam optici nervi paralylin) efficiendam, cogitetur; quam utique vim memoratæ luminis; præsertim lunaris, vires vivæ nunquam exæquare possunt. Quæ cum ita sint, eo etiam augetur magis difficultas explicandi modum læsionis, quam hocce in morbo

---

(*i*) GRAVESAND. Phil. NEWT. inst. L. 3. P. 1. C. 2. §. 777.

(*k*) MUSCHENBR. In rod. ad phil. nat. P. 2. §. 1637. sqq.



a lumine non tam nervus opticus, quam vasa potius eidem contigua perpetiuntur. Cuncta enim phænomena rite pensata ostendunt, a lumine inductam hic læsionem in vasorum nervo contiguorum infarctu consistere, a qveis ille comprimitur: siquidem amaurosin hincce profectam, modo curationem admittat, validæ crebræqve vacuationes, & repellentia externa, optime profligare visa sint, id qvod testantur in primis casus H. ab HEER (l), HEISTERI (m), &c.

## §. 31.

3. TUMORES varii pro varietate loci, qvem obtinent, varie amaurosin producunt, nempe

a) *Colli strumosi scrophulosive*, jugularibus venis incubantes, ac sanguinis ab encephalo reditum ad cor remorantes: unde vasorum ophthalmicorum infarctus & nervi optici ac retinæ compressio & amaurosis consequitur; quæ sublatis id genus tumoribus nonnunquam feliciter aboletur, qvemadmodum STRACKII juveni apud STÖRCKIUM (n) accidisse videre est.

---

(l) Vide §. preced. b).

(m) Vide histor 3.

(n) Vide §. 72. No. 2.

b) *Encephali*, pressione sua nervos opticos paralyticos reddentes, ut sunt vomicae clausae, steatomata, strumae, hydatides, exostoses, &c. Sic DRELINCURTIUS (o) caecitatem, ac demum ipsam mortem, illatam refert a tumore inter cerebrum cerebellumque ad pugni magnitudinem enato, steatomatisque consistentiam habente. Perinde GÜNZII aut BINGII potius juveni, referente I. B. G. OEHME (p) „adversa valitudine diu utenti oculi subito occaecati „ sunt, tandemque vita extincta. Ubi corpus post mortem incidebatur, praeter steatomata quaedam super costis, & intus in pectoris cavitate atque pulmonibus, re-  
 „ perta, duo inventa in capite sunt, ovum  
 „ columbinum magnitudine superantia. Ossa  
 „ frontis, quae orbitam facit, & cribriformi  
 „ laminae utrinque incumbentia nervum etiam  
 „ opticum velabant, & comprimebant, a  
 „ quo proinde amaurosis videbatur orta esse.  
 „ Ossa tamen, quibus incumbebant, erosa  
 „ simul ac fere consumpta inventa sunt „.  
 Hunc ipsum postea casum industria P. R. WANDELERI literis fusius mandatum in

(o) BONET. Sepulcr. anat. L. I. S. 18. Obs. 10.

(p) l. c. §. 8. p. 19.

lucem edidit B. I. BUCHWALDUS (q). Haud secius F. H. L. MUZELI (r) narrat, pyrotechnam 40 annis majorem cephalæa vehementissima, quam febris acuta post se reliquit, integro anno laborasse cum totali pene visus jactura: pupilla amplissima erat, ac tam parum mobilis, ut post perfrictas etiam palpebras exiguus nonnisi motus in eadem perciperetur. Aderat simul utroque in oculo insignis adnatæ bulbum palpebramque investientis inflammatio cum pulsu pleno ac duro. Idcirco cum larga in brachio V<sup>a</sup> S<sup>o</sup> facta, ac sæpius deinde iterata, uber- timque data temperantia, nil proficerent, cathartica & lia sat valida & crebrius dabantur; nuchæ admotum vesicans, & in fluxu servatum; nec omissa externa refrigerentia & roborantia. A quævis etsi vis inflammationis est infracta; pertinax tamen ad omnia remedia mansit cum oculorum rubor tum continua cephalæa omnem vix non somnum arcens: unde vires admodum dejectæ. Atque altero fere anno jam ita exacto æger

---

(q) Prodr. prævert. contin. Act. med. Hafniens.  
p. 117. 199.

(r) Med. u. chir. Wahrnehm. 2. Samml. cas. 14.  
p. 89.

demum febre acuta inflammatoria corripitur cum celeri duroque pulsu, cui se mox per principia junxit vehemens delirium ferox, ingens calor, ac siccissima lingua. Væ S<sup>e</sup> nequidquam sæpe facta, datisque copiosis temperantibus; ac rursus vesicantibus admotis, homo nihilo secius die 4<sup>o</sup> interiit. In cadavere abdominis ac thoracis viscera nihil præter naturam exhibuere: at cranio duraque matre apertis vasa piæ matris & substantia corticalis admodum sanguine abundabant, ac inflammationis indicia dabant. Cerebro taleolatum confecto multæ cruoris guttæ prorumpebant, liquido docentes, causam febris postremæ cerebri inflammationem fuisse. Demum anticis cerebri lobis elevatis in regione sellæ turcicæ conspiciebatur induratio cerebri, parvam juglandis nucem æqvans, quæ nervis opticis insidebat, & amauroseos causa exstitit. Similem quoque causam amauroseos HAENIUS (s) in puella detexit. Ita etiam narrante F. PLATERO (t) „ Gal-  
 „ lus quidam . . . annos natus 24 . . . dolore  
 „ capitis correptus est. Mox secuta febris,  
 „ qua cessante cephalalgia reliquæ aliqvæ

---

(s) Vide §. 116.

(t) Obs. med. L. I. p. m. 102. sqq.

„ nihilominus remanserunt cum vigiliis &  
„ capitis imbecillitate. Tandem in oculo  
„ sinistro visio obscurari cœpit ; & post  
„ mensem etiam in dextro oculo : secutaqve  
„ est paulo post in utroqve oculo omnimo-  
„ da amaurosis . . . nullo vitio in oculo ap-  
„ parente. Postmodum etiam cœcus ille con-  
„ vulsionibus laboravit , quæ illum per vi-  
„ ces tota hyeme affligebant , quibus initio  
„ veris cessantibus supervenit tussis , febris  
„ hectica , exspuitio purulenta , & tabes ,  
„ quæ diu molestatus & consumptus tandem  
„ exspiravit. Corpore . . . aperto pulmo-  
„ num vitiumprehendimus. Verum cum  
„ causam cœcitatæ aperta calvaria in cere-  
„ bro perquireremus , invenimus cerebrum  
„ aqueo copioso humore irriguum , partem-  
„ que illius anteriorem ; sinistra præsertim  
„ in sede , tumidiorem ; a qua cum portio  
„ adimeretur , inventus est tumor seu glo-  
„ bus quidam glandulæ seu strumæ instar ,  
„ inclusus in cerebri substantia , ab ea ta-  
„ men separatus , propriaque membrana du-  
„ ra contentus , per quam venæ aliquæ ca-  
„ pillares dispersæ erant , ovi gallinacei ma-  
„ gnitudinem superans , inæqualis , & for-  
„ mam pineæ nucis exprimens , cujus inte-  
„ rior substantia alba & æqualis , ovi albu-  
„ men coctione induratum referebat , sed



„ durior illo erat. Hic cono obtusiore non  
 „ nihil fursum prominebat, basi vero latio-  
 „ re ventriculo cerebri anteriore sede inni-  
 „ tebatur, & pondere suo, quod erat 3xjv.  
 „ nervorum opticorum exortui in cerebro  
 „ incumbebat, eosque comprimebat. Quam  
 „ causam fuisse cœcitatís, quod cum spiri-  
 „ tus animalis transitus ad oculos fuerit im-  
 „ peditus, conclusimus; cum alioquin in  
 „ nervis opticis nulla obstructio aut aliud vi-  
 „ tium, uti nec in oculo, apparuerit „  
 Eundem in modum SAUVAGES (u) „ vidit  
 „ bis in puerulis scrophulosis amaurosim  
 „ etiam subito ingruentem; secto cadavere  
 „ invenit glandulam strumofam nervis opti-  
 „ cis incumbentem „. Porro „ I. HUAL-  
 „ DUS, inquit G. BALLONIUS (x), annos  
 „ natus 22 de dolore capitis queritur, hu-  
 „ miditate cerebri effusa in nervos opticos  
 „ occæcatur. Adversus id omni præsidio-  
 „ rum genere oppugnatur, nihil proficitur.  
 „ Audio tandem visum aliquatenus recupe-  
 „ rasse: dolores perseverant capitis intole-  
 „ rabiles. Omnium remediorum vim malum

(u) Nosol meth. T. 2. P. 2. Cl. 6. Ord. 1. art.  
4. No. 3.

(x) Paradigm. 7.

„ superavit; præ mali diuturnitate & vehe-  
„ mentia interiit. Aperto cadavere abscef-  
„ fus reperti sunt in processibus... mammi-  
„ laribus. Illos abscessus melicerides vocare  
„ possis, quamquam ad scirrhum proxime  
„ accedant. Os frontis erosum erat, & per-  
„ foratum vi humoris acrimoniaque; fora-  
„ men erat instar quadrantis, qui tres de-  
„ nariolos pendet... Paulo antequam in-  
„ teriisset, nec videbat nec odorabatur:  
„ convulsus interiit. Uno antequam interi-  
„ isset anno, pedes incurvos retractosque  
„ habebat. Tanta fundi calamitas non aliun-  
„ de orta erat, ... quam a latente luis ve-  
„ nereæ veneno „. Huc denique & W.  
BROMFIELDII (y) casus pertinet, nempe  
puellæ 20 annor. post diuturnam multorum  
annorum cephalæam tandem utroque oculo  
amaurosin passæ cum incisus super futuræ  
temporalis processu fonticulus, diu licet aper-  
tus, haud magnopere ac sine levamine flu-  
xisset, febris tandem epidemica superveniens  
mortem intulit. Hac autem fonticulo impu-  
tata, quod ejus materia per futuras ingressa  
inflammationem letalemque causasset fe-  
brem, in lustrato cadavere futuræ cranii ita

---

(y) Chirurg. Wahrnehm. 1 Hauptstück p. 23. fqq.

omnes coaluere, vix ut ullum earum toto capite superfuerit vestigium: tum etiam crânio dempto dura mater sub futuræ temporalis processu perinde ac ubique alibi sanorum in modum est reperta. Verum in anticis cerebri foveis (ventriculis) ingens medullaris substantiæ tumor apparuit, parvum pomum æquans, & immediate nervorum opticorum thalamis incumbens, simulque in ventriculo cerebri fere 3 ij humoris stagnabant. Credit auctor abolitis mature futuris cuncta hæc mala aliud ex alio pullulasse. Quod autem id genus steatomata, strumæ, scrophulæ, melicerides, &c. cerebri efficiunt, idem etiam latentes abscessus ibidem producere visi sunt. Sic „A. 1713 die Aprilis ultimo nosodochio „status maritimi, inquit H. LAUBIUS (2), „illatus... unus ex operariis nauticis Re- „giis, vir procerus & robustus, febre con- „tinua gravibus symptomatibus stipata labo- „rabat, quam diligenti habita ægroti curâ „superavit quidem medicina, relicta tamen „melancholia tristi cum visus utriusque „oculi primo obscuritate, & postmodum „plenaria abolitione, quamvis in ipsis ocu- „lis nullum omnino vitium conspiciendum

---

(2) Misc. nat. cur. Cent. 7. Obs. 39.

se præbuerit. Sub finem æstatis præter dictam visus obscuritatem, quæ fluente ex aure sinistra pure minuebatur, cessante illo aucta rursus, accessit tumor pone aurem sinistram notabilis, qui superveniente copioso puris ex meatu auditorio effluxu cessabat tantisper; post aliquot dierum intervallum vero redibat, & hanc scenam ter quaterve alternis vicibus ludebat, doloribus inde ortis mox remittentibus, mox ingravescentibus; donec die 1 Novembr. a. æ. apoplectico æger corripetur insultu cum sensuum ac motus abolitione per 3 dies durante, quo tempore stipitis instar in lecto jacebat; die 4<sup>o</sup> loquela; sed vix distingvenda, redeunte, cibum quidem petiit æger, sed non nisi pauxillum degustavit. Paralyticus in sinistro latere factus, in dextro ad mortem usque convellebatur, quæ die 11 Novembr. circa vesperam tragœdiam istam finivit... Aperto itaque sequenti mane cranio, illud pro mole corporis præter opinionem tenue inveni, & futuram sagittalem ad nasum usque excurrentem. Vasa duræ meningis sanguine turgebant; in primis circa sinus pustulas quasi elevatas referebant. Incisa dura matre circa aurem sinistram puris 3 v. ex ipsa cerebri

„ substantia effluebant ; supra os petrosum  
 „ versus thalamos nervorum opticorum au-  
 „ tea conclusæ. Reliqua cerebri omnia , ni-  
 „ si quod vasa quævis valde tumida sangvi-  
 „ ne, illæsa apparebant. Os petrosum a pu-  
 „ ris ibi per longum satis tempus detenti  
 „ acrimonia in superficie sua cariosum erat ;  
 „ dura mater autem cum eodem firmissime  
 „ connexa, qui sine dubio locus erat, per  
 „ quem pus cum aure communicationem  
 „ habuit, & exitu suo tympanum vel erosit  
 „ vel disruptit ; quippe nullum post mortem  
 „ in aure sinistra inveniebatur. Pectoris &  
 „ abdominis viscera examinare tunc tem-  
 „ poris nec licuit, nec necesse adeo vi-  
 „ sum,,. Huc etiam casus HENCKELII (a)  
 referri potest, in quo marcor optici nervi  
 ad oculum amauroticum pertinentis haud in-  
 verosimili conjectura ab latente perinde in-  
 tra cerebrum abscessu repetendus videtur.  
 Haud secius hydatides opticis nervis insiden-  
 tes amaurosim producant. P. PAWIUS (b)  
 puellam „ dissecuit . . . 18 annor. Hæc ali-  
 „ quot ante obitum annis diabete laborarat,  
 „ adeoque sitibunda extiterat, ut unico die

---

(a) Vide §. 29 e).

(b) Observ. anat. 2.



„ non raro urnas 2. 3ve potus affumeret,  
 „ nec minore qvantitate urinam indies red-  
 „ debat. Paucis ante obitum diebus cœci-  
 „ tate hæc correpta fuit, qva uterqve ocu-  
 „ lus clarus qvidem exsistebat, nec aut in  
 „ membranis aut humoribus vitii aliquid ap-  
 „ parebat; ipsa tamen nec lumen qvidem  
 „ candelæ oculis admotæ percipiebat. Huic  
 „ aperto crânio reperit insignem vesicam,  
 „ qvæ nervos opticos occuparat circa cru-  
 „ cifixionem; hac novacula pertusa circ. lib.  
 „ f. aqvæ materiæ limpidissimæ effluxit...  
 „ Renes huic non absumpti, verum flacci-  
 „ diores solito, figura cinericia non impen-  
 „ se rubra „. Deniqve & offei encephali  
 tumores cerebrum, simulqve opticos ita ner-  
 vos comprimentes huc faciunt. Refert G.  
 SCHÖBERUS (c) scriniarium rigidissima hye-  
 me sub dio capite ut plurimum nudato do-  
 lantem in vehementes capitis dolores inci-  
 disse, quos postmodo visus debilitas est con-  
 secuta. Malum initio neglectum in amauro-  
 sin abiit, & qvotidianos fere epilepsiæ in-  
 sultus causavit: donec post frustra tentata  
 qvæqve, ne §<sup>li</sup> qvidem ptyalismô ac tre-  
 panatione cranii neglectis, apoplexia de-

---

(c) Misc. nat. cur. dec. 3. ann. 9 & 10. Obs. 253.

inum mortem accersivisset. Inde aperto cranio tumor osseus spongiosus inferne in lævo bregmatis osse apparuit, cujus in cellulis substantia medullaris maxima ex parte in gummeam duritiem mutata erat: ejus magnitudo ultra pollicis crassitiem ac 3 digitorum transversorum latitudinem æquabat. Membranæ cerebri carnem luxuriantem referebant, ac fere transversî digiti spatium metiebantur. Contra ea alterum bregmatis os cultri mediocris crassitiem haud excedens, luci obversum ejus radios instar cornu pellucidi aut vitri trans mittebat. Huc pertinent venereæ encephali exostoses, nervos opticos comprimentes. „ Amauroseos, inquit  
 „ H. BOERHAAVE (*d*), ex nervo optico  
 „ compresso ortæ exemplum nobis olim sub-  
 „ ministravit lues Gallica, in qva visum  
 „ fuit lamellam ossis cuneiformis (quod ibi  
 „ crassum est, ubi nervus per foramen ro-  
 „ tundum in orbita egreditur, & sub fornice  
 „ ossis sphœnoidis transit) exostosi laborasse;  
 „ unde compressus fuit nervus, & unde  
 „ etiam amaurosis orta fuit, integris licet  
 „ cerebro & nervis. Hoc malum incurabi-  
 „ le est; nisi quis voluerit exostosin hanc

---

(*d*) De morb. ocul. intern. C. 2. §. III.

„ tollere , quod ingenti salivatione aliquan-  
 „ do factum fuit,, (e).

c) *Lentis crystallinæ aut vitrei humoris*, dum volumine ac massa justo magis incrementum accedens, sclerotica cedere non valente, retinam comprimunt. Pro humoris vitrei inflatione nulla licet suppetant exempla, nisi quæ OEHME (f) et BONETO (g), BRISSEAU (h), ac ROLFINCIO (i) eo detorqueri posse existimat; evenire eam tamen posse, non est, cur quis inficietur. At vero amauroseos a nimis turgida lentis crystallinæ molæ profectæ exemplum PELLIER (k) ad posteros dedit.

## §. 32.

4. *EXTRAVASATA encephali*, ut aqua, sanguis, pus, &c. perinde ac tumores premendo, vel acrimonia sua pessumdando nervos opticos, amaurosin produ-

(e) Vide §. 73. sq.

(f) l. c. §. 8. p. 17.

(g) l. c. L. 1. S. 18. Obs. 16.

(h) Vide §. 50. No. 2.

(i) Ibidem.

(k) Vide §. 55. No. 3.

cunt. Sic „ si hydrocephalicorum . . . cere-  
 „ brum, ait V. SCHNEIDERUS (1) . . . aqua  
 „ perfusum est, . . . ipsi nervi optici etiam  
 „ vi subinfluentis aquæ nonnunquam con-  
 „ sumuntur, ut ii disrupti esse videantur.  
 „ Hic infans paulo ante mortem lumen  
 „ oculorum amittebat, sed eos (qui mos  
 „ hydrocephalicis nescio quomodo solen-  
 „ nis est) indefinenter motabat „. T.  
 WILLIS (m) meminit puelli trimulo  
 paulo majoris, gravibus ophthalmiis a-  
 quosisque faciei pustulis interdum obno-  
 xii, qui tandem in febrem lentam cum  
 perpetuo sopore prolapsus est. Idonea  
 cura adhibita intra 7 dies cum fere sanus  
 videretur, brevi post in priora gravius est  
 relapsus, ut jam e sopore vix expergisci  
 potuerit. Postridie plane stupidus, etiamsi  
 acius vellicatus oculos aperiret, eosque  
 huc illuc volveret, nihil videbat; atque in-  
 tra unam alteramve diem paralyti totius la-  
 teris dextri consecuta, omnibus frustra ten-  
 tatis, insensilis jam, respiratione tandem ac  
 pulsu fatiscentibus, occubuit. Cranii reclu-  
 si anterior regio aqua limpida inundata est

---

(1) De osse cribrif. p. 506.

(m) De anim. brutor. P. 2. C. 9. hist. 6. p. m. 225.

reperta. Apud eundem (n) juvenis sanguineus, sic satis sanus, post lautiores cœnam immoderatiorēque vini potum in cathedra sedens stupore manus dextræ prehensus est, ut chirotheca ex eadem involuntarie exciderit: deinde se erigens ambulaturus in femore & crure dextro paralyfin sensit: paulo post mens hebes torpuit, sui tamen compos; at loq̃vela tarda ac impedita. Nihil remediorum neglectum; sed paralyfi tamen crescente præter motum lateris dextri fere ademptum visus etiam oculi dextri periit. Inde crescente indies malo circa diem 7 vel 8 jam deliria jam convulsiones jam alia emergabant; donec viribus exsolutis mors consecuta est. In capite anterior cerebri cavitas sanguine ichoroso partim concreto & grumoso cum feri copia erat impleta. Ita etiam I. C. BRUNNERI (o) aulico 30 annor. robusto, bonique habitus, visus imminui cœpit, donec remediis neglectis sensim in amaurosin abiisset, simulque & pedes invalidi fieri, & atroces capitis dolores sævire cœperunt. Postmodo & mente captus aliquamdiu vixit, usque dum febre tandem est con-

---

(n) Ibid. hist. 2. p. m. 222.

(o) Misc. nat. cur. Cent. 1. Obs. 69.



fectus. In cranio præter numerosas verrucas  
 piscum magnas, passim in dura matre, præ-  
 fertim circa arteriarum eam perreptantium  
 ramificationes; radicatae & cum subiecto ce-  
 rebro connexas, cerebrum luridum ac in  
 primis antrorsum versus flavescens erat, ner-  
 vis olfactoriis flaccidis flavisque. Circa opti-  
 corum confinia stagnabat serum turbidum ca-  
 rotides vicinas & infundibulum usque ad mo-  
 torios inundans. Ceteri nervi etsi nitidi,  
 sero tamen extravasato una cum spinali me-  
 dulla ceu submersi: ventriculi cerebri perin-  
 de sero repleti, cerebrique substantia circa  
 infundibulum nervosque opticos in fauiem  
 ac tabum velut ex abscessu usque ad ipsos  
 ventriculos conversum erat. Cetera vicio  
 caruere. Similem prope casum I. I. WEP-  
 FERUS (p) litteris prodidit de homine,  
 „ cui aliquot septimanis ante obitum ex  
 „ apoplexia crudelissima cephalalgia totum  
 „ caput, frontem præcipue & occiput, affli-  
 „ xit, a qua ipsi nec mora nec requies;  
 „ præ dolore quandoque amens erat, ut  
 „ quid vel diceret vel faceret, non raro  
 „ nesciret, &c. Altero die ab obitu cranium  
 „ aperuit; faucia dura meninge profluxit

---

(p) Dissert. de apoplexia hist. 4.

„ ferum pallidum spicei coloris cum impetu  
 „ quodam, non secus ac mediana vena  
 „ brachii secta sanguis erumpit, & quidem  
 „ tanta copia, ut cyathi aliquot unciarum  
 „ capaces eo impleri potuissent. Hoc se-  
 „ rum maxima ex parte colligebatur in spa-  
 „ tio, quod inter duram & piam matrem  
 „ est, quod... amplius & capacius esse vi-  
 „ debatur, quam naturaliter existere solet,  
 „ sero præ nimia copia duram matrem undi-  
 „ quaque expandente „. In HEYI (q)  
 quoque puella extravasata id genus lymphæ  
 est reperta. Apud ROUX (r) ægra e fe-  
 bre epidemica, caput vel maxime afficiente,  
 decumbens aliquot ante mortem diebus inde  
 visu orbata est, cujus cerebrum latice aquo-  
 so undique erat inundatum. Porro MARE-  
 CHAL DE ROUGERES (s) meminit gra-  
 vidæ ad 30 annos natæ, biliosæ, quæ 9<sup>o</sup> ge-  
 stationis mense post summam iram dedolata  
 sibi visa foetum non sensit. Hæc biduo: die  
 3<sup>o</sup> amaurosis ingruit, sed facta mox V<sup>x</sup> S<sup>c</sup> de-  
 sistit: at  $\frac{1}{2}$  hora post V<sup>x</sup> S<sup>em</sup> totius corporis  
 convulsiones emicere, amaurosis nova ve-

---

(q) Vide §. 106.

(r) Journ. de medec. &c. T. 18. p. m. 199.

(s) Ibidem T. 26. p. 48. sq.

nit, ac valida tormina. V<sup>x</sup> S<sup>e</sup> iterum sublata symptomata, sed validiora rediere. Data emetica, pacantia, tonica, V<sup>x</sup> S<sup>o</sup> iteratur: spasmi non cedunt; epilepsia singulis momentis repetit. Frustra tentata partus acceleratio; vagina contracta vix digitum admittit; & ægra his in malis post 24 horas obiit. Fœtus mortuus repertus cum cute hinc inde excoriata, & funiculo bis circum collum circumducto. Ambo ovaria, quorum unum anseris ovum æqvavit, hydropica, Dura mater intime cerebro adhæsit. Circa nervos opticos aqua limpidissima ad 3 ij. effusa. Vesicula fellea viridi bile plenissima. Freqventissime vero id genus effusiones humorum a capitis contusionibus ortum trahunt. Sic GUERIN (t) ab ictu in caput aquæ sanguinisque extravasationem letalem observavit: æger brevi post ictum amisit visum non recuperandum. Perinde L. SCHRÖCKII (u) virgo 26 annor. phlegmatica, sana, a massa corticum siccorum contritorum in sinistram capitis sui partem fortuito at vehementer projecta terrori & indignationi indulgens mox intense capite do-

(t) l. c. p. 236.

(u) Misc. nat. cur. dec. 2. ann. 5. obs. 246.

luit, sequente horripilatione & calore febrili cum virium prostratione; quæ negligenter habitis oculi non tantum largiore feri defluxu, sed etiam sensim omnimoda cæcitate laborare cœperunt, pupillis nigris & amplis existentibus, ut ne proxime quidem admotum lumen sentirent. Accesserunt convulsivi musculorum in brachiis motus, ac nocturna deliria, & alia. Vesicantibus retro aures, aliisque idoneis remediis in usum vocatis, fluxus oculorum, dolor, calorque remisere, at labantibus viribus ægra 11<sup>o</sup> morbi die, ne minima quidem luce oculis reversa, placide exspiravit. Die 4<sup>o</sup> ab obitu cadaver sectum. Externæ capitis partes nihil labis ab ictu præbuere, uti nec cranium: at meningum vasa cruore admodum erant distenta; cerebrum vero etsi non culpandum, ejus tamen in ventriculis mirè ampliatis ingens limpidissimæ lymphæ vis, ac hæc j civilem facile excedens, in primis quæ synciput spectant, fluctuavit, quæ nervos opticos omnino flaccidos compressisse judicabatur. Porro „virum, inquit I. B. MORGAGNI-  
„ U S (x), crasso ligno in caput incidente  
„ percussum epilepticæ affectiones, quibus

---

(x) l. c. Epist. 9. No. 20.

etiam antea obnoxius fuisse dicebatur,  
multo sæpius per eos, quibus postea vi-  
xit, menses & certe ultimis hebdomadis  
corripiebant. Præterea tremore assiduo  
quætiebatur tanto, ut per vincula cave-  
re debuerint, ne e lectulo excideret.  
Amaurosis quoque supervenerat; nihil  
enim jam cernebat, quamvis nullum in  
oculis appareret vitium, præter dilata-  
tionem pupillarum. Ceterum quod ad  
reliquas attinebat actiones... animales,  
neque ipse querebatur, neque aliis læsus,  
videbatur, nisi quod minus promptus erat  
ad respondendum. Sic affectus, sensim  
denique mortuus est... Cranii fornix, si  
loca quædam exciperes, in quibus secun-  
dum naturam crassus, introrsum protube-  
rabat, ubique erat usque adeo tenuis,  
ut credi vix posset. Quin certo in loco,  
qui ad os attinebat sincipitis dextrum, fo-  
ramen habuit ellipsis propemodum forma,  
paulo minus quam ut apicem admitteret  
digiti minimi, membrana occlusum, nul-  
lo prorsus aut ad ejus oras, aut usquam  
in cranio toto, vel minimo cariei iudi-  
cio. Ei tamen ita, ut dixi, occluso fora-  
mini in subjecta dura meninge foraminu-  
lum respondebat, ex quo serum colore  
fusco prodibat. Foraminulum communi-



„ cabat cum cavea magni ovi capace , ple-  
„ naque sero ejusmodi fusco , in quo san-  
„ gvis concretus non multus subsidebat.  
„ Erat ea cavea abnormi forma, & inæqua-  
„ li intus superficie , cui quæ partes cere-  
„ bri circum proximæ erant, eæ pravo co-  
„ lore, qui semicorruptam substantiam in-  
„ dicaret, fusco obsoleto inficiebantur, præ-  
„ sertini vero basis cerebri ea pars, quæ  
„ regioni posteriori imposita est orbitæ dex-  
„ træ, & corporis striati item dextri pars  
„ anterior , quæ insuper subsidebat. Sed  
„ & nervi optici ejusdem lateris thalamus,  
„ quamvis a cavea remotior , strigosus vi-  
„ deatur. Nervus tamen uterque opticus  
„ intra cranium extraque inspectus , uti  
„ etiam utriusque oculi particulæ diligenter  
„ à me dissectæ nihil usquam vitii , quod  
„ quidem sub sensus caderet , ostenderunt,  
„ sive colorem, sive magnitudinem firmitu-  
„ dinemque, sive structuram spectarem. Ce-  
„ terum etsi hemisphærium sinistrum cere-  
„ bri nihil habuit eorum , quæ in dextro  
„ adnotata sunt , in laterali tamen sinistro  
„ ventriculo multa erat aqua pellucida , cho-  
„ roides autem plexus decolor , cum pau-  
„ cis parvisque vesiculis : tum cerebrum  
„ universum subflavo obsoleto colore , &  
„ vasis nigro sanguine valde turgentibus.

„ Pituitaria denique glandula plurimum de-  
 „ pressa & parva, non tamen dura,,. Clau-  
 dat harum observationum agmen, quæ ma-  
 xime illustris est, C. F. KALTSCHMIE-  
 „ DII (y) historia: mulier (inquit) septua-  
 „ genaria 10 ante mortem annis ex petulan-  
 „ tia juvenis fuisse in capite fortiter percus-  
 „ sa & remediis & naturæ robore vero le-  
 „ vata evidens inde damnum non statim  
 „ percepit. Post aliquot autem menses ca-  
 „ pitis dolore gravativo indies aucto, post-  
 „ ea vero in atrocissimum terminato, ita  
 „ ut vix rationis usus aliqualis superesset.  
 „ Nec medicorum nec chirurgorum ope  
 „ multum levata tantum non desperavit.  
 „ Sternutatione vero suborta ad ℥j. pon-  
 „ dus lymphæ per nares emisit, & inde le-  
 „ vamen sensit. Adhibitis postea cephalicis  
 „ fere integrum per annum ab omni sensu  
 „ tristi immunis. Eadem vero & sympto-  
 „ mata & evacuatio post hæc aliquoties re-  
 „ diere. Anno mortem præcedente denuo  
 „ cruciatibus capitis misere vexata fluxum  
 „ lymphæ per nares frustra expectavit. O-

(y) Progr. de nervis opticis in cadav. latis invent.  
 a compress. per undas facta, &c. 4<sup>o</sup> Jenæ  
 1752.

culorum vero acie primo ; postea omni  
visu destituta a me auxilium petiit. Ocu-  
lis nihil præternaturale , nisi pupillam dila-  
tatam magis , commonstrantibus guttam  
serenam adesse vidimus. Frustra vero  
omni remedio adhibito morti succubuit  
ex apoplexia. Cultro hinc anatomico  
subjecta cranio aperto meninges aquarum  
mole elevabantur , iisdemque perforatis  
libra earum una cum dimidia prorupit.  
Duræ matri firmissime arachnoidea & pia  
mater in plurimis locis adhærebant , pia  
matre ex omnibus cerebri sulcis vi aqua-  
rum sub ipsa fluctuantium remota & ele-  
vata , plicas & sacculos hinc inde consti-  
tuente , in quorum cavitatibus itidem  
aquæ reclusæ , quibus emissis hinc inde  
tunicæ arachnoideæ partem poteramus se-  
parare & commonstrare , aquis mox in-  
ter tunicam arachnoideam & duram , mox  
inter arachnoideam & piam matrem hæren-  
tibus. Ventriculi cerebri aquis pellucidis  
repleti , & corpus callosum vix septi pel-  
lucidi crassitiem referebat. Omnes sinus  
æque ac reliqua vasa sangvifera sanguine  
admodum turgida ac distenta , & plexus  
choroideus uvæ instar & varicosus curio-  
sum exhibebat spectaculum. Quod vero  
maxime recenseri meretur , est aqua circa

„ nervos opticos collecta ita, ut a thalamis  
 „ nervorum opticorum facculi ad eam uf-  
 „ que partem nervorum opticorum hære-  
 „ rent, ubi illi contigui & quasi coaliti con-  
 „ spiciuntur. Sacculis a nervis opticis for-  
 „ matis inferius firmiter adhærebant nervi  
 „ optici, neque rotundam, sed usque ad  
 „ eam cranii partem, quam perforant, com-  
 „ pressi & lati, apud me adhuc servati, ca-  
 „ lami scriptorii contriti & firmiter com-  
 „ pressi figuram exhibuere. Compressi igi-  
 „ tur ab aquis incumben- tibus spirituum in  
 „ ipsis motum & oculorum cum cerebro  
 „ commercium intimius continuare non va-  
 „ lidi paralyfin tunicæ oculi retinæ, & gut-  
 „ tam in hac ægra serenam produxerunt,,

### §. 33.

5. MOTUS *muscularis* intensus, sangvi-  
 nem rarefactum uberiore copia ad encephalon determinans; unde vasorum infarctu stam-  
 mina opticorum nervorum vel in origine sua,  
 vel decursu, vel expansione in retinam comprimuntur, & amaurosis enascitur. Hujus-  
 modi motus musculares in primis sunt

a) Cur-

a) *Cursus* celer ac protractus, a quo puer MARXII (z) amaurosin contraxit; vel iter longum in æstu, a quo HEISTERI (a) æger maculas nigras (b) oculis obvolitantes nactus est. Haud enim quemquam præterit, respirationem a musculari partium thorace inferiorum motu concitatio-  
 tiore anhelosam fieri ob celeriore-  
 m sanguinis venosi ex inferioribus partibus ad cor reditum, præ illo, qui a superioribus appellit, &c. Unde in encephali vasis accumuletur sanguis, est necesse.

b) *Nixus* crebri ac validi in levandis vel portandis oneribus gravioribus, partu, &c. a quibus rubor intensus faciei obortus abunde arguit, capitis vasa solito plus esse infarcta. I. L. SCHMUCKER (c) sæpe vidit milites itinere properato sub æstu ac magno onere subito perfecteque cæcos fieri. RICHTERUS (d) „hominem novit, qui dum „incurvo valde corpore grave portabat „onus, oculos sibi obnubilari sensit; in-

(z) Vide §. 104.

(a) Med. chir. Wahrnehm. 1 Band No. 134.

(b) Vide §. 16. b).

(c) Vide §. 66. No. 1.

(d) Obs. chir. fasc. 2. cap. 5. p. 75.



„ crevit dein hæc oculorum hebetudo, &  
„ post aliquot hebdomades perfecta orta est  
„ amaurosis, cuicunque remediorum gene-  
„ ri resistens. Plurimos eorum, qui in me-  
„ tallifodinis Hercinicis laborant, amaurosi  
„ corripit observavit; interroganti... quid-  
„ nam illis negotii esset in cryptis illis sub-  
„ terraneis, plerique responderunt, gravia  
„ se quotidie prono corpore portare one-  
„ ra „ Idem accidit ejusdem (e) pistori,  
dum triduo ponderosam farinæ massam subi-  
geret. Perinde se res in validis parturien-  
tium nixibus habet, præsertim si partus labo-  
riosior sit. P. HOECHSTETTERUS (f)  
matronæ meminit, quæ ob sclerophthalmiam,  
pseudophthalmiam, vel etiam epiphoram,  
in cœlibatu adhuc toleratas, vixque pluri-  
mis vacationibus variis cedentes, debilio-  
ra visus organa retinens, tandem diuturnio-  
ribus partus doloribus agitata paulatim cæca  
evasis. Parit noctis initio mortuum fœtum.  
Mane altero hora 6<sup>a</sup>, cum pridie matutina  
hora 7<sup>a</sup> cœcutire inciperet, visus iterum  
rediiit, post 23 horarum cœcitatem. Sic  
etiam I. G. BRENDÉLIUS (g) „ ex partu

---

(e) Vide §. 63.

(f) Obs. med. dec. 9. cas. 6. p. 339.

(g) Opusc. med. argum. P. 3. Diss. 15. §. 7. p. 33.

„ difficili amaurosin . . . horis a partu pau-  
 „ cis invalescentem in paupercula, ante par-  
 „ tum integerrimæ sanitatis, . . . observa-  
 „ vit „. A congestione humorum ad ca-  
 put malum hoc id temporis oriri, multis  
 contendit, nec abs re, M. ALBERTI (b).

## §. 34.

6. AFFECTUS *animi* vehementes, diutius  
 ni, ut ira, terror, mœror, &c. Amauroseos  
 una nocte in femina e mœrore ob filii mortem  
 abortæ exemplum notavit I. HERCULA-  
 NUS (i). A vehementi ira eandem natam  
 meminere F. HÖFFMANNUS (k) in stu-  
 dioſo, & in Eccleſiaſtico RICHTERUS (l);  
 quæ forte etiam matronæ ROTHARTI (m)  
 morbum acceleraverat. Plurimum hic tamen  
 terror poteſt. Sic „ nobilis quidam juve-  
 „ nis, qui curæ RICHTERI (n) ſe com-  
 „ miſit, ſequenti occaſione viſum perdidit

(b) Diff. de viſus obſcuratione a partu. 4<sup>o</sup> Halæ  
 1732. Reſp. J. F. ARNOLDI.

(i) Comm. in RHASIS L. 9. C. de debilit. viſus.

(k) Vide hiſtor. 2.

(l) Vide §. 64. No. 3.

(m) Vide §. 60. No. 4. f).

(n) l. c. p. 79.

„ rat : fulgur scilicet tempestate orta summa  
 „ cum vehementia proxime illum decidens,  
 „ carissimamque cognatam occidens visu mo-  
 „ tuque perterritum illum subito privat.  
 „ Rediit quidem paulo post motus visusque,  
 „ remansit tamen in oculis, sanissimis ante,  
 „ labes, increscens dein sensim ad amauro-  
 „ sin usque perfectam, quæ, quidquid etiam  
 „ tentaretur, nullo modo tolli potuit. Il-  
 „ lud in primis in hoc casu memoratu di-  
 „ gnum est, dextrum illius oculum penitus  
 „ occæcatum, & ne minimum quidem sum-  
 „ mi splendoris sensum habentem, objecta  
 „ ad latus externum posita obscure vidisse,  
 „ quamquam tota pupilla clarissima appare-  
 „ ret,,. Idem e terrore malum ejus (o)  
 puerpera, tum ALBRECHTI (p) mulier,  
 ac WEPFERI (q) matrona, sunt expertæ.  
 Neque aliorum, opinor, pertinet amauro-  
 sis illustris illius feminae ab insolita nocturna  
 tempestate coorta territæ, quam R. ME-  
 AD (r) in lunæ efficacia, suæ hypotheseos  
 amore, quæsiuit. Num etiam ex terrore

(o) Vide §. 36.

(p) Vide §. 57. No. 1.

(q) Vide §. 60. No. 4. a).

(r) De imper. solis ac lunæ C 3. Coroll. §. 4.

„ P. C. RUFUS... dormiens oculorum vi-  
„ sum amisit, cum id sibi accidere somnia-  
„ ret,, (s) ? Ab ira, mœrore, aliisque  
animi affectibus quid mirum est Hildesensem  
RICHTERI (t) juvenem visu esse orbatum,  
cum singuli seorsim idem causent ? tametsi  
vario quisque modo. Ira profecto sanguinis  
rarefactione & versus caput raptu; flammeus  
enim ira furentium vultus, & frequens inde  
apoplexia, aliaque hujusmodi phænomena,  
satis id superque docent. Sed nec præcor-  
diis ira parcit, ut bilis vomitus &c. com-  
monstrant : & forte in his ipsis ratio suffi-  
ciens sanguinis versus encephalon ruentis  
per iracundiam delitescit. Mœror vero me-  
lancholiæ genus quoddam est, primario fere  
viscera abdominis lædens, ut effectus ex  
ejus diuturnitate enati facile persvadent.  
Contra vero terror vehemens universi cor-  
poris systema vasorum nervorumque afficit,  
hos in spasmos ciendo, ut tremor, lotii fe-  
cumque elisio, aphonia, &c. docent, illo-  
rum vero contractionem a peripheria corpo-  
ris versus intima corporis inducendo, ut e  
pallore, cute asserina, lassitudine, &c. est

---

(s) PLINIUS hist. nat. L. 7. C. 50.

(t) Vide §. 66. No. 2.

colligere. Ambo hæc autem vasorum encephali infarctui efficiundo, a quo organa visus lædi possunt, admodum sunt idonea. Sed hæc cum in vulgus nota sint, ambiguum tamen est, possitne gravidæ vehemens id genus animi pathema in fœtum quoque ita migrare suis effectibus, ut ei visum vel auditum adimat (siquidem connatæ quoque amauroses observentur), vel futuræ saltem cœcitati efficiat obnoxium? Posteriori opinioni respondere videtur casus GUERINI (u), nempe bajulus, quem utero mater ferens vitulini capitis oculum intentius contuita est, quoties vaccæ in venerem pruriebant (quo tempore visu carere dicuntur) altero oculorum semper cœcus fiebat, oculusque hic dimidio major altero efficiebatur. Alioquin vero utroque oculo rite videbat.

### §. 35.

7. INGESTA humores rarefacientia & ad capitis vasa uberius determinantia, ut sunt

a) *Potus Spirituosi*, vinum, &c. Sic „ Britannus quidam, narrante H. BOER-

---

(u) l. c. p. 247.



„ H A A V I O (x), simul ac vino inebriatur,  
„ perfecta etiam amaurosi laborat, & qvi-  
„ dem ut per gradus morbus eum invadat,  
„ & malum cum copia vini crescat, donec,  
„ quoties incipit omnino ebrius fieri, omni-  
„ no etiam perfecte cœcus fiat. Post ebrie-  
„ tatem finitam redit visus; cessat enim tunc  
„ illa pressio ad cerebrum „. Simillimum  
casum refert V. RIEDLINUS (y): „ vixit  
„ (inqviens) ante plures annos vir quidam  
„ nobilis, qui cum studiis adhuc vacare  
„ debuisset, loco vero librorum pocula ele-  
„ gisset, & hæce non quotidie ad ebrie-  
„ tatem usque evacuare pro piaculo habuif-  
„ set, inde non solum more aliorum ebrio-  
„ rum oculos tam depravatos nactus fuit,  
„ ut duplicia ipsi, quæ simplicia sunt, omnia  
„ paruerint, sed & post continuas per ali-  
„ quot dies comeffationes illorum usum  
„ omnino amisit, ita ut per biduum ple-  
„ rumque nil plane discernere potuerit, &  
„ a sociis ad continuandos errores invita-  
„ tus, nolens volens, cum se duci per  
„ alium pudori duxerit, domi manere co-  
„ actus fuerit; at redeunte visu ac si nil un-  
„ quam incommodi post se traxissent, ad

---

(x) l. c. §. 105.

(y) Lin. med. ann. 3. Junii 1. p. 353. sq.

„ pocula rediit, & illorum evacuatione  
 „ tam diu iterum se delectavit, donec de-  
 „ nuo visu privatus fuit. Licet autem hic  
 „ hoc beneficio ad mortem usque gavifus  
 „ fuerit, quod nempe semper visum post  
 „ aliquot elapsos dies recuperaverit; non  
 „ defunt tamen exempla illorum, qui ab  
 „ oculorum tum hoc tum aliis vitiis libera-  
 „ ri nullo modo potuerunt, : quos inter  
 pertinet s. LEDELII (z) adolescens, qui  
 Ω<sup>a</sup> frumenti se immoderate replens in bidui  
 stertorem incidit, sui vix compos: crapula  
 inde exhalata ingentem cephalalgiam sensit,  
 superveniente dein cœcitate; qua utraque  
 ægritudine aliquot menses cum debilitate ac  
 mentis turbatione detentus, postremo epi-  
 leptice convulsus interivit. Aliis tamen,  
 licet sponte sua crapula exhalata visus haud  
 redisset, remediis est revocatus. Ita B. TI-  
 MAEUS (a) scribit virum obesum ac ple-  
 thoricum hyeme rus ad amicos profectum,  
 cum ibidem bene potus in conclavi intense  
 calefacto somnum cepisset, mane experge-  
 actum capite oculisque doluisse cum visus  
 imminutione, quæ paucis post diebus in

---

(z) Misc. nat. cur. dec. 2. ann. 8. obs. 85.

(a) Casuum medic. L. I casu 24.

amaurosim imperfectam abiit ; nempe litteras etiam grandiores dignoscere amplius nequii , objecta vero majuscula ac lucida facile discernens , oculis plane claris apparentibus citra vitium , nisi quod nigrior pupilla & amplior notaretur. Factæ tamen revulsiones , ac discutientia data visum utcumque restituerunt. Eo vero etiam promptius in ebriis amaurosis nascitur , si frigori se se exponunt. F. HILDANI ( *b* ) senator adulta hyeme peregre profectus , ibique aliquot dies vino generosissimo indulgens , cum in reditu impetuosè flante vento frigus dextram partem capitis magis læsisset , domi dextri oculi amaurosi se laborare sensit ; a qua tamen revulsoriis remediis est liberatus.

*b*) *Flatulenta* edulia, cruda, lenta, copiosius assumpta hypochondriacis, debilesve oculos habentibus fugaces amauroses creare solent. P. FORESTI ( *c* ) „ juvenis debiles oculos habens per intervalla suffusio-  
 „ nem (amaurosim incipientem) in utro-  
 „ que oculo experiebatur, tamquam mu-  
 „ scas, culices, & alia spectra videret, &  
 „ eo potissimum tempore, cum largius po-

( *b* ) Obs. & cur. med. chir. Cent. 5. Obs. 20.

( *c* ) l. 5. L. 11. Obs. 32.

„ tasset, vel cibaria cruda sine ordine de-  
„ vorasset; nam concoctione peracta, ructi-  
„ bus emissis, aut leni subsequente vomitio-  
„ ne, simulacra dicta non spectabat „.

c) *Diaphoretica* corpori humoribus,  
præsertim lentis, turgenti ingesta, a quævis  
humores facile in vasa ophthalmica uberius  
compelli & nervum opticum lædere suo in-  
farctu possunt. H. ab HEER (d) hominem  
„ novit, qui ulceribus Gallicis caput obli-  
„ tum habens, humoresque non purgato  
„ satis corpore Gvajaci decoctum cum bibis-  
„ fet, 9<sup>o</sup> die in... amaurosin... lapsus... (re-  
„ vellentibus ac discutientibus) remediis...  
„ percuratus est annis ab hoc duodecim;  
„ verum... cælo valde calido & sereno nu-  
„ beculas modo uni modo alteri oculorum ob-  
„ versantes cum exigua molestia cernit,  
„ notat... illas oculos egredi, pauloque  
„ post ad ulnæ circ. spatium a facie diffitas  
„ evanescere... Hyeme & cælo obscuro  
„ vix patitur; sed si æstate a meridie dor-  
„ miat, tum diu & moleste, nisi in obscu-  
„ ro post somnum maneat loco, a spectris  
„ illis afficitur. In cubiculo obscuriore ac-  
„ curate legit & scribit „. Sic etiam I.

---

(d) l. c. p. m. 68. sq.

RHODII (e) „monachus ... pituita refer-  
 „tus, habitu satis obeso, stupore post de-  
 „stillationem correptus, universali vacua-  
 „tione prætermiffa diaphoretica fumpsit ca-  
 „lida. Colliquato humore pituitoso in  
 „hemiplegiam & visus obscuritatem inci-  
 „dit „.

d) *Venena*, præsertim saturnina colicam Pictonum, cui sæpe, ut dicetur (f), se amaurosis jungit, causantia, vel narcotica, ut opium, solanum, &c. Sic puer STORCHII (g) postridie ab comestis solani baccis visum amisit, quem tamen catharticum & TR<sup>a</sup> bezoardica rursus revocavit. Perinde I. E. GREDINGII (b) mendicus puer, qui trimulus ab ictu validiore oculi sinistri visum ejus penitus amisit, hausto  $\Omega$  frumenti fortissimo ad summam ebrietatem evalit usque adeo epilepticus, ut anno 16<sup>o</sup> ætatis adhuc quovis 6<sup>o</sup> vel 8<sup>o</sup> die longos ac vehementes morbi insultus, præsertim noctu, pateretur, cum sequente ali-

(e) Obs. med. Cent. 1. Obs. 47.

(f) Vide §. 41. b).

(g) Commenc. Nor. T. 2. A. 1732. hebd. 42. No. 9. p. 334

(b) LUDWIG advers. med. pr. Vol. 1. P. 4. art. 3. Obs. 11. p. 66q. 199.



quamdiu insigni stoliditate. Dum vero ad fugandum hunc morbum Bella donna uti cœpisset, ille multo potius inde increvit, simulque amaurosis 3 hebdomadam cum perfecta fere mydriasi sanum oculum dextrum invasit. Haud secius & alii ab hac planta in amblyopiam seu amaurosin occipientem cum non exigua pupillæ dilatatione plus minus diuturnam incidere sunt visi (*i*), ut RAIUS (*k*) quoque notavit de stramonio. Et GÜNZII, teste I. E. GEISLERO (*l*), vir cum „ in febre ardente post omnes noctes „ infomnes actas somniferum sumpisset, „ atque ex conciliato hoc modo somno „ expergesceret, inventus est subito oc- „ cœcatus fuisse „ (*m*). Porro & alia vegetabilia non narcotica e quibusdam quandoque accidentibus amaurosin causare observantur. Sic „ qvi Amboynam, Bandam ac „ Moluccas versus navigant, inquit I. BON- „ TIUS (*n*), infestantur sæpe debilitate vi-

(*i*) Ibid. Obs. 1. 3. 5. 8. 14. 15. 17. 20. 23.

(*k*) Synops. plant. de stramon.

(*l*) Animadv. de usu vomitorior. §. 8. p. 15.

(*m*) Vid. BERGERI diss. de vi opii raref. §. 4. &  
TRALLES de usu opii S. I. C. 2. §.  
13. 14.

(*n*) De medic. Indor. mach. med. C. 16.

„ sus, imo totali cœcitate, ... quæ tamen  
„ cœcitas non semper permanet, sed alte-  
„ rius aeris mutatione, vel melioris diætæ,  
„ sæpe recedit. Incolæ harum insularum  
„ originem trahere dicunt (quod & expe-  
„ rientia, cui contradici vix potest, com-  
„ probatum est) ex esu oryzæ calidæ. Hinc  
„ Javanî ac Malajî oryzam jam primum  
„ coctam semper prius frigidiori aeri expō-  
„ nent, vel vanno calorem eventilabunt.  
„ Tum nautæ nostri fociis suis navalibus im-  
„ perant sub pœna aliqua, ne oryzam ca-  
„ lefactam comedant ... Notandum postre-  
„ mo est, quod quævis hæc cœcitas sæpe  
„ transitoria sit, tamen neglecta, ac incom-  
„ moda diata, maxime importuno usu  
„ Aracci, sæpe in veram visus orbitatem  
„ degenerat; quorum exempla hic passim  
„ obvia sunt. Curationem vero hujus  
mali in catharticis, V<sup>a</sup> S<sup>c</sup>, errhinis, sia-  
lagogis, collyrioque ex oleo hepatis la-  
miæ piscis, ac præsertim esu ejusdem he-  
patis crudi cum sale, velut specifico cre-  
bra experientia probato, esse refert. Huc  
etiam fecale cornutum (aut quidquid illud  
est aliud) pertinet, cujus usus alimentaris  
a spasmodico illo morbo nonnullis Raphania  
dicto infamis jam dudum est, sed perinde  
ex accidente, ut recte notat L. F. B. L E N-

TIN (o), qui sequentem nostram in rem casum observavit (p): puella robusta, raphaniam 9 menses experta, spasminis ingruentibus amaurosin quoque patiebatur plus minus diuturnam, cujus postrema periodus ita se habuit: die Octobris 21<sup>a</sup> dum validi spasmi pedes manusque tenerent, ut non nisi summa vi adhibita digiti manuum contracti evolvi possent, etiam amaurosis simul praesto erat, sedatis saponis & cathartici usu postero die spasmi nihilominus aliquamdiu superstes. Die 23<sup>a</sup> a sumpto aliquoties sapone, & exhibito electuario e rad. Imperat. Carlin. Valer. maj. Sap. Ven. elect. Mithrid. cum fyr. com. spasmi manuum profligati, & in pedibus, nonnisi dum iis pendulis erecta federet, observati: cœcitas vero aliquot solum secundis durabat, ac tum vel maxime obrepens, dum ægra unum idemque obiectum diutius intuebatur. Inde ad 30 usque diem spasminorum loco tensiones lumborum vel musculorum abdominis vel surarum infestabant. Cœcitas die 30<sup>a</sup> insigniter minuebatur, ac primo Novembris triduo prorsus aberat, sed revertit die 4<sup>a</sup>, quam

---

(o) Beobacht. einiger Krankh. 1 Beob. §. 2. 4.

(p) Ibidem §. 6. casu 4. p. 66. sqq.

tamen ægra vel præpedire venturam vel præsentem abigere sola manus fronti apprefione poterat. Cumqve hodie & poſtridie etiam formicatio rediiffet, die 6<sup>a</sup> cum iſta tum amauroſis plane abfuit; ſed tanto plus muſculi ſemimembranoſus ac ſemitendinoſus ſpaſmum ſenſere, qvi die 7<sup>o</sup> flexores pollicis ac tibiæ corripuit. Die 8<sup>o</sup> cordis palpitatio, nullatenus tamen pulſui officiens, aderat, qva etiam die 9<sup>o</sup> evaneſcente ægra ſolo ſaponis & electuarii uſu ex integro convaluit. Ejusmodi autem vegetabilia nervis infeſta eo etiam facilius cœcitatem inducunt, ſi cum potu inebriante propinantur. „ Memini, inquit ſ. LEDELIUS (q), „ me aliquando Jenæ comitatum iviſſe comenſalem in pagum... ubi nimis large & „ liberaliter bibenti cereviſiam illius loci „ hoc obvenit, ut viſum plane in iſtant „ amiſerim, & non multo poſt etiam receperim. An incoxerint chamæleagnon „ DODONAEI, aut roſmarinum ſilveſtrem, „ ... me latet: hoc tamen novi, in aliquot „ Marchiæ & Sileſiæ locis roſmarinum huncce, „ qvem *Saugrentze* nominant, cereviſiis immiſceri, huic quidem fini, ut ruſti-

---

„ ci & bibentes eo facilius inebrientur.  
 „ Excitat autem hæc cerevisia summos ca-  
 „ pitis dolores , & veluti dementat , ob  
 „ vim narcoticam sat impuram & agre-  
 „ stem „. Ejusdem procul dubio furfuris  
 fuerit potus medicatus , cujus meminit  
 BUCHHOLTZ (r) : „ aliquot proles (ait)  
 „ in Nagy Palugya Comit. Liptov. scho-  
 „ lam frequentantes vino medicato prophy-  
 „ lactice utebantur cum euphoria , sed vi-  
 „ su inde orbatae nec legere nec scribere  
 „ quibant. Omisso autem potu hujus vini  
 „ rediit visus „. Huc etiam videtur refe-  
 rendus casus N. TULPII (s) „ vir (inquit  
 „ ille) olim splendidus ; sed id temporis  
 „ inops , exceptus hilariore convivio , in-  
 „ caluit usque adeo a vino , ut instar musti  
 „ dolia sua rumpentis quoquoversus exitum  
 „ molirentur humores plus nimio in ipso  
 „ concitati : quærentes exitum modo per  
 „ vomitum modo per dejectionem alvi , mo-  
 „ do vero per nares , e quibus ut effuse  
 „ profluxit sanguis , sic doluit impense ca-  
 „ put , cum febre intensa , præcordiis æstu-

---

(r) Annal. Vratisl. Tent. 36. A. 1726. Maji Cl. 4.  
art. 24. p. 618.

(s) Obs. med. L. 1. C. 31.



„ antibus, spiritu gravi, oculis flammeis,  
 „ & mente tam vehementer perturbata, ut  
 „ vel cæcus videret, bilem ipsi summopè-  
 „ re turgere. Cujus impetuosum quo in-  
 „ fringeremus raptum, infudimus illico cly-  
 „ sterem, & exsoluta prius brachii venâ  
 „ propinavimus medicamenta cum catharti-  
 „ ca tum intemperiem corrigentia. Quorum  
 „ ope inhibita quidem fuit, sed non tam  
 „ stricte, effera hæc vis; quin converterit  
 „ se nihilominus in nervum opticum, indu-  
 „ cendo illi... ἀμαύρωσιν... Cui pertinacissi-  
 „ mo vitio quantumvis protinus... obviam  
 „ itum cum per ferrum candens, tum per  
 „ stybium potui datum, utique per cucur-  
 „ bitulas scarificatas, sternutamenta valida,  
 „ filum per cervicem trajectum, & sangvi-  
 „ fugas, affixas non minus temporum quam  
 „ oculorum venis; nequid tamen redinte-  
 „ grari visus, sive ob morbum penitus jam  
 „ impressum, sive ob vehementiam alicujus  
 „ veneni, quod æger adseverabat medicis  
 „ a se adsumptum: cuius licet voluerit ex-  
 „ actam haberi rationem; nequid tamen eo  
 „ unquam perducî, ut ejus exprimeret na-  
 „ turam, nedum a quo datum,

## §. 36.

8. *APPLICATA externa*, haud secus ac ingesta, humores copiosius ad encephalon allicientia vel in minima ejus vasa introrsum ab externa peripheria compellentia, praesertim plenitudine vasorum praesente. Hinc

a) *Vesicantia* capiti vel vicinis partibus admota, haud vacuato prius corpore, & ubi alioquin jam stimulus aliquis in encephali vasis praesto est, humores illuc alliciens, v. g. dolor capitis, ophthalmia, &c. Sic P. HANNEMANNI (t) ancilla fluxum quendam oculorum abactura suo ingenio vesicans pone aures admoveri curans omnimoda coecitate secuta therapiae suae poenas luit.

b) *Balnea*. C. F. PAULLINI apud I. DOLAEUM (u) „robusta mulier 33 annor.  
 „temperiei valde phlegmaticae, & vitae sedentariae amans, balneum sibi pararat in  
 „vanno ex herbis cephalicis. Sedens in  
 „eo capite cooperto ocyus obscuritatem  
 „visus sui animadvertit, mox tantam ejus  
 „imminutionem, ut neminem nisi ex sola

(t) Mise. nat. cur. dec. 3. ann. 3. obs. 66.

(u) Append. ad encycl. med. Commere. literar. Epist. II. p. m. 70.

„ loqvela rite dignosceret „. Perinde V.  
 RIEDLINI (x) viro „ cum tumor circa ocu-  
 „ los aliquamdiu molestus fuisset, ut is eo  
 „ citius dissiparetur, ... Augustam profectus  
 „ fuit, ut eo sudatorio . . . qvod . . . Co-  
 „ riarii . . . parant, uteretur. At qvia sine  
 „ dubio illud aut universali plane nullo præ-  
 „ misso, aut saltem non sufficienter eductis  
 „ humoribus peccantibus, intravit, tumor  
 „ qvidem post ejus usum discussus fuit, at  
 „ simul visus, qvo in itinere adhuc sat in-  
 „ tegro gavisus fuerat, tantum aboli-  
 „ tus, ut jam sine comite incedere non  
 „ possit, pauper nunc stipem qværens „.  
 Ita & J. RHODIUS (y) „ corpore non  
 „ probe purgato in laconico qvemdam Pa-  
 „ tavii repente occœcatum meminit „. Idem  
 etiam balnea, semicupia, natationes, &c.  
 in aqua frigida efficiunt, dum humores a  
 peripheria corporis ad intimos ejusdem re-  
 cessus compellunt. Ita D. NOOTNAGEL (z)  
 a corpore frigidæ supra medium immerfo

---

(x) l. c. ann. 4. Jun. 19. p. 504.

(y) Analect. in L. SEPTAL. animadv. & caut. med.  
 L. 7. No. 207. p. 578.

(z) Diss. de anaurosis §. 7.

amaurofin vidit, & apud I. STORCHIUM (a) sexennis puella hyemali tempore inopinato in aquam cadens utroque oculo cæca evasit: catharticorum tamen usu unius oculi visum recepit. Hic vero terror etiam aliquatenus concurrat. Haud secius C. RAYGERI (b) „viator, ut ligna pro opificio suo „necessaria, & in loco quodam Danubio „vicino iacentia, salvaret ex undis, ultra „3 horas quandoque usque ad axillas in „aquis mansit. Domum reversus penes „fornacem fortiter calefactam decubuit: „statim lassitudinem sensit omnium membrorum. Aliquot diebus elapsis in singultum incidit 3 dies durantem; inde restitutus, intra anni spatium visum in sinistro, mox in dextro amisit oculo, utrisque tamen externe bene constitutis. Post triennium articulorum doloribus horrendis corripitur, quibus supervenit tremor perpetuus in hunc usque diem durans. Multa ille adhibuit, quibus dolores ad tempus mitigavit, non sustulit... Retulit... persona illustris, quod ex Candia rediens naufragium passa, ita membris contracta & quasi paralytica facta sit, ut difficulter Paduæ in integrum

(a) Obs. clin. ann. 4. Maji art. 5. No. 8. p. 259.

(b) Misc. nat. eur. dec. 1. ann. 6. obs. 211.

„ restitui potuerit „. SPROEGELII (c), quoque juvenis a pediluvio frigido visum amisit. Cui alter etiam HÜNERWOLFFII (d), nec non phthisicus KELLNERI (e) haud abs re annumerari possunt. Huc perinde F. HILDANI (f) observatio referri potest (nisi ad sequentem stropham velis rejectam) de nobili quodam, qui e consuetudine multorum annorum quovis mane faciem & oculos aqua frigidissima abluens in visus debilitatem & obfuscationem sensim incidit, cui tandem utriusque oculi inflammatio supervenit. Ist hac curata, omissisque abhinc lotionibus frigidis, & usurpata aliquamdiu aqua visum roborante, acutiorem quam prius visum natus est.

c) *Acria* oculis applicata, quæ, ut veri est simile, nervi frontalis propagines afficiendo visum lædunt. Sic R. LENTILII (g) puer ad 14 annos natus inspersa oculis ab alio puero calce viva cœcitate immedicabili affectus est. Idem BURNETI (h) virgini

(c) Vide §. 96.

(d) Vide §. 37. e).

(e) Vide §. 100.

(f) l. c. Cent. 1. Obs. 27.

(g) Misc. med. pract. P. 2. p. 311.

(h) Vide §. 9. No. 2. c.)



ab æstuoso fornacis vapore accidit. Idem quoque acria cloacarum & sepulchrorum, aut id genus mephiticorum locorum, effluvia diu oculis excepta efficiunt. Duo operarii, narrante CHOMEL (*i*), vetustum specum sub alio situm diuque non purgatum fodientes ab erumpente mephiti visum amittere, unus prorsus, alter vero ita, ut vix diem sentiret: ambo tamen intra 24 horas ope  $\nabla^x$   $\Omega^x$  extus applicitè, & quavis 4<sup>a</sup> hora ad cochl. ij. iij. assumptæ, visum pristinum recuperarunt. Nescio itaque, cur NOOTNAGELIO (*k*) dubium obortum sit, an amaurosis foricariorum SAUVAGESII (*l*) veritati accommodata sit? „ Non plane patet, (inquit) ex descriptione, quam Ill. „ RAMAZZINI (*m*) de hoc morbo exhibit, „ bet, „. Quod etsi verum omnino sit, cum neque oculi clari neque pupillæ diffusæ ac immobilis meminerit; sed quamdam duntaxat oculorum rubedinem ab se referat observatam cum dolore: tamen si CHOMELII paulo ante dictam, ac mox dicendam BARTHO-

(*i*) Act. Paris. A. 1711. Obs. anat. 5.

(*k*) l. c. §. 12.

(*l*) l. c. No. 9.

(*m*) De morbis artific. Cap. 13.

LINI observationem cum foricariorum malo conferamus, liquido apparebit, horum cœcitatem haud aliorum quam ad amaurosin esse referendam, idque ab infarctu vasorum ophthalmicorum, in quæ sangvinem acres cloacarum vapores uberius allexere, ut rubor docet. Eodem modo res in vetustis se habet sepulchris. T. BARTHOLINI (n)  
 „ parens . . . colonos suos vicinum monu-  
 „ mentum iussit effodere. Recusabant illi  
 „ imperium oculis suis metuentes. Ille ve-  
 „ ro, ut huiusmodi superstitionem eluderet,  
 „ primus ligone opus aggressus est, sicque  
 „ reliquos ad perficiendum animavit. Nul-  
 „ la parenti cœcitas oborta inde est, sed  
 „ tamen nescio quæ caligo oculis obversaba-  
 „ tur, brevi deinde dissipata, five calore  
 „ motu excitato, five ex vaporibus longo  
 „ seculorum decursu in tumultu delitescenti-  
 „ bus,,. Haud secius venenorum quorum-  
 dam exhalationes oculos ferientes amauro-  
 sin iis consciscunt, eorum scilicet, quæ intus  
 assumpta eandem progignunt, ut sunt saturnina, bella donna, &c. W. WHITE (o)

---

(n) Histor. anat. rar. Cent. 4. hist. 32.

(o) Edinburgh. medic. Commentar. 3 B. 1 St. 2  
 Abschn. 1 Beob. p. 75.

meminit juvenis robusti, qui in plumbi fo-  
dinis non liqando ac depurando, sed eru-  
endo mineras stipendia merebat. Hic citra ul-  
la prævia colicæ vel paralyseos symptoma-  
ta vespere quodam pleno cum visu lectum  
petens postero mane cæcus prorsus surrexit  
cum tam perfecta retinæ insensilitate, qua-  
lem Auctor nunquam ante vidit. Porro P. I.  
A. D A R I E S (p) Belladonnæ recentis herbam  
cum floribus fructibusque pro paranda inde  
TR<sup>a</sup> minutim conscindenti guttula herbæ aut  
baccæ fortuito dextrum in oculum infiliens  
levem primum irritationem vix 3 minuta du-  
rantem, tum hac cessante visus imminutio-  
nem usque adeo celeriter incrementem cau-  
savit, ut post  $\frac{1}{4}$  horæ in plenam ejus oculi  
cœcitatem, citra ullum tamen dolorem, ab-  
iverit, oculo sinistro illæso. Iris oculi cœ-  
ci tantopere erat resoluta ac patula, ut fe-  
re  $\frac{1}{2}$  lineæ tantum latitudo ambitus superes-  
set, amplius vero choroidis nigror transpa-  
reret. Usurpato tamen aceto rutaceo ac  
bezoardico, extrinsecus vero post frustra-  
neam oculi aqua frigida elutionem vapor-

---

(p) Diss. de aëropa Belladonna (4<sup>o</sup> Lips. 1776.) §.  
12. BALDING, syllog. opusc. Vol. 2.  
No. 4.

bus & volatilis oleosi in eundem admixtis, post 3 hebdomades & visus & pupillæ contractio sensim rediit. Atque huc etiam referendi erunt casus BOYLEI ac BOSMANI, si hujus non terror, illius vero non ulla erat illusio optica, in culpa (q).

## §. 37.

9. SUPPRESSIO *evacuandorum* seu fano-  
rum seu morbosorum; istis enim & massa hu-  
morum augetur, & non raro, si acriora sunt,  
nervi tentantur; si itaque laxiora sunt vasa  
ophthalmica, vel stimulus ad illa applicatur,  
facile in illa ruentes humores eadem infer-  
ciendo nervos opticos compriment, & vi-  
sum adiment. Eapropter huc facit sup-  
pressio

a) *Perspirationis, sudorisve*, a qua teste  
ESCHENBACHIO (r) visum alterius oculi  
Cl. BURCHARD, & ISENFLAMMII (s)  
matrona dextri, utriusque vero & HEYI (t)  
pannifex, & FOURNIERI (u) femina,

(q) Vide §. 16, b).

(r) Vide §. 73.

(s) Vide §. 60. No. 4. c).

(t) Vide §. 106.

(u) Vide §. 112, a).

amifere. A. G. RICHTERUS (x) „ nobi-  
 „ lem novit feminam , quæ saltatione ve-  
 „ hementer incalescens , media nocte nu-  
 „ doque pectore in hortum descendens ,  
 „ ibique obambulans , subito visum perdidit ,  
 „ neque iterum , quidquid etiam medica-  
 „ mentorum tentaret , recuperavit „. Per-  
 inde L. HEISTERI (y) nobilis , postquam  
 triennio abhinc æstuante corpore se perflan-  
 ti vento diutius exposuisset , ita visu labora-  
 re cœpit , ut literas deorsum tenendo fere  
 nullatenus potuerit legere , sed omnia sur-  
 sum levare cogeretur : unde superiores pal-  
 pebræ adeo debiles evasere , ut non sine dif-  
 ficultate easdem attollere , oculumque ape-  
 riri valuerit. Nihilo tamen minus cum pal-  
 pebra læva plus esset affecta , acies oculi  
 præ dextro , cujus palpebra erat valentior ,  
 fuit melior. Varia usurpavit vario , nec  
 diuturno , effectū. Tranquillo serenoque  
 cœlo oculis valebat melius , deterius vero  
 tempestate contraria & frigida , interdum-  
 que omnia ei objecta duplicata apparebant.  
 ita etiam I. D. GOHLII (z) „ servus ru-

(x) l. c. p. 74.

(y) l. c. 2 Band No. 376.

(z) l. c. Dec. 2. Vol. 6. art. 1. No. 4. (δ) p. 22.



„ sticus admodum juvenis , ante annum se-  
„ reus campum , paululum fessus & calens  
„ se prouum coniecit in terram. Inde sur-  
„ gens intritum est paratum , quo auide post  
„ æstum hausto oculos obfuscatos frequenter  
„ extergit , sed incassum , permanfit ita ,  
„ undiqve medelam conqvirens iuanem „.

BRIGGS (a) narrat casum hominis ad 20 annos nati , plethoriciqve , qvi vertente anno in vertiginem incidit cum doloribus in superiore capitis parte. Hæc mala non alii causæ , quam intensissimo id temporis frigori , imputabat. Cumqve neglectis vacuationibus solo emplastro quodam capiti admoto uteretur , dolor capitis & diuturnior & acutior factus , accessere spastica symptomata , cum tremore artuum inferiorum , simulqve omnia quæqve ei duplicata apparebant. Trimestri ita exacto in nosocomium receptus , ubi frustra per bimestre datis variis antispasmodicis , sectis venis jugularibus , ano hirudinibus adhibitis , raso capite , vesicantibus collo admotis , ac demum setaceo tracto , nihilominus post 2 menses dextro o-

---

(a) N. G. LESKE auserl. Abhandl. pract. u. chir.  
Innhalts aus den Phil. Transact. 1. B.  
No. 24. p. 43.

culo amauroticus evasit: quo facto visus duplicatus desit. Procedente vero curatione ad lævum oculum conservandum, vehementi insultu (epileptico) prehensus est, & brevi post eundem exspiravit. A morte in superioribus capitis locis, collo humerisque magna nigredo conspiciebatur. Interdum vero ita vel minima aeris liberi aura perspirationem lædens hic sentitur, ut continuo visum reddat deteriorem; cujusmodi casum narrat G. BUDÆUS (*b*) de ægro, cui inde ab anno debilitas visus velut per paroxysmos repente adveniebat, ac post aliquot horas denuo recedebat, ut legere iterum posset. Ac licet 1. 2ve dies continuos interdum visus domi non obscuraretur, ut primum domo prodivit, morbus mox revertebatur, ut neminem æger discernere posset. Caput erat grave, stupidum, vehemensque sæpe vertigo simul aderat. Nihil in oculis conspiciebatur vitii, nisi quod palpebræ subinde leviter rubuerint, & in paroxysmo velut mucago quædam oculis inducta videbatur, quæ finita invasione etiam evanescebat. Simillimum huic, nisi unus idemque sit, ca-

---

(*b*) Miscell. med. chir. pr. & forens. § Th. cas.

4. p. 22.

sum etiam I. I. WEPFERUS (c) suppeditat, qui quia nonnulla notatu digna complectitur, prætereundus haud videtur, nempe: Præco sacer 60 annor. temperans, multa ab hæmorrhoidibus passus, observavit jam A. 1685 densam nebulam oculis obversari, ita tamen, ut legere & alia objecta distincte videre posset: tunc quoque simul caput obtusum & vertiginosum erat. Hoc visus vitium indies crevit. Circa principium A. 1687 visus quandoque ita obscurabatur, ut nec legere nec alia distincte videre, perspicillis etiam adhibitis, per aliquot horas posset: inde rursus visus rediit, ita ut uno die visus & ejus obscuratio aliquoties alternarent. Multis incassum usus finiente æstate continuas tenebras jam patiebatur. Mirandum erat, domi commoranti visum mediocriter adfuisse; ut primum vero liberum in aerem processit, oculos aqua impleri visuque orbari consuevit. In oculis nil observabatur, nisi quod cœcitate ingruente muco obducerentur, brevi tamen evanescente: dolebant illi, & quasi tendi videbantur; quando palpebræ premebantur, stridorem dabant instar axium januæ vinculorum non bene

---

(c) Obs. med. pract. de affect. capit. Obs. 182.

unctorum sed ficcatorum. Multum olim ex hypochondriaco malo passus est; in præsentī vero nil quidquam, sed per omnia sanus visus. Eo vero etiam magis periclitatur visus, ubi post acre frigus toleratum color subito corpori admissus celeriter sanguinem rarefacit. Sic „ testis est S. ALBERTUS; in-  
 „ qvit G. W. WEDELIUS (d), studiosum  
 „ Saxonicum stantem in ponte Albis hyber-  
 „ no frigore spirante Borea, cum postea  
 „ statim in hypocaustum calidissimum se re-  
 „ cepisset, spatio 3 horarum plane fuisse  
 „ excœcatum „.

b) *Salivæ*, ut in tabacci fumigatoribus, si repente fistulæ suæ valedicant, ut militi cuidam teste I. FRANCO (e) accidit, vel si dato ad movendum ptyalismum §<sup>io</sup> æger sub illo caput aeri frigido objiciat; cujusmodi binos casus literis mandavit H. HEINRICI (f).

c) *Muci narium*. Magnam sinuum frontaliū obstructionem & insolitam narium siccitatem interdum occasionem amauro-

(d) Diss. de amaurosi (4<sup>o</sup> Jenæ 1705) Cap. 3.  
 p. 15.

(e) Vide §. 100.

(f) Vide §. 73. sub finem.

rosi generandæ præbere posse testatur I. L. SCHMUCKER (g), cui bini id genus ægri obtigere curandi (b). Et RICHTERUS (i) „ an non morbus (inquit) in sinu frontali „ latens deorsum etiam aliquando tendit, & „ oculis noxam infert? Inter ægros amaurosi laborantes, quos ego vidi, non pauci fuerunt, qui de molestissimo sensu & obtuso dolore regionem sinuum frontaliū infestante querebantur. Feminam novi, cui utriusque oculi amaurosi perfecta laboranti rediit subinde, orto uberiori mucii ex naribus profluvio, tantillum videnti facultatis, periit iterum naribus sicciscentibus „ . Neque id sane mirum; quandoquidem suppressa isthac vacuatione infarctus vasorum non modo narium cavitatorum, sed etiam nervis opticis proximorum, consecutus compressionem opticorum nervorum ex facili efficit.

d) *Lactis*, cujus a metastasi amaurosis STÖRCKII (k) puerperæ accidisse videtur.

e) *Sanguinis* seu arte, seu sponte evacuari soliti. Sic a neglecta scarificatione

(g) l. c. p. 8.

(b) Vide §. 101.

(i) l. c. Cap. 4. p. 54.

(k) Vide §. 84.



consueti post iram studiosus HOFFMANNI (1) in hunc morbum incidit; quem inconsulto suppressæ narium hæmorrhagiæ etiam accersunt. I. A. HÜNERWOLFFII (m) juvenis operarius diu admodumque scorbuticus ob hæmoptoen sudationibus crebris exasperatam in enormem hæmorrhagiam narium, rivuli instar fluente sanguine, lapsus vix coercitam, cum revertente eadem caput aquæ frigidissimæ immergens, ac dein linteo aceto acri madido involvens, fluxum denuo stitisset, stigmatis sanguinis intempestivis sudoribus antea in cutem protrusis nunc etiam evanidis, dolores capitis oculorumque haud exiguos sibi causavit cum insigni visus imminutione, & plenaria brevi post amissione: quod idem KELLNERI (n) quoque phthisico ex eadem causa evenit; quemadmodum etiam observante M. ALBERTI (o) „theologus Hannoveranus ex „hæmorrhagia narium cum adstringente sup-

(1) Vide histor. 2.

(m) Misc. nat. cur. dec. 3. ann. 2. obs. 97.

(n) Vide §. 100.

(o) Diss. de adstringentium perverso in hæmorrhagiis usu & effectu. §. 3. p. 13. 4<sup>o</sup> Halæ 1729. Resp. I. DENICLER.

„pressa in subitaneam & incurabilem cœci-  
 „tatem incidit „. Ab imminutis quoque  
 aut suppressis lochiis amauroseos ortæ exem-  
 pla præbent MAURICEAU (*p*), SALMU-  
 THUS (*q*), ac STÖRCKIUS (*r*), quæis  
 ALBRECHTI (*s*) quoque casus adnume-  
 randus videtur, siquidem nullam lochiorum  
 fluentium injiciat mentionem. Multo autem  
 numerosiores suppetunt casus amauroseos ab  
 imminutis, suppressisve, aut alia ratione ano-  
 malis mensibus profectæ, quales dedere BER-  
 TRAND (*t*), COLLIN (*u*), HEISTER (*x*),  
 KALTSCHMIED. (*y*), PECHLIN (*z*),  
 RIEDLIN (*a*), SCHAARSCHMIDT (*b*),  
 SCHULTZ (*c*), SCULTETUS (*d*),

---

(*p*) Vide §. 94. e).

(*q*) Vide §. 104.

(*r*) Vide §. 84.

(*s*) Vide §. 111.

(*t*) Vide §. 90.

(*u*) Vide §. 79. K.

(*x*) Vide §. 70.

(*y*) Ibidem.

(*z*) Vide §. 60. No. 4. f).

(*a*) Vide §. 90.

(*b*) Vide §. 115.

(*c*) Vide §. 40.

(*d*) Vide §. 115.

STÖRCK (e), WEBER (f), &c. Sic etiam apud M. E. BLOCH (g) mulier 40 annis major subsistente ad vehementem terrorem, cui ira metusque successerant, fluxu catameniorum incidit in cephalalgiam ac tantam oculorum defluxionem, ut nullam lucem pati posset. Neglecto 4 hebdomadis morbo opem demum petiit. In oculis multus adhuc rubor aderat, cum humore vitreo admodum turbido; & ægra colores clarissimos vix inter se discernere valebat. Ophthalmia discussa; mensesque revocati: at visus prorsus periit. Porro (h) ancillæ fluentibus catameniis frigidum flumen ingressæ ista mox substitere: unde cephalalgia cæcitasque orta citra ullum in oculis conspicuum vitium. Sed V<sup>æ</sup> S<sup>bus</sup>, emollientibus pediluviiis ac semicupiis, usuque MP. RUFII cum terra fol. ☐, menses revocati visum quoque restituerunt. Perinde (i) puellæ 18. annor. hyemali tempore post immoderatas choreas noctu capite aperto domum reductæ a frigore men-

(e) Vide §. 84.

(f) Vide §. 70.

(g) Medic. Bemerk. No. 16. p. 116.

(h) Ibidem p. 117.

(i) Ibidem.

ses, semper ubertim fluere soliti, subito sub-  
stitere. Secuta febris catarrhalis, cephalal-  
gia, & amblyopia. Catarrho variis reme-  
diis depulso successit vertigo, vehemens ca-  
pitis dolor, & cœcitas, cum alvo constipa-  
ta. Enematis & catharticis cephalalgia le-  
niebatur, visu indies decresciente. Pedilu-  
via & V<sup>a</sup> S<sup>o</sup> menses suo tempore aliquate-  
nus revocarunt, nulla visus crebriorisqve  
cephalalgiae emendatione, quam nec vesi-  
cantia, nec pediluvia, nec hirudines, nec  
optima quæque solventia, sub severa diæta,  
attulere. Secuta amaurosis, cui paucis post  
hebdomadis letalis apoplexia supervenit.  
I. STORCH (k) feminam novit a suppressis  
mensibus prorsus cœcam factam, atqve 30  
ætatis anno ita mortuam.

f). *Puris* ex ulceribus criticis vel anti-  
quis. P. POTERIUS (l) narrat annu 84 an-  
nor. in vertice capitis tumorem palmam la-  
tum obortum cum insigni inflammatione ac  
plumbeo colore in nigrum tandem mutato,  
in acre deniqve ulcus cum carie cranii abi-  
isse, quo confanato ægra visum amisit. Per-  
inde B. TIMAEI (m) vir multos annos ul-

(k) l. c. ann. 2. Aug. Cl. 2. No 8. p. 353.

(l) Insign. curat. & sing. obs. Cent. 2. Cap. 33.

(m) l. c. casu 28.

ceris in pede lævo dolentis prurientisque tolerati pertæsus, cum illud coire opera vetula sivisset, uno alterove post mense in atrocissimos capitis dolores, indeque in cœcitatem ad omnia cognita remedia contumacem incidit; simulque quovis mane a fomino multum viscidæ ac flavescantis fœtidæque materiæ frequenti exspuitione citra tussim rejecit, eundem in ore fœtorem percipiens, qui olim in ulcere pedis erat. Simile quoque fatum FORESTI (n) femina, & NEBELII (o) quinquagenarius experti sunt.

## §. 38.

IO. RETROPULSA materia morbosa ab externis partibus introrsum. Hinc

a) *Exanthemata chronica* retropulsa, ut achores, tinea, herpes, pfora, &c. D. SENNERTUS (p) „ meminit studiosum ex „ scabie in febrem incidere, cui asthma & „ cœcitas accidebat, ita ut nullo vitio in „ oculo apparente per triduum nihil videret. Is medicamentis idoneis adhibitis,

(n) Vide §. 103. A. No. 1.

(o) Vide §. 74.

(p) Pract. med. L. 1. P. 3. S. 2. C. 44. p. m. 866.



„ & urina nigra reddita convaluit. Puer  
 „ vero ex eadem causa, scabie scilicet, in  
 „ febrem & cæcitatem incidit, qvi epile-  
 „ psia accedente mortuus est „. Sic & c.  
 G. LUDWIG (q) „ cognovit... virum, qvi  
 „ a scabie retropressa cataractam sibi con-  
 „ traxit, itemqve alium, qvi ex hac sola cau-  
 „ sa amaurosi usqve ad summum senium la-  
 „ boravit: uterqve robusto & toroso cor-  
 „ pore præditus optima de reliquo sanitate  
 „ fruebatur, nec ex vitæ genere, nec aliis  
 „ ex causis ad horum morborum genesin  
 „ disponebatur „. Perinde TRECOUR-  
 TII (r) puella 18 annor. post depulsam  
 præpostere scabiem visu orbata in hydropem  
 demum letalem incidit. Meminit OEH-  
 ME (s) sartoris GÜNZIO visi, cui e scabie  
 repressa visus ita hebes evasit, ut lentis qvi-  
 dem crystallinæ nulla mutatio fieret, pupilla  
 vero inciperet immobilis fieri. Haud secius  
 puella 13 annor. apud F. HOFFMAN-  
 NUM (t) post siccatam litu scabiem in tan-

(q) Adversar. med. pract. Vol. 2. P. 1. advers.  
 5. p. 157.

(r) Chir. Abhandl. u. Wahrnehm. p. 173.

(s) Diff. cir. §. 7. p. 14.

(t) Conf. & resp. med. Cent. 1. casu 50.

tam visus incidit imminutionem, cum idolis simul ob oculos errantibus, ut nec legere nec minora objecta discernere, nisi aut coarctatis oculis aut imposito naribus perspicillo, posset. Pupilla paulo erat diffusior, & in aqveo humore punctula obscuriora, opacioresque flosculi ad iridis latera conspiciebantur. Similem quoque eventum habuit male retroacta scabies in M. DONATI (u) muliere, & achores præpostere sanati. Sic LUDOVICI apud G. W. WEDELIUM (x) „ notavit, cum nobili puero 12 annor. ca- „ put achoribus repletum sanassent paren- „ tes nescio qvo litu, febrim continuam „ obortam cum convulsionibus epilepticis; „ simul etiam visus per 14 dies, oculo in „ speciem illæso, cessavit, sensim autem & „ quasi sponte rediit, & epilepsia per ad- „ hibita specifica cinnabarina & expellentia „ cessavit „. Idem accidit in GOHLII (y) puella, pueroque MÜLLERI (z), nec non juvene G. HANNAEI (a) „ qui inde usque

(u) Vide §. 57. No. 1.

(x) Diss. de amaurosi Cap. 3, p. 17.

(y) Vide §. 98. No. 1.

(z) Vide §. 111.

(a) Misc. nat. cur. dec. 2. ann. 8. schol. ad obs. 116.

„ ab ipsa nativitate habuerat in capite lo-  
 „ cum udum & cœno scabioso lubricum.  
 „ Qvamdïu hæc causa naturæ committeba-  
 „ tur arbitrio , tamdiu cetera sanus vixit :  
 „ qvamprius vero jam pruritum , jam ex-  
 „ citatum e scalpturientibus ungvibus dolo-  
 „ rem pertæsus hunc rivulum fatageret ob-  
 „ struere , dura passus est valetudinis flagra.  
 „ Interim satiari hic non potuit , aut qvie-  
 „ scere prius , qvam defricam scabritiem  
 „ consolidasset anus , caput oleo laurino,  
 „ cui 9<sup>um</sup> immiscuerat , inungens sedulo.  
 „ At vix 3 septimanis gavissus fuerat hujus  
 „ curationis apricitate , anteqvam noctis  
 „ perpetuæ caliginem oculis ipsius offunde-  
 „ ret cœcitas „. Pariter GÜNZII apud  
 „ GEISLERUM (b) puero oculorum acies  
 „ a repressa tinea periit. A tinea etiam re-  
 „ percussa guttam serenam subortam aliquo-  
 „ ties vidit „ H. HEINRICI (c). Perin-  
 „ de A. Q. RIVINUS teste E. KÜCHLERO (d)  
 „ a qvodam medicinæ Doctore ... sibi re-

(b) l. c. p. 18.

(c) Tela ex pharethra APOLLIN. a 9<sup>io</sup> in sui se-  
 curit. subducta §. 5. p. 11.

(d) Diss. de cura palliativa (Præf. H. C. ALBERTI  
 4<sup>o</sup> Erford. 1692) §. 34. p. 19.

„ latum memorabat, puellam Batavam, cui  
 „ tinea ab inunctione, ni fallor §<sup>li</sup> retro-  
 „ cesserat, visu captam, nec prius restituta  
 „ tam fuisse, quam expulsa denuo effec-  
 „ tinea „. Ita etiam D. W. TRILLERI (e)  
 matrona faciem a maculis rubris crebrisque  
 tumoribus mundatura aqua cosmetica albida  
 quotidie adhibita nitorem quidem optatum  
 procuravit; sed visu inter atroces capitis  
 dolores subito amisso, convulsa denique in-  
 teriit. L. G. KLEIN (f) „ novit ex varis  
 „ faciei repulsis tremorem artuum, dein  
 „ amaurosin secutam, tandem purpuram al-  
 „ bam funestam in juvenca nullius regiminis  
 „ & diætæ; cerussata enim cadente moro  
 „ nigrior sibi placebat LYCORIS „. Haud  
 secius matrona TRECOURTII (g) ab her-  
 pete, leucorrhœa, mensibusque repressis vi-  
 su privata est.

b) *Exanthemata febrilia* (ut variolæ,  
 miliaria, morbilli, petechiæ, &c.) retro-  
 versa, vel materia eorum post superatum  
 morbum regiminis diætetici vitio, (aut aliam  
 quamvis ob causam, haud satis e corpore

(e) Opusc. med. Vol. I. P. I. Diff. 5. §. 10. p.  
 142.

(f) Interpr. clinic. p. 259.

(g) Vide §. 113.

diffata. Sic bimulo puero apud N. BLE-  
GNY (*b*) post variolas neglectas cœcitas  
contigit. E. HAGENDORNIUS (*i*) curan-  
dam habuit puellam quinquennem, quæ va-  
riolas cum convulsionibus passa visum inde  
auditumque amisit cum loquela vacillante  
effecta. Adhibitis remediis & visus & loque-  
la rediit; sed supervenit, letalis catarrhus  
suffocativus, Puerum quoque e variolis  
perperam tractatis visu orbatum vidit. HEI-  
STERI (*k*) pariter juvenis 19 annor. cui a  
variolis dexter oculus crepuit, sinister au-  
tem cataracta mulctatus est, imperfectam si-  
mul in isto amaurosin habuisse videtur; siqvi-  
dem lente acu depressa nil nisi lucem um-  
brasque perceperit, quin discernere quid-  
quam posset. Ita etiam binis aliis I. MU-  
RALTI (*l*) & QVELMALZII (*m*) juveni-  
bus amaurosin effecere, isti perfectam, illi  
vero non nisi inchoatam. I. L. SCHMU-  
CKER (*n*) puellam ab amaurosi biennali libe-

(*b*) l. c. ann. 4. Febr. Obs. 24. p. 53.

(*i*) Histor. med. phys. Cent 2. hist 71.

(*k*) l. c. 2 Band No. 415.

(*l*) Misc. nat. cur. dec. 2. ann. 7. Obs. 99.

(*m*) Vide §. 106.

(*n*) Vide §. 66. No. 2.



ravit, quam frigore retropulsi morbilli causarunt. Perinde apud F. HOFFMANNUM (o) puella septennis debilis, tenera, cum facie livida, cachectica, subinde flavescente, febricula cum capitis dorsique dolore, & vertigine in situ erecto, correpta, 3<sup>o</sup> die pustulas rubras toto corpore exclusit, quæ sub debito remediorum usu ac regimine nihilominus jam cum horripilatione evanescebant, jam cum ardore cutis redibant. Capite oculisque, præsertim circa 7 diem, doluit. Tandem convalescens visum penitus amisit, nullo in oculis, præter pupillam paulo ampliorem, conspicuo vitio. Porro „ conqverebatur, narrat idem Autor (p), generosa puella 12 annor. de „ lassitudine, inappetentia, langvore vi- „ rium, & doloribus lancinantibus in cru- „ ribus & brachiis, præterea lividum & „ plumbeum facie offerebat aspectum. Octi- „ duo post corripiebatur horripilatione, sub- „ sequente æstu & gravi dolore capitis lum- „ borumque. Tertio die post in conspe- „ ctum veniebant maculæ morbillorum tum „ epidemiorum, tussis simul affligebat mo-

(o) Med. rat. syst. l. c. Obs. 2.

(p) Ibidem P. 1. S. 1, C. 8. Obs. 1.

„ leſtiſſima, & propter capitis oculorumque  
„ dolorem continuum nec ſomnum capere,  
„ nec lucis ferre poterat aſpectum. Qvinto  
„ die ſenſim iterum evaneſcebant maculæ ex  
„ totius fere corporis ambitu, ſed dolor ca-  
„ pitis & oculorum remanebat, & præter-  
„ ea alvus a primo morbi inſultu erat ſic-  
„ cior, ut non niſi clyſtere ſollicitata reſpon-  
„ deret. Qvum ſic jam declinare videretur  
„ morbus, præter ſpem de novo accidebat  
„ ſumma præcordiorum anxietas cum æſtu  
„ totius corporis, ſiti, virium proſtratione,  
„ & difficili reſpiratione; prodibat poſtea  
„ purpura rubra, intermixta alba ſive milia-  
„ ri, & dolor in oculis & capite ſupra fron-  
„ tem pertinaciter inſiſtebat. Pugnabatur  
„ qvidem contra hæc tam gravia mala iis,  
„ quæ acredinem humorum cum ſpasmis mul-  
„ cere, & eruptionem placide promovere  
„ poterant: ſenſim quoque remittente capi-  
„ tis dolore puella convaleſcebat; ſed ſupè-  
„ rato morbo viſio erat imminuta, & ſen-  
„ ſim incrementum ſumens intra menſem in  
„ veram guttam ſerenam tranſiit, ita ut ni-  
„ hil plane viſu dignoſcere poſſet, licet  
„ oculi integri, & pupilla tantum duplo na-  
„ turali amplior, comparerent. Multa &  
„ probata adverſus hoc oculorum vitium ad-  
„ hibebantur remedia, ſed fruſtra. Erum-

„ pentibus autem 14<sup>o</sup> anno primum mensi-  
 „ bus splendorem aliqualem receperunt ocu-  
 „ li rursus... Svasi, ut temperatis balsa-  
 „ micis mensium negotium secundaretur,  
 „ vesicatorium mitius aliquamdiu gestaretur,  
 „ oculi crebrius quotidie pingvedine vipe-  
 „ rina recenti inungerentur, & cum cibo  
 „ nonnunquam aliquot guttæ balsami nostri  
 „ vitæ assumerentur. Quibus non quidem  
 „ in totum, sed tamen in tantum restitutus  
 „ visus, ut sub certo oculi situ objecta, &  
 „ quidem tantum dimidiata facie, conspice-  
 „ re posset, ceterum optime valeret, ingres-  
 „ sa haud ita pridem matrimonium „. Sic  
 etiam G. H. VELSCHIO (q) teste morbo  
 miliari „ correpta... juvencula nobilis, re-  
 „ pente cæca facta, paucis diebus postea  
 „ exspiravit „. Idem quoque, at meliore  
 eventu, a purpura experta est mulier J. F.  
 CONSRUCHII (r).

c) *Plica Polonica* improvide ablata vel  
 mutilata, id quod multis nil nisi commen-  
 tum esse videtur: nos autem observatis fi-  
 dem addicimus. Jam olim L. STARNIGE-

(q) Obs. med. epigram. 19. in syllog. cur. & obs. med.

(r) Vide §. 69.

LIUS (s), dum Patavinos medicos de hoc morbo consuleret „expertum est (scripsit), qui „ tales fasciculos implicatorum perarcte inter „ se crinium deraferint, eos oculis capi „ &c. Et C. H. ERNDTELIUS (t) cum suo in itinere Grodnam appulisset, ingentem hominum a plica abscissa ex cœcatorum vim se ibi conspexisse testatur. Perinde s. SCHULTZ (u) affirmat, notos sibi quosdam fuisse, qui cirris his abscissis visu aliquamdiu privati fuerint. I. I. NEUHOLDI (x) „ judæo e pli- „ ca Polonica laboranti incautus rudisque „ barbæ tonsor eandem præscindens amauro- „ sin, delirium, apoplexiam, mortem indu- „ xit „. D. SENNERTUS (y) „ novit „ militem senem, qui plicam in occipitio „ habebat, & de causa morbi interrogatus „ (nam Germanus erat de Thuringia ortus) „ respondebat, morbum hunc sibi hæredita- „ rium esse; matrem enim suam 7 plicas „ 2 ulnar. longitudine ad mortem usque ha- „ buisse. Idem referebat, cum in Ungaria

(s) SENNERT. l. c. L. 5. P. 3. S. 2. C. 9.

(t) Misc. nat. cur. Cent. 10. append. p. 475.

(u) Ibid. dec. 1. ann. 6. obs. 138. p. 195.

(x) Act. nat. cur. Vol. 3. app. p. 158.

(y) l. c.

„ militasset, & a Turcis captus fuisset, he-  
 „ rum pro more gentis omnes pilos & una  
 „ plicam abscindi curasse, indeque se cœ-  
 „ cum evasisse. Cum vero per interpre-  
 „ tem hero cœcitat<sup>is</sup> causam exposuisset, &  
 „ impetrasset ab eo, ut pilos renasci sine-  
 „ ret, visum postea recuperasse „. Idem  
 mali genus BALDINGERI (z) ægra ab re-  
 scissa plica capitis est adeptus. Id ipsum nem-  
 pe ablata improvide plica efficit, quod mi-  
 asma ejusdem non dum in crines effusum, sed  
 humoribus mistum ac turbas jam ciens effice-  
 re consuevit, varios nimirum morbos, quos  
 inter & amaurosis locum habet. Sic D. FI-  
 SCHERI (a) vir nobilis præter cephalalgi-  
 am, artuum dolores, omnesque articulos  
 tumidos, nonnullorumque membrorum situm  
 adeo mutatum, ut ad suas functiones per-  
 agendas essent inutilia, etiam visu omni pri-  
 vatus est. Verum ubi adhibita curatione  
 consveta plica erupit, omnia mala desiere.  
 Ita & s. SCHULTZII (b) Canonicus atro-  
 cissima cardialgia & aliquot hebdomadum ca-

(z) Vide §. 79. sub finem.

(a) BÜCHNER miscell. phys. med. A. 1728. Octobr.  
 Cl. 2. art. 2. p. 1368.

(b) p. 198. sq.



ligine laborans ab utroque malo est liberatus, ut primum plicæ erupere, mares a dextra lævaque capitis, femina in occipite. Perinde septuagenarius F. I. NEIFELDI (c) olim laboribus militiæ, diætæ prævæ, vini crematiqve abufui, ac iræ deditus, fanus tamen, poſtea qvietius vivens articulo- rum contraxit dolores, V<sup>a</sup> S<sup>vi</sup> tamen ſalubriqve motui cedentes, donec demum ſubito poſt prægreſſos tenſivos verticis palpebrarumqve dolores in prandio viſum penitus amiſit: qvi etſi ad interna reſolventia, cephalica, rheum, pediluvia, illitumqve vertici ac palpebris baſamum vitæ HOFFM. ſenſim iterum rediit, doloribus articulorum nihilominus reſurſantibus cœcitas poſt aliquot meſes una cum verticis palpebrarumqve dolore denuo revertit, prioribus remediis jam neutiqvam abigenda, ſed viſus jam clarior jam obſcurior fiebat. Febris tandem ingruit cum urina rubra ſine ſedimento, ſiccitate, ſiti, diarrhœa, anxietate, deliriis, & artuum, præſertim vero ſcapularum cervicis occipitiſqve, doloribus, ad conſveta remedia rebellis: donec poſt 8 circ. dies ex inſperato plica generata cum amauroſin tum cetera omnia ſymptomata penitus proſtigavit.

---

(c) Primit. phyſ. med. Polon. Vol. I. Obſ. 15.  
p. 137. ſqq.

d) *Arthritis, podagra, rheumatismus.*  
 Ab rheumatismo brachii vi frigoris externi  
 versus encephalon allecto SIGELII (d)  
 vir amaurosin contraxit; quod idem ex ea-  
 dem causa etiam SCHMUCKERI (e) viro  
 accidit. P. R. VICATII (f),, consilium...  
 ,, petiit anus plebeia septuagenaria ob cali-  
 ,, ginem a metastasi rheumatica in utroque  
 ,, oculo orta. A 6 annis nempe cum rheu-  
 ,, matismo laborans frigori diu se exposuisset,  
 ,, vehementem aliquot dierum cephalalgiam  
 ,, experta est, silentibus doloribus rheuma-  
 ,, ticis. Ea autem cephalalgia sensim dissipa-  
 ,, ta simul obscurati sunt oculi adeo, ut tan-  
 ,, dem nihil amplius præter lumen confusum  
 ,, cernere posset ægra, confirmata tunc ca-  
 ,, ligine. Elapso anno hæc sensim iterum  
 ,, dissipabatur, rheumatismo brachia repe-  
 ,, tente, quæ antea occupaverat; relicta ta-  
 ,, men visus debilitate. Verum post aliquot  
 ,, menses recedente iterum rheumatismo  
 ,, rediit caligo. Ea alternatio absque tempo-  
 ,, rum ordine adhuc aliquoties locum ha-  
 ,, buit. Nunc autem a 6 mensibus oculos

---

(d) Vide §. 106.

(e) Vide §. 38. d).

(f) Delect. observ. pract. Obs. 20. p. 75.

„ occupabat caligo obscurior, quam prius  
„ fuerat, ut vix ac ne vix quidem solis lu-  
„ men percipere valerent. Cum autem fe-  
„ minæ nunciaret, curam in adeo provec-  
„ tate . . . si non impossibilem . . . saltem  
„ admodum longam, tædiosam, & sumptu-  
„ osam fore; spei restituendi visus, quam  
„ utcumque alebat, se renunciare debere  
„ facta est: adeoque adversus morbum nil  
„ molitus est. Ab arthritide retropulsa  
femina GÜNZII teste OEHME (g) perin-  
de amaurosi mulctata est. V. RIEDLINUS (b)  
narrat mercatorem Gallum 40 annis mayo-  
rem, cum febricitanti in Gallia omnis fere  
sanguis exhaustus fuisset, postea in gravem  
incidisse arthritidem; quam neglectam, imo  
perperam interdum etiam topicis externis  
tractatam, post sexennium effecit anomalam;  
donec a retrogressa ejus materia vomitus  
quadrimestris omnium ingestorum est obor-  
tus, cui tandem supervenit cæcitas, ut lu-  
men oculis obversum non sentiret, nullo li-  
cet in iis conspicuo vitio. Vomitus qui-  
dem essentia ♂ sustulit; sed cæcitati ad re-  
media rebeli se junxit mox laboriosa respi-

---

(g) Diff. cit- §. 7. p. 15.

(b) l. c. Febr. 4. p. 98. sqq.

ratio, & æger ejusdem diei nocte exspiravit. I. L. SCHMUCKERI (i) podagricus pede dolente dextro aque frigida immerso doloris eodem adhuc die expers factus postero die utroque oculo captus est, visu non amplius recuperando. MUZELLII (k) autem homo ex hac ipsa causa non nisi incipientem amaurosin expertus est. Sic etiam „ notavimus cœcitatem, inquit L. G. „ KLEIN (l), ex podagra emplastico opiato „ a nebulone agyrta repressa, cantharidibus „ hac feliciter revocata depulsam iterum „.

## §. 39.

II. VACUATIONES *humorum* cum spontaneæ tum arte procuratæ. Hæ triplici fere ratione amaurosin causare possunt, nimirum vel ob subitam vasorum, aut insignem saltem, inanitionem, quam toties paralyfes variæ (proinde etiam nervorum opticorum) sequi solent; vel ob spasmos ex indebita humoris boni jactura non raro oriundos, qui in partibus nervos opticos am-

(i) J. c. p. 7. sq.

(k) Vide §. III.

(l) Interpr. clinic. p. 194.

bientibus obortiis paralyſim inducunt; vel denique quod ſub evacuatione humorum maſſa ſeu ob ſpaſmos ab inferioribus partibus verſus ſuperiora tendentes, ſeu ob ſtimulum capitis vaſis nerviſve applicatum, ſeu etiam ob turbatum circulationis tenorem ac typum, verſus encephalon urgeatur; cujus vaſa inde inſarcta premendo vel cerebri corticem vel nervum opticum vel retinam paralyſim nervo viſorio inducunt. Proinde

a) *Hæmorrhagiæ & ſanguinis miſſio* huc in primis pertinent. Poſterior mira ſæpe & vix ſatis perſpicienda ratione amauroſin accerſere obſervata fuit. I. G. SCHIEBEL (m) memoriæ prodidit, a FERDINANDO I. Imper. narratum fuiſſe de centurione, qui mox a V<sup>æ</sup> S<sup>e</sup> cæcus factus non niſi poſt aliquot hebdomades viſum denuo, at imminutum, recepit. Addit etiam virginis exemplum, quæ ſanguine e vena fluente niſi ſe videre exclamavit, ac tametſi vena continuo clauderetur, eam tamen viſu orbatam in perpetuum manſiſſe. Apud N. FONTANUM (n) quadragenarius ophthalmia oculi laborans ſecta vena cephalica evaſit oculo dextro cæ-

(m) Dom. amæniti. hiſt. P. 2. p. 137.

(n) Analect. obſ. C. 11. exempl. 8.



cus; injecto vero clysmate & secta rursus basilica læva, detracto sanguine ad 3 vj, visum statim recuperavit. At vero I. U. RUMLERI (o) civis Augustanus, dum ad rebellem cephalæam ei vena cephalica secta esset, dolore eo ipso momento evanescente correptus est illico amaurosi ad mortem usque manente. Perinde P. ROMMELII (p) annus 66 annor. ab anno in lævo oculo maculam albam habens ac visu debiliusculo laborans post imperatam sibi brachii V<sup>æ</sup> S<sup>em</sup> continuo deterius videbat, donec lapsis 3 hebdomadis ita visus periisset, ut lucem a tenebris vix discerneret. In lucido loco posita dolorem insignem sentiebat, nullum in tenebris. Alba illa oculi lævi macula post V. S. subitum incrementum cepit: dexter vero amauroticus evasit. Variis frustra tentatis cœca mansit. Et alibi (q): „ego (in-  
 „quit idem Auctor) non simplici vice in  
 „plurimis, qui saltem ex consuetudine  
 „quotannis venam secare solent, observa-  
 „vi, sanguine rite fluente, ubi vix una  
 „vel altera sanguinis uncia adhuc egressa

(o) Obs. med. 70 apud G. H. VELSCH l. c.

(p) Misc. nat. cur. dec. 3. ann. 7. obs. 46.

(q) Ibidem dec. 2. ann. 5. obs. 144.

„ erat, illos de nebula oculis obversan-  
 „ te, vel rebus diversicoloribus visui se  
 „ objicientibus, conquestos esse, non-  
 „ nullos etiam talia vel his similia verba  
 „ protulisse: DEUS bone! ego vix vel pa-  
 „ rum, vel hoc vel illud video, nullo subse-  
 „ quente animi deliquio vel lipothymia,  
 „ Tunc ego statim venam claudere & qui-  
 „ eti se committere imperavi,, &c. Porro  
 „ GÜNZIUS virum 43 annorum vidit, in-  
 „ quit OEHME (r), cui sanguine ex bra-  
 „ chii vena misso, etsi non animo linque-  
 „ batur, neque alii sensus deficiebant, ta-  
 „ men videndi potestas ad  $\frac{1}{4}$  horæ partem  
 „ non erat,,. Denique T. BONETI (s)  
 rustico dum cephalalgia ergo frontis vena  
 secaretur, mox ut erupit sanguis, visus mi-  
 nuì cœpit, pergenteque sanguinis filo plena  
 cœcitas est secuta. Eo vero magis a V<sup>x</sup>  
 S<sup>c</sup>, si larga nimis aut crebro instituta fue-  
 rit, malum hoc timeri potest. I. C. BAUM-  
 LINI (t) vir robustus & sanguineus  
 77 annor. neglecta solita V<sup>x</sup> S<sup>c</sup>, messis  
 tempore æstuans cellam sæpius vinum bibitu-

---

(r) l. c. §. 9. p. 22.

(s) Sepulcr. anat. L. I. S. 18. append. ad obs. 2.

(t) Commenc. Nor. T. 10. A. 1749 hebdom. 24.

No. 2, p. 189.

rus ingrediebatur, siti phlogosisque succedentibus; & cum die quodam bene pransus vinum unius anni dulce ac generosum uberius haussisset, vertigineque correptus esset, antecedente hypercatharsi, V<sup>x</sup> S<sup>em</sup> postero die largam instituens, inde primum in lævi, & post 8 dies etiam dextri oculi incidit amaurosin immedicabilem. Sic etiam I. LANZONI (u) adolescens, sanus alioquin, diarrhœa laborans, misso e brachio dextro sanguine ad ℥ j. suppressa inde alvo sensim visum omnem amisit irrecuperabilem. Ita quoque GÜNZIUS GEISLERO (x) „puellæ „18. annor. exemplum... retulit, cui febre „ardente laboranti dum tertia ac decima „vice sanguis ex talo mitteretur, eo fluente acies eripiebatur,,. Forte & huc referendus est casus a C. STALP. VANDERWIEL (y) adnotatus: „narravit mihi (ait „ille) chirurgus DU FOIX vulgo LUCQ „de quodam, qui vulnerato pectore cœcus evaserat,,. Huc usque facta. Sed quid ad hæc pathologorum cerebra? Audia-

(u) Misc. nat. cur. dec. 3. ann. 7. Obs. 70.

(x) Diff. cit. §. 8. p. 15.

(y) Obs. rar. med. anat. chir. Cent. 1. Sch. ad Obs. 31.

mus ! H. BOERHAAVIUS (2) „ quando  
„ (inquit) præsentēs venæ sectionem infi-  
„ tui videmus , qvomodo vires deficiant,  
„ observamus. Homo nempe de mutatione  
„ colorum primo conquiritur , colorem vi-  
„ ridem in cœruleum mutari , hoc signum  
„ est instantis lipothymix , proximo enim  
„ momento dicit , obtenebratur dies , o-  
„ mnia nigra adparent , & statim incidit in  
„ animi deliquium , qvod oritur a minori  
„ cerebri & cerebelli inflatione , propter  
„ sangvinis detracti proportionem , qvæ  
„ tanta est , ut sufficientes spiritus separari,  
„ & in nervum opticum influere , eumqve  
„ extendere non possint. Eadem deliquia  
„ fiunt post vulnera cum magna hæmorrha-  
„ gia „. Verum enim vero si diligenter ad  
allatas hic historias animum qvis adverterit,  
haud pauca est in iisdem reperturus , qvo-  
rum rationem sufficientem e doctrina BOER-  
HAAVII neutiqvam exsculpet. Citra ullam  
sane syncopen morbus plerisque accidit , præ-  
fertim GÜNZII viro , cui ne alii qvidem sen-  
sus ullatenus lædebantur , uti nec aliis hic  
adductis , id qvod evenire in sententia ad-  
optata BOERHAAVII deberet. Tum qvæ-

---

rere lubet, cur fugax aliis, aliis perpetua amaurosis inde accidat? Si enim solus spirituum in opticum nervum impellendorum defectus in causa est, cur recuperata pristina sanguinis massa, proinde secretis debita copia spiritibus, cœcitas aliquibus perstitit immedicabilis? Collapsum est (dices) cerebrum, undè stamina optica oriuntur, atqve ad pristinum statum haud unquam reduci potuit. Bene habet! sed cur FONTANI viro uno in latere collapsum? Et qui collabi in BAEUMLINI sene post 8 dies dextro in latere potuit, sanguinis massa illuc usque refarcita? Porro qui cœcitatē altera V<sup>a</sup> S<sup>o</sup> solvit, quam prima in FONTANI viro accersivit? ROMMELII anui quid acciderit, si rite expendimus, & cum FONTANI casu conferimus, veri apparebit similis, ab id genus sanguinis missionibus, dum vasa alia inanuntur, ophthalmicorum fieri infarctum plus minus durabilem; cui opinioni apprime favet F. HILDANI (a) observatio: „ factor . . .  
 „ 30 circ. annorum . . . cum doloribus capitis & epilepticis paroxysmis in longum  
 „ tempus vexaretur, quadam die barbitonforem accedit, cui cum morbum suum exposuisset, ramum illum venæ frontis, qui

---

(a) l. c. Cent. 5. Obs. 18.



„ in aliquibus nonnihil ad sinistram vergit,  
„ protinus incidit, nulla præcedente corpo-  
„ ris præparatione. Quid fit? Oculus in  
„ ipso etiam momento motum amisit, fixus,  
„ immobilis, & clausus permanfit. Dolor  
„ quoque capitis exacerbatus fuit; inflam-  
„ matio quin etiam oculi sinistri secuta est  
„ adeo magna, ut erosis membranis humo-  
„ res effluxerint, & visus omnino deperdi-  
„ tus fuerit: sed &, quod maximum, non  
„ diu post loquelam amisit; adhibitis tamen  
„ remediis . . . ipsam aliquomodo & ex  
„ parte recuperavit,,. Numquid hic phle-  
botomia sanguinis ad caput congestionem  
causavit? Atque idcirco etiam I. B. G. OEH-  
ME (b) rem acu minus tetigisse censendus  
est „ non raro (inquiens) etiam non in ner-  
„ vo vitium, verum in succis est, quibus  
„ deficientibus nervus fccus fit. Idque tan-  
„ to facilius fieri potest, quanto partim mi-  
„ nori vi sanguis per nervi vascula move-  
„ tur, & quanto hæc ipsa angustiora sunt,  
„ magisque resistunt. Quare cur sanguine  
„ misso caput in primis afficiatur, planum  
„ est,,. Imo vero e data explicatione mi-  
nime planum est. Etenim concipi plane

---

(b) l. 8.

nequit celeris adeo nervi ficcitas in subita amaurosi, quam experta est SCHIEBELII virgo, civis ROMMELII, rusticusque BONETI; & fugaxne, quæso, ficcitas adstruenda erit in fugacibus amaurosibus, quales a V<sup>æ</sup> S<sup>c</sup> FONTANUS, GÜNZIUS, & ROMMELIUS observarunt? Atque hinc satis patet, quam facile ratiocinium, ut ut speciosum videatur, fallat, nisi cotem observationum sit expertum. Interea negandum non esse videtur, a subita & insigni sanguinis jactura ob solum spirituum defectum amaurosini evenire posse; verum tum ceteri quoque sensus perinde labascant, oportet; quo in casu sæpenumero convulsiones quoque ingruunt: id quod forte apud I. I. SCHEUCHZERUM (c) ita „accidit, ut prægnanti „ *ἐνσάγχω* chirurgus venam aperiret media- „ nam utriusque brachii eadem hora, ut „ multum imo nimium effluxerit sanguinis. „ Hinc mox ortæ convulsiones & amauro- „ sis „. Quod jam de missionibus sanguinis dictum est, idem omnino de spontaneis quoque hæmorrhagiis valet. Sic „ rusticus „ quidam, inquit I. A. GENSELIUS (d),

---

(c) Act. nat. cur. Vol. 2. Obs. 45.

(d) Annal. Vratisl. Tent. 7. A. 1719. Mart. Cl. 2 art. 3. §. 2. p. 299.

„ post enormem hæmorrhagiam narium re-  
„ portavit cœcitatem „. Perinde „ ab  
„ hæmorrhagia nimia, teste s. ALBERTO,  
„ in studioso contigit eadem, inquit G. W.  
„ WEDELIUS (e), qvi non tantum cœcus,  
„ sed & fatuus evasit „. Et G. HELDII (f)  
ægra 43 annorum, 4 jam mensibus utero ge-  
rens, a draſtico purgante abortum paſſa, cum  
ad placentam expellendam vinum crocatum  
hauſiſſet, in 70 dierum hæmorrhagiam uteri  
continuum lapſa, debilitatem crebrasqve li-  
pothymias incurrit, viſu ſimul indies fati-  
ſcente, ita ut primum dimidium tantum vi-  
deret maritum, breviqve poſt nihil prorſus  
cerneret, ſine conſpicio in oculis vitio. Ma-  
lum manſit immedicabile. Interdum vero  
eſſi non uſqve adeo fluxus ſanguinis ſit ex-  
cedens, tamen haud raro amauroſin poſt ſe  
trahit, qvòd in puerperis præſertim mox a  
partu, teſtante BARTISCH (g), eſt ſolen-  
ne. Ita referente OEHME (h) „ GÜNZIUS  
„ qvoqve de puerpera conſultus fuit, qvæ  
„ proxime poſt partum lumen amiſerat „.

---

(e) Diſſ. de amauroſi Cap. 3. p. 17.

(f) Miſc. nat. cur. Cent. 3. Obſ. 180.

(g) l. c.

(h) l. c. §. 7. p. 16.

b) *Vomitus* feu sanguinis feu alius quivis haud raro amaurosin producit, quemadmodum puero puellæque HAENII (i), tum pyrobolario MAYRI (k) accidit, & arthritico Gallo RIEDLINI (l). F. HILDANI (m) „ homo 34 circ. annor... obesus „ & constitutione corporis pituitosus, cum „ ante annos aliquot in cacochymiam incidisset, toto corpore, uti in anasarca fieri consuevit, intumuisse, & vomitorium „ validissimum sumpsisset, eodem die, imo „ & inter vomendum, visum plane amisit, „ sine dolore tamen, & oculis manentibus „ claris... Mansit in hac cœcitate 24 circ. „ horas, sequenti vero die post sumptum „ medicamentum cum superpurgatio per inferiora supervenisset, visus in integrum „ restitutus fuit „. Idem STURMIO senijam ab emeticorum per intervalla usu evenisse accepit. Perinde F. HOFFMANNI (n) „ femina sensibilibioris & teneræ constitutionis, spasminis hystericis obnoxia, tumidam

(i) Vide §. 116.

(k) Vide §. 107. No. 3.

(l) Vide §. 38. d).

(m) l. c. Cent. 5. Obs. 19.

(n) Diff. de imprud. medicat. §. 20.

„ & cachecticam faciem habens, sumpsit  
„ emeticum, quod vehementes vomitio-  
„ nes movebat. Non multo post caligant  
„ oculi, & plenarie visio amittitur, neque  
„ restituta fuit,,. Idem Auctor (o) me-  
„ minit,, cujusdam mechæ libidini vagæ in-  
„ dulgentis, quæ quotiescunque venereis  
„ amplexibus se se subiciebat, oculorum  
„ caligine visusque hebetudine afficiebatur:  
„ donec tandem inconsulto emetici validio-  
„ ris usu in guttam serenam incidens lumi-  
„ nibus penitus orbaretur,,. Porro G. W. WE-  
„ DELIUS (p) sequentem refert casum:  
„ femina 34 annor. habitus tenerioris & sta-  
„ turæ minoris, alias hilarioris animi, &  
„ erroribus diætæ liberioris faventior, a fri-  
„ gore & terrore forti corripitur dolore ar-  
„ ticulorum. Menses aliquando per 5. 6. 7.  
„ hebdomadas cessarunt, hinc vero etiam  
„ per aliquot dies fortius fluxere. A me-  
„ dico bis per vomitoria strenue ad 20 vi-  
„ ces exercitata brevi post oculis utrisque  
„ quasi extortis & tumefactis, imo non lon-  
„ ge post excœcatis. Bis convulsa enim  
„ inde visum penitus amisit, citra ullam

---

(o) Diff. de morb. a nimia & intemp. venere §. 26.

(p) Diff. casu n de gutta serena exhibens pag. 4. sqq.



„ quippe causam manifestam prægressam,  
 „ nil quidquam videt utroque oculo. Ab-  
 „ latus quoque olfactus, caput quandoque  
 „ dolet & tempora, palpebra una quasi flac-  
 „ cida & pendula alteri dissimilis, quæ ta-  
 „ men postea restituta est. Auditus quo-  
 „ que quasi stupidus, rediit tamen, sed si-  
 „ bilis quandoque adest. Pupillæ maxime  
 „ dilatatæ & grossæ, iris solito videbatur  
 „ minor; pupulæ quædam idea vel umbra  
 „ apparet intus, sed diffusa. Cetera ἐξδο-  
 „ στάδιος, somnus bene habebat. Post ali-  
 „ quod tempus paulo melius habere visa,  
 „ confuse dignotionem quamdam lucis &  
 „ tenebrarum seu diei & noctis agnoscebat,  
 „ & lumen candelæ accensæ, licet confuse,  
 „ oculi etiam prius extorti subsederunt;  
 „ imo luculentia (Vielhelligkeit) aliquando  
 „ adesse, sed citra distinctionem, aperien-  
 „ do oculos dolorem quemdam levem senti-  
 „ re visa. Tandem nullo modo ad setacei  
 „ usum persuadenda oculario Medico denuo  
 „ commissa semel iterumque momentaneo  
 „ ictu hominem agnoscere aliquando sibi vi-  
 „ sa, sed mox remisso & amisso eodem, in  
 „ fine eodem modo, quo morbus primitus  
 „ inceperat, etiam finitus est; siquidem  
 „ post unum alterumque annum vehemen-  
 „ ti terrore vitam cum morte commuta-

„ vit,,. V. RIEDLINUS (q) curandam habuit feminam, cui 5 annis ante vulnus sub mamma dextra cultro sat altum inflictum erat, a quo curata sat bene habens ubi nupsisset, aliquvo post tempore ingenti sanguinis vomitu correpta visum perdidit, debilis, febriens, lividisque maculis hinc inde obfessa. Exhibitis vero alexipharmacis cum cephalicis ac resolventibus eodem adhuc die visum recuperavit, ac brevi plane convaluit. Contra ea C. I. TREWII (r) femina 50 annor. cholericæ, ab aliquot jam annis mensibus carens, vomitu cruento correpta, excreto a vespere ad mane usque ultra 3 mensuras liqvamine maximam partem cruento, ubi adstringentium usu pacato vomitu, sed oborto universali ictero, in somnum incidisset, sub meridiem evigilans lucem a tenebris discernere nequvit, pupillis apparentibus diffusis. Ictero per diaphoretica fixa & nervina discusso, amaurosis remediis non cessit. Narrat denique I. G. H. KRAMERUS (s) puellam epilepticam sumpto vitriolo antiepi-

(q) l. c. ann. 2. Jul. 12 p. 324.

(r) Act. nat. cur. Vol. 2. Obs. 52.

(s) Commenc. Nor. T. 2. A. 1732. hebd. 42.

No. 9. p. 334.

leptico STISSERI ab epilepsia liberatam quidem fuisse, sed visum confestim periisse. Ex omnibus itaque adductis casibus, præfertim illo HILDANI, satis patet, amaurosim a vomitu ortam infarctui vasorum capitis deberi.

c) *Catharsis* nimia perinde amaurosim visa est induxisse, notante AMMANNO (t), id quod sexagenarius HALLERI (u) dextro in oculo est expertus, & G. D. MAYERI (x) quoque religiosus; licet Auctor morbum non tam catharsi, quam potius §<sup>io</sup> tribuerit. Neque aliorum opinor esse referendum HILDANI (y) casum de vidua, quæ sumpta a carnifice potiuncula (cathartica procul dubio) eadem adhuc die visum amisit, nec recuperavit. D. SENNERTUS (z) perinde „me-  
„ minit ... studiosum, cum ipsi a quodam  
„ medicamentum purgans fortius exhibitum  
„ fuisset, subito obcecatum fuisse „. Modus vero, quo catharsis hoc malum inducit, idem prorsus esse videtur, cujus in hæmorrhagiis meminimus, nimirum aut infarctus va-

(t) Medic. crit. cas. 79.

(u) Vide §. 90.

(x) Vide §. 68.

(y) Epistola 92 sub finem.

(z) l. c. L. I. P. 3. S. 2. C. 37.

forum ophthalmicorum, aut subita vasorum encephali inanitio. Infarctum fieri ab alvo fluxa in oculorum vasis docuit mea me praxis. Matronam habui curandam, cui familiaris medicus haud multo ante, nescio quo scopo, catharticum præscripserat, mite quidem, & clemente dosi; sed matrona mobilis admodum sexagies inde & amplius deiciens protinus in pessimam unius oculi inflammationem incidit, quæ aliquamdiu neglecta alterum quoque jam oculum impetebat. Ab suis deserta medicis meam tandem opem flagitavit. Revellentia, derivantia, aliaque consveta præsidia, solis cathartici vitatis, morbum sustulere. Pro amaurosi vero inanitioni subitæ vasorum tribuenda militat sequens I. C. A. MÜLLERI (a) casus haud vulgaris: femina 33 annorum paludoso in loco degens e 4<sup>na</sup> 9 menses, quin remediis usa sit, tolerata in universalem simul hydropem incidit. Febri ergo cortex Peruv. hydropi gummi guttæ & squilla opposita, utrumque auspicato. Sed apyreta detumescensque ægra conqueri cœpit de cœlo núbilo, serenum licet fuerit, moxque visus pedetentim ita peribat, uti tumor hydropicus

---

(a) Fränkische Samml. 4 Band 20 St. 3 art. 2 Beo. baecht. p. 135.

subsistebat magis, quo plane sublato visus quoque omnis ita periit, ut non nisi lucem a tenebris ægra discreverit. Accedentem vero simul aliquoties syncopen prohibiturus porro medicus dum arctis ægram fasciis constringi jubet, ecce lucis aliquid illa recuperat. Idcirco continuato fasciarum usui adjuncta interna roborantia ægrotæ pristinam reddidere sanitatem.

d) *Cholera* proinde tanto facilius amaurosin producere valet; siquidem eam cum vomitus tum catharsis seorsim produxerint. HILDANI (b) rusticus cum ab empyrico adversus epilepsiam aliquot jam annos molestam medicamentum vehementer ano catoque evacuans sumpisset, epilepsia fugata amaurosin est adeptus. Porro F. HOFFMANNUS (c) meminit infantis trimuli, variolis, cum vix  $\frac{1}{4}$  anni attigisset, correpti, quæ 3<sup>o</sup> post die evanidæ ipsum causarium effecere. Crebris primum catarrhis confectatus, in abdominis deinde duritiem lapsus est; contra quam præter alia emeticum bis datum spontaneos post se vomitus cum alvi fluxu reliquit, quæis consopitis supererat ingens langvor, cui amaurosis cum loquela

(b) Obs. & cur. med. chir. Cent. 5. Obs. 5.

(c) Med. rat. syst. T. 4. P. 4. C. 4. Obs. 4.



impedita læviqve brachii tremore crebro accessit. Tumidum erat caput, nares perpetuo siccae, crebri sudores fluxere; debilitasqve tanta, sub integro licet appetitu, alvo libera, bonoqve somno, ut corpus, etsi musculofum, dum ex lecto attollebatur, quasi collabi artubus videretur. Non perperam etiam huc TULPII (*d*) vir potest referri.

e) *Vigiliæ* crebræ, protractæ, quæ non modo spirituum fit dispendium, sed etiam humores uberius ad encephalon alliciuntur, vasa infarcturi, dissipata tenuiore parte minus meabiles. Sic vidit V. RIEDLINUS (*e*) militem 60 annis majorem, qui pacta mercede pro commilitonibus olim singulis noctibus excubias agens paulatim visu privatus est; licetqve cataracta remota fuerit, quæ aderat, visus tamen vix parum rediens brevi iterum periit non recuperandus. Cataractam ergo cum amaurosi e vigiliis nimis contraxit. Maxime vero vigiliæ cum licubrationibus nocturnis obsunt oculis, a quævis visum amifere studiosus CAMERARIÏ (*f*);

(*d*) Vide §. 35. d):

(*e*) l. c. ann. 4. Septemb. 15 p. 762:

(*f*) Vide historiæ 1.

HEISTERI (g) confiliarius, & hypochondriacus MARXII (b).

f) *Ptyalismus* uberior, seu ob inanitionem, seu infarctum vasorum ab humoribus copiosius ad caput ruentium; quod posterius manifesto accidit HILDANI (i) matronæ, TILLINGIIQUE (k) viro.

g) *Lactatio* profusa vel diuturna. „ A-  
 „ gnata mea, inquit P. SALMUTH (l),  
 „ ex succu trium infantium, unius scilicet  
 „ post alterum, cæca quasi evadebat ita,  
 „ ut uno oculo nihil omnino, altero vero  
 „ diminute saltem videre posset; cum tamen  
 „ nihil mali, h. e. nec inflammatio, nec  
 „ suffusio, nec quippiam aliud in oculis  
 „ appareret. Idem fere & FERREMONTII  
 „ uxori familiare erat: quotiescunque enim  
 „ lactabat, toties lippitudinem oculorum &  
 „ debilitatem visus incurrebat. Utrique ve-  
 „ ro post ablactationem visus & abolitus &  
 „ diminutus restituebatur, nec aliquid mali  
 „ in illis amplius restabat „.

(g) Vide histor. 4.

(b) Vide §. 90.

(i) Vide §. 115.

(k) Vide §. 68.

(l) l. e. Obs. 27.

h) *Venus* immodica. Amaurofin ex nimia venere ortam vidit curavitque aliquoties GORTERUS (m). Et „in genere, inquit „ M. ETTMÜLLERUS (n), observandum, „ nil magis nocere oculis, quam nimium „ veneris exercitium, adeo ut hujus solius „ occasione quosdam gutta serena affectos „ meminerim „. Confirmant rem BOERNERI (o) juvenis, HOFFMANNIque cum mecha illa (p), tum bini viri, juvenis unus (q), alter (r) 50 annorum militiæ præfectus, macer, sanguineo - melancholicus „ qui per longum temporis spatium „ veneris prælia acrius & infatiabiliter micens primum non modo langvorem, maciem, & consumptionem totius corporis, „ sed visum quoque deperditum sibi attraxit, & postea oculorum aciem plane amittit, ut omnia quasi per nebulas cerneret; „ donec tandem, ingesta avidius carne suil-

(m) Vide §. 89.

(n) Colleg. pract. L. 2. S. 2. C. 1. art. 1. membr. 4. Opp. T. 2. P. 1. p. 730.

(o) Vide §. 98. No 2.

(p) Vide superius in b).

(q) Conf. & resp. med. Cent. 2. Cas. 104.

(r) Diss. de morb. a nim. & intemp. venere §. 24.

„ la fumo indurata , febrem timens , vomito-  
 „ torium usurparet , & post ejus usum capi-  
 „ te mirum intumefcente cœcus prorsus red-  
 „ deretur „. Ita etiam D. PANAROLI (s)  
 „ juvenis quidam ob nimium coitum visum  
 „ amiserat , ut parum cerneret. Medico-  
 „ rum consilio coitu in posterum fugato vi-  
 „ sum recuperavit , cum etiam quotidie je-  
 „ juno corpore frustulum cinnamomi...  
 „ comederet „. Denique etiam C. F.  
 PAULLINI (t) „ virum novit eximie do-  
 „ ctum , at tenuioris texturæ , & valde  
 „ phlegmaticum , qui anno ætatis 59<sup>o</sup> juven-  
 „ culam & summe lascivam ducens , tertia  
 „ a nuptiis septimana ab immoderato coitu  
 „ in repentinam & omnimodam incidit cœ-  
 „ citatem , 4<sup>o</sup> demum mense calcabat viam  
 „ universæ carnis „. Neque improbabile  
 est , GÜNZII huc pertinere apud GEISLE-  
 RUM (u) „ juvenis exemplum... qui cum  
 „ sensim lumen amittens a plerisque evacu-  
 „ antibus cum sudoriferis tum fonticulis &  
 „ setaceo vexatus esset , tandem... valen-  
 „ tissimi generis emetica medicina , &...

(s) Obs. med. Pentec. 2. Obs. 28.

(t) Misc. nat. cur. dec. 2 ann. 5. append. p. 56.

(u) l. c. p. 18, 19.

„ argento vivo, sed sine salivatione, eo  
 „ cum eventu usus est, ut paulo post pror-  
 „ sus occoëcaretur; & post mortem inveni-  
 „ retur omnes cerebri partes siccissimas ha-  
 „ bere,,. Admodum enim casus hic BOER-  
 „ NERIANO est similis.

i) *Inedia longa.* Notatu dignus est  
 hanc in rem casus I. M. VORWALTNE-  
 RI (x): „ Religiosus... vir P. N. pro more  
 „ & instituto sacri ejusdem ordinis ad ere-  
 „ mum concessit, ibique jejunio aliisque  
 „ piis exercitiis vitam duxit satis austeram :  
 „ aliquando cum tenuissimo victu tempus  
 „ qvadragesimale celebraret, cœnamqve mo-  
 „ dica patella absolveret solo plane conten-  
 „ tus, subito vehementer capitis dolore  
 „ obrutus, brevi post oculorum acie hebe-  
 „ tata, tandem visu a latere ita amisso, ut  
 „ nomen ex pluribus syllabis combinatum  
 „ non nisi capite & oculis qvamlibet sylla-  
 „ bam seorsim sequentibus legere potuerit,  
 „ atqve, ut exemplo mihi transcripto utar,  
 „ nomine e. g. IOANNES scripto primam  
 „ tantum syllabam io. discernere licuerit ce-  
 „ teris prorsus exulantibus. Pariter inter  
 „ duos vel plures ambulantes junctim socia-

---

(x) Misc. nat. cur. dec. 3. ann. 5. Obs. 197.



„ tos unum solum e directo sibi obviam vi-  
 „ dit , quin speculum inspiciens dimidium  
 „ saltem oculi atque pupillæ repræsentari  
 „ semper observavit . . . Variis remediis . . .  
 „ usus pristinam videndi facultatem recupe-  
 „ rare non potuit „ .

## §. 40.

12. CONVULSIONES seu clonicæ seu  
 tonicæ haud raro amaurosin post se relin-  
 qvunt, in primis vero epilepsia , eamque  
 plus minus diuturnam, imo interdum perpe-  
 tuam & immedicabilem. CRAANEN (y)  
 vidit aliquando a magnis convulsionibus cœ-  
 citatem momento secutam fuisse ; sed anti-  
 spasmodicis exhibitis visum itidem rediisse.  
 C. E. ESCHENBACHII (z) „ puer nobilis  
 „ decennis circ. morbo affligebatur convul-  
 „ sivo , qvo speciatim caput in paroxysmo  
 „ retrorsum ducebatur dorsum versus , adeo  
 „ ut nucha aut frangi aut luxari videretur ;  
 „ cujusmodi insultus qvovis redibant mo-  
 „ mento. Postquam ultra octiduum morbus  
 „ duraverat , intereaque temporis medica-

(y) Lib. de hom. C. 100. p. 603,

(z) l. c. Obs. 44, schol. p. 376.

„ menta omnis generis copiosissima erant ad-  
 „ hibita, quamvis singula incassum, æger-  
 „ que ad extrema redactus erat, chirur-  
 „ gus... in hoc ægroti statu deplorato ene-  
 „ ma periclitandum commendat, admixta  
 „ reliquis ʒj. salis Anglici. Hoc effectum  
 „ edente nullum aliud sequenti die injicitur  
 „ enema, & cum illo sal. Anglic. ʒβ. Quo  
 „ facto excrementorum limum crassum refe-  
 „ rentium quantitas maxima post aliquod  
 „ temporis intervallum redditur; & convul-  
 „ siones immediate postea evanescunt peni-  
 „ tus. Ægrotus vero ad se rediens & gut-  
 „ ta serena laborabat, hinc visus facultate  
 „ penitus deperdita, & tantum non omni-  
 „ modam surditatem contraxerat. Succes-  
 „ su temporis interim hæc quoque sympto-  
 „ mata evanescebant, atque æger remediis  
 „ adjutus idoneis tandem cum sanitate in  
 „ gratiam redibat „ E. GOCKELII (a) au-  
 „ rifaber febre 3<sup>na</sup> spuria cum anorexia, debi-  
 „ litate stomachi, dolore lateris & hypochon-  
 „ driorum, virium jactura, alvo obstructa &c.  
 „ laborans, cum negligentius remediis utere-  
 „ tur, circa 12 diem in atrocissimas bidui con-  
 „ vulsiones cum aphonía incidit, 3<sup>o</sup> die ces-

---

(a) Misc. nat. cur. dec. 3. ann. 2. obs. 142.

fantes, & 4<sup>o</sup> die vehementius cum totius corporis membrorumque horrenda vibratione & concussione recrudescentes, cum inducta bidui cœcitate, quam 3<sup>o</sup> die ophthalmica adhibita discussere, superstitè nihilominus dolore capitis, laterisque, asthmate, alvo clausa. Quæ etiam ope enematum, catharticum, ac topicorum superatis æger sensim convaluit. L. HEISTERUS (b) meminit puellæ 9 annor. quæ mane post somnum januam versus tendens in syncopen lapsa est, citra pollicum in pugnum insertionem. Aliquo post tempore sibi reddita nihil inde ad 13 usque ætatis annum incommodi sensit. Tum vero anxietates vertiginemque sæpe experta, demum hora 11<sup>a</sup> meridiei ex humili sede rursus in syncopen lapsa est cum convulsionibus decies continuo revertentibus, donec injectum enema alvum solvisset, vomituque tenax mucus fuisset rejectus. Usa aquis Wisbadenensibus ac Schwalbacensibus nihil eo anno præter vertiginem notavit. Insequente æstate rediit gravis vertigo, convulsionisque bis aut ter repetiere, semper cum tenebricosa visus obscuratione. Licet vero ægra hyemem elapsam sat belle, si ver-

---

(b) l. c. 2 Band No. 195.

tiginem demas, transegerit, amblyopiam tamen obrepere sensit, temporeque gravioris vertiginis perfectam, fugacem licet, amaurosin, quæ tamen postea in continuum abiit. Annum 15 agens doloribus rheumaticis, præprimis femorum, vexata mensium fluxum natura credebatur: ideo 4 hebdomadis potus aquarum Schwalbacensium imperatus etsi habitum coloremque corporis emendasset, ægraque subinde mucii albi tenacis copiam absque incommodo vomuisset, in oculis tamen nihil omnino mutatum sensit. Interea sæpius, præsertim a meridie, accidit, ut ægra per momentum discerneret aliquid, sed mox iterum omne id evanesceret. Alias etiam lucidum quid, interdum vero flavum ac rubrum oculis obversabatur. Incaustum vesicantia femoribus admota, scarificatum caput, fonticulusque sub genu excitatus. Sæpius capitis nervorumque cervicalium tensiones percipiebantur. Perinde SEGERI (c) gravidæ post convulsiones & coma amaurosis superfuit. Apud MARTEAU DE GRANDVILLIERS (d) adolescens 15 annor. post esum multorum crudorum fructuum

---

(c) Vide §. 69.

(d) Journ. de Medec. &c. T. 13.



ac lacticiniorum incidit in vehementes convulsiones cum artuum tum aliarum etiam partium, quas V<sup>a</sup> S<sup>o</sup> in brachiis pedibusque primum, tum emeticum, dein catharticum, data crebriores etiam effecere; etenim insultus 4. 5. per diem repetiere, singuli 13. 15. minutorum. Primo artus convellebantur, dein abdomen intumuit, præsertim ventriculus, attactu dolens, & velut mobile quid continere visus, ex quo tamquam ex AEOLI pila ructus celeriter alius ex alio sub vehementibus spasticis motibus elidebantur, interpolati subinde clamore jam intenso & singultuoso, jam rauco & aspero. Postea tumor repente ad laryngem ortus ructibus exitum impediabat, tumque spiratio, prius jam difficilis, plus lædebatur. Interdum præter ructus etiam vomitus intenso acidi muci, vel cruenti etiam nonnunquam, cum soda aderat. Inter hæc oculi fixi erant, & nec digitis nec luce admota mobiles cum aphonia, visu tamen audituque illæsis. Post borborygmos copiosis flatibus ano elisis insultum somnolentia est secuta. Insultus noctu nunquam invasit, post quem æger lassus dextro capitis latere & lævo maxillæ condylo doluit, cetera hilaris & bulimo laborans. Urina turbida erat, & instar feri lactis alba, neque factò etiam sedimento albo claresce-



bat. Semel per nares, vomitum, alvum, lotiumque sangvinem excrevit, scil. a convulsionum vehementia. In dextro oculo a primis jam paroxysmis omnis pene visus interiit, pupilla parumper ampliore facta. Singulare fuit, ægro, quoties cæsaries (quam densam habuit) dextro in latere pectebatur, syncopen primum, tum convulsiones supervenisse. Cum spasmodicæ hujus cardialgiæ causa esset mucus acidus ventriculi, datæ largæ doses  $\text{℥}^{\text{um}}$  e lap. 69 & de Gutteta cum infuso Fl. Tiliæ: unde post 5 dies urina sanæ similis, fex alba & pingvis, prodire; tumor, dolor, bulimos, minuebantur; ructus ac vomitus rariores facti, minusque acres. Oculo dextro redibat visus, sed principio objecta omnia cœrulea videbantur, donec tandem æger sensim convaleuit. LYSON (e) refert casum puellæ, cui 3 acus improvide deglutitæ 8 hebdomades intra cœsophagum hærentes, nulla ope educendæ, causerunt inflammationem cum dolore, raucedine, & dyspnœa. Ægra nil nisi parum fluidi nutrimenti assumere valens, adeo brevi enervata est, ut vix lectum relinquere pot-

---

(e) A. G. RICHTER chir. Biblioth. I. B. 3 St.  
No. 3. p. 65.

uit. Tandem chirurgus cuidam successit acuum ope instrumenti ex offe balanzæ in ventriculum depulsio: quo facto omnibus mox symptomatis evanidis ægra brevi post recte valuit; at non diuturno tempore. Namque continuus dolor latus dextrum sub spuriis costis insedit, ad elevationem brachii dextri exasperatus, aut dum corpus antrosum sinistrorsumve flectebat. Rediit raucedo, cum vehementi tussi ac hæmoptoe. Dolor tussi vehementiore vel validiore corporis motu usque adeo incresecebat, ut ægra corruens non nisi post horam pedibus insistere valeret. Aliqvoties tantus erat, ut convulsiones induxerit, quæ inter cetera dextrum præprimis oculum corripientes eum sursum violente traxere, semelque 14 dies hoc eodem in situ reliquere. Semper autem postea per aliqvot dies visus huic oculo peribat. Similia quidem, sed longe mitius, oculus lævus patiebatur. Aliqvamdiu post dextro in humero parvus apparuit tumor dolorificus, post aliqvot dies rursus evanidus; sed brevi inde similis in humero lævo obortus, pus intra aliqvot dies colligens; quo aperto postero die acicularum una, ac post biduum duæ reliquæ, prodire; continuoque dolor lateris lævi, tussis, & hæmoptoe desit: ulcus brevi perfunctum est, & ægra non

multo post valetudinem pristinam recepit. Denique & W. WATSON (f) puellæ medicinam fecit, convulsionibus cum numero tum diuturnitate accessionum spectata vehementissimis obnoxia, quæ modo universi corporis musculos exagitabant, modo singulos vel saltem haud plures, quam qui ad unam aliquam pertinebant functionem. In altero hocce casu quemlibet paroxysmum finitum sequebatur eorundem musculorum paralysis convulsioni prægressæ proportionata, ut ægra sic ad varias functiones peragendas notabili tempore prorsus inepta redderetur. Sic post toleratam musculorum deglutitionis convulsionem puella per multas horas ne guttam quidem liquidi deglutire valebat, sed potus vel illico erat rejiciendus ore, vel certe alioquin suffocationi proxima fiebat. Si convulsio oculos invasit, ea finita interdum perfecta sequebatur amaurosis citra ullam vel clarissimi etiam luminis perceptionem vel minimam diffusæ pupillæ coarctationem, ita ut post unum id genus paroxysmum cæcitas 5 dies duraverit. Per principia morbi dum laryngis musculos malum corripuit, perfecta insultum aphonia est consecuta, quæ qui-

---

(f) LESKE l. c. § Band No. 17. p. 32. sqq.

dem etsi rursus defuit, haud multo tamen post a nova accessione denuo est effecta, in 14 menses durans, etiam ubi ægra jam a convulsionibus liberata sana vixit, usque dum tandem a 4 horarum saltu vehementer incalescenti loquela subito rediisset, quæ abhinc non amplius intercudit. Durante aphonia adeo simul memoria læsa erat, ut puella scribendi artem oblita fuerit, quæ redeunte loquela nihilominus denuo reversa est. Inter cetera ad aphoniam tollendam electricitatis ad laryngis regionem determinatæ vires tentatæ sunt; sed mox paroxysmos jam aliquot mensibus per remedia sopitos revocabant, a quibus visus iterum aliquo tempore interiit, ut proinde metu perpetuæ cæcitatæ ab electricitate desistendum fuerit, omneque negotium naturæ ac tempori committendum, donec a saltu, ut dictum, convaluit. Sic quoque amaurosin a convulsionibus sustinere ægrotæ LENTINI (g), ROTHARTI (h), binæ SCHEUCHZERI (i), TULLI quæ (k), & quæ ex PLATERO ac LEN-

(g) Vide §. 35. d).

(h) Vide §. 60. No. 4. f).

(i) Vide §. 39. a). & §. 60. No. 1.

(k) Vide §. 111.

TILIO (l) dabimus. Præsertim vero convulsiones epilepticæ, utpote diriores, amaurosim creant. M. GERBEZIUS (m) arcis præfectum vidit e colica epilepsiam passum, quæ cessante amaurosis superfuit, vacuantibus ac nervinis nihilominus fugata. Et „ vivit (ait) alias etiamnum hic... monialis, quæ epilepticis convulsionibus excæcata ultra anni dimidium nec hilum vidit, „ immunis interea omnino ab epilepticis insultibus: postquam vero ipsi quadam vice „ inexpectato rediissent, repente reversus „ erat & pristinus visus absque eo quod „ ulterius repetiissent soliti illi insultus „ (n). E. HAGENBORNII (o) pellio 50 annorum quadratus, vinosusque post plurimarum hebdomadarum vertiginem in epilepsiam periodicam lapsus cum antiepilepticorum usu eandem profligasset, visum continuo minui sensit usque ad plenam cæcitatem, quam nec ars medica nec reversi denuo epileptici insultus averruncare poterant; sed homo post aliquot menses variis symptomatibus exagita-

(l) Vide §. 41. b). & §. 76.

(m) Chronol. med. pr. Ann. 4. §. 50. p. 325.

(n) Ibid. Ann. 5. §. 33. p. 357. & Misc. natur. cur. Cent. 1. Obs. 130.

(o) l. c. Cent. 1. histor. 17.



tus tandem occubuit. Ejusdem pene com-  
 matis casum refert P. SPINDLER (p) : „ ma-  
 „ trona... ex mœrore & indignatione in  
 „ colicam incidit, qva per semestre spatium  
 „ misere divexata tandem capitis dolore  
 „ in sinistra parte corripitur tam gravi tam-  
 „ qve enormi, ut inde convulsiones epile-  
 „ pticas sæpius passa fuerit, ac subinde le-  
 „ vem quamdam visus debilitatem in sinistro  
 „ adverterit oculo, quæ tamen sua sponte  
 „ iterum evanuit. Cum autem mense De-  
 „ cembri domicilium permutans in aliam  
 „ domum & hypocaustum deportaretur, ec-  
 „ ce sub primum ingressum subito cæca o-  
 „ mnimode evasit, nihil turbatis aut vitiatis  
 „ oculis, quin iisdem salvis quoad exter-  
 „ nam apparentiam manentibus. Sicque  
 „ post multos alios cruciatus ex scorbutica  
 „ labe perpeffos tota emaciata cæca vitam  
 „ finiit „. Perinde „ puella quædam 8 an-  
 „ nor. inquit I. C. MENTZELIUS (q), e  
 „ schola domum rediens de capitis dolore  
 „ & lassitudine corporis cum calore enormi  
 „ conquerebatur, insequenti vero die sum-  
 „ mo mane epilepticis corripiebatur convul-

---

(p) Observ. medic. 3.

(q) Misc. nat. cur. dec. 3. ann. 9. obs. 36.

„ fionibus : unde parentes perterriti meum  
„ implorabant auxilium & consilium. Con-  
„ sideratis itaqve a me exacte omnibus cir-  
„ cumstantiis, præsertim cum puella digitis  
„ nares continuo fricaret, ... varia contra  
„ vermes medicamenta ordinabam ; sed ...  
„ convulsiones potius ex hisce exacerba-  
„ bantur, ita ut, quæ antea per intervalla  
„ affligebant, jam continuo sine intermissio-  
„ ne durarent, ægræque caput, oculi, ma-  
„ nus pedesque dies noctesque in motu ad-  
„ spectu satis horrendo cum omnium sen-  
„ suum deperditione essent ; oculos licet  
„ apertos semper teneret, nihil tamen vi-  
„ debat : nam candela accensa & ante ocu-  
„ los hinc & inde mota nullam causabatur  
„ nictitationem ; interrogata nihil responde-  
„ bat, nihil audiebat, neque medicamenta  
„ neque alimenta ipsi exhibita deglutiebat,  
„ ita ut singulis momentis illam e vita mi-  
„ graturam existimarem. Sed quid fecit ?  
„ In statu hoc deplorato per integras 6 heb-  
„ domades ... ita manebat : postea sensim  
„ sibi reddita ; convulsiones pedetentim re-  
„ mittebant, puella submurmurare aliquid in-  
„ cipiebat, atque potum & victum posce-  
„ bat, & medicamenta, quæ necessaria ju-  
„ dicabam, rursus adsumere incipiebat ; sed  
„ cœcitas, licet oculi clari essent, & ex-

„ terius sine omni labe conspicerentur, re-  
 „ manebat: neque pedes neque manus offi-  
 „ cium suum facere volebant. Post duo-  
 „ rum mensium vero cursum visus & vires  
 „ paulatim redibant, puellaque, quæ scele-  
 „ rati antea representabat, ἐπιστροφή facta in  
 „ integrum restituebatur, excepto dextro pe-  
 „ de, quem exacte movere nequit, hinc gres-  
 „ sum cum claudicatione habet difficilem „.  
 Cæcitatem ab epilepsia in parturiente etiam  
 I. STORCH (r) observavit; quod idem  
 epilepticis GOHLII(s), HIRSCHELII(t),  
 HOFFMANNI(u), WINCLERIQUE(x)  
 evenit, nec non matronæ S. SCHULTZII(y),  
 quæ a mensibus biennium suppressis ac nulla  
 arte referendis tumorem pedum & abdomi-  
 nis magnis cum torminibus est perpeffa.  
 Hisce remediorum ope sublatis supervenit  
 ex intervallis vertigo visuque debilis, ac  
 non multo post gravissima epilepsia; quæ ex-  
 hibitis remediis aliquot dierum inducias pa-

(r) l. c. Ann. 3. Octobr. Cl. 2. No. 10. p. 652.  
 sqq.

(s) Vide §. 112. b)

(t) Vide §. 68.

(u) Vide §. 83.

(x) Vide. §. 68.

(y) Misc. nat. cur. dec. 1. ann. 3. obs. 259.

cta oculorum post se convulsionem ac strabismum reliquit ; sed ad levissimum terrorem repetebat. Superata nihilominus supervenit sensim amaurosis , quæ cum pertinacissima illa mentium obstructione conjuncta nullis potuit præfidiis expugnari , ut ut efficacibus. Visis jam his multifariis exemplis superest, ut quæ ratione amaurosis e convulsionibus generetur , dispiciatur. Varii rem varie conceperunt. A. M. VALSALVA teste I. B. MORGAGNIO (2) circa bulbum oculi duos se annulos detexisse existimavit , majorem unum , alterum minorem. Major ipsi est sphincter quidam quasi muscularis , nervum opticum ambiens , efformatus e fibris trium musculorum rectorum bulbi , scil. superioris , inferioris , & interni , circuli in formam circum nervum opticum inter se implexis , quem circulum muscularem seu tendineo - carneum Auctor *annulum moderatorem nervi optici* compellavit : hincque amaurosin e prægressis convulsionibus ortam haud difficulter exposuit. Nempe si in illis etiam muscoli recti convellantur in oculo , convulso annulo moderatore nervi optici iste velut vinculo constrictus evadet paralyticus (a). Verum

---

(2) Epist. anat. 16. No 18.

(a) Epist. anat. 18. No 1.

enim vero cum solertissimus MORGAGNIUS (b) neutrum horum annulorum repererit, ruit omnis hæc theoria, quam etiam adoptaverat SAUVAGES (c). Nihilo tamen fecius idem, quod annulus, si adesset, facturus erat, fieri posse credit MORGAGNI (d) ab actione ipsorum muscutorum bulbi, quorum extrema ope duræ matris cum optico nervo firmiter cohærent toto ejus ambitu, dum ab iisdem varie convulsis velut a digitis undiqve comprimitur. Contra ea VIEUSSENIUS (e) WILLISIUS qve (f) convulsionum tempore nervos opticos a nervorum 3<sup>ti</sup> & 5<sup>ti</sup> paris furculis membraneisqve filamentis, quæ circum illos annuli in modum circumjacent, spastice constrictis comprimi, sicqve amaurosin oriri, existimabant. PLATERUS vero id genus amauroses maluit e nervorum opticorum contorsione, quam convulsi bulborum muscoli efficiant, repetere: quod neqve MORGAGNIO (g) displicuit: quippe cui doctrinæ magnopere faveat BIN-

(b) Ibidem & Epist. anat. 16. No. 23.

(c) l. c. No 8.

(d) Epist. anat. 18. No 1. sqq.

(e) Neurogr. L. 3. C. 2.

(f) Cerebr. anat. C. 21.

(g) De sedib. & caus. morb. Epist. 13. No 5.



NINGERI (*b*) Comes a pueritia amauro-  
sin ob nervos opticos contortos passus, id  
quod MORGAGNIUS convulsionibus hac  
ætate maxime contingentibus, testimonio HIP-  
POCRATIS (*i*) tribuendum esse arbitratur.  
Verum nulla non harum opinionum suis  
laborat difficultatibus, uti & illa, quam ne-  
mo vel somniavit adhuc, licet haud minus,  
ac priores dictæ, probabilis, quæ svadet,  
a compresso distractove nervo frontali per  
actionem musculorum bulbi valide convulso-  
rum ejusmodi amauroses consequi posse; quan-  
doquidem externæ ejusdem læsiones idem,  
ut paulo post (*k*) videbimus, efficiunt. Nam  
quantum ad nervi optici compressionem a  
convulsis oculi musculis attinet, non abs re  
id NOOTNAGEL (*l*), aut potius Præce-  
ptor ejus RICHTERUS, controvertit, siqui-  
dem „ oculi bulbus non semper fixum teneat  
„ locum, & ægrotus quoque post catara-  
„ ctæ extractionem, omnibus tamen oculi  
„ musculis spastice constrictis, lucem perci-  
„ piat „. VIEUSSENI vero sententiam

---

(*b*) Vide §. 29. c).

(*i*) Sect. 3. aph. 25.

(*k*) Vide §. 47. b).

(*l*) Diss. cit. §. 11.

iis saltem adversari notat „ qui in hisce par-  
 „ tibus tensionem, irritabilitatem vel sensi-  
 „ bilitatem non statuunt „. Et sane univer-  
 sis huc usque allatis opinionibus nonnullæ su-  
 perius datarum observationum haud respon-  
 dent. Etenim in ESCHENBACHII puero  
 cum præter amaurosin furditas quoque ab  
 opisthotono est relicta, quamvis circum ner-  
 vos acusticos nulli annuli moderatores, nul-  
 li muscoli, nulla filamenta seu nervea seu  
 membranacea, quæis velut vinculis constri-  
 ngi possent, reperiantur. Quod idem ratio-  
 cinium ad VATSONI casum accommodare li-  
 cet. Porro in HILDANI (m) rustico,  
 KRAMERI (n) puella, GERBEZII monia-  
 li, HAGENDORNII pellione, SCHUL-  
 TZII quæ matrona, haud nisi sublata epilepsia,  
 velut per metastasin quamdam amaurosis con-  
 tigit, & reversis convulsionibus GERBEZII  
 moniali visus quoque est reversus, contra  
 quam ex id genus hypothësis sperari pot-  
 uisset; cum quæis ne illud quidem satis com-  
 poni potest, quod nonnullis cessante jam  
 convulsione cæcitas lento passu obrepere in-  
 ceperit, velut in HEISTERI puella noven-

(m) Vide §. 39. d).

(n) Ibidem b).

ni. Longe itaqve veri est similis, amauroses a convulsionibus profectas infarctui vaforum encephali, præsertim ad organon visus pertinentium, deberi; quod & conjuncta ejusmodi amaurosi symptomata (ut vertigo, surditas, memoria læsa, &c.), & curatio per vacuationes, revulsiones, derivationes, &c. tueri videntur.

## §. 41.

13. DOLORES *atroces* variarum partium perinde sæpenumero amaurosin post se trahunt. Spasmodicæ sunt ut plurimum indolis; quandoquidem in manifestas haud raro convulsionibus erumpunt: proinde in modo amaurosin producendi cum convulsionibus conveniunt. Cumque de capitis doloribus inter symptomata (o) satis superque actum fuerit; hic reliquarum partium dolores amaurosin accersentes videndi sunt: cujusmodi est

a) *Odontalgia* sæva, post quam HEISTERUS (p) in adolescente rustico ad 19 annos nato perfectam lævi oculi amaurosin observavit, Væ Se tamen in pede, purgante

(o) Vide §. 19.

(p) l. c. 1. Band No 150.

draftico, nervino collyrio, aliisque inter-  
nis profligatam.

b) *Colica*, a qua amaurofin fufstinue-  
re HELLWIGII (q) monachus, HILDE-  
SII (r) femina, puella MORI (s), NEBE-  
LII (t) centurio, bini ægri RAYGERI (u),  
vir SCHROECKII (x), juvenisque TRE-  
WII (y). Perinde apud H. SMETIUM (z)  
mulier „ ex vehementia iliaci circum & sub-  
„ ter umbilicum doloris in visus obfcuratio-  
„ nem tantam devoluta eft, ut neutro ocu-  
„ lorum ne lucem quidem cernere poffet  
„ per integrum triduum. Idem cœcitatís  
„ vitium ex fimili iliaco affectu duobus ali-  
„ is... pugili, nec non... famulo poft ac-  
„ cidiffe meminit, quamvis non tam diu  
„ permaneret... Famulus ex iliaci crucia-  
„ tus acerbitate ante auroram neutro oculo-  
„ rum quidquam cernere potuit, & paulo  
„ poft epilepfiam paffus eft, qua finita, fum-

(q) Vide §. 97.

(r) Vide §. 104.

(s) Vide §. 68.

(t) Vide §. 97.

(u) Vide §§. 36. b). III

(x) Vide §. 97.

(y) Vide §. 83.

(z) l. c. p. m. 546;

„ ptisque pilulis evacuatus visum... recu-  
„ peravit „ (a). Haud secius C. M. ADOL-  
PHUS (b) virum 40 annis majorem vidit, e  
doloribus renalis calculi seu colica nephriti-  
ca atrocissima utroque oculo cœcum, nullo  
exterius conspicuo vitio, maloqve ad omnia  
remedia contumaci. Nonnunquam vero do-  
lorum vehementia in manifestas erumpit con-  
vulsiones, ac tum demum visu orbat. Vel-  
ut apud F. PLATERUM (c) „ ex colico do-  
„ lore quædam convulsionibus correpta vi-  
„ sum omnem amisit adeo, ut admotum lu-  
„ men oculis apertis intueretur vel scintil-  
„ lam splendoris se videre negans. Post tri-  
„ duum iterum visum recuperavit. Exactis  
„ aliquot annis denno colicis passionibus ob-  
„ ruta, & convulsionibus cœca facta, sed  
„ iterum visum recepit; redeuntibusque post-  
„ ea fere quotannis hisce affectibus, tan-  
„ dem extincta est. Aliam nobilem post co-  
„ licos dolores & convulsiones similiter ex-  
„ cœcatam vidit; causam epithematibus fri-  
„ gidis, quæ fronti suæ frequenter apposita  
„ fuisse dicebat, imputans. Hæc nullo modo

---

(a) Ibidem p. 550.

(b) Act. nat. cur. Vol. 2. Obs. 87.

(c) l. c. p. m, 104.



„ amplius ab hoc affectu sanari potuit, sed  
 „ ad finem vitæ cæca permanfit,,. Ita quo-  
 qve H. SMETII (d) „juvenis robustus, ala-  
 „ cer, lanista, ex iliacis malis in capitis do-  
 „ lores, epilepsias, & oculi utriusque cœ-  
 „ citatem cum magna virium prostratione  
 „ & difficultate mingendi devolutus. Reva-  
 „ luit,,. Idem etiam LENTILII (e) ma-  
 trona est experta.

c) *Partus* quoque dolores diuturniores  
 huc referri possunt, qui cum laboriosis nixi-  
 bus conjuncti facile amaurosin producant:  
 quemadmodum HOECHSTETTERI (f) par-  
 turienti evenisse vidimus.

### §. 42.

14. STERNUTATIO crebra vehemens  
 duplici ex capite amaurosin generare valet;  
 est enim & convulsionis genus, & simul ve-  
 hementissimis nixibus (g) peragitur. F. HIL-  
 DANI (h) adolescens, dum ex pacto ster-

(d) l. c. p. m. 549.

(e) Vide §. 76.

(f) Vide §. 33. b).

(g) Ibidem.

(h) Vide §. 115.

nutasset centies & amplius, cœcitate pœnas temeritatis luit. Eo vero facilius etiam sternutatio malum creat, si vel ante jam visus erat labefactatus, vel infarctus vasorum aliqua in capitis parte præsto est, v. g. præsentem narium catarrho, &c. „ Novimus, inquit F. DECKERUS (i), matronam quamdam jam cœcam, quæ primo non nisi oculorum hebetudine levi affligebatur, jussu vero... Medici... sternutatoriis bis terve in hebdomade mane utebatur; unde malum in dies ita fuit auctum, ut cœca inde facta sit „. Perinde E. HAGENDORFII (k) puella e plurium dierum capitis catarrho cum sternutatione crebra ac vehementi visum prorsus amisit.

## §. 43.

15. HEMIPLEGIA, a qua juveni WILLISII (l) dextrum latus afficiente oculi quoque dextri visus interiit; quemadmodum etiam HENCKELII apud S. SCHAARSCHMIDT (m) viro apoplexia in hemiple-

---

(i) Exercit. med. pract. Cap. 1. p. m. 26.

(k) l. c. hist. 55.

(l) Vide §. 32. b).

(m) l. c. No. 21. p. 197.

giam finistri lateris terminata tacto imperfecta lævi perinde oculi amaurosis cum palpebræ paralyfi accidit: cumque post Væ Sem aliaque præsidia motus brachio pedique aliquatenus redire videretur, æger nihilominus die 3<sup>o</sup> obiit. Dempto cadaveri cranio dura mater a læva aliquantum elevata ac livescens apparebat, sub qua, ubi incisa fuit, copia sanguinis concreti est reperta, qui omne fere lævum cerebri hemisphærium usque ad basin cranii tegebat. Vena ophthalmica sinistra admodum erat ampla, ac sanguine velut farcta, dum dextra prorsus vacua esseprehenderetur. Multo digniorem notatum casum ad posteros dedit F. GEACH (n): vir pugione circa externum lævi oculi canthum adacto ac trans bulbum versus cranii basim ad internum usque orbitæ latus impulsio vulneratus corruit illico aphonus, omnium sensuum expers, ac toto latere dextro paralyticus factus. Facta mox Væ Se sanguis eductus non usquequaque cohærebat. Postero mane æger supinus jacuit oculo dextro patulo cum pupilla admodum diffusa, citra ullum in eodem visum, tametsi conclave fuerit lucidum; quippe quem æger ad promotam versus illum

---

(n) L E S K E l. c. 5. Band No. 58. p. 257.

manum , digitosque eidem impositos non clausurit: verum tamen interdum convulsivo motu gyrabatur. Lævus oculus ex orbita extrusus , elapso licet omni humore usque adeo tamen tumebat , ut ovum gallinæ æquarit. Pulsus lentissimus erat, debilissimusque, & digito vel lenissime appresso non sentiendus. Calor corporis fuit naturalis , exceptis paralyticis membris , quæ prorsus cærulea rigebant frigida. Nec Væ So vel minimam sensationem, nec vesicantia , licet aliquot dies adhærentia, ullum dolorem excitarunt. Paralyticæ partes insensiles perpetuo erant sudore viscido coopertæ. Æger nec inquietus fuit, nec anxius; omnesque naturæ vires ferè prorsus videbantur abolitæ, solis majoribus valis ac visceribus motum vitamque sustentantibus: abdominis quoque functiones admodum erant labefactatæ; siquidem nec mitia nec drastica cathartica alvum movebant, neque etiam complura data enemata excernebantur. Lotium plerumque guttatim tantum prodibat, interdum tamen copiose erumpebat. Auditus etiam admodum fuit imminutus , ægro jacente comatoso & insensili; nihilominus tamen tracto brachio vel agitato corpore vel iterata inclamatione linguam exerere iussus os late aperiebat , apertumque (procul dubio sui illico oblitus) diu te-

nebat, in quo linguam retractam tremulamque videre fuit. Hocce in statu insensibilis æger jacuit plenis 5 hebdomadis, ingesta aliqua cum aviditate glutiens, quin tamen vel cibos discerneret, vel ab iisdem recrearetur. Postmodo vero maxilla cœpit fieri minus mobilis, ut ægro suapte bibere non valenti potus fuerit instillandus: hypochondria simul dura & intenta facta cum alvo nulla arte referenda. Tandem sanis in membris copiosa subito miliaria erupere; atque ex hoc tempore æger liberius perspirare cœpit, obsequentiore facta maxilla: urinæ debita copia prodibat, & jam lenia quoque cathartica prompte agebant: hypochondria mollita subsedere. Materia etiam ex oculo profluens, hactenus valde acris, meliorem induit indolem, uberiorque obtenta. Oculo dextro motus visusque rediit pristinus, & æger sua ex insensibilitate expergefactus magis sui compos erat ac sentiens; breviqve post e lecto in fellam citra defatigationem effatu dignam transferri poterat. Paralyticæ partes fortiter aceto ac sinapi perfricabantur, ægroque ter quotidie dabatur sequens bolus in fero sinapino



R. ♂ Valerian. ʒſ

Castor. Ruffic. gr. jv.

Spec. diamb. gr. iij.

Syr. Croci q. ſ.

Jam ante qvotidie tumori & inflammationi admovebatur cataplasma e semella cum lacte, & propter aphoniam gargarisma e thymo ac sinapi imperatum. Ubi primum emendari æger manifeste cœpit, prehendebatur subitis insultibus cachinnationis citra febrem, subinde tamen eorum in locum tacitus tantum aliquvamdiu Sardonio risu tenebatur. Ambulaturus exercebat motus eorum instar, qui chorea s. VITTI laborant, cum hebetudine, unum pedem prompte projiciens, altero cum tremore post se tracto. Appetitus nunc prorsus naturalis vigeat cum somno sanorum instar ac reficiente: auditus acutus erat; sed inter loqvendum syllabas non rite segregabat. Motus qvoqve brachio ac femori paralytico sensim revertebatur. Interea a tempore inflicti vulneris ad emendationis usqve statum sui impos omniumqve rerum erat inscius; ac tametsi ex oculo varia magna frustra & crustæ abscefferint, suppuratione ubertim procedente, partium tamen magnitudo cum inflammatione haud prius minuebatur, quam fots adstringens e fol. ros. rubr. c. vino Lusitanico fuisset adhibitus, qvo laxis

partibus ita tonus rediit, ut palpebræ oculum læsum protegere possent. Denique amborum etiam oculorum amauroses hemiplegia inducere est observata. I. I. WEPFERI (o) Antistes 63 annorum gracilis ac pallida post ternos vertiginis insultus in hemiplegiam lateris dextri incidens utroque simul oculo capta est: periit etiam loquela, at non vox ipsa. Vesperi vehementissime vomuit, primum cibum, tum mucum, bilis nihil, citra ullum capitis dolorem. Duravit cæcitas triduum, 4<sup>o</sup> die lævo oculo visus rediit, dextro vero non nisi post annum, durante nempe tamdiu hemiplegia; quam ubi mense tolerasset, pharyngis quoque paralyfis accessit, ut sola duriora deglutire valeret, nulla vero liquida, quæ omnia per nares regurgitabant; mollia quoque per  $\frac{1}{2}$  annum deglutire haud poterat, ac postea levem etiam ob causam laryngi aliquid ingestorum illabebatur, sicque hærentia faucibus cum impetu ejicere cogeatur. Durante pharyngis paralyfi faucium inspectarum pars dimidia albicabat. Novem post hemiplegiam annis tertianam vernam 13 hebdomadam sustinuit. Inde in cachexiam prolapsa diuturnam, 24<sup>to</sup>

---

(o) l. c. Obs. 170.

anno post, quam hemiplegia defuisset, adhuc ita visum auditumque habuit disparem, ut dextro e latere melius videret audiretque, quam e sinistro.

## §. 44.

16. O P H T H A L M I A ob majorem vasorum retinæ & optico nervo contiguorum infarctum sæpenumero amaurosim efficit. „ Sæpe fit, inquit H. BOERHAAVE (p), ut „ gravedine laboremus, id est inflammatione membranæ... pituitariæ, unde ab arteriis intumescantibus comprimitur nervus „ olfactorius, ut nullus adsit olfactus: eodem modo hoc fit in nervo optico, ubi „ arteriæ huic nervo tributæ inflammatae „ comprimunt ita filamenta nervi optici, ut „ facultas visus deleatur „. Hinc RICHTERUS (q) „ ophthalmiam (ait) vehementem „ pertinacissimam creare amaurosim expertus sum. Viro 40 annor. cataracta, „ quam ante 10 annos optimo cum successu „ deprimi sibi passus erat, subito fortuitoque „ ascendit iterum, & per pupillam in „ cameram anteriorem prolabitur, & pau-

---

(p) l. c. §. 111.

(q) Obs. chir. l. c. C. 5. p. 75. sq.

„ lo post vehementem oculi inflammatio-  
 „ nem parit, quæ, cum non aderat, qui  
 „ incisa cornea extrahere lentem audebat,  
 „ per 5 hebdomades ægrum eadem vehe-  
 „ mentia excruciat. Tandem ad me ve-  
 „ nit. Extracta lente ophthalmia quidem  
 „ evanuit; perditam autem durante ophthal-  
 „ mia hujus oculi videndi facultatem æger  
 „ non recuperavit „. I. LANZONI (r)  
 vir 38 annor. post sævam dysenteriam ad-  
 stringentibus male repressam incidit in dolo-  
 res articulorum, quæis litu anodyno perinde  
 discussis paucos post dies successit ophthalmia  
 dolorifica in inmedicabilem definens cœcita-  
 tem. Perinde F. HOFFMANNI (s) matro-  
 na 49 annor. semper sana, nisi quod a tene-  
 ris spirandi quadam angustia laborarit; va-  
 riis interea molestiis ac refrigerationibus ex-  
 posita, biennio menses anomalos mox lar-  
 gos mox trimestri suppressos experta, demum  
 eosdem prorsus amisit: unde sæpius ophthalmi-  
 am nacta est; quæ cum postremum gravior cum  
 dolore pungente dextrum primum, tum lævum  
 quoque oculum corripuisset, supervenit etiam  
 pupillæ dilatatio cum imminutione visus pau-  
 latim ita aucta, ut ægra nihil demum discer-

---

(r) Misc. nat. cur. dec. 2. ann. 10. Obs. 87.

(s) Conf. & resp. med. Cent. 1. Casu 44.



neret. Doloribus postea cedentibus inflammatio non penitus desiit, & lens crystallina dextra justo albidior evasit, in sinistro autem oculo nil nisi pupilla dilatata cum humoribus conturbatis observabatur. Incaſſum ad-  
versus hæc mala pugnatum. Væ Sbus pedis brachiiqve, vesicantibus, fonticulis in brachio ac nucha, pediluviiis, collyriis, facculis discutientibus, catharticis, ☿ libus, sudoriferis, millepedibus cum cinnab. nat. nec non Spadanis aquis, malo non tam cedente, quam potius ingravescente. Ita & ejusdem (t) vir 57 annor. cholericus, robustus, semperqve sanus, cum 9 abhinc annis e graviter contuso a lapsu capite bihorio post subito ingenti visus obscuratione cum crebris animi defectio-  
nibus, ac ipsa demum apoplexia correptus, secta vena, frictionibus, nervinis nuchæ capitiqve admotis, internoqve resolventium usu, prorsus iterum convaluisset: attamen mansit imposterum doloribus capitis, vertigini, nebulæ oculorum, susurro aurium, aliisque capitis affectionibus, & ophthalmiis, præsertim oculi sinistri, obnoxius. Lapsis 4 annis lævi oculi ophthalmia denuo laborans, iterqve traha aperta sævo in frigore faciens, ita

---

(t) Ibidem Casu 48.



hunc oculum læsit, ut corruptis humoribus visus ab hoc tempore in eodem penitus perierit, nullo licet conspicuo extrinsecus vitio, præter paulo ampliorem & ad lucem immobilem pupillam, coloremque ejus gryfeo lucidiorem. Tum vero dexter gravius affici & crebra caligine tentari cœpit, quæ modo per aliquot horas modo tota die durare sivevit, & semper vel somno vel pediluvii vel suffitu capitis cum resinis catarrhalibus & herbis nervinis solvebatur. Postremo cum denuo sæva hyeme caput frigori in itinere exposuisset, dextri oculi ophthalmiam contraxit insignem cum vertigine, dolore capitis, nebula & caligine, &c. Discussa intra paucos dies ophthalmia visus eo evasit obscurior cum dolore intra orbitam, somno haud amplius, ut ante, depellendus: imo obscuritas hæc postmodo periodice affligebat, ita ut tribus circiter post somnum finitum horis ingruens ad 3<sup>am</sup> meridianam usque duraret, visu vesperi facto acutissimo. Nec semper jam, ut ante, vertigine, nec tam gravi saltem, si adesset, stipabatur. Verè tamen appropinquante usu nervinorum, catharticorum, pediluviorum, ac vesicantium æger tantum profecit, ut malum non nisi meridiano tempore 3. 5. horas levissime affligerit. Potis denique intra 4 hebdoma-

des aquarum Aquisgranensium 130 lagenis seu lb 650, & quod alvum non moverent solæ, sale Epsloniensi acuatīs, sæpe inde quotidie dejiciens a capitis doloribus est liberatus, caligine visus nihilominus quotidie, sed sine symptomatibus recurrente, & semper per gradus invalescente, ut sæpius nec homines discernere æger quiret. Oculus vesperi lucem non ferebat; æstate cœloque sereno melius habebat, deterius vero hyeme, aereque vappido ac nebuloso. Notatu dignum est, ab axungia gallinæ oculo sub accessione mali instillata oborto ardore ac pruritu caliginem ad aliquot horas, quin aliquoties plane fuisse discussam visu effecto clarissimo. Cetera æger per omnia recte valebat, nisi quod fluxus hæmorrhoidum jam a 4 annis statō tempore recurreret. Varia ex arte præsidia fuerunt adhibita ad morbum tollendum; sed sine successu. In idem mali genus ex ophthalmia & matrona DONATI (u), & BLOCHII (x) femina, & vir VELSCHII (y) inciderunt. Sed non est hic prætereunda singularis plane mydriaseos cum

---

(u) Vide §. 16. c).

(x) Vide §. 37. e).

(y) Vide §. 24. b).

amaurosi incipiente ex inflammatione oculi historia, quæ Cl. DEMOURSIO (2) debetur: matrona ad 60 annos nata, temperamenti ficci ac biliosi, finiente Augusto incidit in ophthalmiam oculi lævi, quæ celeriter in palpebras, malas, frontem, tempora, & capillatam ejusdem lateris partem propagabatur. Materia inflammationem causans formabat squammas, omnesque ab ea humectatæ partes erant admodum sensiles ac dolentes. Ægra fuit lucis impatiens. Qui status trimestre ferme duravit, licet complures Væ Ses factæ, depurantia, lenientia, aliæque in erysipelate squammoso usitata fuerint data. Idcirco ægra omnia demum nauseavit remedia, usque dum a Cl. SYLVA & DEMOURS opem flagitasset. Inspectis tum oculis dexter cum inculpatus esset, sinistri inflammatio insignis adhuc, etsi minor quam ante, fuit. Frons intense rubebat cum dolore punctorio, in qua identidem pustulæ efflorescebant rubella & acerrima aqua referatæ; quæ acrimonia in omnibus præsto erat humoribus, præprimis autem in saliva, lacrymis, ac sebo glandularum MEIBOMII.

---

(2) Zusätze zu den medic. Versuch. u. Bemerk. der Edinb. Gesellsch. 6 Band No. 2. p. 201. fqq.

Palpebræ , maxime superior , inflammatae erant cum tumore ac dolore. Fluxus lacrymarum parvus erat , sed acer , & materia effluens per noctem indurescebat. Cornea transparens leve , longum , exilissimumque instar fissuræ , ac bifidum ulcus , circiter ad lineam infra corneæ centrum , habebat, quod ab uno corneæ margine ad alterum usque transversim excurrrens illam in duas inæquales partes dirimebat , quodque ortum suum dubio procul acrimoniæ lacrymarum somni tempore intra tharfos per lineam illam corneæ versus puncta lacrymalia decurrentium debebat. Vicinæ huic ulceri partes parumper erant opacæ , quin tamen vel visui multum officerent , vel impedirent , quo minus humorum intra bulbum conditio observari potuerit ; siquidem plus quam dimidium corneæ nativam retinuit pelluciditatem , radiosque lucis inoffense trans mittebat. Pupilla fuit admodum ampla , immobilis , parumper oblonga , axe minimo transversim sito , ac 3 circ. lineas æquante , id quod ex iridis ambitu facile potuit æstimari , qui ubi latissimus fuit, lineam excedere haud videbatur , adeo ut annulus uveæ calculo PETITI 5 lineas metiens , & iris e quovis ejusdem latere lineam efficiens , tantum 3 adhuc in obliqua pupillæ diametro habuerit. Axis seu diameter pu-



pillæ normalis major erat, ac pupilla sic factis oblonga esse videbatur, cujus figuram parumper irregularem reddebat angulus quidam in imo lateris tempora respicientis observabilis. Pone pupillam albida quædam opacitas, in sano oculo non videnda, conspiciebatur, magis vero e latere quam e directo inspicienti notabilis, quæ a minus peritis facile pro cataractæ rudimento haberi potuisset, cum tamen nil aliud fuerit, quam ipsius mydriaseos effectus, quippe quem nimia lucis radiorum trans diffusam pupillam illabentium, ac pro parte a bulbi tunicis in pupillam denovo reflexorum, copia, non vero opacitas ulla, produxerit. Visus oculi læsi fuit imminutus; quandoquidem matrona non nisi mediocres magnitudines discernebat (v. g. majores in libri titulo literas vix noscebat, minores vero, aut extra opticum axem sitas nullatenus), omniaque objecta ope hujus oculi tanquam velo cooperta ipsi apparebant, ac multo etiam minora, quam dum sano illa oculo, cujus pupilla erat arctior, contuebatur: quod phænomenon PLATERUS (a), PLEMPIUS (b), aliiqve, velut optices le-

---

(a) Prax. med. L. I. C. 7.

(b) Ophthalm. L. 4. probl. 59.



gibus adversum pro Veterum, scilicet O R I -  
 B A S I I (c), A E T I I (d), Æ G I N E T Æ (e),  
 &c. commento perperam habuere. Idcirco  
 ob superstitem adhuc oculi vicinarumqve  
 partium inflammationem V<sup>æ</sup> S<sup>c</sup> in pede (9<sup>a</sup>  
 jam hoc in morbo) facta datum serum la-  
 ctis principio ad ʒ viij cum syr. fumar. ʒ ij  
 & sal. sedat. gr. v. & quotidie interdum aquæ  
 Passi pinta j. bibenda imperata. Inde aucta  
 sensim feri lactis dosis ad congios sex, ac  
 loco aquæ Passi data ptisana tenuis ligni Gua-  
 jaci; quorum sub usu toto curationis tem-  
 pore identidem leniter purgabatur. Extrin-  
 secus initio fotsus admoti e decoct. emoll. &  
 lenient. jam ex aqua communi, jam e de-  
 cocto capit. papav. interdum e tenui infuso  
 rad. althææ vel sem. cydon. quorum usus pro  
 gradu stimuli continuabatur vel intermitteba-  
 tur, eorumqve in locum adhibebantur fo-  
 tus discutientes e decocto hyssopi, qveis sen-  
 sim magis discutientia & adstringentia adde-  
 bantur, ut fl. chamom. meliloti, V, & ro-  
 sæ rubræ. Porro quotidie oculo instillabatur  
 gutta j. collyrii e mucil. cydon. & crusta fac-

(c) Synops. L. 8. C. 44.

(d) Tetrab. 2. Serm. 2. Cap. 52.

(e) L. 3. C. 22.

chari dicta parati. Ab his ulcus corneæ brevi coaluit, sed minimo regiminis vitio, quod uberiores solito fluxum lacrimarum causavit, facillime recrudit, quoad usque humorum acrimonia diuturno depurantium usu & idoneo regimine fuisset temperata; tuncque ulceris in loco nil nisi levis nubecula superfuit, visui nullatenus officiens, ut quæ infra centrum corneæ, non vero e directo pupillæ, sita fuerit. Symptomata sensim minuebantur, brevique post Væ Sem pupilla minus abnormis, minusque diffusa facta, mobilitatis aliquid nacta, sed ovalis adhuc mansit cum diametro dupla pupillæ sanæ. Objecta jam auctiora ac magis distincta apparebant, ut jam literas minutiores ægra conspiceretur. Prout palpebrarum tumor oculique inflammatio cedebant, quod bimestri curatione est prorsus obtentum, ita iridi quoque redibat motus usque ad pristinam demum figuram & arctitudinem, cum quævis pristinus quoque visus est reversus.

### §. 45.

17. CATARRHUS *capitis* quam facile amaurosin producere queat, vasorum pituitariæ membranæ infarctorum cum vicinitas ad vasa oculi, tum origo cum hisce commu-

nis haud difficulter persuadebunt, quemadmodum & sternutationum catarrho familiarium frequentia; velut in puella HAGEN-DORNII (*f*) vidimus, & cujus e BLOCHIO (*g*) dedimus historiam. Sic etiam HOFFMANNI (*b*) puero catarrhus amaurosim attulit. Eo vero promptius etiam e catarrho amaurosis enascitur, si ipso hoc tempore oculorum acies fixiore minutorum objectorum aspectu fatigatur, ut LENTILII (*i*) mulier est experta.

## §. 46.

18. FEBRES autem cum sæpenumero, tum non sine magna varietate amaurosim progignunt. Neque vero acutæ tantum continuæ, sed intermittentes etiam visui insidiantur, idque duplici utræque lædendi modo, nimirum aut vehementi humorum per vasa, præsertim encephali, motu, aut maleferiata metastasi ad vasa oculi facta. Et ut ab intermittentibus ordiar, neminem latet, quan-

---

(*f*) Vide §. 42.

(*g*) Vide §. 37. e).

(*b*) Vide §. 104.

(*i*) Vide §. 60. No. 5. d).

tæ sæpe illarum in paroxysmis circulationis turbæ caput ægrotantis circumagant, dum vasa nimio humorum impetu distenduntur. Si ergo maxima vis morbi in vasa oculorum conversa fuerit, cœcitatem inducat, oportet, nonnisi sedatis his turbis desitutam. B. TIMÆI (k), Princeps febris semitertiana gravissimè decumbens ingruente paroxysmo decaligine quadam oculorum & obversantibus corpusculis, mox de visus diminutione, paulo post de omnimoda ejusdem abolitione querebatur adeo, ut nec adstantes nec alia objecta dignoscere posset: remittente febris sensim remittebat oculorum obtenebratio, eadem recurrente recurrebat & visus diminutio, subsequensque ejusdem abolitio. Similem quoque casum notavit BERTRAND (l). Porro F. I. MOLITOR (m) febris 3<sup>æ</sup> castrensis epidemicæ paroxysmos describens, habuimus (inquit) etiam, sed paucos, quorum paroxysmus in reliquis sanorum caligine oculorum inci-

(k) l. c. casu 27.

(l) Vide §. 90.

(m) Diss. de febre cont. malig. & intermitt. 3<sup>na</sup>, utraqve ad Rhenum A. 1734. & 1735. epid. & castrensi. Apud HALLER Disp. ad morb. hist. & cur. fac. T. 5. No 165. p. 270.

„ piebat, paroxysmum 3 vel 4 horas ante-  
„ gressa, & usque ad eruptionem sudoris in  
„ sine paroxysmi durante,,. Idem est in fe-  
bre intermittente larvata amaurosin mentien-  
te, qvalem STÖRCK (n) in viro observavit,  
& cujus profapiæ forte complures illarum  
sunt, qvarum superius (o) meminimus.  
Contra vero dum præpostera medicatione  
vel suapte natura elangvescunt, haud raro  
accidit, ut erroneo naturæ conatu morbi vis  
in vasa oculi commigret, ibique infarctu eo-  
rum facto nervum visorium premendo visum  
pessundet. Sic „vir 33 annor. cholericus,  
„ macilentus, narrat G. E. HERMAN-  
„ NUS (p), febre continua corripiebatur, in  
„ 3<sup>am</sup> intermittentem tandem transeunte.  
„ Utitur... vomitorio, & 3<sup>a</sup> intercalari die  
„ purgante, a quibus paroxysmorum sentie-  
„ bat diminutionem. Ad hos sopiendos ef-  
„ sentiam amaram cum Cascariellæ mixtam  
„ sumit. Inde levamen habens æger iter  
„ facit cælo pluvioso. Rediens vespere, &  
„ ira excandescens, noctem inquietam cum

---

(n) Vide §. 90.

(o) Vide §. 11. No 2. b).

(p) Primit. Phys. med. Polon. Vol. 2. Obs. 22. p.  
269. fq.



„ frigore & æstu alternante patitur, mane  
 „ torpor adest corporis totius, & recidivam  
 „ metuens infirmus rogat Medicum, ut fu-  
 „ get febrim imminuentem... Hic... por-  
 „ rigit  $\text{℥}^{\text{em}}$  ex chinæ  $\text{℥j}$  & arcano duplica-  
 „ to. Reiterat hanc dosin m. & v. per 6  
 „ dies: patiens quavis die hora 9<sup>a</sup> matuti-  
 „ na, prævia levi pandiculatione & oscita-  
 „ tione, rigore leni cum intensissimo calore  
 „ & vehementibus capitis doloribus prehen-  
 „ debatur. His duobus afflictus symptomatibus  
 „ incidit in abdominis intumescentiam, vi-  
 „ sus imminutionem, & tandem plenariam  
 „ cœcitatem. . . . Præmissis universalibus,  
 „ laxantibus, apozemate LINDANI, ene-  
 „ matibus, pediluviiis, frictiones abdominis  
 „ suadebam, conjunctis deobstruentibus:  
 „ quibus per 10 dies adhibitis febris iterum  
 „ 3<sup>na</sup> provocabatur, post cujus 2<sup>um</sup> acces-  
 „ sum remittebat occœcatio, & tandem per-  
 „ fecto restituebatur visui. .. Febrim  $\text{℥j}$  cor-  
 „ ticis profligabam,,. Perinde A. LEBEN-  
 „ WALDII (q) rusticus adolescens 15 annor.  
 „ deglutita vix chartula certis characteribus  
 „ insignita, quam venator ad 3<sup>nam</sup> fugandam  
 „ ei præbuit, tantopere caput sensit inde tur-

---

(q) Misc. nat. cur. dec. 2. ann. 2. obs. 106.

bari, ut sono in eo oborto crediderit campanas totius orbis ab se audiri. Postea statim successit immedicabilis cœcitas, nullo conspicuo in oculis vitio præter ampliores nigrioresque solito pupillas. Binos quoque id genus casus memorat I. G. SEGNITZ, unum de sodali ferrario (r), alterum (s) de puella, cui a præpostero usu ðis antifebrilis suppressa febre intermittente visus penitus interiiit. Ita etiam civi cuipiam visum, quem a suppressa 4<sup>na</sup> post 14 dies ex integro amisit, idoneis remediis aliquatenus iterum restituit WOGAU (t). Sic & ALISCHERI (u) ancillæ, & COLLINI (x) juveni cortice sublata 3<sup>na</sup> visum sustulit. Mirabilis autem illa 3<sup>na</sup> fuit, quæ ab O. ACRELLIO (y) observata ex indole sua amaurosim in discessu suo relinqvebat. Grassabatur hæc ab autumnno 1743 ad insequentem usque æstatem in hy-

(r) BÜCHNER l. c. Maji Cl. 4: art. 8. p. 1066:  
(Vide §. 101.

(s) Ibidem p. 1067.

(t) Annal. Vratisl. Tent. 25. A. 1723. Sept. Cl. 4:  
art. 10. p. 323.

(u) Vide §. 70.

(x) Vide §. 79. A.

(y) Act. Svec. Vol. 11. Trim. 4to artic. 6:

bernis Gallorum ad Rhenum circum Lauterburgum ac Fortluis. Mensibus Septembri & Octobri febris hæc perfectum 3<sup>æ</sup> typum habuit, lenibusque potissimum remediis absque Cortice curabatur citra ullum alium subsecutum morbum, ne in iis quidem, qui recidivam etiam experti sunt. At sub finem Octobris ac in hyemem porro febris fiebat vehementior, suoque in discessu relinqvebat amaurosin, adeo ut Cl. Observator e numerosis nosocomii sui Lauterburgensis ægris nullum meminerit, qui a febre illa discedente læsum visum non fuisset expertus: uno alii, alii utroque oculo captierant: paucis tantum obscurior obtigit visus. Februario si 3<sup>na</sup> post 3. 4. insultum sine Cortice desit, ægri vel uno vel utroque oculo fiebant cæci: qui vero cortice sunt usi, ubi post 9. 10. pluresve accessiones febris cedebat, perinde visu privabantur, recidivamque citra visus emendationem patiebantur. Qui autem defectu medelæ febrem per 2. 3. menses absque induciis sustinuerunt, nosocomio dein recepti exhausti quidem omnino fuere, at visu pollebant: his cortex nihil opis ferebat, sed sub usu salium, amarorum, & infusorum febris versus ver sensim cedebat, nil nisi caliginem quamdam & gravem auditum post se relinqvens; quod utrumque tamen auctis viribus evanuit. Fru-

stra ad expugnandam hanc amaurosin fuere vesicantia nuchæ brachiisve admota, Væ So in pede, cathartica matura, emetica alternis diebus, discutientia externa: a quæ nonnullis febris, non visus, rediit. Haud secius se res continuis in febribus habet, quæ quæ vehementia sua, quæ infelici metastasi visum eripiunt. Ad vehementiam sane pertinet exemplum I. G. H. KRAMERI (z): „ puerum (ait ille) vidi... qui primis, ex „ quo variolæ eruperunt, diebus ita oculis „ apertis & sanissimis cœcutiebat, ut ne lumen quidem naso admotum visu, quin alia „ taceam objecta, non sine maximo parentum terrore perciperet: facile tamen ac „ sua sponte, postquam variolæ vim suam „ penitus exeruerunt, in integrum restituti „ visus copia ei facta est,.. Neque etiam aliud sunt muscæ illæ & culices, & id genus alia, quæ in augmento febris acutæ deliraturi præ oculis captant, quam optica illa incipientis amauroseos idola (a). At vero longe frequentior in declinatione harum febrium ex metastasi accidit amaurosis, cujus etiam solius meminit AETIUS (b), & SWIE-

---

(z) Commerce. Nor. T. 2, A. 1732. hebdomada 42. No.

(a) Vide §. 16. b).

(9. p 334.

(b) Vide §. 118. No. 2.

TENIUS (c) „ amaurosin veram , surdita-  
 „ tem, post morbos acutos vidit, quæ nul-  
 „ lis postea cefferunt remediis „ . Haud  
 semper quidem ita pertinaces sunt hæ meta-  
 stases, nisi ubi materia morbi vasis impetuo-  
 sissime impacta omnem eorum tonum abole-  
 vit; secus si placidius iis a morbo debiliori-  
 bus influxit, ubi illa resectis viribus tonum  
 pristinum recuperant, impactam sibi mate-  
 riam denuo excutiunt. Utriusque eventus  
 occurrent exempla, inter quæ & illa perti-  
 nent, ubi variis præsiidiis hic ipse infarctus  
 metastaticus est expugnatus, ut in casibus  
 CRAMERI (d), FRANCI (e), HAENII (f),  
 PÜSCHELII (g), SCHMUCKERI (h),  
 RICHTERI (i), quaternis STÖRCKII (k),  
 senis COLLINI (l), binisque WEPFERI (m);  
 dum aliis in ægris eadem hæc fuerunt pror-

(c) Comment. in aph. BOERH. ad §. 1060. art. 10.

(d) Vide §. 115.

(e) Vide §. 60. No 5. e)

(f) Vide §. 9. No 2. c).

(g) Vide. §. 66. No 5.

(h) Vide §. 66. No 2. & hist. 7.

(i) Vide §. 66. No 2

(k) Vide §. 72 No 2. §§. 84. 112. a).

(l) Vide §. 79. C. D. E. F. G. I.

(m) Vide §. 115.



sus inutilia. Sic W. GABELCHOVERI (*n*)  
 anus 60 annor. cum ante 3 annos e peste  
 cum intensa cephalalgia unius oculi visum  
 amisisset, biennio post a gravissimis capitis  
 doloribus renatis altero quoque oculo capta  
 est, cœcitate omnem remediorum adhibito-  
 rum vim eludente. Ab ardente febre visum  
 amissum in viro ac femina mediæ ætatis ob-  
 servavit GEISLERO (*o*) teste GÜNZIUS.  
 Perinde R. LENTILII (*p*) matrona circ. 56  
 annor. e metastasi febris malignæ in subitam  
 ac omnimodam incidit cœcitatem, crebris-  
 que tandem biennio post succubuit convul-  
 sionibus epilepticis. Memoria quoque di-  
 gnum casum observavit A. de HAEN (*q*):  
 „ vir (narrat ille) robustissimus, sanissimus  
 „ mense Majo 1757 pleuritide ruri afficitur,  
 „ negligiturque. Suppuratione nata natura  
 „ metastasin ad crura molitur, moxque in-  
 „ de reversa deponit materiem ad organa  
 „ auditus & visus, ita ut cophosis & amau-  
 „ rosis gignerentur, pectore nunc interim  
 „ liberrimo, sanissimo. Surditas emendaba-

(*n*) Cur. & obs. med. Cent. 2. cur. 81.

(*o*) l. c. p. 15. 1q.

(*p*) Misc. nat. cur. dec. 3. ann. 5. append. p. 131.

(*q*) Rat. med. P. 3. C. 6. No 26. p. m. 228. 1qq.

„ tur multum , gutta vero serena utrumque  
„ oculum occupans pertinaciter persevera-  
„ vit. Trimestri spatio jam cœcus consilium  
„ petiturus me accessit , rogatusque num  
„ in nosocomio manere vellet , lubens an-  
„ nuit , variaque ex arte tentandi occasio-  
„ nem integro , quo hic fuit , anno dedit.  
„ Corpus primo copioso lacte , aqua , melle ,  
„ sale polychresto , ut optimis antipuicis ,  
„ replevi , visurus , num forte mobilis red-  
„ dita per bonas vitæ vires mala morbi ma-  
„ teries aliam metastasin , aut etiam , quod  
„ melius , evacuationem moliretur. Cum  
„ hoc minime succederet , phlegmagoga  
„ pharmaca & iō animata dabantur , quibus  
„ curata fere surditas & vertigo ; at vero  
„ gutta serena ne hilum quidem. Igitur dedi  
„ & subl. corr. cum Ω frumenti , quod conti-  
„ nuare non potui , cum hic vir ex paucissimis  
„ illis unus esset , quibus & us sic datus ptya-  
„ lismum crearet. Ptyalismum moderavi ,  
„ non suppressi , nescius quid forte illa hu-  
„ morum fusio præstaret boni ? At ruente  
„ demum violenter ad alvum & iō ejus usui  
„ plane debui supersedere. Quatuor tamen  
„ mensibus eo fuerat usus , nisi quod aliquo-  
„ ties , ne salivatio copiosior fieret , eum  
„ omitteret. Memor felicitis curæ ope mil-  
„ lepedarum in inspissatione humorum in

„ oculo aliquoties observatæ dedi ipsi qvo-  
„ tidie 6 drachmas millepedarum vini 3vj  
„ emulsarum, & expressarum, idque per 4  
„ continuos menses. Altero mense, quo  
„ millepedis utebatur, sua rediit pupillis a-  
„ missa mobilitas, nulla ceterum in visu  
„ emendatio. Cucurbitæ siccæ ad tempora  
„ frontemque frustra quoque quotidie adhi-  
„ bebantur. Quarto mense usus millepeda-  
„ rum, vis electrina simul quotidie est ad-  
„ hibita. Quum vero cura hæc quadrime-  
„ stris usui cassa deprehenderetur, denuo § ii  
„ sublimati tentamen ipse æger petivit. Jam  
„ illud sustinuit egregie sine ptyalismo aut  
„ dysenteria. Trimestri igitur spatio & § um  
„ assumpsit, & vim electrinam sustinuit, &  
„ cucurbitas circum oculos adplicitas ha-  
„ buit, sine ullo levamine. Unde medici-  
„ næ pertæsus ad uxorem liberosque, alias  
„ sanissimus, rediit,,. Interdum vero me-  
„ moratæ metastases non simplicem tantum va-  
„ sorum creant infarctum, verum etiam tu-  
„ mores nulla arte abolendos, a quæis optici  
„ nervi comprimuntur; velut in pyrotechna  
MUZELLII (r) est observatum.

---

(r) Vide §. 31. b).

## §. 47.

19. *VIS externa* vasis nervisve illata, ut contusio, vulnus, irritatio, &c. præsertim vero

a) *Capitis læsiones*, a quævis vel humores in cranio effunduntur, opticosque nervos comprimunt (s), vel commotione encephali ea cerebri pars subsidit, a qua stamina nervorum opticorum proficiscuntur, sicque liquidi pro iisdem secretioni evadit inepta, vel vasorum ophthalmicorum infarctus insignis, qualem in oculis mactatorum boum est videre, efficitur, &c. His accedit, quod raro hæc infortunia terroris simul iræve sint expertia (t). Subinde vero ab id genus injuriis sola cranii ossa vitium contrahunt, dum vel deprimuntur vel finduntur, vel fragmenta dimittunt, sicque subiectum cerebrum premendo nervos etiam opticos premunt. „ Plurimos hujusmodi ægros „ tractandos habuit I. L. SCHMUCKE- „ RUS (u): eorum pupillæ erant longe am- „ plissimæ, citra ullam luminis oculis ad-

(s) Vide §. 32.

(t) Vide §. 34.

(u) l. c. p. 11. sq.



„ moti sensationem. At causa premente  
 „ sublata continuo visum recuperarunt „.  
 AMATI (x) „ mulier, cui maritus in facie  
 „ colaphum impegit, illico eodem die utri-  
 „ usque oculi visionem amisit, cæca nam-  
 „ que evasit, nulla in oculis habita ma-  
 „ cula aut nubecula, læsioneve aliqua; pu-  
 „ ri namque cernebantur oculi. Quæ non  
 „ diu postea surdastia quoque est facta & fa-  
 „ tua, cum quibus lunaris purgatio huic de-  
 „ perditæ est. Agitur jam annus, quod mu-  
 „ lier hæc nata annos 27 malum & infortu-  
 „ nium hoc patiatur „. Sic etiam apud  
 ZACUTUM (y) „ exorta inter 2 milites ri-  
 „ xa, quum alter manu ferreis chirothecis  
 „ armata alterum ex alto alapa percussisset,  
 „ paucis post horis percussus omnino cæcus  
 „ est factus „. Perinde „ qui, referente  
 „ AMATO (z), vulnus mirum in syncipite  
 „ habuit... sanitati fuit restitutus; oculi ta-  
 „ men visionem, ejus maxime, qui vulnus  
 „ respiciebat, in totum perdidit... Puer  
 „ vero... ex ingenti in capite vulnere ac-  
 „ cepto utriusque oculi lumen amisit; ta-

---

(x) Cur. med. Cent. 7. cur. 44.

(y) Prax. med. admir. L. 1. Obs. 48.

(z) l. c. curat. 32.



„ men ipse recte valenterqve hodie habet,  
 „ absqve tamen utriusqve oculi visione „.  
 G. F. BERNERI (a) Judæus 34 annor. lævo  
 oculo iam inde a pueritia sensim occæcatus,  
 ne veneri, quam diu acriterqve sectabatur,  
 ulterius litare posset, omnem a Patre occa-  
 sionem præcisam tam ægre tulit, ut insanien-  
 tis instar caput ad parietem allideret: unde  
 ex oculi dextri sani cantho sanguis primum  
 erupit, porro etiam amaurosis eundem ex-  
 stinxit usqve adeo, ut objectum non nisi o-  
 blique ad oculi latera situm obscure perciperet,  
 nullatenus vero e directo pupillæ loca-  
 tum. „ CÁMILLO TERZANO, teste M:  
 „ DONATO (b), cum vulnus in capite oc-  
 „ cipitium versus inflictum fuisset ad cerebri  
 „ substantiam pertingens, statim ac dere-  
 „ pente, & si non cecidisset, visum peni-  
 „ tus amisit, nec dum exiguam videndi fa-  
 „ cultatem toto ægrotationis tempore, quo  
 „ decubuit per plures dies, nam mortuus  
 „ est, recuperare valuit „ ... „ Senem  
 „ quoque præ manibus habuimus, inquit  
 „ P. FORESTUS (c), qui ex ligno in caput

(a) Act. nat. cur. Vol. 2. Obs. 70.

(b) l. c. L. 2. C. 11. p. 76.

(c) l. c. L. 10. Obs. 89.

„ percussio... visum ejus oculi omnino ami-  
„ ferit „. Ita & I. D. GEIERI (*d*) „ mi-  
„ les... pone aures circa futuram spuriam  
„ transversim globo vulnerabatur adeo, ut  
„ ambobus oculis ob læsionem nervi optici  
„ privaretur... Convaluit, ac mendicat „.  
I. D. GOHLII (*e*) juvenis futor, ex quo ab  
alio palma manus vehementer in vertice ca-  
pitis ictus est, perpetuo obtusum capitis do-  
lorem visusque obscuracionem mediis in la-  
boribus patiebatur, oculis externa forma il-  
læsis. Haud secius F. HILDANI (*f*) puer  
ad 8 annos habens, cum ex arbore in ter-  
ram lapsus tria vulnera circa futuræ sagitta-  
lis cum lambdoidea concursum, illæso tamen  
cranio, passus mox indigestos cibos vomuif-  
set cum omnium sensuum abolitione, vulne-  
raqve barbitonfor, nulla universalis œcono-  
miæ animalis in curando habita ratione, in-  
tra 3 hebdomadas ad cicatricem perduxisset,  
ubi æger pedetentim a febre, vomitu, &c.  
quæ principio erant gravia, immunis factus  
ad rationem rediit, compertum est, ipsum  
visu esse destitutum, nullo licet extrinsecus

---

(*d*) Misc. nat. cur. dec. 2 ann. 8. obs. 139.

(*e*) l. c. β. p. 22.

(*f*) l. c. Obs. 8.

conspicuo in oculis vitio. Apud R. LENTILIUM (g) podagricus ad 46 annos natus de tabulato aliquando delapsus, capite contuso cum fere mortuus esset sublatus sub convalescentiæ tempus per 36 horas amaurosin sustinuit. I. MEEK'REN (h) meminit Equitis 36 annor. qvi anno ante depresso ex lapsu osse parietali incidit in immedicabilem amaurosin cum gravi & continua hemicrania mirabilis prorsus indolis; dextro in latere nunquam in locum affectum, sed in capitis partem jam superiorem, jam posticam, jam in malas, aures, crotaphitem, indeque in dentes illa sæviebat, intacta læva capitis parte. Purgato corpore cum vesicans raso capiti admotum eandem 6. 8ve diebus, dein arteriotome II aliis diebus, tum evulsio dentis ocularis superioris dolentis rursus 9 diebus, porro fonticulus pone aurem excitatus toto mense, sopivissent, postremo facta loci e lapsu depresso trepanatione dolor momento desuit, haud amplius reversus; at cœcitas mansit. P. SALMUTHI (i) hypparchus ex eqvo in caput præceps actus loquelam, au-

---

(g) Eteodr. med. pract. p. 699. sq.

(h) Obs. med. chir. Cap. 9. p. 56.

(i) l. c. Obs. 42.

ditum ac visum utriusque oculi amisit. Adhibita medela, aliquot post diebus interdum epileptice convellebatur; unde loqvela cum auditu rediit; tandem & amaurosis remittebat sensim, ita ut æger literas lecturus primo haud aliter eas potuerit conspiciari, quam si alte supra oculos illas efferret; donec pedetentim deorsum magis magisque demissas pristina demum consuetudine legere valuisset. Mulierem sexagenariam narrat I. s TORCH(k) e lapsu retrogrado aphonam factam vomuisse cum capitis, illæsi licet, perturbatione, dolore, somnolentia, stuporeque. Adhibitis remediis die 5<sup>o</sup> imminutus sopor: die 30<sup>mo</sup> dorsu artuumque dolor aderat cum obscuracione visus, redeunte ratione. Ulteriore medela rediit quidem sanitas, at visus prorsus fere periit, ut anus obvios nonnisi e loqvela agnosceret. Denique B. TIMÆI (l) puer sexennis e mensa in terram lapsus, capiti-que sic aliquamdiu insistens in 4<sup>am</sup> inde hebdomadem capite graviter doluit. Initio 4<sup>ta</sup> hebdomadis torpidus mortui instar clausis jacuit oculis. Postea de omnimoda cœcitate querebatur, nullo in oculis conspicuo vi-

---

(k) l. c. ann. 7. Julii Cl. 5. No 3. p. 196.

(l) Epist. & conf. med. L. 1. Epist. 27.

tio ; cibum avidius solito appetebat, oblatum a parentibus respuens, viribus sic satis constantibus. Tristiores exitum habuit amaurosis a vi externa „ in duobus, quos „ ipsi, inquit I. B. MORGAGNIUS (*m*), „ vidimus... Utrique gravis ictus capitis „ causa fuerat malorum omnium: utrique „ postea, nec post breve temporis interval- „ lum, repente amaurosis utriusque oculi... „ acciderat, utrique demum... vitæ finem „ attulit... apoplexia. Alter is eqves fuit, „ cujus ab una eademque paralyti in diver- „ sis dextri sinistrique oculi musculis effectus „ oppositos explicavi (*n*):... alter Medi- „ cus „. Huc quoque pertinent BARTHO- „ LINI (*o*) ac SCHROECKII (*p*) virgines, ægri CÆSALPINI (*q*), DURETI (*r*), GUE- „ RINI (*s*), FORESTIQUE (*t*), feminæ GÜN- „ ZII (*u*), & HEISTERI (*x*), matrona

(*m*) De sedib. & caus. morb. Epist. 13. No 12.

(*n*) Vide §. 25. a).

(*o*) Vide §. 60. No. 4. d).

(*p*) Vide §. 32.

(*q*) Vide §. 29. e).

(*r*) Vide §. 95. c).

(*s*) Vide §. 32.

(*t*) Vide §. 9. No 2. c).

(*u*) Vide §. 63.

(*x*) Vide §. 73.



HEYI (y), ipse GRASSIUS (z), ISEN-  
FLAMMII (a) mendicus, anus & virgo  
KALTSCHMIEDII (b), Eqves MOR-  
GAGNII (c), RIBEI (d) ruricola, ac vi-  
dua STOCKII (e), &c.

b) *Oculi, palpebrarum, superciliarum læ-*  
*fiones, contusiones, vulnera.* Validi ictus in  
bulbum oculi possunt, ut recte GUERIN (f)  
observat, retinam comprimendo destruere,  
vel infarctum vasorum ophthalmicorum &  
ophthalmiam inducere, sicque amaurosin  
causare. Sic apud F. HILDANUM (g) Au-  
licus baculo ad oculum sinistrum percussus  
illico visum amisit cum dolore, levique ad-  
natæ inflammatione. Hacce sublata cœcitas  
mansit; quam quidem Auctor ab uvea rupta,  
spissatoque humore aqueo repetit: verum  
tamen cum hæc fidem vix mereantur, utpo-  
te conjecturæ, propius verum est, illam vel

(y) Vide §. 106.

(z) Vide §. 87.

(a) Vide §. 29. e).

(b) Vide §. 32. & §. 70.

(c) Vide §. 25. a).

(d) Vide §. 63.

(e) Vide §. 120.

(f) l. c. p. 237.

(g) l. c. Obs. 15.

a contusis nervi frontalis (de quo paulo post) propaginibus, vel compressa valide retina, fuisse momento effectam. Studiosi meminit I. M. HOFFMANNUS (b), qui globulo coriaceo pugionis cuspidi præfixo validum ictum punctum in oculo dextro perpeffus continuo ophthalmiam nactus est, quæ remediis discussa visus quotidie usque adeo minuebatur, ut demum nec legere nec adstantes noscere posset, aliquali luculæ sensatione tantum superstitæ, nullo tamen in oculo conspicuo vitio. Sed catharticorum, nervinorum, & discutientium usu pristinum recuperavit visum. I. MUYS (i) narrat militi 24 annor. grandinis plumbeæ globulo e sclopeto in oculum lævum exploso vulnus iridem inter & pupillam fuisse illatum, globulo ipsum in bulbum se penetrante: unde elapsus mox non paucus humor aqueus, usquedum vulnus materia quædam fibrosa candicans (retinæ forte lacinia avulsa) obturasset. Successit gravis ophthalmia cum tumore, livore iridis, ardenti lacrymarum profluvio, continuoque dolore, quem caput postrosum reclinatum mitigabat, augebat vero primum.

(b) Misc. nat. cur. Cent. 10. Obs. 28.

(i) Prax. chir. ration. Dec. 1. Obs. 7.

Visus prorsus periit, & dexter oculus, etsi non vulneratus, perinde rubebat cum dolore. Facta utrique medela dexter brevi est percuratus, lævo per 4 menses ob intemperantiam ægri laborante, usque dum sanationem admisisset, visu tamen ejusdem nullatenus reverso. In idem ferme recidit observatio a B. MAUCHARTO (k) literis mandata, & utrique huic etiam similem prope casum R. LENTILIUS (l) observavit, nempe in juvenis 20 annor. oculum dextrum circa canthum externum globulus plumbeus esclopeto elisus, copiosum elicuit sangvinem, oculus vehementer intumuit, bulbo undique sanguine suffuso. Globulus educi nequirit; decessit nihilominus adhibita medela tumor; relicta post se ejus oculi amaurosi, cujus bulbus minor evaluit altero; cornea fere sublata; eo loci, ubi globulus trajecerat, ortum tuberculum lentem exæquans; pupilla illibata mansit. Idem interdum ex ophthalmia operationi cataractæ superveniente accidit. Sic „ mihi inquit C. E. ESCHENBACH (m), obveniebat cataracta... oculi

---

(k) l. c. Cas. 3.

(l) Eteodr. med. pract. A. 1709. p. 640. sq.

(m) l. c. Obs. 6. Schol. p. 49.

„ lum dextrum occupans, nullis aliis morbis  
„ juncta, adeoque pro circumstantiarum ra-  
„ tione, quoad observatu erat possibile,  
„ optima. Hanc aculatio... deposui, nec  
„ in operatione ipsa ullus error fuit commis-  
„ sus. Immediate autem postea ægrota,  
„ quæ sensibilibus erat structuræ, ictu acus,  
„ dum bulbum intrabat, vehementer & ci-  
„ tra opinionem præconceptam perterrita,  
„ non modo oculi inflammationem maximam,  
„ sed & morbum incurrebat gravissimum,  
„ 6 fere menses durantem, vehementissi-  
„ mis spasmodicis abdomen præsertim infestanti-  
„ bus, cephalalgia atroci, vigiliis, deliriis,  
„ febre graviore remittente ac fere conti-  
„ nua, &c. stipatum: quem quidem supera-  
„ bat tandem, ast oculi usus, non obstanti-  
„ bus remediis debitis externe & interne  
„ admotis, penitus perierat „. Verum citra  
omnem etiam inflammationem a læsionibus  
dictis visus minui vel prorsus perire obser-  
vatur. F. HOFFMANNI (n) viro id acci-  
dit, & apud F. PLATERUM (o) „ ex ictu  
„ pilæ parvæ in oculum cujusdam inter lu-  
„ dendum magna vi delatæ ita fuit pupilla

---

(n) Vide §. 16. d)

(o) Obs. med. L. 1. p. m. 105.



„ ejus jam diu dilatata, ut totus circulus  
 „ iridis fere niger appareret: dicebat se pau-  
 „ lo minus in illo oculo, quam altero, pos-  
 „ se cernere. Et, quod mirum erat, ali-  
 „ quando rursus pupilla ad decentem & eam,  
 „ qualis in sano oculo erat, angustiam redi-  
 „ bat,,. E quibus satis liqvet, solos hic  
 nervos fuisse affectos; ac tametsi non admo-  
 dum semper concipi queat, qui ab id genus  
 ictibus oculi retina illæsis aliis bulbi partibus  
 magnopere lædatur, satis tamen est, si ner-  
 vus frontalis insignem ab iis vim patiatur:  
 id quod e superciliorum frontisque, ubi de-  
 currit, vulneribus abunde patescit, quæ so-  
 la haud raro amaurosin post se trahunt. Ob-  
 servatum id jam HIPPOCRATI (p) fuit,  
 dicenti: „ in vulneribus, quæ in superci-  
 „ lium, aut paulo altius, inferuntur, visus  
 „ acies obtunditur, & quo vulnus recen-  
 „ tius est, eo magis vident; inveterascente  
 „ autem aut tardante cicatrice magis obtun-  
 „ di solet,,. Erudita hanc in rem disserta-  
 tio Z. PLATNERI (q) lectu digna est. Nos  
 aliqua solummodo exempla adjiciemus. I. B.  
 MORGAGNII (r) „ primaria... matrona

---

(p) Coacor. No 510.

(q) Progr. de vulnerib. superciliis illatis. Lips. 1741.

(r) Epist. anat. 18. No 7.



„ ... rheda, qva vehebatur, inversa, dif-  
 „ fractisqve specularibus fragmentis crystal-  
 „ linis ... fuerat duobus circa oculum fini-  
 „ strum locis, utroqve tamen extra orbitam,  
 „ vulnerata, altero, qvem minus attenden-  
 „ dum censuit, brevi ab angulo minore in-  
 „ tervallo, altero autem supra supercilium  
 „ versus angulum majorem, qvem nimirum  
 „ ipsum esse locum animadvertit, qva refle-  
 „ xæ ex orbita ad frontem repunt ejus pro-  
 „ pagines rami, qvo de ramo fermo est.  
 „ Quid ergo acciderat? Cum reliqvo toto  
 „ capite, atqve adeo corpore, nullum præ-  
 „ terea vulnus esset, læsio nulla, cumqve  
 „ nihil in cornea tunica, nihil intra ocu-  
 „ lum vitii appareret, hic nihilominus con-  
 „ tinuo videndi vim usqve adeo amiserat,  
 „ vix ut matrona incertam aliquam & con-  
 „ fusam lucem, si fax oculo objiceretur,  
 „ vel post quadragessimum perciperet diem „.  
 Sic etiam P. de MARCHETTIS (s) narrat  
 militem sica gravi ac latissima in fronte, se-  
 cto ejus osse & cerebro, fere usqve ad ocu-  
 los vulneratum derepente cœcum evasisse,  
 qvod malum vulnere etiam curato superfuit,  
 quamqvam pupilla lucidissima appareret. Idem

---

(s) Sylloge Obs. med. chir. Obs. 17.

etiam accidit in vulneribus canthorum & palpebrarum; quippe quo furculi nervi frontalis excurrunt, docente I. F. MECKELIO (t). Sic consulebatur A. M. VALSALVA, teste MORGAGNIO (u) „ pro nobili viro, qui „ inter venandum ex resiliente in oculum „ plumbeo globulo quam exiguo leve vulnuscum, & vix conjunctivam lacerans tunicam retulerat, & visum tamen, interiore nulla apparente læsione, fere statim amiserat,,. Huic simillimum vix non casum refert A. G. RICHTERUS (x): „ venator „ quidam minoribus globulis ex sclopeto pro „ jectis vulneratur, quorum unus per superiorem palpebram in orbitam penetrat, & „ quamvis neque bulbum oculi læderet, neque inflammationem aut dolorem excigaret, post aliquod tamen tempus amaurosin perfectam peperit. Haud diu post, cum globulum hunc exscindi non pateretur, in alio quoque oculo integerrimo, hucusque omnis vitii experte, sponte amaurosis orta est,,. Huc utique etiam

(t) Abhandl. von einer ungewöhnl. Erweiterung des Herzens, &c.

(u) l. c.

(x) l. c. p. 77. sq.

RIEDLINI (y) æger percussione virgultorum visu orbatus pertinet. Eo vero facilius ab id genus læsionibus visus perit, si cum commotione cerebri, vel extravasatione, vel ophthalmia graviore simul sunt conjunctæ, ut quæ se solæ etiam amaurosin producant. Sic E. CAMERARII (z) venator 24 annor. in interno oculi lævi cantho punctim læsus, ut cuspis pugionis curvaretur, vulnus quidem exiguum in confinio palpebræ superioris habuit, conspicuum tamen ac valde dolorificum, sequente tumore totiusque lateris dextri paralyti, & perfecta sinistri oculi amaurosi, dextri vero gravi amblyopia. Medela adhibita etsi cetera mala utcunque propulsa fuerint, memoria tamen admodum vacillavit, amaurosisque oculi lævi ad omnia mansit immedicabilis, dum interea dextri oculi visus acrior, quam utriusque simul prius erat, evasit. GEACHII (a) casus ab ista haud multum abludit. Perinde F. HILPANI (b) matrona juvenis & eusarca lapsa ad supercilium dextrum icta, cute ad oculosque

(y) Vide §. 115

(z) Misc. nat. cur. Cent. 3. Obs. 55.

(a) Vide §. 43.

(b) l. c. Cent. 3. Obs. 9.

penetrata, citra ullum offis vitium, exanimis quasi corruens indigesta vomuit. Vulnere cito sanato continuus capitis, præcipue parte dextra, dolor superfuit, & intra bimestre oculi dextri visus plane periit, nullo licet conspicuo in eodem vitio. Vertigo sæpe aderat, & interdum epileptici insultus. Octennio ita exacto crevit capitis dolor, accessere convulsiones brachiorum cum summis doloribus, præsertim humido in frigore, ut demum lectum deferere nequivet. Per intervalla etiam fœtorem quendam e cerebro percipiebat ad lypothymiam usque. Ejusdem (c) pugio quadrimulus bacillo ex una parte acuto in sinistram palpebram superiorem projecto vulneratus, mox corruit, indigesta vomens, & nihil triduo alimentorum retinere valens. Vulnus, ablato frustulo pingvedinis ex illo prostante, intra 15 dies citra immixtas turundas persanatum. Visus autem illius oculi periit sine ullo prorsus seu in bulbo seu musculis observabili vitio. Ejusdem (d) sartori pugionis acie vulnus ad radicem frontis in ipsam fere palpebram superiorem sinistram procurrens inflictum gravissimum totius capi-

---

(c) Ibidem Cent. 6. Obs. 6.

(d) Ibidem Cent. 5. Obs. 17.



tis dolorem creavit, cum tanto oculi tumore, ut ad ovi magnitudinem ex orbita prominere, cum sequente corneæ ruptura, humorumque effluxu. Ceteris malis curatis visus non rediit. Ita etiam W. A. KELLNERI (e) homo ex vehementi pali ictu mox supra oculum dextrum usque ad cranium vulneratus illico totius oculi tumorem cum insigni bulbi inflammatione patiebatur, nihilque nisi superne lucem a tenebris aliquatenus discernere poterat. Curato vulnere superfuit cæcitas absque conspicuo oculi vitio. Idem quoque feminae GÜNZII apud GEISLERUM (f) e vulnere frontis prope oculum accidit. Mirum vero est, in HEERII (g) ægris nihil simile evenisse.

c) *Narium*, ob viciniam vasorum & nervorum consensum, quem WHYTII (b) experimentum pulchre demonstrat, nempe pueri comatosi pupilla nativam habens magnitudinem applicato  $\Omega \Theta^*$  ad nares confestim aperiebatur. Idem quoque narium læ-

(e) Annal. Vratisl. Tent. 36, A. 1726. April. Cl. 4. art. 20. p. 502. sq.

(f) Vide §. 63.

(g) Vide §. 29. a).

(b) Of vital and involuntary Motions p. 130.



siones confirmant. Sic G. HANNAEI (i) rusticus adolescens 16 annor. culmo straminis casu in dextram narem impulsio, ibique cum strepitu fracto, mox intenso dolore, totum dein caput pervadente, correptus est; quo tandem sopito, coepit oculi dextri visus ex illo tempore minui, donec in perfectam abiit amaurosin.

d) Colli, perinde cum ob vasa communicantia, tum ob nervos compatiens. Sic G. HORSTII (k) æger cum ingentem tumorem, cui nattæ nomen, infra nucham 17 annis jam molestum auferri siveisset, visum sensim prorsus amisit.

e) *Nervorum remotiorum* cum oculo consentientium læsiones vel solæ irritationes, præprimis vero nervorum intercostalium magnorum. „ Viri eruditi, inquit A. MON-  
„ RO (l), inter se non conveniunt, quia  
„ nervus intercostalis habet originem,  
„ dum alii ejus communicationem cum oph-  
„ thalmico negant, alii vero contrarie senti-  
„ unt, ejusque connexionem cum hocce

---

(i) Misc. nat. sur. dec. 2. ann. 6. obs. 137.

(k) Obs. med. pr. P. 2. L. 4. Obs. 14.

(l) Traët. tres de nervis, motu cord. & ductu thorac. p. m. 150. nota (a).

„ adfirmant (*m*) : sic quoque WINSLO-  
 „ WUS (*n*) aperte dicit, ophthalmicum per  
 „ unam alteramve fibrillam cum sexti paris  
 „ nervo & cum nervo intercostali commu-  
 „ nicare. De ejus tamen origine disputare  
 „ animus hic non est, neque plura, quæ a  
 „ quibusdam pro incerto habentur, profer-  
 „ re, quatenus ad observationem nostram  
 „ non multum faciunt, & nobis, uti ex  
 „ PETITI (*o*) observationibus constat, suf-  
 „ ficit, maximum inter intercostalem & il-  
 „ los nervos dari consensum, qui oculo,  
 „ uveæ, atque pupillæ inserviunt, sed tan-  
 „ tum ea, quæ majoris utilitatis sunt, ad-  
 „ notabo. Scilicet diu observavi, in illis  
 „ hominibus pupillam esse dilatatam, qui  
 „ vermibus vel materia pituitosa acri pun-  
 „ gente in ventriculo vel intestinis laborant,  
 „ & si non pro signo pathognomico, saltem  
 „ pro syndrome sive symptomatum concur-  
 „ su & optima diagnosi haberi potest. Ex  
 „ experimentis enim PETITI (*p*) memo-  
 „ ratis supra adnotatum est, post nervi in-  
 „ tercostalis abscissionem in animalibus vi-

(*m*) Ibidem p. 119. notis a. b.

(*n*) Traité de Nerfs §. 34.

(*o*) Mem. de l'Acad. des Sc. 1727.

(*p*) l. c.

„ vis factam oculos obscurari, splendorem  
„ suum amittere, lacrymare, cavos fieri,  
„ globumque oculi diminui, pupillam angu-  
„ stari, coarctari, &c. Denique intercosta-  
„ lem ramos conjunctivæ, glandulis oculo-  
„ rum, & fibris uveæ, quibus pupilla dila-  
„ tatur, suppeditare,, . Idcirco etiam VAN  
DER WIELII (q) casum huc, ob nervum  
intercostalem læsum, referendum censet (r).  
Huc proinde bini HURBOTII casus, quos  
N. BLEGNY (s) memoriæ prodidit, sunt re-  
ferendi, nempe chirurgus infantem, qui  
calculo pineam nucem æqvante in urethra  
hærente vexabatur, ab imminentis ischuriæ  
metu liberaturus cum sectionem administra-  
set, operationem peractam cœcitas continuo  
secuta est, sponte tamen post 6 dies evane-  
scens. Idem chirurgus alium puerum eadem  
operatione ab eodem malo vindicaturus, cum  
catheterem urethræ inderet, sola hac irrita-  
tione amaurosin accivit. Dilata itaque sectio,  
& visu postridie reverso instituta sine ullo  
symptomate oborto, quamvis lapis adeo fue-  
rit urethræ impactus, ut non sine magno co-  
natu potuerit eximi.

---

(q) Vide §. 39. a).

(r) l. c. p. m. 180. nota (a).

(s) l. c. ann. 2. Junii Obs. 8.

## §. 48.

20. VERMES *primarum viarum*. Verminosis pupillam diffundi cum A. MONRO (*t*) tum I. VAN DEN BOSCH (*u*), aliiqve observarunt; imo plenam interdum amaurosin iisdem contingere fidelia docent observata, quorsum pertinet RICHTERI (*x*) quadrimulus puer, nec non quadrimula G. HANNAEI (*y*), & puer præsertim a vermibus enectus, quem secuit DAQVIN (*z*), nec non puella VANDERMONDII (*a*). Idem quoque eventus fuit in HIRSCHELII (*b*) muliere. Satis autem liquet, amaurosin verminosam irritatis nervis intercostalibus magnis, cum oculorum nervis consentientibus, deberi.

## §. 49.

21. CACHEXIAE topicæ, vel adultæ, vel perperam tractatæ, ita ut nulla peculiari

(*t*) Vide §. præc. e).

(*u*) Hist. const. epid. vermin. Cap. 4. Sect. 7. p. 329.

(*x*) Vide §. 86.

(*y*) Vide §. 71.

(*z*) ROUX l. c. T. 34. p. 153. sqq.

(*a*) Vide §. 71.

(*b*) Vide §. 68.



indigeant causa procataractica, sed se ipsis sufficient ad amaurosin producendam: quod fit, dum vasorum infarctum insignem efficiunt, vel extravasationem in cranio, vel ossa vitiant, vel denique nervos cum oculo consentientes immitius vellicant, &c. Hujusmodi est cachexia

a) *Serosa*, quæ e vasis facile egreditur, & encephalon inundando nervos comprimit opticos. Atque huc, opinor, pertinet observatio E. HAGEN DORNII (c) de campanarum fusore circ. 18 annor. e potu frigidæ post incalescentiam, & fumo metallorum in fusione, anasarca passo cum tanto asthmate, ut vix loqui & ambulare, præsertim per acclivia, posset. Frustra variis ultra 1½ annum tentatis demum obscurari ei visus repente cœpit, posteroque die cæcus evasit, accedente simul tanta pectoris oppressione, ut 3<sup>io</sup> die convulsus exspiraverit.

b) *Lenta* mucosa vel atrabiliaria. &c. hypochondria præsertim opplens (d), quali pictor RICHTERI (e) laboravit. Neque immerito huc accensenda videtur historia

---

(c) l. c. hist. 57.

(d) Vide §. 27. No 6.

(e) Vide §. 72. No 1.



D. SPILENBERGERI (*f*) prorsus singularis: „ mortuus (ait ille) paucis abhinc annis  
„ Leutschovix Senator fere 60 annor. no-  
„ mine IOS. ALAUDA, hypochondriaca  
„ affectione diu afflictus, qui canceri (nihil  
„ minus) malitia oppressus varia sensit sym-  
„ ptomata. Triennio ante obitum in digi-  
„ tis pedum loco ungrium succreverunt hor-  
„ rendæ, curvæ, densæ, & plumbei colo-  
„ ris ungulæ instar cornu, e quo pectines  
„ elaborantur, & quidem tam abunde au-  
„ gmenta sumpserunt, ut cogeretur eosdem  
„ singulis oſtiduis forcipe demetere. To-  
„ ta substantia cutis degeneravit in planta  
„ pedis in naturalem ungulam cornu tauri-  
„ no æmulam, quam pariter post pediluvia  
„ crebrius abraderè coactus fuit, ne nimia  
„ cutis durities ingressum impediret, eum-  
„ que dolorificum efficeret. Postmodum  
„ exulcerati ungves in manibus per absces-  
„ sum perierunt, & similia monstra cornæ  
„ soliditatis succreverunt, nisi quod cutis  
„ in vola manus mollior permanſerit. Et  
„ hoc malum ad vitæ finem perseveravit.  
„ Paralyſin postmodum dextri lateris sensit,  
„ sed sensus motusque restitutus fuit. Suc-

---

(*f*) Misc. nat. cur. dec. 1. ann. 2. Obs. 70.

„ cessit demum falsa imaginatio , qvæ ab  
„ uxore ipsi venenum pararetur , qvæ phan-  
„ tasia tam vehemens , ut per  $\frac{1}{2}$  annum præ-  
„ sentiam uxoris nullo modo toleraverit,  
„ imo eandem nudis pedibus , ne strepitum  
„ ederet , clam incedentem qvæsi odorare-  
„ tur. Defecit postmodum paulatim visus,  
„ auditus vero factus intensior , tandem in  
„ momento cæcitas supervenit. Cum per-  
„ actis universalibus , aliisque revellentibus,  
„ nuchæ vesicatorium applicaretur , nulla  
„ vesica fuit excitata , sed subiecta caro tan-  
„ tum intumuit , & subpunicea facta est. Post  
„ triduum vesiculæ hydatides , multo fero  
„ stillantes , coloris plumbei , collum infe-  
„ derunt , qvibus cum balneator improvide  
„ empl. maturativum impossuisset per aliquot  
„ dies , tumor incrementa sumpsit non mi-  
„ nus , qvam humorum effluvium , primum  
„ ferositates , post purulentam foetentemqve  
„ fundens materiam. Durante hujus mate-  
„ riæ egressu a phantasia depravata libera-  
„ tus... visus autem non rediit. Tandem  
„ qvod ab improvido chirurgo cancer ille  
„ ingens plumbeus & gibbosus cito suppura-  
„ tus fuisset , intra 3 septimanas e vivorum  
„ numero sublatus fuit „.

c) *Purulenta* acrior facta & nervum  
qvemcunqve cum oculo consentientem velli-

cans, vel ipsos opticos erodens aut mole sua comprimens. Sic „ quandoque phthificis „ evenit cœcitas, qvi vel 4 ante mortem diebus ita vegeti valentesqve fuerant, ut „ erecti ad mensam federent, neqve minimam ciborum partem consumpsissent: cuius rei bis observatæ testis oculatus „ I. G. H. KRAMERUS (g) fuit. J. STORCH (b) meminit viri 50 annis majoris, abscessu circa nervorum opticorum (ut videbatur) confinia laborantis, qvi 2. 3ve diebus apertis oculis prorsus nihil videbat, donec abscessu in faucibus rupto, multoqve pure per os rejecto, visum recuperasset. Mihi angina purulenta fuisse videtur, quæ, quamdiu vomica est clausa, mire sæpe nervos afficit. Vidit etiam Cl. Auctor binos alios ægros eodem mali genere feliciter defunctos.

d) *Syphilitica*, quæ variis modis visu privare potest, nempe vel steatomata cerebri causando, ut in BALLONII (i) viro, vel exostoses nervum opticum comprimentes, teste BOERHAAVIO (k), vel dum ulcere venereo præmature sanato materia metastati-

(g) l. c.

(b) l. c. ann. 3. Maji Cl. 4. No. 7. p. 298.

(i) Vide §. 31. b).

(k) Ibidem.

ce oculi vasa, vel cerebri, vel os sphænoïdes petit, sicque vel tumores ibidem, vel abscessus acres nervorum opticorum substantiam erodentes generat, velut in BOTALLI (l) quæstore, sartoreque CONSBRUCHII (m), & NEBELII (n) viro, nec non HEISTERI (o) famulo accidisse videtur. O. BORRICHIVS (p) refert feminam 40 annis minorem, lue venerea a marito infectam in ulcera faucium incidisse, post quæ  $\nabla^a$  & li omni die illita ac sanata secuta est utriusque oculi cæcitas nullis remediis expugnabilis. Forte & SPIGELII (q) casus in idem recidit. At potestne acrimonia syphilitica sympathicam producere amaurosin? An vero multo potius ad hydatides retinæ, ut SAUVAGES (r) credidit, pertinet ZACUTI (s) observatio? „Vidimus (inquit ille) robustum „virum, qui postquam concubuit cum fa- „mofo scorto, post 3 horas obortis ulcus-

(l) Vide §. 29. d)

(m) Vide §. 74.

(n) Ibidem.

(o) Ibidem.

(p) Act. med. Hafn. Vol. i. Obs. 76.

(q) Vide §. 74.

(r) l. c. No 10.

(s) l. c. Obs. 49.

„ culis durisque tumoribus in capitis parte  
 „ anteriori , ex improvise cæcus evasit.  
 „ Huic etsi essent alexipharmaca exhibita,  
 „ cauteriumque in nucha affixum , restitui  
 „ tamen haud potuit „ .

e) *Plicæ Polonicae* , de qua supra (t) jam  
 uberius est actum.

## C A P U T VI.

### P R O X I M A C A U S A.

#### §. 50.

Causa amauroseos proxima varia a variis  
 fuit assignata , videlicet

I. *Obstructio nervorum opticorum* Ve-  
 teribus receptissima erat sententia , a qua ne  
 L. HEISTERUS (u) quidem fuit alienus,  
 „ ab obstructione (inquiens) instrumento-  
 „ rum visus amaurosis quoque fieri poterit;  
 „ sicut enim humores viscosi pituitosi aliis in  
 „ locis nervos obstruere possunt , & paraly-  
 „ ses producere: ita & si hi vel in cortica-  
 „ li cerebri substantia , vel in medullari,

(t) Vide §. 38. c.)

(u) Dissert. cit. §. 17. p. 350.



„ vel in nervo optico subsistant, obstruunt  
 „ canaliculos, per quos spiritus animales ad  
 „ retinam fluere solebant „. Obstructionem  
 quidem isthanc Cl. Vir non ut proximam,  
 sed ut remotam solummodo causam accepit;  
 interea quacunque illa demum ratione acci-  
 piatur, non dum ita ex observatis, nedum  
 e physiologiæ castæ theorematis, est pro-  
 bata, ut vel veri esse similis cuiquam videat-  
 ur. Perspicacissimi sane MORGAGNI (x)  
 calculo caret.

2. *Colliquatio humoris vitrei.* Hanc ut  
 proximam amauroseos causam primus in me-  
 dium protulit BRISSEAU (y), forte obser-  
 vatione ROLFII (z) inductus: „ quis  
 „ nigræ cataractæ (ait posterior) hætenus non  
 „ credidit causam obstructionem nervi opti-  
 „ ci? Attamen in aliquibus cadaveribus nul-  
 „ lam in eo noxam, sed totum vitreum hu-  
 „ morem in aquam resolutum, & crystallini  
 „ nulla vestigia deprehendi „. Hacce pro-  
 cul dubio observatione arrepta BRISSEAU  
 „ gutta serena (inquit) semper in paralyfi  
 „ nervi optici quæsitæ perperam fere semper

(x) De sedib. & caus. morb. Epist. 13. No 131

(y) Tract. de Cataract, &c. p. 213. sqq.

(z) Dissert. anat. L. I. C. 13.

„ a colliqvatione humoris vitrei proficiscitur, qvi qvoniam non amplius radios debite refringit, efficit, ut imago objectorum neqveat in retinam cadere. Haud qvidem inficior paralyfin opticorum nervorum contingere posse, velut qvotidiana docet experientia, homines post apoplexiam visu orbari: interea tamen causam hanc non ita frequentem esse existimo, ut multis visa est. Qvis enim sibi persvaserit, nervos principes opticos parum admodum e cranio productos paralyticos fieri posse, qvin & ceteris e medulla oblongata enatis idem accidat, ac proinde subita apoplexia præsto sit? Errori huic occasionem præbuit oculi amaurotici status sanorum simillimus, ut nil nisi obstructio nervi optici adesse posse crederetur. Quid ni autem multo etiam facilius conceptu est cœcitas a colliqvato vitreo humore, manente ejusdem pelluciditate pristina, qvin propterea oculus affectus ab sano qvidqvam differre extrinsecus videatur? Multa novi exempla humoris vitrei prorsus dissoluti a me reperti, inter qvæ miles erat... 22 annor... Hic aliquot ante obitum annis... oculi lævi visum e vehementi ac diuturna fluxione penitus amisit. In sectione hujus oculi

„ reperi corneam undiqve opacam, valde  
„ albam, ac justo crassiolem; a qua iris  
„ firmissime eidem cohærens haud sine labo-  
„ re separari potuit. Lens crySTALLINA du-  
„ ra & opaca perinde antica sui parte iridi  
„ firmiter accrevit, nullaqve intercapedine  
„ ad corneam usqve relicta utramqve humo-  
„ ris aquei cameram abolevit, ne gutta  
„ quidem aquei ibi reperta. Pupilla usqve  
„ adeo fuit contracta, ut nec apicem acus  
„ transmitteret. Lente tandem ab uvea &  
„ ligamento ciliari sejuncta humor vitreus  
„ aquei instar fluens illo per aperturam pro  
„ parte erupit. Tametsi autem & pupilla  
„ fuisset pervia, & cornea pellucida, nec  
„ ad hanc iris, nec lens ad uveam accrevif-  
„ set, sola præsentis lentis opacitate, humo-  
„ risqve vitrei colliqvatione, dico depres-  
„ sa etiam lente ægrum visu nihilominus  
„ fuisse cariturum, tum quod humor vitreus  
„ nullam aliam lentem præsentis illa fluidi-  
„ tate formare, tum quod non debite radi-  
„ os lucis refringere potuisset. Observavi  
„ porro in alio milite 56 annor. cui variolo-  
„ sa pustula in infantia oculum dextrum pes-  
„ sum dedit, cataractamqve causavit, amauro-  
„ sim simul ab humore vitreo colliqvato  
„ adfuisse. Deniqve omnes cataractæ vacil-  
„ lantes sunt semper cum amaurosi compli-

„ catæ, quam vitrei humoris colliqvatio cau-  
 „ sat. Cum enim ejusmodi in casu dura &  
 „ opaca lens non amplius in abolita humo-  
 „ ris vitrei fovea situm tueri possit, neque  
 „ iste illam ob colliqvationem sustentare  
 „ queat, mirum non est, cataractam mo-  
 „ veri, vacillare, & interdum situm muta-  
 „ re, quemadmodum id in muliere jam a  
 „ multis annis ita affecta observavi, cui o-  
 „ culo bene perfrictò pupilla prorsus se didu-  
 „ xit nigerrima, quin vel minimam lucidissi-  
 „ morum objectorum lucem senserit,,. Hæc  
 BRISSEAU. Sed hanc ejus opinionem cum  
 HEISTERUS (a) tum MORGAGNIUS (b)  
 etiam abunde confutarunt. „ Non existimo,  
 „ (inquit prior) sola humoris vitrei in aquam  
 „ dissolutione amaurosin posse produci. Con-  
 „ cedo quidem hanc dissolutionem debilio-  
 „ rem posse producere visum; verum cum  
 „ experimentis constet, humorem vitreum  
 „ quidem paulo magis refringere radios,  
 „ quam aqua refringit, tamen illa differen-  
 „ tia tam exigua est, ut vix ab accuratissi-  
 „ mis observatoribus opticis percipi que-  
 „ at (c): adeoque sola humoris vitrei

---

(a) Diff. cit. §. 9. p. 345.

(b) Epist. anat. 18. No 39.

(c) Conf. CARTES. & NEWTON. in Opt. atque  
 DE LA HIRE in Hist. Acad. Reg. A. 1707.

„ dissolutio perfectam cœcitatem efficere non  
„ poterit, sed solum visum debiliorem. Ubi  
„ vero lens crySTALLINÀ simul est dissoluta,  
„ uti ROLFINCIUS notavit, tunc major  
„ læsio refractionis in oculo producetur. Hæ  
„ autem humorum oculi dissolutiones cum  
„ non sine putrefactione aut alia insigni  
„ corruptione fieri possint, tunicam retinam,  
„ partem quippe tenerrimam, & humori  
„ vitreo proxime adjacentem, simul cor-  
„ rumpi, & sic amaurosin non proprie ab  
„ humoris vitrei dissolutione, sed præcipue  
„ propter destructionem aut corruptionem  
„ retinæ aut nervi optici simul factam fieri  
„ existimo. Neque etiam tanti est, quod  
a fluctuante cataracta BRISSEAU argumen-  
tum ducit; nam præterquam quod, notante  
HEISTERO (d) „ similis... fluctuatio  
„ subinde contingit humore vitreo salvo,  
„ sed ubi per operationem prægressam lens  
„ a cohæsione fuit soluta, & post suppressi-  
„ onem denuo fuit elevata (e) „ „ hac  
„ salva cohæsione quomodo usque adeo flu-  
„ ctuare crySTALLINUS possit, vitreo quantum-  
„ vis dissoluto, ego quidem haud satis in-

---

(d) Tract. cit. Diss. de cataract. §. 86.

(e) Ibidem §. 29.



„telligo „, inquit MORGAGNIUS (*f*). Accedit, qvod etſi colliquatio humoris vitrei ab ROLFINCIO, BRISSEAU, RICHTERO (*g*), aliisqve (*h*) fit in cœcitate obſervata, tamen evictum haud fit, utrum a colliqvatione cœcitas vel ab hac illa multo potius repetenda ſit, vel ambæ ab una eademqve cauſa progignantur, præſertim cum in plerisqve his caſibus aut cataracta aut aliud bulbi vitium per anatomen fuerit reperi-  
tum? Multo propius verum eſt, qvod RICHTERUS (*i*) conjicit, pallorem pupillæ forſitan a memorata colliqvatione proficiſci, niſi malis eundem vel cum DEMOURS (*k*) a nimia luce per ampliſſimam pupillam illabente, aut (qvod vero ſimilius) ab imminuta abolitave pigmenti atri ſecretione repetere, qva ſit, ut radii non ſat abſorpti ad pupillam reflectantur; nam adverſus opinionem DEMOURSII convellendam vel illud eſt ſatis, qvod ſæpe diffuſiſſima pupilla nigrorem ſuum ſplendidum retineat (*l*).

(*f*) l. c.

(*g*) Vide §. 16. c). & RICHTER l. c. p. 67. ſq.

(*h*) MORGAGN. l. c. §. 38.

(*i*) l. c.

(*k*) Vide §. 44.

(*l*) Vide §. 17. d).

3. *Paralysis opticorum nervorum*, quam hodie pene omnes pro causa amauroseos proxima habent: in eo nihilominus discrepant, quod alii omnem videndi facultatem, ac proinde etiam illius impeditæ causam, in vagina piæ matris & choroidea, alii vero in ipsa nervi substantia reponant. Ego cum id genus controversiis, utpote ad therapiam nil facientibus, lectorem distingere haud solem, omne hoc illi argumentum apud OEHME (m) & Ill. HALLERUM (n) ac PRIESTLEYUM (o) adeundum relinquo, uti & quæ de uveæ paralyfi SCHAARSCHMIDT (p) erudite differuit: id unum hic ajo, ne paralyfin quidem nervorum opticorum pro adæquata causa proxima haberi posse; quandoquidem etiam absentia seu nativa, seu violenta per ulcera &c. horum nervorum amaurosin producit, quam nemo utique ad paralyfin referet. Ea propter causa proxima ea sit oportet, quæ ad omnes morbi casus aptari possit. Est nempe

(m) Diff. cit. §. 2. sqq.

(n) Elem. physiol. T. 5.

(o) Geschichte der Optik I Th. p. 147.

(p) l. c. p. in. 192. sq.

4. *Impeditus fluidi nervei in retinam influxus.* Etenim H. BOERHAAVIO (q)  
 „ amauroseos . . . causa proxima est omne  
 „ illud, quod illæso adspectabili bulbo in-  
 „ strumenta facultatis visus inepta reddit ad  
 „ videndum „ . Quæ ineptitudo nequit esse  
 alia, quam quæ ex impedito fluidi nervei in  
 retinam influxu pendet. Hujus vero impe-  
 dimentis seu causæ proximæ cum sedes tum  
 modi variare possunt.

### §. 51.

*Sedes* juxta BOERHAAVIUM (r) est  
 quadruplex, ob quadruplicia instrumenta vi-  
 sivæ facultatis, quæ inepta reddi possunt ad  
 videndum, seu a quorum læsione impeditur  
 influxus fluidi nervei in retinam, nimirum

1. *Retina* ipsa inepta reddita ad fluidum  
 nerveum a nervo optico advectum recipien-  
 dum, idque aut aliquam tantum sui parte aut  
 ex integro, ut dum offea aut lapidea (s)  
 evasit, vel ab infarctu vasorum contiguo-  
 rum, vel inflatione intigni lentis humorisve  
 vitrei (t) compressa est.

(q) l. c. §. 102.

(r) Ibidem §. 103. sqq.

(s) Vide §. 29. b).

(t) Vide §. 31. c).

2. *Nervus opticus* „ totus in omni parte „ sua, hoc est, a bulbo oculi citra glai- „ dulam pituitariam seu a retina usque ad „ thalamos nervi optici in cerebro. Si sci- „ licet toto illo itinere aliquid mutetur in „ eo nervo, vel aliqua causa eum ineptum „ reddat, ut lucem in oculo susceptam eo „ transmittere nequeat „ (u), ob impedi- „ tum per eundem ad retinam fluidi nervei influxum: ut dum est contortus, extenuatus, erosusve (x), aut compressus a vasis ac- „ cumbentibus infarctis (y), a tumoribus (z), ab extravasatis (a), &c.

3. *Thalamus nervi optici* ad subministran- „ dum nervo optico fluidum nerveum ineptus „ factus. Denique

4. *Cortex cerebri* ea sui parte, unde fi- „ bræ medullares nervorum opticorum oriun- „ tur, ad secernendos ac transmittendos spiri- „ tus visorios ineptus redditus, v. g. e subsiden- „ tia cerebri per validam commotionem, ab „ extravasatis (b), ab intropressione cra- „ nii (c), &c.

---

(u) BOERH. l. c. §. 104.

(x) Vide §. 29. b. c. d. e.

(y) Vide §. 30. 33. 34. seqq.

(z) Vide §. 31.

(a) Vide §. 32.

(b) Ibidem.

(c) Vide §. 47 a).

## §. 52.

*Modi* vero influxum spirituum in retinam impediendi, seu facultatis visivæ instrumenta paulo ante recensita inepta ad videndum reddendi, sunt complures, scilicet

1. *Compressio* insignis retinæ vel nervi optici, vel thalamorum nerv. opt. vel cerebri, quam infarcta vasa his instrumentis dicata, vel tumores, vel extravasata, &c. inducunt.

2. Canaliculorum spiritus visorios transmittentium *Collapsus*, *coalitusve*, ob inanitionem vasorum, vel substantiæ nervi aut retinæ exsiccationem vel degenerationem in os, callum, lapidem, &c. i. e. in unum continuum solidum.

3. *Unitas soluta*, nervi optici præsertim, per ulcera exedentia (d), vulnera (e), &c.

4. *Absentia nativa nervi optici*, si unquam a quoquam est observata.

---

(d) Vide §. 29. d).

(e) Ibidem.



## C A P U T VII.

## D I A G N O S I S.

## §. 53.

Amauroseos diagnosi ad bina vel maxime pertinet, nimirum ut morbus præsens primum quoad se cognoscatur adesse, tum ab aliis quoque, cum quævis vel confundi posset, vel complicatus adest, rite dignoscatur. Interea vero admodum ardua est amauroseos duplex hæc diagnosi, cum ob varietatem rerum in eadem determinandarum (puta gradus morbi, sedis, signorum determinantium), tum ob signorum pathognomicorum defectum, ut omnes periti hætenus ingenuæ sunt confessi, & e mox dicendis liquido apparebit. Namque

## § 54.

I. ABSOLUTA *diagnos*is amauroseos

A. *Incipientis* vel ex eo est perquam difficilis, quod, cum iisdem innitatur signis determinantibus, quibus ipsa amaurosis perfecta præsto esse adstrui solet, hæc in incipiente multo varient magis, quam in perfecto jam morbo variare consueverint, id quod clarius elucescet e diagnosi amauroseos

B. *Perfectæ*, cujus ipsius quoque teste A. G. RICHTERO (*f*) „difficilis aliquando... „diagnosif est; signa enim, quæ prodere „illum (morbum) dicuntur, constantia non „sunt, adsunt aliquando, aliquando ab- „sunt „. Vulgo enim quæ Auctores ad eam comparandam profitentur, sunt

1. *Pupilla diffusa, nigra, immobilis*. Sed quam inconstantia omnia hæc sint, satis superque in superioribus (*g*) est ostensum.

2. *Cæcitas perfecta*, nullo, si pupillæ vitia modo dicta demas, conspicuo in oculis affectis vitio, imo ne pupilla quidem interdum ullum exhibente vitium, præsertim si cæcitas hæc ab idoneis ei generandæ causis (*b*) subito invasit, vel certe per phænomena amaurosi propria (*i*) sensim invaluit. Verum neque hæc sunt certiora; namque hæc veram amaurosin a simulata haud quaquam discernunt. Pone etenim pupillarum seu mobilitatem seu immobilitatem: cum cetera a sola ægri relatione pendeant, satis apparet, visum, quem abesse CAIUS quæritur, præ-

(*f*) l. c. p. 63.

(*g*) Vide §. 17. a) b) d).

(*b*) Vide §. 27. sqq.

(*i*) Vide §. 15. 16.

sto esse posse; quippe quem nec pupilla immobilis sublatum, nec mobilis non sublatum, evidenter arguat (k).

3. *Lucis perceptio* ex oculi rudiore compressione vel perfrictione, quemadmodum sanorum in oculis accidit, si pressio illa versus oculi fundum seu ultra humoris crystallini regionem (ut jubet G. BRIGGS (l) institui) fiat, nulla. „ Expertus sum pluries, „ inquit J. B. MORGAGNIUS (m), si cor- „ nea prematur, lucem nullam; si regio, „ quæ propius corneam est, lucem instar „ dimidiati annuli; si paulo ultra, instar an- „ nuli, apparere. Rursus, si non summus „ tantum digiti apex, sed & proxima pars „ digiti, apprimatur, lucem apparere instar „ annuli elliptici; si pro digito corpus ali- „ quod multo minus & subrotundum; ut „ acus capitulum, instar annuli multo mi- „ noris apparere, semper tamen in adversa „ pressioni parte. Quæ commemorare om- „ nia volui, ut intelligeretur, mihi... „ probabile videri... phænomenon prædi- „ ctum a contorsione fibrarum tunicæ reti-

(k) Vide §. 17. b).

(l) Ophthalmographiæ Cap. 4.

(m) Advers. anat. 6. animadv. 73.

„ formis potissimum oriri, unde spiritus a-  
„ nimales a nova hac & vivida vibratione,  
„ sicut a lucis radiis, afficiantur... Et hoc  
„ ipse expertus sum, ut dum mihi oculum  
„ proposita ratione premerem, aliquis pro-  
„ pius introspiceret; qvi etsi perspicacissima  
„ acie esset, mihi autem vel præclarissima  
„ lux appareret, nihil tamen lucis ipse a-  
„ nimadvertere unquam potuit,,. Hoc ve-  
ro experimentum Cl. Vir (n) idoneum esse  
judicavit ad explorandam amauroseos præ-  
sentiam; nam si ad institutam hujusmodi  
pressionem oculi versus ejus fundum (a qua  
ipsa afficitur retina) æger nihil se lucis per-  
cipere asserat, indicium est, retinam pristi-  
na sua sensilitate, aut si mavis irritabilitate,  
esse destitutam, i. e. oculum amaurosi labora-  
re. Sed quoniam hoc quoque signum e con-  
fessione ægri petendum est, fallere hic pot-  
erit; proinde signo isthoc simulata amauro-  
sis a vera perinde non discernetur. At-  
que hinc abunde colligitur, quanta difficul-  
tate absoluta amauroseos diagnosi laboret.  
Sed neque expeditior per omnia est amauro-  
seos diagnosi

---

(n) Ibidem animadv. 74.

## §. 55.

II. RELATIVA, qva a morbis aliis, qve<sup>s</sup> is cum vel confundi posset, vel complicata est, dignoscenda venit. Namqve ut nihil de amblyopia, hemeralopia, nyctalopiaqve, & aliis visus diminuti generibus, alia atqve alia nomina fortitis, quamvis singula ipsum opticum nervum varie affectum notent, dicam; certe

I. *Cataracta* occipiens ab amaurosi imperfecta interdum ægerrime discernitur, dum pro nigrore illo splendido multis amauroticorum familiari pupilla oculi cœcutientis inspecta pallorem pone se intuendum præbet, qvalem cataractæ nascentes objicere in pupillam intuenti solent (o); „ signa vero, „ qvorum ope uterqve morbus dignosci tamen potest, sunt forte, inquit D. NOOT- „ NAGEL (p), qvæ sequuntur: causæ præ- „ gressæ, pupilla dilatata & immobilis (qvæ „ tamen ex aliis causis ... qvæqve adesse „ potest), pallor ille nubeculosus magis est „ ab iride remotus (quamquam hæc distantia interdum perdifficilis sit distinctu, ut

---

(o) Vide §. 17. d).

(p) l. c. §. 2.



„ ego ipse in ægro, quem in nosocomio fratrum misericordiæ vidi, expertus sum),  
 „ nulla denique intercedit nubeculæ cum  
 „ lucis diminutione proportio „.

2. *Amaurosis simulata* haud fecius difficulter interdum detegitur, atque a vera dignoscitur; partim quod mendicabula otiosa, milites vacationi a militia impetrandæ intenti, &c. ita hunc morbum ingeniose mentiri didicerint, ut fraudem vix sit integrum detegere; partim vero, quod ipsa veræ ac perfectæ amauroseos symptomata ac signa diagnostica (q) sint sæpenumero ambigua. Interea tamen omnia diligenter circumspicienti indagatori patebunt hinc inde cuniculi ad veritatem eruendam, nempe

a) *Causa* morbi rogata, si insolens fuerit, &

b) *Pupilla* sanæ in modum mobilis, suspensionem prudentem doli injicient. Tum etiam eandem augebit

c) *Lucis perceptio* ab oculo methodo MORGAGNIANA (r) compresso in iis, qui experimenti hujus ignari sunt. Denique

d) *Conniventia* palpebrarum aut pupillæ contractio, tum cum quis inopinato oculis

(q) Præced. §. B. No 1. 2. 3.

(r) Ibidem No 3.

digiti alteriusve rei cuspidatæ apicem inve-  
 here aut impingere simulat, citissime frau-  
 dem latentem aperit. „ Ubi fraudis suspicio  
 „ est, inquit I. B. MORGAGNIUS (s), ne-  
 „ mo potest decipi, nisi qui forte nunquam  
 „ cum PLINIO (t) animadverterit, quam  
 „ rari sint, qui *contra comminationem ali-*  
 „ *quam non conniveant, quantæque hoc diffi-*  
 „ *cultatis sit homini.* Quin mihi in illius-  
 „ modi simulatore cum suspicionem augerent  
 „ pupillæ nec dilatatæ nec immotæ, memi-  
 „ ni, fatis fuisse digitos, quasi per caulam  
 „ diligentius oculum observandi, tacite ad  
 „ palpebras admoveere; has enim, antequam  
 „ tangerem, planus ille continuo occlusit,  
 „ suamque ita fraudem invitus aperuit.  
 „ Quam facile adeo obviamque rationem  
 „ miror J. B. SILVATICUM in alioquin  
 „ utili libello omisisse, qui de iis, qui mor-  
 „ bum simulant, deprehendendis inscribitur,  
 „ ubi (u) *simulata sensuum privatio qua ra-*  
 „ *tione possit detegi,* ostendit. Nam oculos  
 „ quidem objicere, quod ipse videtur indi-

---

(s) De sedib. & caus. morb. Epist. 13. No 13.

(t) Natur. histor. L. 11. C. 37.

(u) Cap. 11.

„ care, *maximis splendoribus*, ob id ipsum  
 „ periculosum est experimentum, quod his  
 „ ait visum *non infestari modo, sed etiam*  
 „ *corrumpi*. Ego vero eadem illa ratione  
 „ deprehendisse præterea memini quendam  
 „ nescio quas accessiones fingentem, in qui-  
 „ bus omni cum movendi tum sentiendi fa-  
 „ cultate se privatum necessariis postea Me-  
 „ dicisque narrabat, & aspera nonnulla ad  
 „ ipsum excitandum auxilia pertinacissimo  
 „ tunc silentio ferentem. Cum enim in una  
 „ ex suis illis accessionibus apertos oculos  
 „ forte servaret, ego autem his digitos in-  
 „ tentarem; illico, priusquam attingerem,  
 „ nictando & videre se & movere posse pal-  
 „ pebras, omnibus, qui aderant, patese-  
 „ cit, (Simplicissimum sane isthoc tenta-  
 „ men in vera amaurosi graviore, tametsi ce-  
 „ tera signa desiderantur, cognoscenda patho-  
 „ gnomici signi instar haberi potest). Demum

e) *Observatio sagax* id genus hominum  
 cœcitatem fingentium, dum soli sibi data  
 opera a custodibus, ex abdito loco specu-  
 lantibus, relinquuntur, utrum præcipitia vi-  
 tent, obstacula declinent studiose, in obje-  
 cta apprehendenda rite colliment, &c.  
 perinde sæpenumero fraudem deprehen-  
 dit. At

3. *Complicatio amauroseos cum cataracta* ita interdum difficilem reddit diagnosin, ut nulla fere arte obtineri queat. Nam signa hujus complicationis ab Auctoribus suppeditata, nimirum 1<sup>mo</sup> lucis a tenebris nullum discrimen perceptum, 2<sup>do</sup> pupilla ampla & immobilis, hujusmodi sunt, ut & abesse præfente illa complicatione possint, & citra eandem adesse. Sane in cataractæ amaurosi occipienti junctæ genesi & pupillæ mobilis præsto esse potest, & lucem inter ac tenebras discrimen percipi. Contra ea sola cataracta & immobilem reddere pupillam valet, lente vel accreta undiqve uveæ, vel ob magnitudinem insolitam in pupillam compulsa, eamque simul dilatante, quo utroque in casu simul ita omnis lux ab oculo excluditur, ut lucem a tenebris æger discernere nullatenus queat. Sed ipsa hæc, dicet forte quis, lentis ad uveam accretio cognosci potest. Quid tum? An inde continuo etiam amauroseos conjunctæ absentisve diagnosi obtinetur? Haud quaquam! Quid si ne concretio quidem lentis cum uvea semper certo detegitur? Hujus profecto signa non usque adeo sunt indubia, ut fallere quandoque non possint; nam summa lentis ad uveam vicinitas etiam a justo majore lente usque ad uveam propulsa oriri potest: nec obliquitas pupillæ quid-

quam hic certi pollicetur, ut quæ vel nativa esse possit, qualem M. E. BLOCH (x) aliique viderunt, vel etiam ab ipsa amaurosi vel mydriasi confieri, velut in ægra DEMOURSII (y); nec ejusdem inæqualis mobilitas docet aliquid, quippe quæ non nisi accretionem lentis ad uveam non omnimodam arguat, quæ præsentem nihilominus etiam amaurosis adesse potest. Luculentum nostram in rem casum observavit PELLIER (z) quædam in ægra cataractam passa, coloris ex albo pallidi, lente ad pupillam diffusam & immobilem vicinissima. Ægra lucem a tenebris non discernebat. Frustranea hic videbatur cataractæ operatio, ob indicia amauroseos simul præsentis; nihilominus ad importunas ægræ preces instituta est. Lente prompte facileque ex oculo exempta visus continuo rediit distinctus. Lens ipsa erat grandis, quam præterea materiæ albidæ effluxus est consecutus. Hic sane complicationis amauroseos cum cataracta, aut certe lentis ad uveam accretæ, manifesta aderant indicia,

(x) Medicinische Bemerkungen No 1. p. 1.

(y) Vide §. 44.

(z) ROUX Journ. de medec. &c. Tom. 45.  
p 355.



licet neutrum adfuerit; verum „ e magnitu-  
„ dine lentis cryſtallinæ, & præternaturali  
„ MORGAGNIANI humoris copia omnia  
„ hujus cataractæ phænomena pronum eſt  
„ explicare, inquit A.G. RICHTERUS (a).  
„ Lentis tam grandis preſſio in uveam pro-  
„ cul dubio pupillam diduxerit, immobilem-  
„ que effecerit; ſpatioſoque ſuo volumine  
„ omnem radiis lucis aditum intra oculum  
„ præcludens lucis tenebrarumque ſenſum  
„ prohibuerit. Unde liquet, præternatura-  
„ lem pupillæ amplitudinem ac immobilita-  
„ tem cum nulla lucem inter ac tenebras  
„ discriminis perceptione copulatam haud  
„ ſemper indicium eſſe aut amauroſeos cata-  
„ ractæ complicatæ aut lentis cryſtallinæ ad  
„ uveam accretæ; generatimque operatio-  
„ nem cataractæ etiam deterrimis cum ad-  
„ junctis nequaquam eſſe negligendam; quan-  
„ doquidem vel ſæpe præter opinionem læ-  
„ tum præbet ſucceſſum vel certe ægrum ni-  
„ hilo, quam ante, magis reddit infeli-  
„ cem „. Conſilium ſane Chriſtiano philo-  
ſopho longe digniſſimum. Quod perinde  
nuper admodum dexterrimo Vindobonenſi  
Chirurgo JOSEPHO MOHRENHEIM pro-

---

(a) Chirurg. Biblioth. 4. B. 2. St. No 5 p. 254.

sperrime cessisse sequens ab ipso mihi amice communicata observatio liquido evincit: nempe vetula ad 60 annos nata, continuo valetudinaria, & cetera inter incommoda cephalalgiam, odontalgiam, ophthalmiam, acremque lacrimationem continuam experta A. 1779 die 17<sup>ma</sup> Novembris in nosocomium allata est cum amborum oculorum, profunde orbitis immerforum cataracta, cetera bene constitutorum, nisi quod pupilla dextra admodum diffusa, læva contra perquam contracta, ambæque immobiles fuerint. Cataractas ægrota crebris cephalalgiis odontalgiisque imputabat. Visus utriusque oculi lente decrefcebat, donec oculo dextro vetula a semestri nil amplius posset usurpare, imo nec diem a nocte discernere, nec lumen accensum oculo objectum percipere; lævo autem, etsi nullum perinde objectum detegeret, noctem tamen a die adhuc aliquatenus discernebat. Cataracta dextra 4 jam annorum fuit, flavescens, prægrandis, pupillæque ad omnes lucis quæ admixtæ quæ subductæ vicissitudines prorsus immobili dense accumbebat; læva vero biennalis, albis striis prædita, cum pupilla concrevisse videbatur. Quoniam autem anus operationem efflictim exposcebat, simulque haud eram nescius, ab insolita lentis opacatæ magnitudine omnia

amauroseos phænomena effingi posse, 3<sup>to</sup> post die cataractam dextram depressi. Durante vero adhuc operatione, ut primum suprema pupillæ regio aliquatenus libera evasit, exclamat ægra, lucem se oculo illo percipere. Lens ob molem insignem haud parum mihi negotii faceffebat, quoad integra depressa & sub humorem vitreum compulsa est. Quo facto ægra omnia continuo objecta distingvebat. Operationem nil prorsus incommodi consecutum est, præter præmentem quendam dolorem, illudentiumque muscarum apparitionem. Quo etiam non multo post superato vetula intra 3 hebdomades, pupilla interea quotidie se se in arctius contrahente, sana discessit. Lævum oculum ob admodum ambiguum eventum non attigi. Ejusdem prope tenoris observationes cum C. E. ESCHENBACH (b), tum J. JANIN (c) literis mandarunt. Quemadmodum vero cataracta simultaneam amaurosin quandoque ementiri solet, ita e contrario etiam interdum accidit, ut sub cataracta lateat simul amaurosis, quin sufficientia sui præbeat indi-

---

(b) l. c. Obs. 6.

(c) l. c. p. m. 245. sqq.

cia. A. F. VOGEL (*d*) vidit octogenariam feminam cataracta cum amaurosi affectam, quamvis mobiles haberet etiam tum pupillas, lucemque insuper atenebris discerneret. Sed operatione cataractæ feliciter licet absoluta anus nihilominus visu orba mansit. Atque ex his diagnoseos dictæ difficultates abunde elucescunt.

### §. 56.

SEDES denique morbi cognoscenda superest: quæ cum quadruplex esse possit (*e*), videlicet cortex cerebri, vel thalami nervorum optidorum, vel nervi optici inde orti usque ad retinam, vel ipsa demum retina, e tota hætenus data amauroseos historia facile colligitur, trium priorum partium læsionem non tam e phænomenis morbi, quam causis potius ejusdem rite cognitis, esse eruendam, id quod ipse etiam H. BOERHAAVIUS (*f*) satis innuit; quod si retina sit affecta „cognoscitur, inquit idem (*g*),

(*d*) Chirurg. Wahrnehm. 1te Sammlung.

(*e*) Vide §. 51.

(*f*) l. c. §. 110. sqq.

(*g*) Ibidem §. 108.

„ ex fequentibus : Imo lento gradu procedit, & habet dictas (b) imagines ; 2<sup>do</sup> ponit hebetudinem vifus, i. e. ejus debilitatem, anteqvam oriatur cœcitas . . . 3<sup>tio</sup> ; parit ultimo cœcitatem feu guttam ferenam, „ 4<sup>to</sup> Vafa externa oculi turgida quandoqve ac varicofa funt, ut vidit F. HOFFMANNUS (i). Accidit interea fubinde, ut ubi mali fit fedes, nullo unquam artificio detegere fit integrum : neqve id mirum videri debet ; fiqvidem ne in cadaveribus qvidem, folertiffime licet luftratis, femper inveniatur. Sic. W. ROWLEY (k) in 4 amauroticorum cadaveribus nihil prorfus vitii feu in oculo feu nervis reperire potuit ; qvoad idem in HAENII (l) adolescente rustico eft obfervatum.

## C A P U T VIII.

### P R O G N O S I S.

#### § 57.

I. PERICULUM *imminens præfagit interdum amaurofis tam perfecta, fi subito in-*

(b) Vide §. 16. a. b. c. d.

(i) Consult. & refp. med. Cent. 1. caf. 49.

(k) A Treat. on the princip. Difcaf. of the Eyes.

(l) Vide §. 116.



gruit, vel cum aliis gravibus capitis malis juncta est, quam incipiens ab illusionibus opticis. Etenim

1. *Splendores* sanis citra causam evidentem ob oculos repente obversantes convulsionem affuturam portendunt, ac vel maxime epilepsiam aut distentionem nervorum. COEL. AURELIANUS (m) notat, ab epilepticis ante invasionem scintillas ob oculos, aut circulos igneos, oberrantes sentiri; cujusmodi casum refert E. HAGENDORN (n):

„ matrona... annorum 40, cum catarrhis  
 „ dudum confictata, in iram proclivis, quæ  
 „ per aliquot annorum decursus periodi-  
 „ cam experta hemicraniam, nunc per anni  
 „ unius spatium interpolatis vicibus insultus  
 „ quosdam epilepticos sustinuit, aura qua-  
 „ dam ex pollice dextri pedis superiora pe-  
 „ tente, & paroxysmum instantem semper  
 „ intimante: ubi præter alia, quibus crucia-  
 „ batur, symptomata & hoc molestissimum  
 „ sibi existimabat, ut quoties paroxysmus  
 „ epilepticus præ foribus, toties copiosas  
 „ ignium scintillas utrique oculo videret  
 „ obversari, parem in modum, ac si obje-

(m) Morb. chron. L. I. C. 4.

(n) l. c. Cent. I. histor. 15. p. 27.

„ cta in conclavi ignea essent. Qvi vero  
„ splendores cessante paroxysmo & ipsi cessare  
„ confveverant, dolentibus tamen post  
„ paroxysmum oculorum bulbis,,. Ejusdem  
qvoqve rei præclarum exemplum narrat T.  
BARTHOLINUS (o) de robusto viro, qvi  
cum „deambulando lassus domum revertere-  
„ tur, urinam excernere coactus fuit; inter  
„ meendum vero splendores & coruscationes  
„ non sine stupore ante oculum suistrum  
„ obversari sibi animadvertit, qvibus eva-  
„ nescentibus putabat rem esse nullius mo-  
„ menti, siquidem ad pristinum statum ocu-  
„ lus statim rediret. Eadem tamen hora  
„ per intervalla scintillas eosdemqve splen-  
„ dores intuebatur, & quasi MEDUSAM  
„ aspiceret, stabat immotus trucibus oculis.  
„ Malum istud in dies per 2 hebdomadas se-  
„ quentes adeo increvit, ut non splendores  
„ solum & scintillas, sed globos igneos i-  
„ gnisqve maximam quantitatem e phiala  
„ quasi effusam sibi videre visus sit. Multa  
„ adhibuit vulgi consilia, qvòd omnia ad  
„ veneficia referebat, donec convulsionibus  
„ epilepticis adeo horrendis corriperetur,  
„ ut vix 4 viri robustissimi ad sustinendum

---

(o) Histor. anat. rar. Cent. 3. hist. 45.

„ illum sufficerent, inter quas violentiffi-  
„ mas commotiones vitam cum morte mise-  
„ re commutavit „. Binos similes casus  
etiam P. I. SACHSIO (p) observare contigit.  
„ A. 1667. I. G. HANCK Vratisl. chirurgus  
„ experientissimus, & decennali Indiæ orien-  
„ talis peregrinatione clarus . . . ex tot iti-  
„ neribus vario sub cœlo & aere peractis va-  
„ letudinariis per aliquot annos, inopina-  
„ to epilepsia corripitur. Adhibita varia  
„ fuerunt remedia, & quidem eo cum suc-  
„ cessu, ut videretur malum esse debella-  
„ tum. Sed dum per aliquot dies conque-  
„ reretur de splendoribus igneis & globulis  
„ flammeis continuo ante oculos volitanti-  
„ bus & visum depravantibus, tandem tam  
„ vehementer ab epilepsia correptus fuit,  
„ quæ nullam pausam faceret, nisi cum ipsa  
„ vita extincta fuisset. Eodem anno femi-  
„ na quædam cachectica 46 annor. variis  
„ variorum morborum symptomatibus con-  
„ flictata, demum splendorum igneorum mo-  
„ lestias continuo oculos fatigantes accusa-  
„ vit. Ego prioris exempli optime memor  
„ malum exinde adstantibus pronunciaui au-  
„ gurium, & instantes motus convulsivos,

---

(p) Misc. nat. cur. dec. 1. ann. 2. obs. 96.

„ qvos ante nunquam perſenſerat, prædixi :  
„ qvi etiam non dum elapſo biduo ſuperve-  
„ nerunt tanta cum vehementia, ut ægram  
„ in ipſo paroxyſmo ſtrangularent „. Haud  
ſecius MARC. DONATI (q) „ mulier ætate  
„ florenti... non ſine morbi Gallici ſuſpi-  
„ cione puſtulis circa dextram capitis par-  
„ tem moleſtabatur, qvibus externis medi-  
„ camentis adminiſtratis liberata fuit ; ſed  
„ dolore capitis infeſtiſſimo correpta eſt :  
„ pro cujus curatione dum vena tundere-  
„ tur, qvemdā in media capitis parte in-  
„ terna crepitum, ac ſi veſica diſrumpere-  
„ tur, perſenſit, ex qvo in levem lipothy-  
„ miam incidit, qva levata maximo animi  
„ mœrore correpta eſt, ac poſt nonnullos  
„ dies globulum igneum ſibi videre viſa eſt,  
„ qvi poſtea in maximam flammam excrevit,  
„ ac deinceps melancholicis ſymptom. atqve  
„ epilepticis vexata fuit per intervalla ; ſi-  
„ qvidem modo frequentiora, modo tardio-  
„ ra, ſemper tamen ſic incipientia : primum  
„ enim in oculo dextro, qvi & illi ſæpius  
„ dolebat, veluti lumen ſibi reſplendere vi-  
„ debatur, referebatqve, ſi ex ſiniſtro o-

„ culo duntaxat respiciebat, se non nisi di-  
 „ midium hominem, ac reliqua objecta vel-  
 „ uti per medium disiecta, conspiceret „.  
 Apud HIPPOCRATEM (r) porro „ MNESIA-  
 „ NACTI... contigit alvi dejectio ante fe-  
 „ brem, posteaque multo tempore comita-  
 „ batur, multis albis mucosis prodeuntibus:  
 „ quandoque etiam paucum sanguinem citra  
 „ laborem & dolorem demittebat; ventris  
 „ autem strepitus aderant. Post febrem tu-  
 „ berculum durum ad sedem abscessum fecit,  
 „ diu incoctum perseveravit, ad intestinum  
 „ ruptum est, & foris fistulosum evadebat.  
 „ Cum autem in foro deambulare, ei ante  
 „ oculos fulgores obversabantur, neque pla-  
 „ ne solem intueri poterat. Ubi vero pau-  
 „ lum secessisset, extra se fuit, & cervicis  
 „ convulsione tentatus est. Postquam au-  
 „ tem domum relatus est, ægre visum rece-  
 „ pit, vixque ad se se rediit. Primum ve-  
 „ ro circumstantes oculis collustrabat, cor-  
 „ pus adeo perfrinxit, ut vix utriculis & no-  
 „ vis subinde adhibitis fomentis recalesceret.  
 „ Posteaquam autem sui compos fuit, & sur-  
 „ rexit, prodire noluit, sed timere dicebat.  
 „ Quod si quis de gravibus morbis verba

---

(r) Epidem. Lib. 7. No 53. f. m, 1222.



„ faceret, præ timore se subducebat. In-  
 „ terdum sibi ad præcordia calorem occur-  
 „ rere dicebat, & oculis obversantes fulgo-  
 „ res comitari. Alvi dejectio multa fuit,  
 „ & sæpe & similis hyeme contigit. Væ So fa-  
 „ cta est, veratrum exhibitum, lactis vac-  
 „ cini potione usus est, ac primum asinini,  
 „ quod contulit, & alvi egestionem sedavit.  
 „ Aquæ potio ab initio fuit, deambulatio-  
 „ nesque & capitis purgationes,,. Perinde  
 „ (s) PHOENICIS is erat affectus: ut, ex  
 „ oculo dextro plerumque velut fulgur co-  
 „ ruscare videretur, non multo vero inter-  
 „ posito tempore, ad tempus dextrum gra-  
 „ vis dolor exoriebatur, posteaque totum  
 „ corpus caput atque etiam cervicem perva-  
 „ debat, capitis pars posterior ad vertebra-  
 „ intumescebat, cervicis nervi majores (quos  
 „ tenontas appellant) contendebantur, &  
 „ circum durescebant. Quod si caput com-  
 „ movere aut dentes aperire conaretur, non  
 „ poterat, utpote admodum distentus. Vo-  
 „ mitiones si quando oboriebantur, comme-  
 „ moratos dolores submovebant & lenibant.  
 „ Sanguinis missio auxilio fuit, & veratri  
 „ potiones, cujusque modi humores edu-

---

(s) Ibidem No 96 & Lib. 5. No 82.

„ xerunt, præcipueqve porraceos „. Ita  
etiam senatoris meminit J. B. MORGAGNI-  
US (t), qui „ varios potissimum, & miro o-  
„ pere dispositos colores, alias Zonas qua-  
„ si aureas singulari ordine circumductas,  
„ usque adeo sibi videre videbatur, ut non-  
„ nunquam sicut ad veras propius contem-  
„ plandas accesserit, donec repente species  
„ illæ omnes evanescerent. Itaque etsi ad  
„ cetera ejus incommoda thoracis hydrops  
„ se adjunxerat, extremo tamen in morbo  
„ & balbutiebat, & aliis etiam tum convul-  
„ sionibus laborabat, & his acius ingruenti-  
„ bus non sine oris tortione decessit: ejus-  
„ que sublata calvaria multum aquæ, præ-  
„ sertim inter meninges, conspeximus „ in-  
quit. Peculiare quoque est exemplum I. I.  
WEPFERI (u) de viro obeso, rubra facie,  
brevique collo & magnis utrinque botiis de-  
turpato, qui post leviozem lateris dextri he-  
miplegiam toleratam prorsusque iterum cura-  
tam biennio post mane quodam caput sensit  
perturbari, uxor in lecto dimidiata illi, &  
objecta quæque viridia aut cœrulea appare-  
bant, atque circa 10<sup>am</sup> matutinam epilepsia

---

(t) Epist. anatom. 18. No 5.

(u) l. c. Obs. 100.

ingruit intra 3 horas sexies repetens, & quatrIdui insignem post se amnestiam relinquens, quæ nunquam postea ex integro emendari potuit; donec reversis epilepsia, amnestia, levissimaque dextri lateris hemiplegia homo demum apoplexia est exstinctus. Atque hinc apparet, quam ominosi sint amaurotici id genus splendores (x). Idem quoque omen habet subito ingruens amaurosis perfecta. Sic T. BARTHOLINI (y) „ju-  
 „ vacula... 17 annor... oborta circa ca-  
 „ put nubecula in motus convulsivos inci-  
 „ derat, semperque fere ad dextrum latus  
 „ circumrotabatur. Brevissimos habebat  
 „ paroxysmos, sæpe recurrentes, & cum  
 „ timore insolito desinentes „. I. P. ALBRECHTUS (z) refert mulierem 22 annor. e gravi terrore omnibus artubus contremiscentem simul obtenebrari continuo visum sensisse: malum hoc sponte desitutum rata somno se dat; sed mane claro expergiscens oculis captam se sensit, nullo in oculis vitio conspicuo; quod malum brevi ex intervallo gravissima epilepsia est consecuta, per bi-

(x) Vide §. 16. c).

(y) l. c. Cent. 2. hist. 90.

(z) Misc. nat. cur. dec. 3. ann. 5. obs. 28.

duum cujusvis horæ  $\frac{1}{4}$  sibi vindicans, donec tandem idoneis remediis cum ipsa etiam amaurosi profligata est, superstite aliquali visus obscuritate, usui diaphoreticorum intra paucos dies perinde cedente. Binos quoque hujusmodi casus G. CLAUDERUS (a) observavit, nempe femine 40 annor. asthmatis, vomitui, cephalalgie, hypochondriorum utriusque turbis plures jam annos obnoxie, cum vice quadam a turbis abdominalibus caput admodum turbaretur ac doleret, brevi post subita ac perfecta accidit amaurosis, eamque æque celeriter epilepsia est consecuta, quæ alvo provocata, nervinisque in & externis adhibitis, post paucas invasiones desinit, visu quoque reverso. Alia partui vicina post subitam vehementemque 2 horarum cephalalgiam perinde amaurotica facta lapsa inde vix hora epilepsiam nata post 4 horas foetum mortuum frustatim enixa est. Atque huc etiam ROUGERESII (b) gravidam, nec non hypparchum SALMUTHI (c) referre oportet. Porro

---

(a) Ibidem dec. 2. ann. 7. obs. 161.

(b) Vide §. 32.

(c) Vide §. 47. a).

2. *Idola nigra amaurotica* (*d*), ut muscæ, flocci, &c. apparentes, in acutis febribus portendunt phrenitidem, mortem. „ In mor- „ bis acutis & violentis, inquit BOERHAA- „ VIUS (*e*), hæ maculæ... sæpe apparent, „ sic ut manibus eas remove cupiant, „ quod visum ipsis impediunt; sed sanato „ morbo iterum disparent. Dum adest ma- „ lum, ægri muscas & floccos carpere so- „ lent, quod signum est instantis phreniti- „ dis, & etiam in morbis acutis, ubi hæ ad- „ sunt maculæ, phrenitis sequitur, quæ so- „ luta disparent. Ominosa admodum hæc idola atra semper HIPPOCRATI (*f*) sunt habita; „ de manuum vero motione ita (in- „ quit ille) censeo: in febribus acutis aut „ pulmonum inflammationibus, aut phreni- „ tide, aut capitis doloribus, quibus ante „ faciem feruntur, & aliquid frustra venan- „ tur, & festucas colligunt, aut floccos e „ vestibulis evellunt, & ex pariete paleas car- „ pūnt, ex his omnibus malum & mortem „ portendi. Eodem modo passim damna- „ vit visus obscuratio: „ in morbis (ajens) „ præcipitibus... oculorum... hebetatio ac

---

(*d*) Vide §. 16. b).

(*e*) l. c. §. 78. No 11.

(*f*) Prænotion. f. m. 32.



„ retusio & squallor malum denunciat „ (g).  
 Cum enim hoc symptoma in acutis infarctum  
 vasorum ophthalmicorum a carotidibus inter-  
 nis ortum ducentium indicet, justus est me-  
 tus, ne ramis carotidum in encephalo magis  
 sensim infarctis deliria, convulsiones, &c.  
 consequantur, quod ipsum COUS (b) obser-  
 vavit, ac tum vel maxime, ubi animo si-  
 mul deficiunt ægroti: „ cervicis (ait ille) &  
 „ dorsi perfrictiones, & quæ totum corpus  
 „ videntur pertingere, insuper & spumantes  
 „ mictiones cum animi deliquio, ac oculo-  
 „ rum hebetatio, convulsionem in proximo  
 „ esse significant „.

3. *Morbi capitis alii amaurosi juncti*,  
 ita ut vel hæc illis superveniat sine levami-  
 ne, vel isti illam pertinacem comitentur,  
 indicio sunt, causam harum affectionum esse  
 intra encephalon, crescere, ac certum exi-  
 tium inde instare, id quod & pellio HAGEN-  
 DORNII (i) & BRIGGSII (k) homo, &  
 bini WILLISII (l) ægri, & plures alii e-

(g) Epid. L. 6. S. 1. aph. 16. & Prorrh. L. I. No 46.  
 & Coac. No. 225.

(b) Prorrh. L. I. No 113. & Coacor. No 226.

(i) Vide §. 40.

(k) Vide §. 37. a).

(l) Vide §. 32. b).

ventu suo comprobant. Huc etiam procul dubio referendus erat luculentus casus R. LENTILII (m), si exitum ejus etiam literis mandasset, de futuro (NIPSUM vocat) ad 40 annos nato, cholérico, macro, cardialgiæ interdum obnoxio, & anno ante cephalæam, vesicante admoto exacerbata, experto, cujus nova recidiva comitem habuit vertiginem, vomitum biliosum, sensum frigoris in stomacho, tantamque lassitudinem, ut lectum sine metu syncopes deferere nequiret. Dolor occiput tenebat, quæ splenii muscoli sunt, inde juxta aurem ad lævum synciput protensus, ibique in spatium floreno æquale contractus, fiebat sævissimus. Huic novus se junxit utramque pedis plantam lacerans. Accessit tussis cum sputorum mucosorum copia, multæque ac molestæ oscitationes. Crescente inde cephalæa articulorum quoque flexuræ indoluerunt. Remediis variis non multum profectum, præter breves inducias. Unde visu hebescente oculi lævi cæcitas est consecuta. Pergenti cephalææ se junxere febriles motus, animi

---

(m) Eteodr. med. pr. p. 187. 189. 192. 196. 208. 213. 713. 1316. 1323. 1329. 1336. sq. 1342. 1345. 1353. sq. 1356.

deliquia, & oculi in dies magis caligabant, tum dolere etiam occeperant, usque dum sub atrocissime sæviante cephalæa perfecta oriretur amaurosis cum crebris pavoribus, continuisque tendinum subsultibus, qui in contractiones spasmodicas adolevere cum animi deliquiis. Tandem febris manifesta emicuit, cui cortex Peruv. oppositus. Hactenus LENTILIUS.

### §. 58.

II. EFFECTUS amauroseos sunt varii, iique interdum bene, alias male, cadentes. Nempe

1. *Solvit capitis morbos* quandoque graves superveniens, præsertim cephalæam, epilepsiam. Sic oborta amaurosi desit cephalæa mulieribus, quarum meminere Annales Vratisl. (n) & SCHMUCKER (o), epilepsia vero GERBEZII (p) moniali, ac rustico HILDANI (q). Haud tamen semper ita res evenit; siquidem in longe pluribus contrarium fieri observatur: cujusmodi

(n) Vide §. 19. b).

(o) Ibidem.

(p) Vide §. 40.

(q) Vide §. 39. d).

exempla paulo ante (r) numerosa sunt in medium allata.

2. *Impotentia lacrimandi* nonnullis accidit. In Annalibus Vratisl. (s) habetur casus viri, qvi dum visu pollebat, in egenos misericors, facilisque ad illacrimandum erat; oculis autem capto ne lacrimulam quidem elicere erat integrum, etiamsi forte de vita ipsi periclitandum fuisset. An id paralysi nervi lacrimalistribuendum?

3. *Visus acrior oculi sani* in monocula amaurosi venatori CAMERARII (t) raro exemplo obtigit; quandoquidem plane contrarium plerumque evenire observatur, videlicet

4. *Monocula amaurosis sanum quoque oculum serius citius corrumpit*, ut vel amaurosis perinde vel cataracta, &c. oborta ejus visum pessumdet; id quod nonnullis e brevi intervallo accidit, ut RAYGERI (u) vietori ac RICHTERI (x) venatori, quibus amau-

(r) Vide §. præced. No 1. 3.

(s) Tent. 13. A. 1720. Julii Cl. 2. art. 3. §. 1.  
P. 33.

(t) Vide §. 47. b)

(u) Vide §. 36. b).

(x) Vide §. 47. b).

rosis unum oculum ex alio intra breve tempus corripuit; Gallo PLATERI (y) cum sinister primum caligasset, lapso mense dexter etiam eodem vitio periit; id ipsum vero BAEUMLINI (z) vir intra octiduum, & post 7 dies NEBELII (a) æger, ac WEPFERI (b) mulier experta est. Aliis autem non nisi post longius tempus amaurosis ex uno oculo in alterum quoque migravit, ut LENTILII (c) futuri, juvenique GÜNZII (d). ADUS GABELCHOVERI (e) post biennium, HOFFMANNI (f) vir post 4 annos, post 6 annos COLLINI (g) virgo & STÖCKII (h) vidua, ac femina STÖRCKII (i) post 12  $\frac{1}{2}$  ann. id ipsum sustinere. c. s. YVES (k) omnibus iis id accidisse observavit, quæis amaurosis post præviam alterutri-

(y) Vide §. 31. b).

(z) Vide §. 39. a).

(a) Vide §. 74.

(b) Vide histor. 11.

(c) Vide §. præd. No 3.

(d) Vide §. 27. No 1.

(e) Vide §. 46.

(f) Vide §. 16. d).

(g) Vide §. 79. A.

(h) Vide §. 120.

(i) Vide §. 84.

(k) l. c. Cap. 27. §. 12. p. m. 321.



us oculi levem inflammationem cum dolore capitis e latere oculi affecti conjunctam oborta est; nam iisdem cum symptomatibus certo post tempore alterum quoque oculum amaurosis invaserat, nullis remediis profliganda.

## §. 59.

III. CURABILIS *ne unquam est amaurosis?* MAITRE-IEAN (l) esse perinde ait, quærere remedium adversus amaurosin, ac philosophorum lapidem conficere velle; & dum nonnulli curatam illam ab se crediderunt, certo existimari posse, ipsos sibi imposuisse, eo quod vel expansionem humoris vitrei vel nyctalopiam cum amaurosi confuderint. Mirum me hercle! si omnes ii casus, qui pro curatis amaurosibus habiti sunt, nullatenus ad amaurosin pertinerent. Novimus quippe, quid inter amaurosin ac nyctalopiam intersit. „ Amaurosis, inquit s. YVES (m), „ hactenus incurabilis censebatur; nihilo „ tamen fecius nonnulla mea exempla me „ contrarium docuere „. Perinde A. G.

(l) l. c. §. ult.

(m) l. 6.

RICHTERUS (n) „qvinqvies adultum con-  
„ firmatumqve morbum penitus fugavit, ali-  
„ qvoties incipientem discussit; qvibusdam  
„ etiam ægris, qvi perfecta amaurosi labo-  
„ rabant, tantillum lucis sensum restituit „.  
Nec aliis in eadem re felix defuit successus,  
ut deinceps ubertim videbimus. Certum in-  
terea est, summam semper hoc in morbo  
tollendo peritissimos qvosqve expertos fuis-  
se difficultatem. Imo ne in prognosi qvidem  
ab signis externis petita, e qvibus amauro-  
sin aliam non curandam, aliam curabilem,  
statuerunt, satis sibi adhuc constitere, velut  
F. HOFFMANNUS (o) „gravissimum (in-  
„ qviens) & pertinacissimum gutta serena  
„ est malum, & in primis si perfecta, si in-  
„ veterata fuerit, siqve senes, & elangvi-  
„ da subjecta, occupaverit, nullum medelæ  
„ relinquit locum... Contra malum recens,  
„ qvod imperfectum est, & in oculorum  
„ duntaxat tunicis hærentem agnoscit cau-  
„ sam, præsertim in junioribus & robustis  
„ subjectis, interdum sanatur. Non minus  
„ curationi cedit ea, qvæ periodica est, &  
„ a sola sangvinis stagnatione dependet:

---

(n) Obs. chir. l. c. p. 62.

(o) Med. rat. syst. l. c. thes. path. §. 11.

„ quæ vero paralyticis, aliisque capitis mor-  
„ bis jungitur, periculum portendit vix su-  
„ perabile „. Si jam prognoseos hujus,  
membra singula ad experientiam contenda-  
mus, apparebit, naturam industriæ humanæ  
sæpius fuisse magis propitiam, quam eam vo-  
bis HOFFMANNUS proposuerat. Etenim  
*perfecta* licet amaurosis, expugnata nihilomi-  
nus fuit in ægris compluribus ACRELII (*p*),  
rustica FOURNIERII (*q*), HEISTERI (*r*)  
muliere, matrona IANINI (*s*), viro LAMZ-  
WEERDII (*t*), centurione NEBELII (*u*),  
PÜSCHELII (*x*) milite, rustico RIBEI (*y*),  
pictore juvene RICHTERI (*z*) & Ecclesia-  
stico (*a*), viro SIGELII (*b*), aliisque. Ne-  
que *inveterata* etiam amaurosis omnem sem-  
per eludit medelam; nam quod in pluribus  
aliis morbis usuvenit, idem etiam in amau-

---

(*p*) Vide §. 115.

(*q*) Vide §. 112. a).

(*r*) Vide §. 73.

(*s*) Vide §. 106.

(*t*) Vide §. 100.

(*u*) Vide §. 97.

(*x*) Vide §. 66. No 5.

(*y*) Vide §. 63.

(*z*) Vide §. 68.

(*a*) Vide §. 64. No. 3.

(*b*) Vide §. 105.

rosi interdum est observatum, ut dum per initia omnem respuebat emendationem, ipsa temporis diuturnitate mitescens postea vel sponte desierit, vel idoneis cesserit remediis; & ne de vocabulo terminoque diuturnitatis ad inveteratam amaurosin requisito ulla lis oriatur, ponam ex ordine exempla amauroseos post varium tempus superatæ; atque ut a brevissima duratione ordiar, desit VATERI (c) juveni ACRELIIQUE (d) ægris compluribus post unam alteramve horam, post 4 horas commissario bellico RAYGERI (e), post  $\frac{1}{2}$  diem FRANCI (f) ægro, post 23 horas matronæ HOECHSTETTERI (g), lapso nycthemero feminæ CLAUDERI (h), HILDANI (i) homini, HURBOTII (k) puero, puerperæ MAURICEAUII (l), Ecclesiastico RICHTERI (m), Comitique

(c) Vide §. 9. No. 2 b).

(d) Vide §. 115.

(e) Vide §. 111.

(f) Vide §. 100.

(g) Vide §. 33. b).

(h) Vide §. 57. No. 1.

(i) Vide §. 39. b).

(k) Vide §. 47. c).

(l) Vide §. 94. e).

(m) Vide §. 64. No. 3.

RAYGERI (*n*) ; post 36 horas LENTILII (*o*) podagrico ; post biduum GÖCKELII (*p*) aurifabro , puellæ HANNAEI (*q*) , mulieri ISENFLAMMII (*r*) , intra 2. 3. dies quinquagenario STORCHII (*s*) , post triduum feminæ HILDESII (*t*) , post 6 dies HURBOTII (*u*) infanti , post octiduum LAMZWEERDII (*x*) ægro , post 9 dies HEYI (*y*) matronæ , post 10 & amplius dies HERMANNI (*z*) viro , post 18 dies HEERII (*a*) medico , post aliquot dies ægro WINCLERI (*b*) , post 3 hebdomades puero mendico GREDINGII (*c*) , post 4 hebdomades RICHTERI (*d*) puerperæ,

---

(*n*) Vide §. III.

(*o*) Vide §. 47. a).

(*p*) Vide §. 40.

(*q*) Vide §. 71.

(*r*) Vide §. 60. No 4. c).

(*s*) Ibidem g).

(*t*) Vide §. 104.

(*u*) Vide §. 47. e).

(*x*) Vide §. 100.

(*y*) Vide §. 106.

(*z*) Vide §. 46.

(*a*) Vide §. 30. b).

(*b*) Vide §. 68.

(*c*) Vide §. 35. d).

(*d*) Vide §. 86.



post 5 hebdomades virgini KALTSCHMIDII (e) & COLLINI (f) chirurgo, post 6 hebdomades puellæ MENZELII (g), post 7 hebdomades Commissario bellico ACRELII (h) & GRASSIO (i), post 8 hebdomades GOHLII (k) puellæ, post 9 hebdomades arthritico SCHMUCKERI (l), post aliquot septimanas ALBRECHTI (m) puerperæ, virisque KELLNERI (n) ac SCHIEBELII (o); post bimestre tere COLLINI (p) puellæ, GRADI (q) puero, & HEYI (r). Ad trimestre duraverat malum HEISTERI (s) ægræ, & ad 7 menses puero HOFFMANNI (t), & qvadragenariæ

---

(e) Vide §. 70.

(f) Vide §. 79. D.

(g) Vide §. 40.

(h) Vide §. 115.

(i) Vide §. 87.

(k) Vide §. 98. No. 1.

(l) Vide §. histor. 8.

(m) Vide §. 111.

(n) Vide §. 100.

(o) Vide §. 39. a).

(p) Vide §. 79. K.

(q) Vide §. 118. No 2.

(r) Vide §. 106.

(s) Vide §. 70.

(t) Vide §. 104.

TRECOURTII (*u*), 9 mensibus HEYI (*x*)  
 fossori, viroque PÜSCHELI (*y*), uno  
 anno ægræ FORMII (*z*), 17 mensibus  
 SCHMUCKERI (*a*) militi, sesqui anno RICHT-  
 TERI (*b*) juveni, biennio fere STÖR-  
 CKII (*c*) puerperæ, & KLEINII (*d*) æ-  
 gro, 27 menses SCHMUCKERI (*e*) puellæ  
 septenni, 4 annis FRANCI (*f*) quadrimulæ,  
 7 annis STÖRCKII (*g*) feminae, 8 annis  
 COLLINI (*h*) virgini, 9 annis HOLLE-  
 RII (*i*) ægro, decennium REUSNERI (*k*)  
 homini, 12 annos QVELMALZII (*l*)  
 juveni, 14 annos ægræ BRENDÉLII (*m*),

---

(*u*) Vide §. 113.

(*x*) Vide §. 106.

(*y*) Vide §. 66. No 5.

(*z*) Vide §. 118.

(*a*) Vide histor. 9.

(*b*) Vide §. 66. No 2.

(*c*) Vide §. 84.

(*d*) Vide §. 60. No 5. a)

(*e*) Vide §. 66. No 2.

(*f*) Vide §. 60. No 5. e).

(*g*) Vide §. 84.

(*h*) Vide §. 79. A.

(*i*) Vide §. 103. B. No 1.

(*k*) Ibidem.

(*l*) Vide §. 106.

(*m*) Vide §. 103. B. No 5.

STÖRCKII (n), aliquot annos HAGENDORNI (o) feminae annosæ, ac STÖRCKII quinquagenariæ (p) & viro quadragenario (q), nec non SPENGLERI (r) feminae a 5<sup>to</sup> 6<sup>to</sup> ve ætatis anno morbum hunc passæ. Sane postremi hi casus manifeste ad inveteratam pertinent amaurosin, feliciter tamen superatam. Senilis quoque haud semper est desperata, quippe quæ in sexagenario HALLERI (s), tum Antistite WEPFERI (t) tres supra sexaginta annos nata, nec non NEIFELDI (u) septuagenario curationem admiserit. Atque ut de *periodica*, quæ haud ita semper facile, ac HOFFMANNUS vult, remediis cedit, velut RICHTERUS (x) in quinquagenario viro expertus est, dicam nihil, certe nec illa, quæ *paralyti aliisque morbis capitis juncta* est, semper immedicabilis est habenda: sane in RI-

(n) Vide §. 84.

(o) Vide §. 120.

(p) Vide §. 84.

(q) Ibidem.

(r) Vide §. 106.

(s) Vide §. 90.

(t) Vide §. 43.

(u) Vide §. 33. e).

(x) Vide §. 90.

BEI (y) ruricola cum brachii dextri paralyfi, atqve in Antiftite WEPFERI (z.) cum hemiplegia fuit conjuncta, nihilo tamen minus fic fatis percurata. Neqve exceptione caret prognofis s. YVESII (a), qvi „ ali- „ qvoties obfervavit infanabilem effe amau- „ rofin, *a febre acuta*, facta ad nervos o- „ pticos metaftafi, ortam „. Etenim com- plures variorum Auctorum in contrarium ca- dentes obfervationes ei aperte adverfantur. Sex id genus ægris vifum ufu arnicæ refti- tuit COLLIN (b), qvem perinde QVEL- MALZII (c) juvenis ope electricitatis, ju- venis vero RICHTERI (d) ope folventium ac tartari emetici recuperavit. Idem fucces- fus fuit in binis ægris SCHMUCKERI (e), totidemqve aliis WEPFERI (f), ac tribus STÖRCKII (g). Nec *a luce* etiam inducta

---

(y) Vide §. 63.

(z) Vide §. 43.

(a) l. c.

(b) Vide §. 79.

(c) Vide §. 106.

(d) Vide §. 66. No 2.

(e) Vide ibid. & hiftor. 7.

(f) Vide §. 115.

(g) Vide §. 72. No 2. & §. 112. a).

amaurosis, ut NOOTNAGEL (*b*) notat, cunctis remediis major est, ut quam HEERII (*i*) Medicus feliciter propulsaverit. *Lentane an subita curatu facilior?* „ Benignior, rem plerumque esse morbum, qui subito, pertinaciorem, quando lente oritur, observasse mihi videor, inquit RICHTERUS (*k*), testaturque SCHMUCKER (*l*), felicior se plerumque fuisse in curanda amaurosi subito oborta, quam quæ lente obrepserat. Plerumque enim causa posterioris est vitium vel retinæ (ut varices, induratio, &c.), vel encephali ipsius (ut tumores, &c.) lente increscens nullaque arte amovendum. Haud ita tamen id accipiendum est, quasi lenta amaurosis nunquam, semper contra subita, curationem admitteret; nam & lenta remediis cessit in CAMERARII (*m*) studioso, BOERNERI (*n*) juvene, HEISTERI (*o*) femina, ægrisque HEYI (*p*) ac

(*b*) l. c. Sect. 1. §. 15.

(*i*) Vide §. 30. b).

(*k*) l. c. p. 73.

(*l*) l. c. p. 4.

(*m*) Vide histor. 1.

(*n*) Vide §. 98. No 2.

(*o*) Vide §. 73.

(*p*) Vide §. 106.



REUSNERI (*q*), & subita omnia elusit præfidia in ESCHENBACHII (*r*) medico, pyrotechna HEISTERI (*s*), milite MARCHETTI (*t*), fulgure percussis viro feminaque SCHMUCKERI (*u*), ac WANDELERI (*x*) juvene. Haud fecius res se habet, dum adest *amaurosis cum mydriasi vel cephalæa pertinaci*: utrinque enim gravior adesse videtur morbi causa, non tamen usque adeo semper contumax, ut nullatenus medelæ sit patiens: nam immobilis amplaque erat pluribus COLLINI (*y*) ægris, HEISTERI (*z*) mulieri, WATSONI (*a*) puellæ, SCHMUCKERIque (*b*) viris, &c. pupilla, qui omnes visum recuperarunt; contra ea D. NOOTNAGEL (*c*) „ vidit „ duos homines, quibus ab initio pupilla

(*q*) Vide §. 103. B. 1.

(*r*) Vide §. 73.

(*s*) Vide §. 16 c).

(*t*) Vide §. 47. b).

(*u*) Vide §. 30. c).

(*x*) Vide §. 31. b).

(*y*) Vide §. 79. A. fqq.

(*z*) Vide §. 73.

(*a*) Vide §. 40.

(*b*) Vide histor. 7. 8. 9.

(*c*) l. c. Sect. 1. §. 15.

„ mobilis erat, qui tamen, quidquid me-  
 „ dicamentorum quoque tentaretur, viden-  
 „ di facultatem non recuperarunt „. Idem  
 in HAENII (d) adolescente rustico erat  
 eventus, duobusque RICHTERI (e) amauroticis viris. Perinde, ubi cephalæa  
 gravior simul aderat, curati fuere alii, alii  
 neutiquam. Interea tamen pessima omnium  
 est *amaurosis cum pallore pone pupillam* ob-  
 servabili: „ id saltem adfirmare possum, in-  
 „ quit A. G. RICHTERUS (f), me nullum  
 „ amaurosi laborantem sanatum vidisse, cui  
 „ pallor notabilis pone pupillam erat, ut  
 „ itaque pallor ille semper mali ominis  
 „ sit „. Principio tamen, priusquam pror-  
 sus omnis visus periisset, nonnullos inter-  
 dum ab se curatos testatur SCHMUCKE-  
 RUS (g); at non sine diuturna remediorum,  
 usque dum efficaciam suam exeruissent, scil.  
 per semestre & amplius continuata, usurpa-  
 tione: ubi vero omnis jam visus intercidit,  
 nullis uspiam remediis, in annos etiam ad-

(d) Vide §. 116.

(e) Vide §. 90. & Obs. chir. fasc. 1. C. 13.  
 Obs. 8.

(f) l. c. fasc. 2. Cap. 5. p. 68. sq.

(g) l. c. p. 25.

hibitis quidquam fuisse profectum; quamvis interdum mutationis aliquid præstitisse viderentur. Ex his itaque abunde liquet, nullam omnino amaurosin, quibuscunque cum phænomenis, ita esse natura sua comparatam, ut de ejus exitu quidquam certi prædici queat; quandoquidem recuperandi visus successus aut desperatio in duobus vel maxime consistit, primum in causa morbi, tum vero in magnitudine læsionis modoque instrumentis visus illatæ. Etenim si causa morbum efficiens, ut est nervus pefsumdatus (*b*), tumor encephali (*i*), &c. auferri nulla arte potest, amaurosis utique insanabilis erit, quantumvis recens, cum pupillæ motu, &c. Quod si causa sublata haud fuerit difficilis, ut v. g. saburra primarum viarum, vermes, &c. etiam ipsa amaurosis post illam sublatam facile se se expugnari patietur, quibuscunque cum phænomenis fuerit conjuncta, modo causa illa non usque adeo læserit nervum opticum, ut iste post illius ablationem ad statum pristinum sanitatis reduci nequiret. Si enim, ut sæpe fit, a prægressis convulsionibus vel effusis humoribus, vasisve con-

---

(*b*) Vide §. 29. d).

(*i*) Vide §. 31. b).

tiguis infarctis, ita fuerat compressus, ut ablata etiam pressione paralyfis illius perstet non emendanda, visus nulla arte revocabitur, licet morbus fuerit recens, pupilla mobilis, nigra, &c. Sin minor erat pressio, ut ea sublata nervus haud difficulter nativum suum statum recuperet, amaurosis vel sponte vel idoneis remediis serius citius cedit, ut præclare notavit MORGAGNIUS (k). Utramque in partem serviet exemplum amauroseos a suppressis mensibus profectæ, quæis revocatis visus rediit ancillæ BLOCHII (l), HEISTERI (m) feminae, KALTSCHMIEDII (n) virgini, & quarum meminere RIEDLINUS (o), STÖRCK (p), WEBER (q), aliique: reversis vero licet catameniiis aut nullatenus rediit visus, aut valentioribus remediis revocandus erat, in casibus BLOCHII (r), HAENII (s),

---

(k) l. c. No 4.

(l) Vide §. 37. e).

(m) Vide §. 70.

(n) Ibidem.

(o) Vide §. 90.

(p) Vide §. 84.

(q) Vide §. 70.

(r) Vide §. 37. e).

(s) Vide §. 116.

SCULTETI qve (*t*). Perinde duplicis ejusdem eventus exempla præbet amaurosis ex convulsionibus oborta, ut superius (*u*) meminimus. Sic etiam a lumine perditus visus HEERII (*x*) Medico rediit, aliis non rediit. Hinc pro varia morbi causa varie quoque recuperari solet visus; namqve

§. 60.

IV. SOLVITUR interdum

I. *Sponte* natura, ut BOERHAAVII (*y*) Britanno & viro RIEDLINI (*z*) post crapulam exhalatam, post omissum usum vini medicati scholaribus BUCHOLTZII (*a*), post evanidam vim Belladonnæ mendico GREDINGII (*b*), & cerevisiæ narcoticæ LEDELIO (*c*). Desiit perinde sopitis nervorum turbis ESCHENBACHII (*d*) puero

(*t*) Vide §. 115.

(*u*) Vide §. 40.

(*x*) Vide §. 30. b).

(*y*) Vide §. 35. a),

(*z*) Ibidem.

(*a*) Ibidem d).

(*b*) Ibidem.

(*c*) Ibidem.

(*d*) Vide §. 40.



decenni, HOECHSTETTERI (e) puerperæ, calculosis HURBOTII (f), puellæ MENTZELII (g), MORGAGNII (b) matronæ, VATERI (i) viro feminæque, ac WATSONI (k) puellæ; finitis doloribus colicis PLATERI (l) ægræ, SMETII (m) mulieri ac famulo; cerebri pressione immixta in WEPFERI (n) antistite; restituta pristina humorum copia in agnata SALMUTHI (o), ac SCHIEBELII (p) centurione. Sic etiam I. I. SCHEUCHZERI (q) „ anniculus infans inde a fine Septembris „ post prævios subitaneos terrores, clamores, & convulsiones, cæcus. Exhibuit „ die 7<sup>ma</sup> Octobr.  $\nabla^x$  antispasm. fragariæ

(e) Vide §. 33. b).

(f) Vide §. 47. e).

(g) Vide §. 40.

(b) Vide §. 19 b).

(i) Vide §. 9. No. 2. b).

(k) Vide §. 40.

(l) Vide §. 41. b).

(m) Ibidem.

(n) Vide §. 43.

(o) Vide §. 39. g).

(p) Ibidem. a).

(q) Commenc. Norimb. T. 3. A. 1733. hebd. 21  
p. 163.

„ aa. ʒjʒ. Corall. r. ppt. ʒʒ. Cinnab. ppt.  
 „ ʒj. Die ioma trageæ stomachicæ, corall.  
 „ r. ppt. sem. fœnic. aa. ʒj. Postea diebus  
 „ 13. 20. 27. Octobr. præscripsit ʒ dulc.  
 „ pro dosi a gr. vj ad viij ascendendo. O-  
 „ mnia in vanum. Sed dimissus infans M.  
 „ Decembri visum plene recuperavit do-  
 „ mi,,. Huc etiam referendæ sunt amauro-  
 fes ex intervallis accedentes & sponte ite-  
 rum desinentes, velut in BUDÆI (r) vi-  
 ro, GUERINI (s) bajulo, matrona VA-  
 TERI (t), nec non D. L. EBERSBA-  
 CHII (u) scorbutica muliere, quæ in junio-  
 ri ætate sæpius 15. 30 dies visu carere sole-  
 bat, eundemqve rursus citra remedia cito  
 recuperabat. Non absimilem observavit  
 historiam E. HAGENDORNIUS (x) „ in  
 „ uxore pannificis cujusdam, dudum scor-  
 „ butica, quæ ultimis, quos vivebat, annis  
 „ sæpenumero visu omnimode per mensem  
 „ unum aut dimidium orbata fuit, sponta-

(r) Vide §. 37. a).

(s) Vide §. 34.

(t) Vide §. 9. No 2. b).

(u) Annal. Vrat. Tent. 31. A. 1725. Mart. Cl. 4  
 art. 9. p. 293.

(x) l. c. histor. 56.

„ neo tamen naturæ motu, an lusu, re-  
 „ deunte „.

2. *Convulsione.* Sic moniali GERBE-  
 ZII (y) reversa epilepsia amaurosin prius  
 post se relictam sustulit. Perinde s ALMU-  
 THI (z) hipparcho post lapsum furdo, cœ-  
 co, mutoqve, superveniens aliquoties epi-  
 lepsia loqvelam, auditumqve, ac demum  
 etiam visum pedetentim restituit.

3. *Febre.* Cholericus HERMANNI (a)  
 a metastasi 3<sup>NE</sup> præpostere tractatæ amauro-  
 sin passus, reversa febre visum recuperavit:  
 & „ feminam obstructis nervis opticis cœ-  
 „ cam, qvem olim adfectum Græci ἀμάρ-  
 „ ρωσιν, barbari guttam serenam appella-  
 „ bant, nullo in oculo vitiō adparente,  
 „ curatam vidit Patavi 1645. J. LEONICE-  
 „ NUS, ... postquam a partu febris vehe-  
 „ mentior oborta illam corripuisset „ inquit  
 G. H. VELSCHIIUS (b).

4. *Crisi* varia, seu variis evacuationibus  
 humorum, vermium, &c. spontaneis, cujus-  
 modi est.

(y) Vide §. 40.

(z) Vide §. 47. a).

(a) Vide §. 46.

(b) l. c. epifagm. 20.

a) *Epiphora*, cujus rarum exemplum narrat J. J. WEPFERUS (c), nempe mulier „ 28 annor. staturæ longæ, gracilis, „ bene colorata, A. 1684. mens. Mart. ab „ eqvo calcitrone & sternace iteratis vicibus vehementer succutiebatur, ut vix excussionem ex ephippio evitare potuerit. „ Inde caput partim a motu, partim ex timore casus valde turbatum fuit: visus obscurabatur, vertiginem quædam patiebatur, non raro, ubi locorum esset, ignorabat; quando rem planam (v. g. mensam) intuebatur, putavit unum extremum altum, alterum humile esse; in somno terrebatur sæpius; doluit vehementer sub mamma sinistra. Postea caput dolere coepit in vertice & nucha, hæ partes ceu ab affere premi videbantur, ac in vertice simul sensus magni frigoris aderat: cum cephalalgia somnolentia quædam jungebatur. Dolor per semestre nunc magis nunc minus sæviit. Circa principium Maji A. 1684. passa est diarrhœam cum torminibus. Propter cephalalgiam usa est pil. purg. & ceph. vesicatoriis, æstate acidulis; nunquam tamen penitus remisit.

---

(c) l. c. Obs. 181. p. 869.

„ Mens. Febr. 1685. concepit : statim a  
„ conceptione cephalalgia evanuit. Primis  
„ tribus graviditatis mensibus mane male in  
„ ventriculo se habuit, & aquosa evomuit;  
„ in oculis tamen & capite nihil adversi  
„ sensit. Die 1<sup>ma</sup> Decemb. 1685 peperit  
„ puellam : foetu & secundinis exclusis su-  
„ pervenit uteri hæmorrhagia larga, unde  
„ in leipothymiam 4 horis durantem inci-  
„ dit; postea lochia 3 septimanis bene ni-  
„ hilominus & rite manarunt, ac illis cessan-  
„ tibus fluor albus ad 7 septimanas, tunc  
„ redierunt lochia larga. In puerperio pas-  
„ sa quoque est Effere, diarrhœam, sitim,  
„ mammarum dextræ suppurationem. Hinc ad  
„ mens. Febr. 9<sup>no</sup> quoque die menses, sed  
„ parce, animadvertit, licet lactaret infan-  
„ tem. Die 10 Febr. 1686. doluit in fron-  
„ te supra supercilium dextrum mane usque  
„ ad meridiem, dolor erat punctorius ma-  
„ xime mane, quando surgebat, aut si o-  
„ culos movit: exacerbatur a sternutatione.  
„ Die 11 Febr. dolor mane mitior, postea  
„ vesperti sævior, hinc ad 15 Febr. diu no-  
„ ctuque afflixit. Die 16 Febr. dolor peni-  
„ tus remisit. Circa 14 & 15 Febr. visus  
„ plane in oculo dextro periit. Catapla-  
„ sma oculo imposit. ex album. ovi cum  $\nabla$  a  
„ ros. conqvassat. & croc. Nuchæ applicita



„ fuit caro vitulina. Dolore in fronte sub-  
„ lato fenfit tamen punitionem in tempore  
„ dextro. Die 19 Febr. 1686 Scaphufium  
„ venit; oculo finiftro claufo nihil penitus  
„ vidit, nec veftigium lucis in oculo dextro;  
„ pupilla valde dilatabatur, nigerrima erat.  
„ Vefperi applicui empl. veficatorium poft  
„ olecrana, veficas magnas utrinque exci-  
„ tavit. Die 20 Febr. vefperi vidit rurfus  
„ manum, poftea digitos, caput, &c. Die  
„ 21 adhuc melius vidit objecta in umbro-  
„ fo loco fita, non autem nimium a sole  
„ illuftrata. Die 22 Febr. fumpfit mane pil.  
„ hydrot. D. D. SECRETAE cum ꝑ dulc.  
„ purgavit bis, vifus in eodem ftatu manet.  
„ Sub utroque deltoide impofui empl. vefi-  
„ cat. Anteqvam hinc difceffit matrona  
„ hæc, vidit fatis diftincte. Die 22 Mart.  
„ manfit affectus in eodem ftatu, impofuit  
„ empl. veficat. poft olecrana: nihil effecit  
„ a pil. purg. die 1 purgabatur 15 vicibus,  
„ feq. die adhuc 5. fine majori levamine.  
„ Videt omnia, fed ceu per nebulam ni-  
„ gram. Jam a die 6 oculo finiftro obver-  
„ fatur quoque nebula, quæ, fi manu ocu-  
„ lum breviter demulcet, fecedit: id eve-  
„ nit sæpius per diem. Pergit Trag. quam  
„ fvali ex rad. valerian. fem. fcenic. &c.  
„ petiit empl. veficat. Die 2 Apr. fcribit:

„ hætenus visus manet in eodem: vesicato-  
 „ ria & ☿ sem. fœnic. nihil ulterius præ-  
 „ stant; subinde nebula bono oculo obver-  
 „ satur: veretur deteriora... Die 10 April.  
 „ omisit pilulas, quia gravidam se putavit:  
 „ adhibuit vesicat. usa ☿ anis. Die 8 & 9  
 „ Apr. menses largiter redierunt. Ambo o-  
 „ culi a biduo manant & rubent. Nunc  
 „ oculus affectus similis sano est quoad ma-  
 „ gnitudinem, colorem, & constitutionem  
 „ pupillæ: objecta distincte, eorumque co-  
 „ lorem ad distans, sed ceu per nebulam,  
 „ videt. Noctu in tenebris scintillæ oculis  
 „ obversantur... Die 12 Apr. ambo oculi  
 „ mane post somnum rubent, pruriunt:  
 „ chorda ab humero ad olecranon extendi-  
 „ tur, quæ ab attactu dolet; an a Væ Se.  
 „ & scarificatione intermissa vel a defluxione  
 „ veniat? nescit. Die 14 April. ipsam con-  
 „ veni. Ambæ oculorum pupillæ similes,  
 „ nigræ, & parvæ erant, poma non rube-  
 „ bant, vidit omnia distincte utroque ocu-  
 „ lo, etiam in tabula geographica literas,  
 „ & in horologio parvo numeros distantia  
 „ 3 passuum, licet characteres parvi essent,  
 „ vidit & legere potuit; etiam ex libris im-  
 „ pressis legere valet; agnoscit quoque  
 „ rursus colores; ait tamen in oculo dextro  
 „ se ceu per nebulam nigram, in sinistro ceu

„ per

„ per nebulam lucidiorem, videre. Mane  
„ oculi conglutinantur, & interdiu aquam  
„ ex oculis, imprimis vesperi, manare;  
„ quamvis circa meridiem nullam videre  
„ potuerim, nihilominus plus, quam so-  
„ lent, maduerant.... Caput nec quicquam  
„ amplius dolet. Hodie adhuc menses lar-  
„ ge manarunt. Tumor nunc concolor in  
„ brachio sinistro erat, inflatio quædam seu  
„ impletio musculi brachii attracta a vesica-  
„ toriis: primum in illo observabatur stria  
„ rubra, doluit valde per diem unum atque  
„ alterum; sed nunc dolor & rubor evanue-  
„ runt, & tumor imminuitur, dolet parum  
„ adhuc a fortiore actu. Appetit, sitit  
„ subinde valde, forte ob fluxum mensium  
„ largiorem. Pruriunt tibiæ & femora, a  
„ perfrictione emergunt pustulæ. Infantem  
„ ablactavit. Svasi 1. ut purgaretur semel  
„ in septimana pil. ceph. 2. ut singulo m.  
„ & v. fumeret ʒj ð ex rad. valerian. silv.  
„ pœon. sem. fœnic. cubeb. succin. C. C.  
„ ph. pp. ol. nuc. M. expr. 3. Vena seca-  
„ retur 26 April. 4. scarificetur alternis  
„ mensibus ante vel post novilunium. 5.  
„ fonticulus inureretur propediem. Com-  
„ mendavi accuratam diætam. Die 12 Apr.  
„ me convenit maritus, ac narravit, uxo-  
„ rem in dies melius habere, caput nec

„ dolere nec gravatum esse : illam distinctius  
 „ in dies & clarius videre , oculos tamen ad-  
 „ huic mane madere , etiam defluxiones ad  
 „ utramque aurem fieri , ac si visus obstacu-  
 „ lum circa nervos opticos hærens penitus  
 „ resolveretur , & alibi exitum quæreret ;  
 „ quin etiam dolorem & tumorem brachii  
 „ penitus evanuisse. Die 27 Junii ipsam  
 „ conveni : oculo dextro rursus omnia di-  
 „ stincte videt , colores dignoscit etiam e  
 „ longinqvo , nebula tamen oculo obversa-  
 „ tur , quandoque etiam sinistro : caput nec  
 „ vel minimum dolet. Malum mortuum ti-  
 „ biam utramque defœdat. Qveritur de  
 „ ventriculi debilitate, ejusque dolore, ma-  
 „ xime noctu & summo mane, sine vomitu.  
 „ Insomnia patitur terrifica , atque inde ex-  
 „ pergiscit, & artubus tremit, vixque pe-  
 „ dibus insistere potest. Misi ☿ stomach.  
 „ empl. de lithargyr. empl. vesicat. Rursus  
 „ gravida optime se habuit mense Novem-  
 „ br. 1686,,.

~ b) *Fluxus narium, aurium.* A. G. RICH-  
 TERUS (d) „ feminam novit, cui utriusque  
 „ oculi amaurosi perfecta laboranti rediit  
 „ subinde , orto uberiori mucis ex naribus



„ profluvio, tantillum videndi facultatis,  
 „ periit iterum naribus siccescentibus „. Per-  
 inde LAUBII (e) operario nautico fluente  
 ex aure læva pure visus obscuritas minueba-  
 tur, aucta rursus illo subsistente.

c) *Ptyalismus*. I. F. ISENFLAMMII (f)  
 matronæ hyeme in supremo ædium tabulato  
 sub tecto habitanti, dum mane lævum in la-  
 tus cubaret, totum latus dextrum præsertim  
 faciei nix trans imbrices tecti delapsa coope-  
 ruit. Unde illico sensit dextrî oculi amauro-  
 sin cum pupilla admodum dilatata & ad  
 lumen cerei prorsus immobili. Væ So, ve-  
 ficans nuchæ, cum aliis remediis non mul-  
 tum mutationis fecere. Biduo post sponte  
 largus ptyalismus obortus est, quo salivam  
 intra diem ad ℥jv. rejecit. Negotio hoc  
 naturæ relicto, præter unicum collutorium  
 e decocto althææ & fl. anthos usurpatum,  
 post aliquot dies minuebatur salivatio, ac  
 tandem desiit, visu oculi dextri sensim ad  
 pristinum statum redeunte. Poteſtne (qvæ-  
 rit Cl. Auctor) casus hic a nervo qvinti pa-  
 ris in oculo distributo repeti?

---

(e) Vide §. 31. b).

(f) l. c. §. 29. p. 91. sq.



d) *Emefis*. T. BARTHOLINI (g) virgini 25 annor. a janua capiti illisa post copiosum feri ex oculis, purisque e naribus, fluxum secuta est plena cæcitas cum palpebris clausis, bulbisque deorsum ad internos canthos detortis, ac subinde præter voluntatem leviter motis. In cranio circa futuram lambdoideam sinus visebatur. Post usum pil. cephalicarum, lucis, cochiarum, panchymag. CROLL. cum resina Jalappæ, emplastrique de betonica raso capiti impositionem, datasque subinde pil. de Succin. CRAT. atque alia pro re nata non neglecta, cum aliquando vomitus fuisset abortus, oculi converti sensim cœperunt, pupillæ ad locum solitum erigebantur, attollebantur palpebræ, virgoque objecta obscure primum, tum sensim clarius usurpabat.

e) *Alvus*; quandoquidem teste A. C. CELSO (h) „nonnulli, cum aliquamdiu nihil vidissent, repentinâ profusione alvi, lumen receperunt,„ Cum primis vero opitulantur hic per alvum *vermes* excreti. Apud C. F. PAULLINI (i), „puellus forte

(g) Misc. nat. cur. dec. 1 ann. 2 obs. 166.

(h) De medicina L. 6. C. 6. art. 37. p. m. 296.

(i) Obs. med. phys. Cent. 3. Obs. 69.

„ quinquennis repente cæcus fit. Expulsis  
„ autem lumbricis terribilis conspectus (in  
„ dorso siquidem toti hispidi erant, uti eri-  
„ naceus) visum recuperavit „. Quod idem  
in HIRSCHELII (k) ac VANDERMONDII (l) casibus evenerat.

f) *Mensium, lochiorum fluxus.* Ab horum enim defectu amaurosim sæpenumero nasci superius (m) vidimus: hinc si demum erumpant, nervo optico non dum ita læso, ut pristino suo vigori restitui nequeat, visus etiam recuperatur. Sic J. N. PECHLINI (n) serva ad 16 annos nata, sæpiusque dolorifica mensium erumpere conantium molimina experta, cum hi jam jam erupturi viderentur, mutata symptomatum scena in cephalalgiam intolerabilem, eiqve per vices intercalatam amaurosin (sangvine ad caput converso) periodice incidebat. Atsecta demum tempore insultus in pede vena & amaurosis illico desiit, & menses inde post 4 dies erupere. Eundem quoque successum a mensibus reversis experta est RIED-

---

(k) Vide §. 68.

(l) Vide §. 71.

(m) Vide §. 37. e).

(n) Obs. phys. med. L. I. Obs. 42. p. 96.

LINI (o) virgo, ancilla BLOCHII (p),  
 ALISCHERI (q) puella, ægrotæque  
 HEISTERI (r) ac STÖRCKII (s). Idem  
 quoque est de superveniente aut reverso  
 lochiorum fluxu observatum. I. E. ROT-  
 HARTI (t) matrona undevadraginta an-  
 nor. ab adolescentia crebræ vehementique  
 cephalææ, qua mater quoque ejusdem la-  
 borabat, obnoxia, ante 9 annos cum mor-  
 billis, ac post hos febre acuta inflammato-  
 ria, pleuritide, vehementibus capitis dolo-  
 ribus, ac diuturna alvi obstructione conflict-  
 ta, post gravem iram continuo scintillas &  
 fulgores præ oculis conspicabatur, qveis  
 convulsiones succedere, amaurosin post se  
 relinquentes. Omnia autem hæc tum plane  
 desierunt iterum, præter cephalæam, quæ  
 etiam demum sanguinis missionibus (quamvis  
 & menses rite ubertimque haberet, & mul-  
 tum fluerent hæmorrhoides), eccoproticis,  
 præcipitantibus, pediluviiis, aliisque deri-

---

(o) Vide §. 90.

(p) Vide §. 37. e).

(q) Vide §. 70.

(r) Ibidem.

(s) Vide §. 84.

(t) Beiträge zur pract. Arzneiwissenschaft, 6te  
 Krankengeschichte p. 46. sqq.

vantibus, ac præsertim ufui foteriarum aquarum ferique lactis æstivo tempore, cessit. Prægressa æstate gravidam iterum factam ob ærumnas animi frigidumque conclavis pavementum cephalæa rursus, invasit, sequente visus hebetudine ad obscuracionem usque incresciente, cum pupillis diffusis, nec nisi parum admodum ad clarum lumen mobilibus; pedes frigebant tumidi; sapor in ore amarus. Facta in brachio Væ Se datum catharticum, & ob frigidum pedum oedema decubitus in lecto dies aliquot imperatus. Pedes detumuerunt, mansere cetera. Idcirco tusa pedis vena catharsis iterata; sed omnia incassum. Data itaque resolventia incidentia in potu, & ℞es e sale ☐, & crudo, sulph. ☉, camphora, res. Gvaj. quorum usu exanthema faciei, externis prius retropulsum, effloruit, cujus eruptio dum lecti vestiumque calore, continuatoque remediorum usu adjuvatur, oborto desidendi stimulo ac partus doloribus, abortus, quemadmodum bennio ante, foetus mortui est secutus, cui post exemptam placentam resitantiem succedens, ut fit, hæmorrhagia visum illico restituit; sed hac demum cessante, humoribus caput repetentibus, cum visus hebetudo renasceretur, ∇<sup>x</sup> amaræ, vini medicati, feri lactis, aquarum Selteran. & Pyrmont. ac de-

mum elix. visceral. HOFFM. cum ejusdem liqv. anod. usu semestri, & dato qvovis bimestri cathartico, sectaqve 3<sup>tio</sup> qvovis mense vena, nec non qvolibet vere fero lactis cum dictis aqvis soteriis usurpato convaluit. Perinde E. GÖCKELIUS (u) meminit gravidæ circ. 30 annor. melancholici temperamenti, quæ post sævos capitis dolores cum vertigine toleratos tanta oculorum caligine correpta est, ut nil visu cognoscere nec discernere qviret, exigua aliqva tantum lucula superflite. Datis interea remediis idoneis, imperataqve bona diæta, melius habuit, partu vero levata visum recepit pristinum. Id ipsum ter est experta matrona SCHMUCKERI (x).

g) *Abscessus apertus* seu sponte seu arte, qui encephalon aut nervos opticis nervis consentientes insidebat. Pertinet huc in primis I. STORCHII (y) observatio de viro 50 annis majore, qui ejusmodi abscessu purulento laborans 2. 3ve diebus perfectam amaurosin passus est, usqvedum rupto intra fauces abscessu plurimum pus ore excrevisset: quo facto visum recuperavit.

(u) Gallicin. med. pract. Cent. 1. Consil. 89.

(x) Vide §. 27. No 2.

(y) l. c. ann. 3. Maji Cl. 4. No 7. p. 298.



5. *Metastasi* materiæ nervos opticos prementis ad vasa remotiora, præsertim eadem, e quibus illa ante depulsa ad encephalum se subduxit. Sunt autem multifariæ id genus metastases, aut multo potius earum modi, quævis amaurosis solvitur, scilicet.

a) *Exanthemata* seu febrilia seu chronica. Ita L. G. KLEIN (z) „in memoriam „recurrat (ait) cæcitas biennis, ex achoribus „inducta puero, variolis superata„. Id quod vel maxime tunc obtinet, dum amaurosis ab retropulso id genus exanthemate est oborta, quo reverso illa haud raro evanescit. Sic *purpura* revocata CONSRUCHII (a) feminæ, *achores* reversi puero MÜLLERI (b) visum reddidere.

b) *Plica Polonica*, quæ evoluta amaurosis desinit FISCHERI (c) nobili, septuagenario NEIFELDI (d), SCHULTZII (e) Canonico, ac militi SENNERTI (f). Ne-

---

(z) Interpr. Clinic. p. 293.

(a) Vide §. 69.

(b) Vide §. III.

(c) Vide §. 38. c).

(d) Ibidem.

(e) Ibidem.

(f) Ibidem.

que forte male BOXBARTERI (g) monachum huc retuleris.

c) *Dolor* vel capitis vel juncturarum superveniens. Sic „PAUSANIAS (b) in „Messenniacis memoriæ prodidit, OPHIO- „NEM vatem, qui a primo statim ortu cœ- „cus fuerat, rursus oculorum usum mirabili admodum casu recuperasse. Nam cum „ingenti capitis dolore laborasset, post adversam illam valetudinem subito luminis „compos est factus „(i). Perinde rheumaticus dolor brachii SIGELII (k) ægro reversus spem recuperandi visus præbuit.

d) *Icterus*. Singulare hujus metastaseos exemplum præbet R. LENTILIUS (l): amaurosi, inqviens „corripitur 1696 mense „Januar. mulier 40 annor. cum per hebdomadas aliquot coryza cum tussi laborasset, „lintheaminibus consuendis nihilominus occupata. Ea, me ipso desperante, ne tamen nihil egisse viderer, cephalicis pilulis purgata, datum ungv. ophthalmicum,

(g) Vide §. 27. No 2.

(b) Lib. 4.

(i) I. SCHENCK Obs. med. L. I. fol. m. 159.

(k) Vide §. 106.

(l) Miscell. med. pract. P. I. p. 221.

„ primo in cervice vesicatorium, hinc post  
 „ ambas aures. Sudorifera, & tragea oph-  
 „ thalmica SECRETAE, quæ sequitur, data,  
 „ primo intuitu omnia irrita cum successu:

R. Sem. fœnic. ℥j

Rad. pœon. mar.

Herb. ac fl. euphrag. aa. ℥ss.

Ocul. cancr. ℥ij.

Cinnam.

Fl. ros. r. aa. ℥j.

Sacch. alb. ℥jss. F. ♂ subtil.

„ Nil quidquam aspectu externo in oculis  
 „ peregrini. Ipsa vero ante, quam visum  
 „ amitteret, se atro colore tincta videre as-  
 „ ferebat, candido non item: imo ne flam-  
 „ mam ignis aut candelæ. Noctu interdum  
 „ fulgor quasi subitaneus in utrisque oculis.  
 „ DEO tamen mirabiliter juvante per ea,  
 „ quæ diximus, remedia, quæ inter sudo-  
 „ riferum tale erat:

R. ♂ diaph. C. alc. philos.

Cinn. nativ. aa. ℥j

Rob Samb. ℥j. M. Capiat mane

„ tertiam partem pro sudore, visum ...  
 „ sensim recepit; præcipue cum ictero insu-  
 „ per, fallor? an critico? cum signis febris  
 „ intermittentis corriperetur, quibus oppo-  
 „ sui ♂em febrifugum & aperientem ex rad.  
 „ gentian. cort. fraxin. & sal. absinthii cum

„ tragea ophthalmica alternis usurpandum „.

e) *Struma* ne oborta, an remedia sustulere amaurosin imperfectam in G. FRANC 1 (m) casu? „ Filiola (narrat ille) 4 annos „ nata . . . febre maligna cum insolito calore „ corripitur, qva licet percurata, haftenus „ tamen a 4 annis tanta visus hebetudine „ laborat, oculis cetera clarissimis & puris, „ (ceu in amaurosi fieri amat) interim ni- „ hil ut possit videre distincte, & parum ad- „ modum prospicit, si proxime oculis rem „ videndam adhibet. Post purgantia dedi „ morsulos meos cephalicos, & balsamum „ apoplecticum vertici & nuchæ & tempo- „ ribus illinendum, aqvamqve spirituofam „ compositam, qvam & naribus attraheret, „ & oculis instillaret. Inde visum clariorem „ recepit; sed haftenus in collo struma est „ exorta, cui curandæ nunc operam da- „ mus „.

f) *Cataracta* ne amaurosin solvit? Cum multa de utroque hoc morbo præclare observata A. G. RICHTERO debeamus, ad istud quoque nuper admodum primus nos, pro ea, qva est in cunctis amauroseos adjunctis detegendis sagacitate, animum ad-

---

(m) *Misc. nat. cur. dec. 2. ann. 3. Obs. 202.*

vertere iussit. En verba Ejus & casum (n) !  
„ Vir 20 annos natus , corpore robusto,  
„ obeso , procero præditus , ad vehemen-  
„ tes animi affectus pronus , bis podagram  
„ passus , visum utriusque oculi sponte &  
„ sensim perdidit adeo , ut tandem minora  
„ objecta non omnino , majora non nisi con-  
„ fuse discerneret. Cum pupilla utriusque  
„ oculi nigra purissimaque esset , amaurosi  
„ illum laborare in aprico erat. Innumera  
„ ille adhibuit remedia , imo salivationem  
„ passus est , ast frustra. Elapso anno pu-  
„ pillam utriusque oculi obfuscari incepit,  
„ tandemque vera cataracta orta est. Quo  
„ facto Gottingam venit , ut cataractam illi  
„ extraherem. Invitus operationem per-  
„ egi ; duplici enim morbo oculos laborare,  
„ amaurosi scilicet & cataracta , credere fas  
„ erat. Accedit , quod uterque oculus tam  
„ mira sensibilitate affectus , lucisque adeo  
„ impatiens esset , ut obtectos ægrotus fere  
„ semper haberet oculos , & lucem paulo  
„ vividiorum non sine summo dolore ferret.  
„ Pupilla coarctata valde erat , imo fere  
„ clausa , simulatque lumen ad oculos per-

---

(n) l. c. Fascie. 3. Cap. 5. p. 64. sqq.



„ veniebat. Mirum sane hoc erat ; uter-  
„ que enim oculus cataracta penitus occæ-  
„ catus erat. Interim tamen cum mobilis  
„ esset pupilla, cataracta boni coloris, ægro-  
„ tusque lucem & tenebras distingveret, an-  
„ nui ægroti votis, & operationem peregi.  
„ Nil sub illa accidit, quod memoratu di-  
„ gnum est, si id excipis, quod cornea vix  
„ incisa cataracta sponte & impetuose profi-  
„ laret. Tanta itaque erat oculi sensibilitas,  
„ ut spasmo violento sub operatione con-  
„ strictus cataractam exprimeret. Ingentem  
„ quotidie per 3 fere hebdomades lacryma-  
„ rum copiam oculus eructavit ; ejusmodi  
„ autem profluvium illis plerumque contin-  
„ gere observavi, qui rheumaticis arthriti-  
„ cisque affectionibus obnoxii sunt. Nihil ex-  
„ terne adhibui præter facculos herbis aro-  
„ maticis repletos ; humida enim ejusmodi  
„ oculos haud ferre observatio me docuit.  
„ Parvi momenti fuit inflammatio. Dissipa-  
„ ta humiditate visus restitutus est integer,  
„ & , quod mirum est, pupilla ampla jam  
„ apparuit, oculusque vividissimam lucem  
„ haud moleste tulit. Tertius jam annus  
„ post operationem præterlapsus est, & æger  
„ tam egregie oculo suo utitur, ut ope spe-  
„ cilli facile commodeque scribat, legat-  
„ que, ... An materia quædam morbosa pri-

„ mum ad nervum opticum vel retinam de-  
 „ lata, hanc dein reliquit, & ad lentem  
 „ crySTALLINAM defedit? Ita videtur. Potest  
 „ itaque amaurosis in cataractam mutari,,.

§. 61.

V. REVERSIO *visus* non una eademque ratione omnibus accidit. Etenim visus acies

I. *Intensitatem* pristinam haud semper attingit; siquidem interdum

a) *Unius oculi* tantum recuperatur visus, altero manente amaurotico, velut accidit HEYI (o) sutori, NEBELII (p) quinquagenario, feminæ STÖRCKII (q), ac STORCHII (r) puellæ; aut vero

b) *Obtusior* in alterutro vel utroque oculo, quam ante fuit, reperitur, qualem sensit GRASSIUS (s) in suo oculo affecto, in sinistro PÜSCHELII (t) æger, & Antistes WEPFERI (u), in utroque RIBEI (x)

(o) Vide §. 106.

(p) Vide §. 74.

(q) Vide §. 84.

(r) Vide §. 36. b).

(s) Vide §. 87.

(t) Vide §. 66. No 5.

(u) Vide §. 43.

(x) Vide §. 63.

bini, totidemque RICHTERI (y) juvenes, centurio SCHIEBELII (z), TIMÆI (a) vir, ac civis WOGAUII (b). Imo alias

c) *Perfecta amaurosis imperfectam post se relinquit*, non amplius emendandam, idque vel in alterutro tantum vel utroque plane oculo. Sic pannificis HEYI (c), cum dexter oculus pristinam recepisset visum a-  
ciem, sinister non nisi sinistrorsum sita ob-  
jecta discernere valebat. Ejusdem (d) fossor  
perinde in latus tantum detortis oculis ob-  
jecta certius determinabat. HOFFMAN-  
NI (e) vero puella haud nisi dimidiata cor-  
pora sub determinato oculorum situ conspi-  
cabatur.

2. *Gradibus multifariis*, ac miris nonnun-  
quam, increfcere observatur; nempe sunt  
ægri, in quibus

a) *Unus primum, serius inde alter o-  
culus visum recipit.* CONSBRUCHII (f)

(y) Vide §. 66. No 2.

(z) Vide §. 39. a).

(a) Vide §. 35. a).

(b) Vide §. 46.

(c) Vide §. 106.

(d) Ibidem.

(e) Vide §. 38. b).

(f) Ibidem.

femina dextro prius, ferius lævo oculo videre cœpit, quod idem fere in SCHMUCKERI (g) puella observatum est; Antistiti autem WEPFERI (h) anno tardius dextro in oculo visus, quam in sinistro, comparuit. In aliis autem ægris

b) *Partitim quasi eidem oculo videndi facultas redit*, velut SALMUTHI (i) hipparcho, qui initio in altum sublata tantum objecta conspiciabatur, usquedum gradatim eadem humiliter locando ac intuendo in omnidemum situ videre posset. Rursus in aliis

c) *Perludibria optica oculi ad visum inculpatum contendunt*. Sic visum prius duplicatum GRASSIUS (k) ante expertus est, quam sanorum more videre posset; quod idem etiam HEERII (l) Medico accidit, præterquam quod postea alieno quoque loco objecta aliquamdiu sit conspiciatus, usquedum rite videre posset. Denique

d) *Colorum etiam vicissitudines nonnulli ita experiuntur*, ut a cœruleo sensim ad

---

(g) Vide §. 66. No 2.

(h) Vide §. 43.

(i) Vide §. 47. a).

(k) Vide §. 87.

(l) Vide §. 30. b).

lucidiores, ordine fere sibi in iride succedentes, videndi facultas progrediatur. Ita HAL-  
LERI (*m*) sexagenarius diu neque albi neque  
rubri sensum habuit, cum haberet viridis aut  
cœrulei. Perinde HEYI (*n*) matrona sub ini-  
tium redeuntis visus lucem a radiis non nisi  
oblique in pupillam incidentibus percipiebat,  
eique tunc omnia apparebant cœrulea, quod  
& MARTEAUII (*o*) adolescenti accidit.  
Haud secius MAYRI (*p*) miles cum redeunte  
visu oculos in radium solarem prismaticè in 7  
primigenios colores diremptum coniecisset,  
nullum primum eorum præter violaceum,  
postea vero etiam flavum, & erubro aliquid  
discernebat.

---

(*m*) Vide §. 90.

(*n*) Vide §. 106.

(*o*) Vide §. 40.

(*p*) Vide §. 107. No 3.











